

SC. SUP. 7. PL. 5.





2-3-3-3)

V I T Æ
ITALORUM


DOCTRINA EXCELLENTIUM

DE CAS V.


AUCTORE

ANGELO FABRONIO

ACADEMIÆ PISANÆ CURATORE;



EXCUDEBAT FLORENTIÆ
CAJETANUS CAMBIASIUS



SUPERIORIBUS ANNVENTIBUS
MDCCLXXV.

39-3-E-3/1 V

MURDOCK

DEPARTMENT OF THE ARMY

WASHINGTON

OFFICE

CHIEF OF BUREAU

RECEIVED



RECEIVED
DEPARTMENT OF THE ARMY
WASHINGTON
JAN 10 1917

lij

MARIÆ TERESIÆ

AUGUSTÆ

APOSTOLICÆ REGINÆ



Uæ de Caroli VI.
Cæsaris immortalibus lau-
dibus attigi in Vita Apo-
stoli Zeni, quæ TU clarif-

* 2

fimi

siml Patris exemplum se-
 cuta in illum ipsum con-
 tulisti beneficia, quæ con-
 stanti & perpetua volunta-
 te geris ad litteras, litte-
 ratosque viros decorandos,
 satis justas esse causas pu-
 tavi a TE postulandi, ut
 Augustum tuum Nomen
 in hoc libro mihi inscribe-
 re vliceret. Benigne porro
 a TE mihi factum est; sed
 quia nihil vulgare MAJE-
 STATE TUA dignum vi-

deri potest, vellem equidem, ut beneficii magnitudini, quod offero, donum responderet. Tum & mihi plurimum gratularer, & non mediocriter summorum virorum, quorum res gestas historiæ mandavi, felicitati additum arbitrarer, quod ornamenta honoris, monumenta gloriæ, laudis insignia, quæ magnis laboribus sibi pepererunt, in

tua

tua tutela esse volueris.
 Vive diu Religionis præ-
 sidio, litterarum decori,
 Reipublicæ bono, sæculi
 felicitati.

Devotus MAJESTATI TUÆ

Angelus Fabronius.

I N D E X

V I T A R U M.

I.	<i>Apostolus Zenus.</i>	pag.	I.
II.	<i>Petrus Antonius Michelius.</i>	pag.	82.
III.	<i>Thomas Vincent. Monelia.</i>	pag.	148.
IV.	<i>Nicolaus Steno.</i>	pag.	179.
V.	<i>Michael Ang. Riccius.</i>	pag.	245.
VI.	<i>Jacobus Stellinius.</i>	pag.	269.
VII.	<i>Philippus Bonarrotius.</i>	pag.	306.
VIII.	<i>Mich. Angelus Tillius.</i>	pag.	355.
IX.	<i>Ramirus Rampinellius.</i>	pag.	388.
X.	<i>Guido Grandius.</i>	pag.	428.



APOSTOLUS ZENUS.



Postolus Zenus Venetus, cum unus inter omnes excelleret cognitione antiquitatis, & illius præsertim, quam medii ævi & historiæ literariæ nomine appellamus; cumque non modo ad hanc illustrandam, sed etiam primus Italorum ad melodramata scribenda mirum acumen, prudentiam, perspicuitatem & elegantiam Etrusci sermonis contulisset; iisque esset moribus, ut præberet omnibus illustre humanitatis & innocentiae exemplum, eam obtinuit gloriam, quam pauci postea sunt consecuti. Nec deerat illi etiam antiquitas generis. Erat enim Patriciorum ejusdem nominis gentilis, quamvis Venetæ nobilitatis jure minime frue-

A

retur

retur. Se tamen nobilem Cretensem appellabat, quod eius familia V. fere ante sæcula deducta in illud regnum cum Venetorum colonia manserat ibi in honore ac dignitate, quoad ipsum in Turcarum potestatem venit. Natus est III. Id. Decembres an. MDCLXVIII. Petro Zeno, qui satis laudabiliter Venetiis medicinam faciebat, & Catharina Apostoli Sevasio, cuius gens patrum memoria potuerat multum in Cretensi insula nobilitate & opibus. Pater mature decessit filios relinquens duos Apostolum & Nicolaum adhuc in teneris, qui matris diligentiae concrediti satis feliciter ætate & moribus procedebant. Hæc, quamvis non multo post nupserit nobilissimo viro Antonio Cornelio, non tamen Apostoli curam dimisit, dum Nicolaum apud se haberet aleretque illius Patruus Episcopus Justinopolitanus. Sed hoc e vivis erepto post. id. Aug. an. MDCLXXX. Nicolaus Venetias venit, ut cum fratre operam studiis daret in Seminario, quod ab loco appellatur

Castel-

Castelli, quodque regunt Religiosi viri Somaschi. Ibi in Rhetorica præceptorem habuerunt Augustinum Rizzottum Venetum: philosophicum vero stadium cucurrerunt, præeunte Claudio Ugone Brixiano. Sic igitur fratres ingenium excolebant paribus quidem studiis, licet dispari fructu: Apostolus enim Nicolao multum ingenio antistabat. Sed de hoc satis. Plurima enim alii de eo nobis scripta reliquerunt. Apostolus barbariem, quæ tunc dominabatur in scholis, feliciter declinavit; mansuetiorumque musarum valde studiosus jam ab an. MDCLXXXIV. carmina elucubraverat, quæ *Venetum incendium* inscripsit. Hæc typis commissa Marco Antonio Justiniano, qui Venetiis tunc temporis summum tenebat imperium, nuncupavit. Persii satyras Italicis carminibus interpretatus est, cuius interpretationis autographon exstare scio Venetiis apud religiosum quemdam hominem Servorum, ut vocant, B. M. V. Ad hæc non pauca, ut stylum exerceret, e

Latino in Italicum convertit. Lyrica quoque plurima sic condidit, ut unus ad poesim instructissimus videretur. Sed hæc omnia grandior factus improbavit cremavitque, si unum excipias, cuius initium, *Donna se avvien*, quodque a Muratorio suum in opus de Perfecta Italica Poesi relatum fuit. Præcepta scribendi, quæ puerilis doctrina tradidit, subtilior cognitio ac ratio litterarum aluit, confirmavitque continua lectio veterum oratorum ac poetarum. Qua facultate præditus Apostolus, cum quo se verteret aliquandiu dubitasset, otii impatiens, & ceterarum rerum, quæ adolescentiam oblectare solent, incuriosus, aut contemptor, statuit illi præsertim generi eruditionis, quæ historiam juvaret, nec non poesi totum se dare. Ex omnibus autem poesis generibus dramaticum sibi maxime excolendum sumpsit, quod hujus vacuam possessionem facile tenere se posse sperabat. Quamvis enim tum multi essent melodramatum scriptores, adeo

deo eos sæculi vitia & corruptela depravaverant, ut nulli esse viderentur. Et quanquam haud pateretur natura poësis veterem illam excellentemque prudentiam Græcorum ad nostrorum theatrorum usum moremque transferri, sic tamen confici posse dramata intelligebat Zenus argumentorum, sententiarum & verborum delectu, ut si non omni ex parte perfecta, tolerabilia tamen essent futura. Cum primum ad scribendum animum appulit, pastoritia argumenta tractavit, & in scenam adduxit. Haud mediocriter plaustum fuit Thyrsidi, incredibiliter vero Narciso, quam in eo per xv. dies tantum elaboraverit. Post id experiri voluit Zenus quid posset ingenium suum in gravioribus tractandis argumentis. Scripsit varia, quæ ubi spectata, placuere. Sed nunquam majori usus est fortuna, quam cum anno MDCC. Venetiis L. Verum dedit. Istud enim melodrama non solum semper habuit plaufores, ut Horatianis verbis utar, aulæa

manentes, sed & pluries repetitum non Venetiis tantum, sed & Florentiæ, alibi-que; fuitque, ut ita dicam, buccinator eximii ingenii & judicii, quò pollebat Zenus in hoc poësis genere. Quapropter minime est mirandum si ejus opera requireretur a multis; & quamvis nunquam avare pretium statuerit arti suæ, & eum esse quæstum in animum induxerit maximum quam maxime servire & suæ & Italiæ gloriæ, nihilo tamen minus emolumenta & præmia consecutus est singularia. Mutinam ineunte an. MDCC. venit vocatus ab illius Duce Rinaldo I. qui dramate aliisque apparatissimis spectaculis diem condēcorare volebat, quo Franciscus Parmæ Dux nomine Leopoldi Cæsaris e sacro baptismatis lavacro filium suum natu majorem suscipere debebat. Antequam dramati manum admoveret Zenus, de ejus argumento & œconomia Dux voluit doceri. Quade re cum locutus fuisset cum eo, qui primum locum in Aula tenebat, qui se
poe-

poetam profitebatur, non dubitavit hic insolentissime jactare se se posse meliora conficere, seque magna jam ex parte conficisse. Huius rei verissimum & sapientissimum Judicem Dux fore putavit Iosephum Ursium; quare secreto Bononiam certum hominem misit, qui expositis dramatum argumentis eorumque formis, celatisque Auctorum nominibus, ipsius sententiam exquireret. Non hæsitans respondit Ursius altera esse cogitata hominis prudentissimi (erantque Zeni) altera ignari ac plane rudis in huiusmodi poësis genere; quod iudicium magno cumulo auxit opinionem, quam Dux de Zeno conceperat. Ex quo factum est, ut eum apud se retinere studuerit; quo beneficio uti noluit Zenus aulæ inimicus, Venetiarumque suarum amantissimus, quibus graviora studia sua destinasse videbatur. Venetam Ecclesiasticam historiam texere cogitabat; collegeratque ad eam rem monumenta quamplurima temporum, hominum, loco-

rum, gestarumque rerum. Cupiebat exponere vitas doctissimorum quorundam Venetorum, qui non de litteris solum, sed etiam de patria optime meriti essent; certissimisque monumentis memoriam illorum consecrare, qui de rebus Venetis scripserunt. Cumque se non popularem unius urbis civem, sed totius Italiæ agnosceret, ad hujus gloriam laudemque celebrandam, atque historiam magis magisque illustrandam conferre proposuerat sibi quantum litteris, quantum studiis, suis unicis delectationibus, quantum amicorum subsidio consequi potuisset. Ea voluntate aggressus aliquando opus fuerat, quod inscribere meditabatur, *Rerum Italicarum Scriptores hætenus desiderati*, eratque dignum ejus facultate & copia, cum suscepisset ut observationibus & notis uniuscuiusque Historici scripta adornaret, ejusque vitam declararet(1). Sed acriore etiam studio & labore, atque industria superiore urgebat opus, quod an. MDCXCVII. aggressus fuerat

de

de Italis Poetis. Hoc Zeno erat in animo exponere vitas omnium alicujus nominis Poetarum a sæculo XII. hoc est ab ultima Italicæ poësis origine ad suam usque ætatem, ipsorum opera enumerare, deque his non sua modo, sed & doctorum virorum judicia referre. Nec quæ eodem super argumento vulgaverat Crescimbenius, minuebant, sed potius augebant Zeni industriam. Illud enim non satis accurate, ac nimis breviter strictimque tractasse Crescimbenius merito judicabatur (2). Coniiciebat Zenus bis mille circiter Poetarum vitas libris, quos adornabat, contentum iri; nec vitas tantum, sed etiam imagines, quæ reperiri potuissent. Operi vero anteire debebant Dissertationes duæ de poësis, ac linguæ Italicæ ortu, progressu, ac vicissitudinibus, quarum lineamenta ex iis, quæ infra exscribemus, perspicui poterunt (3). Manus extrema ab an. MDCC., ut ex Zeni ad Magliabechium epistola intelligi potest (4), accesserat priori volumi-

mini, quod Poetarum historiam ad finem usque sæculi xiv. complectebatur. Nec dubitarit quisquam fuisse hanc difficiliorē totius operis partem, utpote quæ res a memoria nostra longissime remotas, & reconditiora monumenta continebat. Reliqua etiam inchoata; sequentibusque temporibus universum opus eo perductum, ut magna jam ex parte perfectum esset. Nihilominus tamen minus extremo fere in cursu constitit Zenus, & ea, quæ ante diximus, hominum luce privavit; qua de re cum se purgaret, solebat culpam in necessitatem, magnitudinemque operis, & impensarum ad illud typis imprimendum transferre. Neque meliores exitus habuerunt scripta illa, quibus Ecclesiasticam patriæ historiam illustrare sibi proposuerat; & de quibus Marci Foscareni gravissimum iudicium ac testimonium referre juvabit. Ait enim (5) Zenum, opem ei ferente Sacerdote optimo Ioanne Baptista Leonarduzio, ex sepulcrorum inscriptionibus, tum publi-

blicis tum privatis tabulariis, nec non historiis & annalibus adeo multa collegisse, ut ex iis non modo Episcoporum, Patriarcharumque, sed etiam Primiceriorum & Parochorum a sæculo XII. ad hanc ætatem successiones, a quibus orti, quos honores, quibusque temporibus cepissent, possimus cognoscere. At si quis dolens orbitatem horum, aliorumque Zeni operum eam ob causam, quod fastigium iis minime fuerit impositum, arguere voluerit Zenum ipsum, non aliqua in re una separatim elaborasse, sed in plura semper eum distractum fuisse, non magnopere repugnabo. Quod non inconstantia, sed facilitati potius summæ, qua ad aliorum magis, quam ad suum studia colebat arbitrium, tribuendum est. Nemo fere erat ex Italorum numero, qui in eam curam incubuisset, ut quæ vel ab antiquis, vel a recentioribus sapienter excogitata eleganterque conscripta sunt, ea in manus hominum accuratissime castigata, atque exornata pervenirent,

rent, quin ad Zenum confugerit, seque ab eo plurimum & consilio & opera adju- tum minime confessus fuerit. Non defue- runt etiam homines auctoritate summa, qui exegerint ab eo, ut minus grata per- scriberet. Talia fuerunt ea, quæ historiam narrant Regum magnæ Britanniae, Sco- tiæ, Sveciæ, & Daniæ, Ducum Olfatiæ, & Comitum Geldriæ, quæ omnia qua- tuor voluminibus comprehensa ad x. usque volumen opus inscriptum *il Mappamondo Istorico* perducunt. Etenim illius auctor Antonius Forestus e Societate Jesu non ultra vi. volumen processerat; & quam feliciter processerit ii facile intelligent, qui historiam cum historia, & scriptorem cum scriptore comparaverint. Sperabat Zenus posse se etiam meliora perficere, quando ad Batavam historiam pervenisset, pro qua multum elaboraverat, cuique xi. operis volumen assignaverat. Quæ de caus- sa vero instituta minime absolverit igno- ro. Nam quod extat xi. volumen duas in
par-

partes distributum non Batavas, sed Turcicas res continet, neque hoc Zenum, sed Dominicum Suaresium habet auctorem. Reliqua vero duo, quibus clauditur opus, volumina ad Sinense, magnique Mogoli imperium pertinent, conscriptaque a Silvio Grandio Ariminenfi fuerunt. Omnino vim hoc erat afferre Zeno aliquid ab eo petere, quod præstare se posse confideret, iis præsertim in rebus, quæ ad litteras pertinerent. Cum sæpe a typographis consulere-
retur de doctorum virorum scriptis, quæ edi & ornari magis conducere, nunquam ab se consultores suos vacuos dimisit; utque eorum & reipublicæ utilitati serviret, non recusavit aliquando injucundum interpretis munus sustinere, e Gallico in Italicum sermonem convertens elementa historiæ Vallemontii, nec non opuscula quædam Gronovii antiquitatis monumenta illustrantia (6). Rogatus ordine disponere libros Bibliothecæ Grimaniæ, quæ est ad S. Mariæ Formosæ, ut & privata quædam ta-
bu-

bularia, diligentissime hæc præstitit; & si quid latuisset in hujusmodi aliisque thesauris quod publica luce dignum existimasset, seponere notabatque ea mente, ut scriptum ipsum, aut saltem de eo observationes suas in vulgus ederet (7) non secus ac Lambecius præstiterat de iis codicibus, qui in Bibliotheca Cæsarea aservantur. Sunt vero innumerabilia, quæ amicorum postulationibus concedere solebat. Neminem enim invenies, qui Zeno, ut ex ejus editis epistolis cognosci potest, ad amicitiam fuerit aptior; & amicos parare, & omnium officiorum genere colere, optimam & pulcherrimam vitæ, ut ita dicam, suppellectilem existimabat. Ut quisque maxime & virtute & sapientia est munitus, ut paucis egeat, ita in amicitiiis expetendis colendisque maxime excelsit. Igitur cum ita se gesserit Zenus & doctrina & natura, ut aliis magis quam sibi vixerit, non magnopere reprehendendus est, si interrupta multa non contexue-

rit

rit, nec absolverit instituta. Ille vero omnia, quæ gerebat, spargere se ac disseminare arbitrabatur ad excitandos Italos suos ad laborem & laudem, excolendamque rectam studiorum rationem. Et certe numerandus est in principibus, qui barbariem, quæ fœde dominata est superiori sæculo, fugarunt; cui rei non mediocriter quoque contulit instituta ab ipso cum paucis aliis cordatis viris Animosorum Academia, quæ in Ædes Ioannis Caroli Grimani cogeatur, antequam colonia Arcadica facta est. Inter cetera queri solebat Zenus poesim & eloquentiam omnem illam salubritatem Etruscæ dictionis, quasi sanitatem, perdidisse, ac pene loqui dedidicisse; neque est credibile quantum voce, exemplo & auctoritate enisus sit, ut tantum malum sanaretur. Ne quid vero subsidii deesset bene animatis, in epitomen redegit Dictionarium, quod ab Academicis, ut vocant, *della Crusca* confectum fuerat, vulgatumque an. MDCXCI.

Hanc

Hanc epitomen prudentia sane summa confectam duobus voluminibus comprehendit Zenus, eandemque & suo & Academici Florentini nomine (in Academiam enim an. MDCC. cōoptatus fuit) ornare in animo habebat. Sed cum obstitissent collegæ illius, quod cautum legibus dicerent ne quis Academici nomen iis operibus præponeret, quæ Academiæ iudicium antea minime subiissent, Zenus sententiam mutavit, seque Academici Animosi nomine tantummodo designavit. Nec minus de Etruscæ linguæ studiosis promeruisse videtur Zenus, quod typis imprimendum curaverit opus illud posthumum Alexandri Tassonii, cui titulus *Annotazioni sopra il Vocabolario della Crusca*. Sunt enim in eo multa utilissima; quamquam Tassonius Phalaridis magis, quam Aristarchi personam sustinere voluisse videatur. Multum etiam adjuvit Zenus eos, qui ad Jo. Casæ & Francisci Redii opera, copiose magis quam antea Venetiis im-

pri-

primenda studium contulerunt, quæ omnia cum ita accepisset memorata Furfurea Academia, perinde ac si Zenus in se ipsam illa contulisset, locum ipsi inter suos dandum putavit. At ex omnibus curis, quas contulit Zenus ad litteras provehendas, nulla est sive utilitate, sive gloria meo judicio cum illa comparanda, quam impendit in opus, quod inscribitur *il Giornale de' Letterati d' Italia*, quodque anno MDCCX. in vulgus edi est cœptum. Antea quidem edebatur Venetiis opus huic non prorsus dissimile, cuius erat inscriptio *la Galleria di Minerva*. Etenim de recentioribus Italicis libris referebat; nec raro Zenus ipse relator fuit, ut rem gratam amicis faceret. Quin etiam suppeditavit aliquando scriptum aliquod, sicuti Trissinii, & Guarinii vitas ad illud ipsum opus ornandum. Nihilominus tamen minus nec recte, nec ordine illud procedebat, & multorum sordes cum paucorum clarissimorum hominum splendore commiscebantur (8). Itaque hoc maxime conducere ad Italiæ

gloriam arbitratus est Zenus tales fieri Ephemerides, quæ optimum quemque librum Italorum Scriptorum seligerent, de quo referretur, & de quo grave & sincerum iudicium exponeretur. Quoniam id confici sine plurium intelligentium opera non poterat (neque enim hoc sibi arrogabat Zenus se posse de rebus physicis, mathematicis, theologicis, & ad Juris prudentiam pertinentibus scienter dicere) viginti & amplius doctrina præstantes homines per Italiam sparsos in societatem operis vocavit (9), e quibus præsertim nominabo Antonium Valisnerium, Joannem Polenium, Jo. Baptistam Morgagnium, Benedictum Bacchinium, Justum Fontaninum, Ludovicum Muratorium, Salvinum Salvinium, & Scipionem Maffejum. Norunt omnes fuisse postremum hunc plusquam satis gloriæ cupidum; cui se servire putavit, si nonnulla, quæ contulerat in communionem operis, ab eo separasset, & tanquam propria cum aliis scriptis suis in publico proposuisset. Talia erant
epi-

epistola, qua Ferdinando III. Etruriæ Principi opus nuncupatur, hujus præfatio, & quæ exponunt tradita a Gravina *de origine Juris*. Non est credibile quam hoc indignatus sit Zenus; nec dubitavit ipsi Maffejo indicia dare suæ indignationis, quam hac etiam de causâ justiore putavit, quod illi suppeditaverat notitiam earum rerum, de quibus in eadem præfatione narratur. Nimis longus essem, si referre vellem omnes offensiones, querelas, atque molestias, quæ ab hoc Ephemeridum opere, tanquam a fonte, ad Zenum profluxerunt. Neminem vero magis infestum magisque arrogantem expertus est Jesuita quodam cognomine Bernardo, qui tribus editis epistolis petulantissime in Zenum, aliosque, quos aut auctores, aut fautores putabat earum rerum, quæ in III. volumine adversus Germonium *pro vindictis antiquorum Diplomatum Justî Fontanini* prolatae fuerunt. Adversario suo responsum nullum dedit Zenus, quanquam ad dandum stimulare-

tur ab amicis. Nam in ea erat sententia se non posse melius hujusmodi homines ulcisci quam contemptu. Præter quam quod sibi rem esse existimabat non cum uno Bernardo, sed cum omnibus Jesuitis, qui veluti sues uno læso gregatim ingruiebant universi. Si aliquando adversus hos calammum sumpsit non suam, sed litterarum, litteratorumque virorum, & Italiæ causam egit, ut indicant permulta sparsa in Ephemeridum voluminibus, quæ Scriptores præsertim Trevoltiensēs oppugnant. Ex his autem omnibus scriptis maxime commemoranda videtur epistola ad Josephum Ursium, qua ab accusationibus Bo-hoursii, & Trevoltiensium propugnatorum illius, defendit locum quemdam Torquati Tassi, ubi de pugna, quæ fuit inter Tancredum & Clorindam ait:

..... *e se la vita*

Non esce, sdegno tienla al petto unita.

Optimam figuram (10) hanc esse ostendit

Zc-

Zenus auctoritate & exemplis non solum Græcorum & Latinorum ; sed etiam scriptorum illorum , qui a Bohoursio laudibus in cœlum elati fuerant ; & postremo physicis argumentis probat ; qui fieri possit ; ut acceptis mortiferis vulneribus ab homine magnanimo & timido , diutius ille quam hic animam retineat. Qui legent hanc Zeni epistolam , aliaque plurima ejusdem , quibus auxit Ephemeridum libros , facile judicabunt , quam esset in scribendo elegans , & in existimando prudens ; nec mediocres illi gratias habebunt , quod in hujusmodi opere provehendo , cujus singulis quibusque annis quatuor volumina in lucem exhibant , pluris illi fuerit Italiæ gloria atque utilitas , quam propria quies . Remittere aliquid de summa contentione , quam in Ephemerides Litteratorum aliaque studia impendebat , coactus est ob collatum sibi Veneti Lœmocomii præfecturam , quam Anno MDCCXII. suscepit , & per triennium sustinuit . Habebat etiam , quæ illum angerent , domesticas curas ; &



hæ & nunquam antea intermissæ mentis exercitationes plurimum de ejus valetudine imminuerant. Cum septem annos ante uxorem duxisset Ludovicam Mundonovam Joannis Causidici filiam, & sperasset hanc conjunctionem sibi voluptati & tranquillitati fore, discruciabatur videns multum extenuari spes suas. Quo cum in statu esset, pergebat, quantum publicæ occupationes paterentur, ad ea solatia, quæ non modo sedatis molestiis jucunda, sed etiam hærentibus salutaria illi esse potuissent. Postulabatur jamdiu ab ipso, vel potius flagitabatur, ut in vulgus ederet, quæ de Venetis Historicis collegerat; cumque se debere hoc munus putaret non solum eorum studiis, qui literis delectabantur, sed etiam patriæ, egit cum typographo Lovisa de recudendis Historicis illis, qui res Venetas publico decreto scripserunt. Fuerunt hi Marcus Antonius Sabellicus, Petrus Bembus, Paulus Paruta, Andreas Maurocenius, Baptista Nanius, & Michael Foscarenius, in quorum

rum vitis, præsertim antiquiorum, exponendis non dubitabat, quin multa prolaturus esset incognita atque curiosa. Ornavit primum operis volumen satis longa Præfatione, in qua persecutus est ætates & gradus illorum omnium, qui res Venetas literis prodiderunt. Hanc sequitur Sabellici vita latine, ut pote Historici latini, scripta, in qua dum copiam & diligentiam nimis fortasse exquisitam admiror, elegantiam desidero. Jamdiu enim Zenus reliquerat exercitationes latine scribendi (II) ea credo laude contentus, quam ex suavitate Etruscæ linguæ colligebat, quæ tanta erat, ut appareret in eo nativum quemdam leporem esse, non adscitum. Neque mediocriter elaboravit Zenus in notandis ad marginem libri temporibus, quibus res a Sabellico (hoc etiam præstitit reliquis in Historicis) narratæ ceciderunt, cum præpostera, perturbata, ac confusa plurima essent in illius historia. Petri Cardinalis Bembi vitam minime exposuit Zenus, sed expositam a Jo. Casa copiosis

notis illustravit & auxit, ut hanc præponeret historiæ simplici illi quidem & nudæ (Cæsarem enim unum imitatus est) sed puræ inprimis atque illustri, quam Bembus latine conscripsit. Atque ex his constat secundum volumen. Tertium autem habet res a Paruta italice conscriptas gravissimo sane Historico, cui neminem præfero copia præceptorum ad rem publicam gubernandam, cognitione earum rerum, quæ sunt in hominum moribus, civilibus institutis, & in Imperiorum disciplina, & grata varietate, qua res externas cum domesticis ita conjungit, ut illæ his unice servire videantur. Quam de eo exaravit vitam Zenus, dignam quidem tanto viro omnes judicarunt, compositione, ubertate, atque elegantia. In ipso aditu operis narrat ille quæ de causa circiter an. MCCCXVII. non solum Parutarum familia, sed etiam aliæ multæ nobilitate præstantes e Lucensi in Venetam Rempublicam migraverint, quantisque privilegiis decoratæ fuerint, quod artem fabri-

fabricandi serica Venetos docuere. Quamquam id certissima monumenta testantur, justam tamen querelarum causam cum Zeno se habere putavit Petrus Garzonius. Senator amplissimus (hujus enim familia in illarum numero fuit) quod ea protulisset in lucem, quæ ipse occultari maluisset, quasi aliquid nobilitati suæ detraherent. Hujusmodi querela magnopere contristavit Zenum; neque illam medio-criter valuisse credo ad abiiciendum consilium ea perficiendi & vulgandi, quæ de Scriptoribus Venetis ipse collegerat. Videbat enim se non posse omnia loqui ad veritatem, quin multorum in offensionem incurreret (12). Reliquorum Historicorum, quos supra nominavi, vitas minime contexit Zenus creptus patriæ eo tempore, quo hæc ab ipso omnia summa expectare videbatur. Jam tum cum cœperunt in scenam prodire illius dramata, tanta illico de ipso surrexit fama, ut hæc non Italiæ solum, sed & aliarum regionum, & Germaniæ præsertim fines peragraverit.

Quo

Quo factum est ut ab Anspachii, & Vindelicorum Principibus, nec non a Leopoldo Cæsare. valde liberaliter Zenus invitatus fuerit ad Poetæ munus apud ipsos sustinendum. Ne tum ab Italia & a Patria discederet variæ obstiterunt causæ; illa in primis, quod matrimonii vinculis esset irretitus. Hæc solvit mors Februario mense an. MDCCXV. uxore extincta, ex qua filiam habuit, quæ vix lucem hominum adspexit; sed & alia supererant summæ conjunctionis vincula cum matre & cum liberis, quos ea susceperat ex nobilissimo viro Petro Antonio Cornelio, cui nuptam fuisse supra commemoravimus; itidemque cum fratre & sorore, & cum patria, a qua nova acceperat beneficia præpositus exercendis vectigalibus, quæ ex mercibus mari advectis exiguntur. Multum quidem aberat Zenus, ut ex his vinculis, dulcissimis iis quidem utpote amoris & pietatis, laxari aliquid vellet; sed quo facilius juvare eos posset, qui opis suæ indigebant (13) cessit tandem liberalissimæ invitationi Caroli VI. Cæsaris,

ris, qua ineunte autumno an. MDCCXVIII. Viennam traductus est. Duos circiter menses consumpsit in itinere, cum non longe a Treviſio fractum ei ex caſu dextrum crus fuerit. Nec ſolum in ipſa curatione, ſed cum Viennam etiam perveniſſet Chirurgi vitio, & itineris agitatione dolores & incommoda multa perpeſſus eſt. His malis acceſſit invidiæ obtrectatio, & tarditas ſumma, qua omnia pene negotia in aula Cæſaris gerebantur, ob quam nec plane certus poterat eſſe Zenus de ſorte ſua, nec pecuniam habere in promptu, qua rebus ſuis conſuleret. Obverſabatur ei ante oculos exemplum Leibnitii Germanorum omnium doctiſſimi, qui magnis promiſſis invitatus, magniſque precibus impetratus a Boruſſiæ Rege, duobus & amplius annis Viennæ fuit nullum unquam videns exitum rerum ſuarum (14). Sed quam falſo timeret Zenus ſimilia ſibi accidere poſſe, intellexit ſtatim ac ex vulnere recreatus adire Cæſarem potuit. Hic enim dedit ei ſingulares voluntatis ſigni-

gnificationes; & datis quoque muneribus, satis ostendit se velle non solum quod promiserat facere, sed etiam prolixè cumulateque facere. Profecto plurimi ille liberalium artium studia doctosque homines æstimabat; neque erat mediocriter in litteris versatus. Narrabat se in prima juvena studium philosophiæ acrius ultra quam concessum Principi videri possit, coluisse, nisi prudentia Institutoris incensum & flagrantem animum coercuisset: postea mitigavit ratio & ætas, retinuitque, quod de Agricola quoque prædicat Tacitus, ex sapientia modum. Adeo pollebat memoria, ut quæ in pueritia acceperat legeratque, adultus recordaretur; adeoque ardebat cupiditate hunc omnium rerum thesaurum magis magisque locupletandi, ut libros, de quibus maxime prædicari audiebat, aut legeret per se, aut de iis ad se referre doctos homines, juberet. Næ ille permagno tenebatur desiderio instituenti Viennæ Academiam, quam flos doctorum hominum condecoraret, quæque
Pari-

Parisiensem & Londinensem æmularetur. Hac de re sæpe Cæsar cum Zeno sermones habuit ejus consilia & operam exquirens. Sed quoniam frustra adlaborant Principes in hujusmodi rebus, nisi habeant intelligentes & bene animatos administratos (tantum ne florere potuisse Ludovicum XIV. favore in litteras putamus, si Colberto caruisset?) studiis Cæsaris minime felices exitus contingere. Sed non propterea minus ille efferendus est laudibus; & quidem plenæ sunt litteræ Zeni (15) hujusmodi præconiis debitis non tam ingenio Cæsaris, illiusque singulari amoris in litteras, quam ejusdem maximis clarissimisque virtutibus. Quam vellem tanti Principis vitam historiæ monumentis illo suo mirabili Etrusce scribendi lepore Zenus consignasset! Et maximum incitamentum illi poterat esse, quod non solum poeta, sed etiam historicus Cæsareus declaratus esset, quodque de eo scripisset, qui cum res gestas, tum aures atque studium adhibere potuisset. Sed omne ferme tempus

con-

consumere cogeatur Zenus in studio musico, quod utile magis quam gratum illi erat. Paulo postquam Viennam advenerat, in scenam attulit Iphigeniam; nec defuere maledici, qui surreptam, non factam ab illo fuisse dicerent. Hujusmodi maledictis ita respondit Zenus, se quidem transtulisse suum in melodrama ab Euripide & Racinio locos quosdam, cum incidit, ut id apte fieri potuerit, ut ab Homero Ennius, Afranius a Menandro, & Racinius ipse ab Euripide consuevere. Et quidni id liceret, si veteres celebriores poetæ tum etiam bene se mereri de suis civibus judicabantur, quando integras Græcorum fabulas vertebant, ut ad suorum cognitionem divina illa ingenia transferrent? Qui igitur hæc vituperant

Faciunt nã intelligendo, ut nihil intelligant.

Post Iphigeniam dedit Zenus L. Papirium; atque hic si illi cessit perfectione operis, anteivit certe approbatione & plausu spectan-

stantium; ipseque Cæsar nihil simile se unquam vidisse audivisseque palam professus est (16). Huic rei causam præsertim dedisse putavit Zenus copiam gravissimarum sententiarum, quibus quasi stellis suum illustravit melodrama. Etenim brevi intellexit nihil dulcius esse gravissimo optimoque Principi exemplis grandioribus, orationibusque sumptis de vita, quæ aut quid sit, aut quid esse oporteat, doceant; contra vero nihil insulsius amoribus iis, quos homines arte sua abutentes in scenam invexere, quosque corrupti depravatique mores retinuerunt: quapropter aliam viam, quam tritam eatenus a se ipso, tenendam sibi putavit (17). Cum anno MDCCXIX. Maria Josepha Josephi I. Cæsaris filia Friderico Augusto Regio Principi Saxoniae nupta fuisset, has nuptias dramate celebrare iussus est Zenus, in eoque elaborando non tam officio suo omniumque expectationi, sed, quod difficillimum erat, sibi ipse satisfecit. Appellavit hoc *Sirita*, quæ erat filia Sivaldi Daniae Re-

gis, de qua narratur præter patris, nullius unquam hominis conspexisse vultum; adeo pudica erat. Adspexit tandem Ottarum, & cum eo nupsit; ac mirum profecto est totius dramatis nodum ex unico oculorum obtutu pendere potuisse. Deinceps multa alia melodramata, de quibus singulis dicere non est necesse, quæ non minus diligenter elaborata & tanquam elucubrata attulit. Etenim se semper ante oculos habere dicebat præceptum, quod Q. Tullius Cicero Marco fratri petenti Consulatum his verbis dedit: *Quamobrem quoniam ab hac laude proficisceris, & quidquid es ex hoc es, ita paratus ad dicendum venito, quasi in singulis causis iudicium de omni ingenio futurum sit*. Et quanquam hoc Zeno, cum aliquid accuratius scripisset, semper fere contigerit, ut nunquam scripisse melius putaretur, tamen cum docuit Nitocrim, omnium consensu sic fuit tum iudicatum, ceteros a Zeno semper omnes, illo autem dramate etiam ipsum

a se

a se superatum (18). Non unus erat Zenus Poeta in aula Cæsaris. Erat & eodem gradu Petrus Pariatus homo non solum studiorum similitudine, sed & officiis, usu, & consuetudine jamdiu Zeno conjunctissimus, quem aliquando sibi socium in componendis dramatibus adjunxit, & tum maxime quando angustiae temporis illum coegerunt. Nam eodem anno duo sæpe dramata facere jussus est; neque hæc tantum, sed etiam illius generis poemata, quæ *Oratorj* nos appellare solemus. Habuit interdum a Cæsare alia etiam mandata poetica, velut extraordinaria pensa, in quibus omnibus magna solebat esse occupatio studiorum suorum. Nihilominus si incurrebant subcesiva quædam tempora, hæc homo industria singulari perire non patiebatur, multasque Dissertationes tum historicas, tum philologicas contexuit (19). Nec deerat litteratis amicis, illustria ac prope divina bona, quæ multis vigiliis, improbo labore, assidua exercitatione adeptus erat, non apud se

avare continens, sed ad communem illorum utilitatem liberalissime conferens. Et commemorandum mihi in primis videtur quomodo se gesserit adversus Muratorium, ex quo coniici potest Zenum nunquam invidisse, sed favisse semper alienæ gloriæ. Declaravimus ipsum supra innumera fere collegisse ad opus illud conficiendum, quod inscribere meditabatur *Scriptores rerum Italicarum*, ex quo maximam sibi laudem poterat polliceri. Dolebat ob suum Vieniem adventum fuisse tantum opus interruptum; cuius tamen conficiendi neque desiderium, neque spem deposuit. Quin immo ex Cæsaris Bibliotheca & Tabulario, in quod penetrare libere poterat, non pauca hauserat ad illud ipsum ornandum. At ubi Zenus intellexit Muratorium eandem cogitationem curamque suscepisse, non questus cum illo est, quasi in alienas possessiones invasisset, sed ipsum & consilio, & opera, & quibus aliis potuit rebus, ad incœpta perficienda adjuvit. Non pauca etiam contulit, ipso hortante Cæsare,

in

in opus Ephemeridum Litteratorum Italiae, cujus curam Petri Catharini fratris sui carissimi ingenio ac diligentiae praesertim commiserat. Et si qua fuerunt alia hujusmodi mandata, sicuti ea quae spectabant impressionem Scriptorum rerum Venetarum, narrationemque vitarum Maurocenii, Nanii, & Foscarenii, in iis exequendis plurimum eundem fratrem adjuvit. Nihil vero, quod esset alicujus momenti, consignabat litteris Zenus, de quo Cæsar in familiarissimis, quos cum eo habebat, sermonibus, doceri minime vellet. Sic enim suppeditari sibi dicebat ubi animus ex aulae strepitu reficeretur, & aures rebus publicis defessæ conquiescerent. Quod delectationis genus utinam omnes gustarent Principes. Nam voluptates, quibus multi eorum tenentur, neque temporum sunt, neque ætatum omnium, neque locorum, & sæpe creant offensionem atque fastidium. Quare merito dicebat Scipio, quod secum Ennium haberet, se multorum triumphis anteponere. Quo vero

vincula , quæ Viennæ Zenum retinere debuissent , arctiora faceret Cæsar , illum succedere optasset in locum Jo. Benedicti Gentilotti , qui erat a Bibliotheca , aut illius , qui curam habebat antiquorum numismatum ceterorumque vetustatis monumentorum . Et ipse noverat optime Bibliothecam , & Museum , quod utriusque frequentandi data ei raro sanè exemplo licentia ac libertas fuerat ; & bene etiam de utroque meritus erat , cum donasset Cæsari rara quædam monumenta , cumque illius consilio factum esset , ut ab eodem millibus florenorum LXXX. emeretur Bibliotheca Hoendorfiana Batavarum fere omnium celeberrima . Nihilo tamen minus utrumque munus recusavit , sperans se aliquando ad suos Italos liberum , tanquam emeritis stipendiis Musarum , posse remeare . Semel iterumque & tertio revisit suos : postremo valetudinem , ingravescentem ætatem , aliaque incommoda excusans plane deferendi Viennam , & aulam a Cæsare veniam impetravit . Invitissime ille a se tantum

tum virum dimisit, quo neminem videbatur habere cariorē: ægre & dolenter Zenus, se ab eo Principe disjuxit, quo neminem sibi amiciorē, si id loqui de Principibus fas est, & beneficentiorē sibi fuisse dicebat (20): sed vicit suorum patriæque charitas, rediitque Venetias xi. anno postquam inde primum discesserat. Plura secum detulit munera (*& præconia Principum*, ut ait Poeta ille Siculus, *esse debent claræ munera liberalitatis*) quæ non tam a Cæsare habuerat, quam a Willelmina Amalia Josephi I. uxore, a qua se aliquando adhibitum esse narrabat ad convertenda e latino in italicum sermonem præter alia quædam, scripta nescio quæ S. Augustini. Illud vero maximum beneficium fuit, quod annua merces quatuor mille florenorum, quæ Zeno, cum primum Viennam venit, constituta fuerat, absenti etiam solveretur ea conditione, ut per annos singulos sacrum drama conficeret, quod cani ad harmoniam mos erat feria vi. majoris Hebdomadæ in

facello Cæsareo . Horum dramatum xv. ipse in vulgus edidit an. MDCCXXXV. dedicavitque Carolo & Elifabethæ Augustis conjugibus . Post hæc alia duo componere iussus est, quæ minime in vulgus prodire . Verum ex quo alacritas illa , qua studia poetica foventur, deferbuit in Zeno, animumque ejus graviorum & senescente ætate digniorum artium tractatio sibi vindicavit, invite se ad Musas referebat; quapropter hujusmodi dramatum conscribendorum curam Petro Metastasio, qui suum in locum successit, datam fuisse non modo facile passus est, sed etiam vehementer gavisus . Inter hæc autem dramata primum locum se dare dicebat illi, cui nomen *la Gerusalemme*, quodque ad Christi pedes cruci suffixi jacens magna ex parte confecit . Nec miror hominem singulari in Christum Jesum pietate potuisse tale argumentum & tenere & cum sensu tractare . De reliquo satis se contentum esse dicebat Zenus sacris his dramatibus, cum e contrario memoriam extinguere optaret ceterorum, quæ

quæ in theatrum adduxerat. Quapropter nunquam a se impetrare potuit ut hæc corrigeret, cujus tamen rei faciendæ, eademque simul juncta Venetis typis imprimendi Gasparo Gozio homini sane intelligenti potestatem fecit (21). Sed quamvis ita de suis melodramatibus judicaret Zenus, ut abortus potius quam partus illa esse diceret, ægre tamen tulit in ea fuisse sententia Muratorium, Fontaninum, aliosque, ut vix aut omnino fieri non posse crederent aliquid tolerabile in hoc poësis genere (22). Profecto quæ habemus tum Zeni tum Metastasio dramata satis illos convincunt erroris; nec mediocris & obscura laus fuit Zeni, primum omnium exemplo suo monstrasse viam, in quam diu longoque intervallo errantes homines adduci possent. Argumenta apte eligebat, feliciterque explicabat; illo suo singulari judicio in tota dramatis œconomia videbat quid deceret, quid non; non mimos & scurriles jocos, ut omnes fere ante ipsum, neque res magis a veritate ab-

horrentes, sed aptas gravesque confectabatur sententias, & a vero, aut a vero simili nunquam discedebat. Plurimum sane concedit Metastasio poeticis ornamentis, lepore, venustate, & sensu, ac arte quadam, quibus ille & commovet, & totos ad se rapit auditores suos; nihilo tamen minus habet & suas virtutes Zenus, & illam præsertim, qua novit omnia momento quodam atque judicio dispensare atque disponere. Præter hæc, qui de his duobus poetis judicare volunt, reminisci debent neminem Zeno, hunc vero Metastasio fuisse ducem. Non sine causa aliquando exquisivi ab ipso Metastasio, quid de Zeni dramatibus sentiret, cujus sapientissimum elegantissimumque responsum infra exscribere juvabit (23). Nimis fortasse multa de poeticis Zeni scriptis. Reliqua nunc persequemur, in quibus idem elaboravit beneficio Cæsaris Augustæque Filix fruens in patria otio cum dignitate, quod maxime esse optabile bonis & beatis viris merito dixit Cicero. Vitam Hen-

rici

rici Catharini Davilæ italice & copiosissime exposuit, ediditque cum illius historia de bellis civilibus Galliæ an. MDCCXXXIII. Vitam etiam alterius historici Francisci Guiccardinii a Dominico Maria Mannio conscriptam notis auxit, atque illustravit. Collegit quam plurima ad Mutii Justinopolitani vitam & scripta pertinentia, quæ litteris mandare meditabatur. Id vero cum præstare variis impeditus difficultatibus minime potuisset, collecta a se se Ioanni Rinaldo Carlio liberaliter concessit. De Manutiis omnium maximis typographorum non pauca sane curiosa, nec antea bene cognita in lucem protulit: majora etiam protulisset de libris præsertim ab ipsis impressis ab an. MCCCCLXXXV. ad annum usque Mæxcvii. quo tempore mortem obiit Aldus junior, & de universa illorum typographii historia, si aut diutius vixisset, aut surrepta ei minime fuissent adversaria, in quibus minutissima quæque ad hanc rem spectantia descriperat. Desperans se posse perficere ob provecram ætatem vale-

letudinisque incommoda opus multi fane laboris multarumque vigiliarum de Scripto-ribus Litteratisque Venetis, quod priusquam Viennam concederet, instituerat, innumera pene a se diligentissime collecta & prudentissime observata cessit Ioanni de Augustinis erudito viro e Franciscana familia, qui toto animo & studio omni in idem opus se dicebat incumbere. Eadem & majora etiam postea suppeditavit Marco Foscarenio maximo & spectatissimo viro, qui idem sic tractavit argumentum, ut etiamsi multi cum ipso contendissent, omnes tamen non solum rerum copia, sed etiam iudicio, & dicendi arte facile superasset. Sæpe ipse in suo libro mentionem Zeni facere debuit, & nunquam fere fecit sine præclaro iudicii sui testimonio (24). Et fane in patriis monumentis perquirendis, quid ejus diligentiam subterfugit, aut satietati superfuit? Non parum adjuvit Nicolaum Colletum, & Antonium Fridericum Seghezium, cum alter Ughellii opus de Italis Episcopis, alter hi-
sto-

storiā & commentaria Crescimbenii de Italica poesi corrigenda illustrandaque suscepisset. Sed non paucos Crescimbenii errores antea etiam emendaverat Zenus, cum id opportune facere potuisset in prioribus Ephemeridum Litteratorum Italiæ voluminibus. Hæc vero amice accepisse Crescimbenium ex eo coniici potest, quod multa a se prolata in historia, in commentariis, quæ illam subsecuta sunt, postea retractavit, emendavitque. Sed emendationes, retractationes, & corollaria huc & illuc sparsa adeo perturbabant & confundebant omnia, ut vix ullum amplius usum haberet pars illa, quæ ad historiam spectabat, & nunquam satis clare apparent contenta in ipsis commentariis. Bene igitur ac sapienter factum est a doctis viris, qui opus ex inordinato in ordinem adduxerunt, singulæ personæ & tractationi, quæ sua essent, concedentes, & horum multa necessariis notis illustrantes. Eodem tempore, quo hæc gerebat Zenus, laborabat quoque ne a scribendis Litteratorum,

rum, quas ephemeridas vocavimus, fastis ulla fieret intermissio: cumque unum ex omnibus ad hoc opus maxime aptum cognovisset fratrem suum, maximam oneris partem in illum transtulerat. Quare minime est mirandum si, hoc e vivis annocccxxxii. erepto, impeditoque tum Apostolo ætate, morbis, aliisque occupationibus, idem opus paullo post plane cessaverit. Non quæro quid alii postea gesserint, ne Italiæ ephemerides suæ deessent: nam propositum nobis tantummodo est de rebus a Zeno gestis narrare (25). Ceterum hic graviter adeo tulit mortem fratris amicitia omnique voluntate sententiaque sibi conjunctissimi, ut nulla res ejus sanare vulnus potuerit; increpantibusque nimium dolorem illa Augustini solebat respondere: *quoniam itaque deferebar tam magno ejus solatio, sauciabatur anima mea, & quasi dilaniabatur vita, quæ una facta erat ex mea & illius* (26). Neque multo post matrem quoque amisit; & plenæ sunt ejus epistolæ querimoniarum ob mortem illius, & ami-

corum; eæque fatis declarant sensus humanissimos tenerrimosque ei naturam tribuisse. Quod nolim a duris quibusdam hominibus, tanquam effœminatum, accusari. Etenim carere sensu doloris miserius esse arbitror, quam immoderate dolere. Magnum tamen ei in his doloribus afferebat solatium societas Andreae Cornelii fratris sui, apud quem vivebat, & quo cum omnia communia habebat; & ut aliqua ratione compensaret jacturam, quam studia sua in morte fratris fecerant, horum socium & adiutorem sibi adscivit Ioannem Antonium Verdanium hominem quidem optimis artibus eruditissimum. Sed eo præsertim usus est in conficiendis indicibus. Bibliothecæ & Musei sui, quorum utrumque multorum sane erat nummorum, & superbissimo delectu collectum, adeo ut rem gratam & utilem harum rerum amatoribus se facturum Zenus putaverit, si eosdem indices in lucem ederet. Nihil dum allatum a nobis est, ex quo intelligi potuerit fuisse in Zeno insatiabilem quam-

dam cupiditatem colligendi præstantiora veterum Græcorum Romanorumque numismata; & ipsum in veris a falsis distinguendis, iisdemque explicandis oculos eruditissimos habuisse. Cœpit anno MDCCV. magis obvia Imperatorum numismata veluti per jocum emere; ex his desiderium haud vulgaria & communia colligendi; postremo tanta cupiditas præstantiorum & rariorum, ut cum non semper haberet in promptu pecuniam ad illa comparanda, magis illum pœniteret cœpisse, quam liceret desinere. Eo tempore, quo Viennæ fuit, quod magis abundaret, maximam Musei sui partem acquisivit, sæpe etiam his de rebus mandata dans absentibus amicis suis. Fuit profecto ad rariora acquirenda numismata summæ diligentiae maxima adjuncta fortuna, gestiebatque lætitia Zenus quod posset cum divitioribus hac in re contendere. Neque hæc ad inanem ostentationem. Intelligebat enim quantum historiam juvaret numismatum studium, in quo ut ipse, experientia & lectione ducibus, longissime procederet,

ret, utque ejusdem amorem in Italis suis accenderet, nulli parcebat industriæ. Non est tamen celandum, quamvis in hujusmodi rebus peritissime ac callidissime versaretur Zenus, ipsum aliquando in errorem raptum fuisse, cum argenteum Hadriani numisma maximi, ut vocant, moduli, cujus compotem fecit amicum suum Jo. Franciscum Baldinium ad augendum opus Vailantii *de numismatibus Imperatorum Romanorum præstantioribus*, ad Augustum pertinere putaverit. At gratulor Zeno, qui per quam raro offendeat in iis rebus, de quibus affirmabat, aliquando tamen lapsus fuisse, ne hæc quoque laus ei deesset, ingenuè semper confessum esse errata sua, sicuti decet viros bonos & simplicis veritatis amicos (27). Dolendum vero, si sparsa quædam in ejus familiaribus epistolis exceperis, nihil mandasse litteris posteritatiq; earum rerum, quas observaverat in vestigandis antiquitatis monumentis; quod ne faceret obstitit præsertim singularis illius modestia (28). Reperta inter ejusdem scripta fuit de Gente

Ju-

amicitia. At Fontaninius cujus aures nunquam præceptis & monitis amicorum facile patuerunt, ex una parte ægre tulit se potuisse de infinitis rebus a Zeno admoneri, ex altera gavifus est habere se, quo melius posset existimationi ac gloriæ suæ consulere, quotiescunque ejusdem operis secundo imprimendi consilium suscepisset. Id ita præstitit extrema ætate, ut multa, sed non omnia emendaverit; quodque mirabilius est nunquam in toto opere Zeni mentionem fecit, quasi hominis vulgaris, & quasi nihil ab eo subsidii accepisset. Doluit id Zenus; & sane justam habuit dolendi causam. Nullam enim litteræ aliam mercedem laborum desiderare videntur præter hanc laudis & gloriæ, qua quidem detracta, quid est quod in hoc tam exiguo vitæ curriculo, & tam brevi tantis nos in laboribus exerceamus? Sed Zenus magis etiam quam suam dolebat vicem plurium amicorum suorum, quos male habuerat Fontaninius. Quapropter æquitati, veritati, & Italiæ quoque

D

glo-

gloriæ se servire existimavit, si illud opus non augendum perficiendumque, quod infinitum & immensum fuisset, sed emendandum, & interdum etiam illustrandum suscepisset. Et sane non exiguus erat campus, in quo mirabilis Zeni prudentia atque eruditio excurreret. Nam frequenter Fontaninius temere credit, & ex levi conjectura fallacissime judicat; nunquam perpendit aliena judicia, quando utitur suis; in his ipsis non semper sibi constat; sæpe negligit aptam & accommodatam rerum dispositionem; & sæpissime res maximⁱ momenti oscitanter prætermittens, eas, quæ sunt minimi, fastidiose repetit. Cum vero de libris refert, frequentissime labitur, mutans & confundens eorum inscriptiones, nomina & cognomina typographorum, tempora, loca, & formas, quibus fuerunt impressi, & errans interdum in ipsorum Scriptorum nominibus, eorum patriis, & temporibus, quibus vivere, recensendis. His aliisque malis ut provideret, quasi suo jure sibi sumpsit Zenus. Nemo enim illo fuit unquam

quam instructior in ea parte litterariæ historiæ, quæ ad Italos per quinque & amplius sæcula pertinet, cujusque parens merito a nonnullis nominatur. Quo instrumento, judicio acri & certo, magna, ut diximus, librorum copia, ea diligentia, ut nihil affirmaret quod ipse per se non vidisset, atque lepore, festivitate ac sale scribendi summo tales potuit Zenus animadversiones illustrationesque in Fontaninii *Bibliothecam* facere, quales a nemine fieri potuisse arbitror. Atque hæ virtutes magis etiam comparent ob argumenti genus in eo opere, quod omnium Zeni est maximum, quodque inscribitur *Dissertationi Vossianæ*. Scripsit Vossius volumina duo de Græcis Latinisque Historicis, sed ita scripsit, ut imitari eos voluisse videatur, qui in uberrima segete non solum stipulas excidendas, sed etiam spicas ipsas aliis colligendas relinquunt. Sed præsertim Scriptorem diligentia defecit in ea parte, quæ spectat ad Italiam, cujus amor facile a Zeno impetravit, ut ipsum

suppleret emendaretque, ab eo tempore initium sumens, quo Francisci Petrarchæ opera in primis factum est, ut litteræ tanquam ad adspiciendam lucem revocarentur. Inchoavit opus an. MDCCXII. idque in Dissertationes distribuere consilium cœpit, ut iis modo unum, modo alterum Ephemeridum Litteratorum Italiæ volumen ornare posset. Tali modo Dissertationes xv. in vulgus edidit Zenus, quæ centum Historicorum vitas illustrant; quas qui leget facile existimabit adeo diligenter illum habuisse cognitam antiquitatem, ut eam fere totam in iis exposuerit. Quare non est mirandum si summo plausu exceptæ fuerint: nec quisquam postea exstitit, cui necesse fuerit de iisdem Historicis scribere, qui Zeni Dissertationes tanquam oraculum minime consuluerit (29). Nec defuere etiam, qui integras vitas suos in libros retulerint, quod sæpissime fecit Joannes Petrus Niceronius, & non raro Joannes Fabricius, hic in Latinum, ille in Gallicum sermonem ipsas convertens. Tantam vero Nice-

ronius fidem habendam Zeno putabat, ut notare prætermiserit fontes, unde ille res a se prolatas hausisse dicebat, qua de re a Menchenio in eo libro, quem de vita Angeli Politiani scripsit, reprehensus est. Poterat quidem Zenus falli ut humanus, quod a se alienum esse, tantum aberat ut putaret, ut postquam se a *Bibliotheca* Fontaninii expedit, emendandas, augendas, ac pene totas reficiendas suscepit Dissertationes suas Vossianas. Mirum id non solum, sed novam etiam dissertationem, quæ est de vitis Marini Barletii, & Marini Becichemi facere potuisse Zenum, quando eum diuturnis febribus, hæmorrhagia, insomniis, & stomachi doloribus afflictum corporis vires defecerant. Sed mens pristinum conservabat robur. Cumque secus narrasset Jo. Lamius de Zeno mentionem faciens suis in Ephemeridibus, dicitur hic recitasse amicis suis, quam proxime scripserat, dissertationem, quævisseque, imitatus Sophoclis exemplum, num illud opus desipientis senis esset. Iis malis accessit etiam

apoplexis, ob quam oculorum pene lumine, & finistri lateris usu, & scribendi facultate plane privatus fuit. Nihilo tamen minus non prorsus obmutuit suis in studiis, cum ea dictasset Antonio Valsechio, quæ præfatus est de iisdem Dissertationibus. In his non pauca de se, quod senili ætati conceditur. Ut apud Homerum sæpissime Nestor de virtutibus suis prædicat! Nec erat Zeno verendum, ne vera de se prædicans nimis videretur aut insolens, aut loquax. Etenim ex ejus lingua (sicuti de Nestore quoque testatus est Homerus) melle dulcior fluebat oratio, quod ex iis, quæ de ipso narravit exposuitque Marcus Forcellinius in præfatione libri de *Bibliotheca Italica Eloquentiæ*, præsertim intelligi potest. Cum vero multi admirarentur tum ceterarum rerum illius excellentem perfectamque sapientiam, tum vel maxime fortitudinem ac constantiam in ferendis acerbioribus malis, solebat ridens illa Ciceronis respondere: *neceße fuit esse aliquod extremum, & tanquam in ar-*

borum baccis, terræque frugibus, maturitate tempestiva, quasi vietum & caducum, quod ferendum est molliter sapienti. Sed hujusmodi fructus, mirificos illos quidem, afferebat conscientia bene actæ vitæ, multorumque benefactorum jucundissima recordatio. Quis enim illo fuit castior, quis integrior, quis ad misericordiam liberalitatemque propensior, quis ad omnem humanitatem magis accommodatus? Adfuit illi semper purior religio, quam sic coluit, ut vel rigidissimis satisfaceret. Cum rebus divinis operam daret lapidem, non hominem dixisses; adeo in cœlestium rerum meditatione erat defixus. Cum vero consuesceret haud exiguam diei partem insumere in divinis recolendis mysteriis, in sacris evolvendis libris, in effundendis ad Deum precibus, eo tempore quo hæc faciebat illius janua, quæ quotidie frequentia illustriorum hominum celebrabatur, quæ semper multorum postulationibus patebat, omnibus occludebatur. In B. V. singulariter pius semel iterumque senex & æger

Lauretanam Domum invisit. Postremo ad veram beatitudinem, quam semper quæsit, unice adspirans, libros, amores ac delicias suas, quos testamento reliquerat religiosis Dominicanæ familiæ hominibus, antequam moreretur ipse concessit, illa usurpans verba : *Ecce nos reliquimus omnia & secuti sumus te*. (30). Mendacium, neque dicebat, neque pati poterat; cumque abesset etiam a simulatione, quæ tollit iudicium veri atque adulterat, rogatus sententiam suam de aliorum scriptis, ita reprehendebat ea, quæ vituperanda duceret, ut nullum offensioni locum relinqueret (31). Sine arrogantia gravem, & sine segnitia verecundum non facile intellexisses utrum magis vererentur, an amarent amici, quos multos habuit, quosque sic coluit, ut appareret nihil ab iis sibi esse velle sejunctum. Hoc quoque sit Zeni bonitatis exemplum, quod eorum, inter quos non solum esset laudis æmulatio, sed etiam obrectatio, tanta in-

ter-

tercederet, quantam incidit inter Fontaninium, Muratorium, & Maffejum, usum benevolentiamque semper retinuerit. Pacis vero amantissimus nulli parcebat industriae, ut non solum odia, sed etiam querelæ tollerentur; & illo arbitro & consiliario, multæ porro dissensiones & controversiæ extinctæ sunt. Sic se gerendo, & neminem lædens, facillimeque obliviscens injurias, potuit gloriari multos se amicos, neminem vero inimicum habere. Tanta vero lenitas & mansuetudo Zenico admirabilior esse debet, quod natura erat propensus ad iram; sed ipse vel a primæ ætate nimios animi motus, & rationi non obtemperantes frænare didicerat. Erunt fortasse qui existimabunt hoc Zeni elogium non plane congruere cum iis, quæ scripsit ad emendandam Fontaninii *Bibliothecam*. Ii mirari potius debent tantam fuisse Fontaninium petulantiam, atque negligentiam, ut aliquid salis ab homine ingenii dulcissimi trahere potuerit. Præterquam quod minime in vita erat Fontaninus

nus, quando illa scripsit Zenns; nec vulganda permisit nisi consilio illius, quem a confessionibus adhibebat, qui iudicavit ipsam per se veritatem acriter sæpe a Fontaninio læsam, si causam suam defendere debuisset, non lenius defensuram. Quamquam gloria, amplissimisque honoribus abundaret Zenus, modestiam tamen semper servavit; & gratia, quæ illi fuit maxima cum Cæsare, cum Eugenio Principe Sabaudico, aliisque potentioribus, non ad ostentationem, propriamque augendam fortunam, sed ad aliorum usus est subsidium. Tanta autem cum esset modestia, nunquam sensit invidiæ morsus, & nihil minus verebatur, quemadmodum de Scipione prædicavit Livius, quam ne quis obstaret gloriæ suæ. Quare minime est mirandum si vix ferre poterat quosdam in litteratorum Republica aut principatum, aut perpetuam dictaturam appetentes. Erat & aliud genus hominum, quos vitabat, & cum videbat, tanquam auspicium malum, detestabatur. *Hi autem erant, qui blasphemant*
quæ-

quæcumque quidem ignorant : quæcumque autem naturaliter, tanquam muta animalia, norunt, in his corrumpuntur. Difficile est omnia persequi, & non necessaria. Illud unum intelligi volumus fuisse Zenum hominem singulari virtute & doctrina. Tali modo cum annos unum & octoginta & menses xi. compleisset obiit Venetiis, sepultusque in Æde Sanctissimi Rosarii cum funeris pompa (32). Laudatus etiam fuit Italica & Latina oratione, quarum alteram Antonius Valsechius, alteram Hyacinthus Menegattius, uterque Ordinis Prædicatorum, habuit. Quod si pro meritis gratiæ referri deberent Zeno, aut hoc tempora ipsa paterentur, jam in celeberrimo aliquo Urbis loco, quemadmodum olim Delphis Georgiæ illi Leontino, insignis ejus virtutis monumentum esset excitatum. Verum intereunt statuæ, ut ait Cicero, tempestate, vi, vetustate: laudes autem virorum bene de republica meritorum posteritati, quasi per manus traditæ, vix confenescent.

(1) De

(1) De hoc opere hæc habet Zenus in Epistola ad Lud. Muratorium. Sarà una buona Raccolta di Autori Latini, che hanno scritte le cose della nostra Italia. Il primo tomo (poichè sarà in molti divisa) abbraccerà gli Storici particolari della Lombardia sì superiore, come inferiore, a' quali porrò innanzi alcuna Cronaca universale, sempre d' Autore Italiano. Del mio vi saranno prefazioni universali e particolari, annotazioni marginali, indici copiosi, ed appendici di stromenti autentici antichi, o di pistole Istoriche, che illustrino qualche fatto, non però mai stampate, oltre alle notizie di ciascuno Scrittore, e la contezza particolare del ms. e delle persone che me ne avranno favorito. Epist. 34. Vol. 1. Ex hac epistola, sicuti ex 22. intelligi poterit quæ præsertim scripta priori operis conficiendo volumini destinaverit Zenus.

(2) Quanto alla mia Storia, ella non è tale, che abbia potuto prevenirla il Sig. Ab. Crescimbeni con quella sua pubblicata, e più volte da me riletta. In cotesta non v'è una vigesima parte di ciò che si racchiuderà nella mia, ed il metodo n'è totalmente diverso, come pure il disegno. Io m' affatico di stendere le vite ex professo con la notizia accurata delle lor opere, con l'idea del loro stile, e col giudizio, che in ogni tempo ne hanno dato i critici, e i letterati. abbraccerà due mila in circa Scrittori, principiando dal fine del secolo XII in cui la nostra Poesia ha avuto un assai fiacco principio, infino alla fine di questo, in cui siamo. Dà notizia inoltre de' mss. e del luogo ove si conservano. Hæc Zenus in Epist. ad Muratorium quæ est 20. vol. 1. vid. etiam epist. 34. & 69.

(3) Hæc Zenus in Epistola ad Magliabechium. Premetto alla mia Storia due lunghe e non inutili Dissertazioni. Nella prima con una manie-

va non più praticata, con ordine di tempi fa vedere come si corrompesse la Latina, e come ne nascesse la nostra favella. Dò le ragioni per le quali solo dopo più e più secoli, che ella era in uso presso del volgo, onde fu detta volgare, si sieno trovati Scrittori, che abbiano principiato ad illustrarla. Passo poi al suo innalzamento nel XIV. secolo, ed al suo abbassamento nel XV., fino a tanto che nel seguente ridotta da valent' uomini sott' a più certe regole e più ordinate, rinverdi più bella che mai con sicurezza di non poter ricadere, almeno sì agevolmente. Nella seconda Dissertazione mostro l'origine della Rima nelle nostre Poesie, unendo insieme quelle due contrarie opinioni, una delle quali intendo darne a' Latini, e l'altra a' Provenzali la gloria. Quindi scendo alle specie della Poesia, e di tutte ne assegno il principio con maniera assai diversa da quanti fin ora l'hanno trattate: Epist. 12.

(4) Epist. 29.

(5) Pag. 175. della Letteratura Veneziana.

(6) Vid. epist. 12. in fin.

(7) Hæc scripsit Zenus ad Philippum a Turre in epist. 62. Desidero comunicarle un mio disegno affine di averne il suo purgato giudizio. Ho poste insieme molte mie osservazioni su più di D. codici manoscritti da me esaminati. Vorrei pubblicarle di centuria in centuria, affinchè i volumi riescano maneggevoli; ed in fine d'ogni centuria penso, per dar più credito e più curiosità all'opera, metterci qualcb' opera inedita ora di storia, ora di poesia, ora d'altro, secondo che giudicherò più spediente. Mi dà alquanto di fastidio il titolo. Aveva pensato di chiamarla la libreria manoscritta, centuria prima, secouda ec: ma non mi trovo contento. Lo vorrei più espressivo, e però ricorro a chi più di me ha pratica e intelligenza. Vidend. etiam Epist. 64.

(8) La

(8) *La Galleria di Minerva*, sic Zenus in epistola ad Antonium Franciscum Marmium, non ha più credito, ed è piuttosto un guazzabuglio mal composto, che una ben condita vivanda: disgusta il palito e fa nausea, comechè di quando in quando vi entri qualche cosarella che solleticchi il gusto. Epist. 92.

(9) Epist. 183.

(10) Appellat Zenus Equivoco d' apparenza sequens auctoritatem Jacobi Mazzonii.

(11) Hæc Zenus ad Salvinum Salvinium epist. 316. Il primo Tomo contiene le Deche del Sabellico. Io vi ho fatto una prefazione istorica Italiana, dove rendo conto di tutti gli Storici pubblici Veneziani sì impressi, sì manoscritti. V' ho pure aggiunta una vita di M. A. Sabellico assai copiosa, scritta latinamente, come meglio ho saputo, essendo molto tempo che in tal lingua non mi esercito punto. . . . Ho cercato inoltre di illustrare la cronologia confusissima di detto Istoric col porvi gli anni nel margine, il che mi è costata non poca difficoltà e fatica. Lo stesso si farà susseguentemente nel Bembo, e negli altri.

(12) In epistola ad Petrum Cannerum. Io parlo a lungo di questo grande Scrittore (di Daniel Barbaro) il quale fu letteratissimo, e amatore e protettore di tutti i letterati del tempo suo, nella mia opera de' Veneziani letterati, la quale non so se mai potrà uscire alla luce; poichè come in essa intendo di tesser non gli Elogj, ma le vite de' soggetti dotti della mia patria, temo che la censura sia per dar dis gusto a molti, e difficilmente mi si lasci correr la stampa di molti luoghi, che per altro sarebbono il meglio del libro. Epist. 190.

(13) Dovendo io trasferirmi al servizio di S. M. Cesarea e Cattolica mi resta in patria il peso di mantener casa, e di provvedere di quan-

to bisogna una madre vecchia settuagenaria, e insieme una sorella già maritata, e un' altra uterina ancor nubile, col restante della famiglia. Il loro mantenimento è stato finora mia industria. La patria mi ha dato carichi: lo studio mi ha dati proventi. Io debbo con la partenza abbandonar tutto; ma sempre mi riman l'obbligo del loro sostentamento. Tener casa in Venezia mi è di necessità sì per riguardo di chi vi dee rimanere, sì per dovervi lasciare, il che non mi dà picciolo affanno, sei mila e più libri con sommo studio e dispendio da me raccolti; che come sono il mio mobile più prezioso, così anche sono il mio oggetto più caro. Epist. 311.

(14) Io mi trovo, come vi dissi afflittissimo. Il tempo che giova a mitigar tutti i mali, nel mio caso gli accresce. Ho avanti gli occhi un pessimo esempio, perchè non molto lontano. Si fece ogni sforzo da chi presiede per avere al suo servizio il Leibnizio, uno de' più dotti Uomini della Germania, e forse il più dotto, che al suo tempo vivesse. A grandi stenti fu concesso dal Re di Prussia. Fu in Vienna, e ci stette più di due anni, e ne partì disperato senz' aver ottenuta cosa alcuna di quanto gli era stato promesso. Quanto più lo sapevan dotto, tanto più i ministri lo avevano sospetto: ne avevano della stima, ma in tutto lo contrariavano. Se non avesse avuto del suo sarebbe morto di disagio. Io che nulla ho del mio, che cosa dovrò sperarne, e come soffrirne gl'incomodi della dilazione? Ho questo solo vantaggio sopra l'altro, cioè il saper meno di lui. Epist. 18. Vol. 2.

(15) Ex multis unam seligemus, in qua hæc habet. Non è poi capace una lettera di contenere le lodi del mio Monarca. Quel suo gran core ornato d'ogni virtù non si finisce mai di conoscere, nè conosciuto mai si finisce di ammirare

rare e di amare. Un giorno gliene formerò un ritratto più somigliante, che io possa, senza timore che v'entri l'adulazione, dove la verità è sì evidente. Io ho l'onor d'essere bene spesso ai suoi piedi, e di godere da solo a solo le ore intere de' suoi saggi ragionamenti. Qui le dirò solamente, che in materia letteraria egli penetra a fondo, e la sua memoria è così feconda, che più volte me ne sono stupito; e fra l'altre sovviemmi, che un giorno essendo entrati a discorrere della filosofia degli Stoici, me ne esposse i vantaggi e i difetti sopra le altre Sette degli Etrici, recandone le prove con le precise parole di Epitetto e di Seneca, che stimai che di fresco avesse studiato quegli autori espressamente, quando egli m'attestò esser più di 12. anni, che per mano non gli aveva presi. Oltre alla sua lingua naturale parla a perfezione la Latina, la Italiana, la Francese, la Castigliana, e la Catalana; e se il suo Impero. goderà ferma pace, avranno in lui un Augusto protettore le scienze, e le buone arti. Epist. 136. Vol. 11.

(16) Epist. 61. Vol. 11.

(17) Hæc scripsit Zenus ad ipsum Cæsarem in epistola, qua ei dedicavit librum delle Poësie sacre. E quanto ai drammi ben tosto m'avvidi, che alla gravità del vostro costume, e della dignità del vostro carattere nulla era più disadatto e contrario che il far comparire sulle vostre scene quel comico ed effeminato, che introdotto dall'abuso dell'arte, e sostenuto dalla scostumatezza del secolo, i personaggi o per grado più eminenti o per fama già celebri travisava e sfigurava in maniera, che tutt'altro sembravano che quali erano stati, e quai dovevano anche finti rassomigliare. Et paullo post. Dovunque poi nel racconto della illustre vita (illustrium Principum & Heroum) m'abbattea ad osservare
o ma-

o maturità di consiglio ne' dubbj affari, o magnanimità di perdono nelle offese sofferte, o moderazione ne' tempi prosperi, o fortezza ne' casi avversi; dovunque io trovava memorabili esempi o di costante amicizia, o di amor conjugale, o di man forte a sollievo degli innocenti, o di cuor generoso a ristoro de' miserabili; dovunque in fine mi si affacciavano atti di beneficenza, di fortezza, di temperanza o di altre virtù, tanto più commendate ne' Principi, quanto più necessarie, io tutto esponendo e ingrandendo altrui ne' miei versi, ne concepiva ogni volta un interno compiacimento, non per l'eccellenza dell'opera, ma per la rassomiglianza del mio esemplare, la quale sì viva e sì manifesta appariva agli occhi vostri, e a quelli de' nobili Spettatori, che tutti del pari ne godevano.

(18) E' opinione universale, che io nè abbia composto, nè possa comporne un migliore. L'Imperadore disse in pubblico, che sì fatte opere non si vedevano in Italia, perchè in Italia non v'era un altro Apostolo Zeno, che sapesse comporne; precise parole di lui, che jeri appunto giorno di gala, per esser l'anniversario dell'Augustissima, me ne diede, insieme con essa, lode particolare. Epist. 133. Vol. II.

(19) La poesia non è stata fin ora la mia continua occupazione. Molte Dissertazioni storiche e filologiche mi è bisognato di stentare per ubbidire a chi deggio: queste restano sepolte, e nasconde all'altrui sguardo e censura.

(20) Io non credo d'esser stato amato tanto da alcun mio amico, quanto da Carlo: Refert hæc Zeni verba Valsechius in eius panegyrica oratione p. 40.

(21) Io scorgeva in que' drammi la necessità di ritoccarli seriamente, dove nè la fretta, con cui dovetti idearli e comporli, nè il riguardo

E

del

del luogo, e degli attori destinati a rappresentarli, mi aveano dato tempo, e lasciato modo di liberarli da quelle imperfezioni, che per entro manifestamente, e a mente riposita vi ravvisava Se fosse stato possibile levarli affatto dal mondo o dalla memoria degli uomini, l'avrei fatto assai più volentieri, anzi che vederli con questa nuova edizione riprodotti, e in certo modo rinati. Il degnissimo Sig. Co Gaspero Gozzi ha vinte in parte le mie ripugnanze con esibirmi la sua assistenza, e la sua correzione in que' luoghi, dove più manifestamente ne avesse scorto il bisogno, dimostrandomi che è assai minor male il rimetterli in vista col loro primiero abito e aspetto, che lasciarli nella disforme sconcatura, con cui l'altrui petulanza e sciocchezza aveagli guasti e diffigurati, con pericolo, che un giorno dopo la mia morte venissero in così sconcio arnese, e informe sembianza raccolti e divulgati. Epist. 262. T. III. Et alibi, id est in epist. 52. ejusdem vol. hæc habet *Delle mie cose drammatiche io fo presentemente sì poco conto, che anzi che nudrirne compiacimento di averle scritte, ne ho pentimento e disprezzo; talchè a chi si ponesse a criticarle e a dirne male, io quasi ne avrei più obbligazione, che a chi ne prendesse la difesa, e ne dicesse ogni bene. Trattone alcune poche, io le considero sconcature ed aborti; ed in questo numero io metto ancora l'Eumene, benchè questo Dramma sia stato fortunatissimo sopra le scene, e recitato in quasi tutti i teatri d'Italia.*

(22) Vid. Epist. 276. vol. II. & notas all'Eloquenza Italiana del Fontanini p. 489. vol. II. Inter cetera hæc scripsit Zenus eadem in epistola. Per quanto io condanni i Drammi musicali, come Tragedie irregolari, non posso risolvermi a dirli col Sig. Muratori mostri ed unioni di mille
in-

inverisimili . . . Alcuni di questi (*inverisimili*) provengono dalla necessità e natura del componimento, come il dover cantarsi da capo a piedi le ariette musicali, le tante mutazioni di scena, ai quali e simili inconvenienti non è possibile che si dia riparo. Altri poi derivano dalla poca avvertenza del Poeta, che non conserva l'unità dell'azione, non la conformità dei caratteri, non il decoro della scena tragica, non il buon costume a purgazione degli affetti, non il movimento di questi a compassione o a terrore, non le convenienze di un viluppo o di uno scioglimento alle buone regole accomodate. Questi mali si possono e si debbono levar dal teatro musicale. Et infra. Più di tenerezza nudrisko per li miei Oratorj, ove conservo l'unità del luogo, dell'azione, e del tempo, e la nobiltà de' caratteri, e la proprietà degli affetti; talchè potrei ridurli a buone Tragedie se gli stendessi con più versi, e li rendessi liberi dalla necessità della musica.

(23) Desidera VS. Illustrissima da me un giudizio dell'opere drammatiche del mio Antecessore Sig. Apostolo Zeno, quasi che non bastasse il suo proprio, assai più sicuro di quello di chi, obbligato a calcar l'istessa carriera, è soggetto anche senza avvedersene a lasciarsi sedurre dalla pur troppo comune viziosa emulazione, per la quale *figulus figulo* ben rade volte è favorevole. Io poco sicuro di me stesso nel saper conservare il dovuto mezzo fra l'invidia e l'affettazione evito il minuto esame delle opere suddette: ma non posso però tacere, che quando mancasse ancora al Sig. Apostolo Zeno ogni altro pregio poetico, quello di aver dimostrato con felice successo, che il nostro melodramma e la ragione non sono enti incompatibili (come con tolleranza, anzi con applauso del pubblico pareva che credessero quei

Poeti, che egli trovò in possesso del teatro, quando incominciò a scrivere) quello dico di non essersi reputato esente dalle leggi del verisimile; quello di essersi difeso dalla contagione del pazzo e turgido stile allor dominante; e quello finalmente d'aver liberato il coturno dalla comica scurrilità del focco, con la quale era in quel tempo miseramente confuso, sono meriti ben sufficienti per esigere la nostra gratitudine e la stima della posterità.

(24) Unum e multis feligemus, quod est in principio libri 11. ubi ait; che del Zeno non ebbe la patria nè raccoglitore più dil gente, nè conoscitore più accorto di tutto ciò che in qualsivoglia modo le appartenga.

(25) Hæc scripsit Zenus ad Hannibalem Olivierium in epist. dat. xiv. Kal. Jan. 1739 *E' uscito i giorni passati un 39. Tom. del Giornale d'Italia. Tre sono gli autori di esso, ma'l principale si è il Sig. Stellio Mastracà di Corfù, in compagnia d'un suo, credo, compatriotta Niccolò Caramondani, e di altro giovine per nome Lodovico Mallet. Eglino professano di non volere nè lodare, nè censurare chi che sia, ma semplicemente e sinceramente riferire le opere uscite in Italia dopo il 1734. in cui terminò l'altro Giornale per la morte del fu mio amatissimo fratello. Epist. 155. Vol. III.*

(26) Epist. 7. Vol. III.

(27) Vid. ejus notas all' Eloquenza Italiana del Font. Vol. I. p. 14. & Vol II. p. 201. 202.

(28) In materia di spiegazione di medaglie antiche e monete, non ho mai avuto coraggio di entrare in campo pubblicamente; e da solo a solo con qualche padrone ed amico ne ho tenuti famigliari discorsi, e confidatone, qualunque ei si fosse, il mio sentimento. Alle conghietture in particolare, per quanto sieno o pajano
plau-

plausibili, son solito prestar poca fede; e dove chiara ed evidente non trovo la cosa, procedo con diffidenza e riserva, e fo come coloro, che camminano e ballano sopra la corda, i quali barcollando si piegano or su l'una parte, or su l'altra in atto, o in pericolo di vicina caduta. Da tali premesse, che sinceramente le spongo, ella di già comprende l'animo mio intorno alla pubblicazione della lettera, che l'anno addietro le scrissi sopra la consaputa moneta. Siccome la sposizione che gliene feci è tutta su conghietture, così non saprei approvare, che si rendesse pubblico l'ardire con cui le ho stese. La prego per tanto di risparmiarmi questo dispiacere, e questa prima comparsa, in cui mi esporrei, di novello antiquario. Ep. 226. Vol. III.

(29) E multis commemorandos esse putamus Ioannem Albertum Fabricium, qui sæpe suis in Bibliothecis citat Zeni Dissertationes, & præsertim in ea quæ est *mediæ & infimæ latinitatis*; Scipionem Maffei, Ludovicum Muratorium, Bernardum de Rubeis, Io. Mariam Mazzuchellum, Marcum Foscarenum, & Angelum Mariam Card. Quirinum, cuius iudicium prolatum in Diatriba de Epistolis Francisci Barbari haud exscribere pigebit. Ait enim: *Inter hosce (eruditos viros) grati animi sensus quam maxime profiteor V. Cl. Apostolo Zeno, quem, ubi nodus vindice dignus incideret, quoties consului, toties summam in eo humanitatem, inexhaustam rerum copiam, exquisitam criterii perspicaciam incredibili cum admiratione persensi: præter quam quod quæ ipse collegit, & observavit de Francisco Barbaro Tom. XVIII. Ephemer. Erud. Ital. adeo solida, adeo exacta deprehendi, ut ab his vix, aut ne vix quidem mihi in hoc opere contigerit vel latum unguem discedere.*

(30) Valfechii Oratio p. 61.

E 3

(31) Ri-

(31) *Ricercato del mio parere da amici, lodo quando mi piacciono (i componimenti) e quando no, o nulla ne dico, o lo dico con tal cautela e rispetto, che non dò luogo all' offesa, e me ne rimangon con obbligo, non altercando se trovo resistenza, e non vantandomene se incontro docilità* Ep. 38. T. III.

(32) *Hæc in tumulto inscripta fuere. Apostolo Zenn Civi Veneto Imp Caroli VI. Augusti & Theresia F. Augusta Historico & Poeta religione morum suavitate eruditione multiplici præstantissimo Fratres Prædicatores benemerenti P. Anno MDCCL.*

O P E R A E D I T A

L' INCENDIO VENETO. Venezia 1684. Nunquam mihi videre contigit carmina Zeni, quibus hoc incendium descripsit.

VITE DEL TRISSINO, e del Guarini. Extant nella Galleria di Minerva. Tom. I.

LETTERA al Sig. Astorri intorno ai Cardinali Veneziani.

DEL MAPPAMONDO Istorico Tom. V. in cui si contengono i Regni Settentrionali, cioè d' Inghilterra, di Scozia, di Svezia dal loro cominciamento fino all' anno 1699. Parte I. Continuazione dell' Opera del P. Antonio Foresti della Compagnia di Gesù. In Venezia ed in Parma per Giuseppe dell' Oglio 1709 in 4. Tom. V. part. II. che contiene le vite de' Re di Svezia dal cominciamento della Monarchia fino all' anno 1702. Tom. V. part. III. che contiene le vite de' Re di Danimarca, e Norvegia dal cominciamento della Monarchia fino all' anno 1705. Part. IV. che abbraccia le vite de' Re di Danimarca e Norvegia dall' anno 1448. per fino all' anno 1705. come

me pure le Storie del Ducato di Holstein; e quelle del Ducato di Geldria.

VOCABOLARIO degli Accademici della Crusca, compendiato da un Accademico Animoso secondo l'ultima impressione del 1691. In Venezia presso Lorenzo Bafegio. 1705. Vol. II. in 4.

I CONSIGLI DELLA SAPIENZA, ovvero raccolta delle massime di Salomone le più necessarie all'uomo per dirigersi saviamente con riflessioni sopra queste massime: Opera trasportata dalla lingua Francese nell'Italiana. Venezia 1703. presso Domenico Valvasense. in 8.

LETTERA discorsiva di Apostolo Zeno nobile Cretese e Cittadino originario Veneziano, al Sig. Abate Giusto Fontanini intorno all' grand' Opera delle Meditazioni Filosofiche del Signor Bernardo Trevisano Patrizio Veneziano, colla quale occasione si ragiona parimente dell' origine, e degli Uomini letterati della famiglia Trevisana. Venezia 1704. in 8.

GLI ELEMENTI DELLA STORIA, ovvero ciò che bisogna sapere della Cronologia, della Geografia, del Blason, della Storia Universale, della Chiesa del vecchio Testamento, delle Monarchie antiche, della Chiesa del nuovo Testamento, e delle Monarchie novelle, avanti di leggere la Storia particolare. Ultima edizione divisa in tre Volumi, accresciuta delle Monarchie novelle, di molte cose sopra la Storia Ecclesiastica, e sopra la Storia civile, e di una serie di Medaglie Imperiali da Giulio Cesare sino ad Eraclio. Opera del Sig. P. LL. di Vallemont, P. e D. in Teol. tradotta dalla lingua Francese nell'Italiana. Venezia per Girolamo Albrizzi 1714. in 8.

DEGL' ISTORICI delle cose Veneziane, i quali hanno scritto per pubblico decreto. In Venezia 1718. appresso il Lovisa. Volumen I.

habet præfationem & vitam Marci Antonii Sabellici a Zeno conscriptas. II. ejusdem copiosas notas in vitam Bombi. III. vitam Pauli Parutæ.

VITA DI ENRICO CATERINO D'AVILA premessa alla Storia del medesimo delle guerre civili di Francia, pubblicata in Venezia per Francesco Hertzauser 1733. in foglio.

NOTE alla vita di Francesco Guicciardini scritta da Domenico Maria Manni. Editæ observationes & vita fuere cum historia Guicciardini Venetiis 1738. in fol.

NOTIZIE LETTERARIE intorno ai celebri Stampatori Manuzi premesse alla ristampa delle lettere familiari di Cicerone, volgarizzate da Autore anonimo, e corrette dal giovine Aldo. Venezia per Francesco Piacentini 1736.

POESIE DRAMMATICHE di Apostolo Zeno già Poeta e Istoric di Carlo VI. Imperatore, e ora della S. R. Maestà di Maria Teresa Regina d'Ungheria, e di Boemia, Tom. X. Venezia 1744. presso Gio. Batista Pasquali. En omnium Dramatum nomen eo ordine, quo typis impressa sunt. In Vol. I. *Isigenia in Aulide*, *Merope*, *Cajo Fabbrizio*, *Lucio Papirio*, *Atenaide*, *Temistocle*: in Vol. II. *Andromaca*, *i due Dittatori*, *Gianguir*, *Ornosparte*, *Semiramide in Ascalona*: in Vol. III. *Griseida*, *Lucio Vero*, *Enone*, *Nitocri*, *Meride*, e *Seliunze*: in Vol. IV. *Ormisda*, *Scipione nelle Spagne*, *Engelberta*, *Imeneo*, *Teuzzone*: in Vol. V. *Venceslao*, *Mitridate*, *Euristeo*, *i Rivali Generosi*, *Eumene*: in Vol. VI. *Faramondo*, *P' Amor Genevoso*, *Sirita*, *Alessandro Severo*, *Aminta*: in Vol. VII. *GP Inganni felici*, *la Svanvita*, *Pirro*, *il Narciso*, *Psiche Serenata per musica*, in Vol. VIII. *Extant le azioni sacre*. Horum vero dramatum, quæ separatim impressa antea fuerant, nomina sunt: *Sisara*, *Tobia*, *Naaman*, *Giusep-*
pe,

pe, David, le Profezie Evangeliche d' Iſoia; Gioaz, il Batista, Gionata, Nabot, Daniello, David umiliato, Sedecia, la Gerusalemme convertita, S. Pietro in Cesarea, Gesù presentato nel Tempio, Ezechia: In Vol. IX. & X. Extant dramata, quæ Zenus conjuncta opera cum Petro Pariato, ipso quoque Poeta Cæsareo, fecit. Hæc sunt. Ambleto, Costantino, Sefostri, Alessandro in Sidone, D. Chisciotte in Corte della Duchessa. Et hæc in Vol. IX. In X. vero extant Aſtarto, Artaserse, Statira, Antioco, Flavio, Anicio Olibrio,

SONETTI II. Extant inter carmina Zappii aliisque in collectionibus poeticis.

DISSERTAZIONI Vossiane di Apostolo Zeno, cioè giunte ed osservazioni intorno agli Istoric Italiani, che hanno scritto latinamente, rammentati dal Vossio nel Lib. III. de Historicis latinis. Tom. II. In Venezia 1752. per Giambatista Albrizzi ec. in 4.

BIBLIOTECA dell' Eloquenza Italiana di Monsignore Giusto Fontanini Arcivescovo d' Ancira con le annotazioni del Sig. Apostolo Zeno Istoric, e Poeta Cæsareo, e Cittadino Veneziano. Tomi II. Venezia 1753. presso Giambatista Pasquali in 4.

LETTERE di Apostolo Zeno Cittadino Veneziano, Istoric e Poeta Cæsareo, nelle quali si contengono molte notizie attenenti all' Istoria Letteraria de' suoi tempi, e si ragiona di libri, d' iscrizioni, di medaglie, e d' ogni genere d' erudita antichità. Vol. III. in Venezia appresso Pietro Valvasense in 8. In volumine I. extat Zeni epistola ad Joannem Josephum Ursium adversus Dominicum Bouhoursium, quæ antea ab ipso Ursio cum aliis hujusmodi scriptis impressa fuerat.

GIORNALE de' Letterati d' Italia Volumi XXXVIII. Nemo nos accusabit, quod hujusmodi
opc.

operis gloriam Zeno concefferimus. Quamquam enim multi illius participes fuerunt, laus tamen præcipua eidem debetur, quod illo auctore idem opus fufceptum fuerit, illo duce continuatum, illo adjutore perfectum, in iis præfertim quæ ad fcribendi elegantiam pertinent; quodque demum auctum ornatumque fuerit ob plurima ab ipfo fuppeditata fcripta cedro fane digniffima. Ex his commemorandam hoc loco putamus (neque enim alibi illius mentionem fecimus) *Differtationem aduerfus Guidonem Grandium intorno al Doge Pier Orfeolo*. Extat hæc in Volumine IX. pag. 361.

ANGELUS FABRONIUS

BLANCONIO SUO S. P. D.

Sæpe inter nos, mi eruditissime Blanconi, quod profecto memoria tenes, familiaribus sermonibus est quæsitum, unde hoc exstiterit, quod nostra ætate cœpit vigere, tam commune veterum Scriptorum, tamque insolens fastidium. Ego vero cum in alias res hujus gravissimi incommodi causam confero, tum præsertim in quosdam homines ne leviter quidem doctos, qui ut sese ac sua venditent imperitis, nihil non agunt, quo e nostris manibus excutiant eam quasi trutinam, unde, quanti eorum sit, æstimari possit. Etenim doctissimi quique quam præclare de veteribus sentiant, ut eos venerentur, ut in cælum efferant laudibus, id ego & in ipsa Italia, & Italia procul multis locis sæpe cognovi. Frequenter, dum Parisiis eram, cum summis viris versabar Alembertio, Arnaldio, & Buffonio. Ac de Alembertio quidem persæpe audiivi cum
di-

diceret, neminem se nosse, quem in geometricis rebus cum Archimedis ingenio atque acumine conferret: alter vero singulis fere sermonibus inculcabat, actum esse de optimo genere scribendi, nisi ad exemplaria Græca & Latina convertamus animum: ille denique tertius Aristotelem & Plinium nunquam nominabat, quin eorum ingenium, eruditionem, iudicium in naturali Historia illustranda mirifice prædicaret. Dabis hanc mihi profecto veniam, mi Blanconi, ut in hac disputatione diutius hæream aliquanto: etenim hæc ipsa Michellii vita me quodammodo admonuit, nullam opportuniorē ad ea, quæ dicenda sunt, ingressionem futuram. Cavendum est enim, ne quis eorum, quorum in manus hæc venerint, secus intelligant quam velim, cum legent commodiores quasdam his postremis temporibus esse inventas rationes ac vias historiæ naturalis (præsertim quæ ad plantas pertinet) explicandæ ac tradendæ; eandemque viam Petro Antonio Michelio ad gloriam atque ad immortalitatem fuisse. Quæ si quis in eam partem accipiat, ut illa veterum scripta hisce

ſce novis obſoleviſſe jam, aut paulum obſcurata eſſe putet; nã ille vehebementer errat. Nam ut eodem redeat unde paulo ante deflexit oratio, atque ut clariffimos viros mortuos iſdem prope ornem laudibus, quibus a clariffimo hujus ætatis viro (I) ſunt ornati, quid Ariſtotelia animalium hiſtoria fieri potuit utilius obſervationum diligentia, varietate, & copia? Quæ ſi unius hominis ſunt, quæ poterit ejus ſolertiæ par laus inveniri? Sin e multis voluminibus unum in locum ſunt collatæ atque in artem redactæ; illa tamen totius operis forma, illa partium tributio, illa & exemplorum electio & ſimilium convenientia, ille denique in cogitando, atque in exprimendis animi ſenſis quidam ductus & quaſi color, quem ego Philoſophi notam & characterem libens appellaverim; hæc inquam omnia nonne eum longe aliis præſtiſſe declarant, a quibus eam ſuppelleſtilem ſit mutuatus? Nam Plinii ingenium nullis eſt terminis circumſcriptum aliis, quam quibus

(I) Buffon Diſcours de la maniere d'etudier & de traiter l'hiſtoire naturelle.

bus Natura rerum definita & conclusa est. Audeo dicere ipsam hanc universitatem homini summo angustiore suo ingenio prope esse visam. Cujus historia non mutas solum animantes, & stirpium vim prope infinitam, & metallorum, ceterarumque opum, quæ sunt in terræ latebris retrusa atque abdita; sed cæli præterea descriptionem, terrarumque omnium una complectitur: adde huc medicinæ, mercaturæ, navigationis historiam, artiumque omnium, quæ vel vulgares atque humiles, vel ingenuo sunt ac libero dignæ: atque, ut brevi complectar omnia, quæcumque tum homines seorsim norant, qui una in re separatim elaboraverant, hæc ille divina quadam facultate & doctrina complexus est universa. Ad hanc vero tantam materiem tamque multiplicem parem semper affert & cogitandi sublimitatem, & acumen scribendi, & eruditionis elegantiam, & judicii maturitatem: ita vero stylum rebus attemperat, ut imitari eam ipsam naturam videatur, quam depingit; ita amœna hilare, tristia severe, exilia presse, grandia magnifice exprimit. Sed ei, qui phi-
loso-

losophus est futurus, duabus præsertim virtutibus usui est; & quod libertatem quandam inspirat legentibus, vacuo a præjudiciis animo cogitandi; & quod non tam singulas res, quam genera ipsa rerum intuetur ac sequitur; scientiamque sic se gerendo efficit longe plenior. Scio hoc, quod postremum posui, & Plinio & plerisque veteribus vitio verti; eoque nomine recentiores anteferri, quod hi subtiliores in natura indaganda, diligentioresque inveniantur. Sed ego hanc laudem præscos homines non tam desperasse arbitror difficultate consequendi, quam iudicio quodam neglexisse. Omnia illi ad utilitatem referre, nihil ad ostentationem aut ad curiositatem solebant: libros aut numero augere, ut nunc fit, aut etiam mole exaggerare, neque impune poterant, neque, si potuissent, omnino vellent: magni viri perpetuam esse laudem ac propriam ducebant in magnis itidem rebus ponere industriam. Atque ut hujus rei ab alio genere artis, neque tamen adeo dissimili, petamus exemplum, quis nostrum est veterum tabularum artisque pictoriæ

etioræ paulo cupidior, qui nesciat Raphaelem præsertim Urbinatem, eam consuetudinem in imitanda veritate semper tenuisse, ut quod in imagine primum ac præcipuum est, quam diligentissime perficeret ac poliret; cetera, quæ secundaria illa in arte appellantur, lineamentis & coloribus paucis adumbrata potius quam expressa relinqueret? Vere hoc mihi videor esse dicturus, librorum Genium (sicut Poetæ (1) voce uti licet) itidemque picturæ hoc indicio prodi vel maxime, quod in tenuiculis quibusdam indiligentiam & neglectum, in maximis sedulitatem curamque præseferant. Neque tamen non magna illis habenda gratia est, qui huic veterum incuriæ mederi, naturamque eam, quæ vel in minimis admiratione digna est, indagare subtilius voluerunt: neque ille ego sum tam ineptus homo, & tam vecors;

Qui redit ad fastos, & virtutem æstimat annis,

Miraturque nihil, nisi quod libitina sacravit.

Sed

(1) Mart. lib. VI. Epig. LX.

Sed nihil opus est, mihi crede, hac ætate scribenti novos auctores commendare: illud necesse habemus monere lectores, ne horum gloria veterum nobilitatem imminutam putent. Tu vero, mi Blanconi, qui monitore, me præsertim, non eges, ea voluntate fac suscipias Michelii vitam, qua ego defero, veteris amicitiae testimonium, si tantum scribendo assequi potero, sempiternum. Hunc autem virum, quo de nunc agimus, eo etiam nomine pluris aestima, quod historiam naturalem non illis ætatibus coluit, qua pauci ejus scientia delectarentur, quod illis veteribus usu video venisse; sed eo potius sæculo, quod huic Philosophiæ parti tantum habet honorem, quantum nullo unquam tempore se consecuturam speravit. Vale

Florentiæ Kal. Sex. MDCCLXXIV.

PETRUS ANTONIUS MICHELIUS.



Etrus Antonius Michelius magnum inter Botanicos nomen, idemque ambiguum est. Duo enim, alius alio ævo, extiterunt eodem illo nomine vocitati, eademque in Italia orti, qui rei herbariæ disciplinam colebant & augerent. Sed ille superior, qui ducentis ante annis vixit, generosus ac dives, plurima a fortuna mutuatus præsidia ad laudem, vix eo processit, ut secundarum aut tertiarum partium fuisse actor videatur; hic autem recentior, cujus vitam scribere in animo est, genere obscurus, rei familiaris egentissimus, multis ad omne decus litterarum septus incommodis, in eam venit famæ celebritatem, ut nemo ei anteferatur, pauci pares numerentur. Itaque in hoc homine compertum est quid præclara indoles possit etiam reluctante fortuna. Pater ejus Petrus Franciscus artem fascitavit non absimilem fullo-

ni-

nicæ, quam Theophrasti patrem exercuisse proditum memoriæ invenio. Is Petrum Antonium ex Maria Salvuccia uxore suscepit Florentiæ anno 1610 LXXIX., eumque mox peradolescens vix primis litterulis imbutum bibliopolæ tradidit, cujus in taberna stipendia faceret libris consuendis poliendisque. Quo tempore cum piscatui identidem indulgeret, audiretque genus quoddam esse graminis, quod objectum piscibus eam stupiditatem inducit, ut in manus prædamque hominum sponte fluant, incredibile dictum est, quo studio exarserit cognoscendi ejus & comparandi. Erat autem *tithymalus characias*, quam ille in horto botanico internoscere, ejusque formam animo insculpere primum curavit: colles deinde urbi finitimos, prata, camposque omnes perlustrare atque scrutari cœpit incredibili patientia, conatu irritum: neque enim id genus plantæ in Etruria proveniunt sponte sua, nisi Pisanis aliquot jugis, & maritimo quodam tractu. Sed quanquam male

ei res ceciderat, minime tamen abiecit animum, aut se ab eo studio, in quo casu inciderat, revocavit. Jamque a piscatu ad herbariam omni cura cogitationeque traducta, quidquid e suo munere supererat otii, id in Mathioli commentariis consumebat: quas vero cumque species herbarum in iisdem expressas viderat, eas circum agros quærere, bibulis chartis siccare, scitari ex peritioribus viris ecquod nomen cuique verius conveniret. Ferunt eum adhuc adolescentulum, summa æstate, triduo itinere, genus quoddam astringentiæ in supremo Apuæ jugo nasci solitum quæsisisse; atque inde reducem, absumpto viatico, fractis viribus, ad quandam tabernam xxiv. ab urbe lapide semianimem jacuisse, eoque casu tabernarium commotum hospitio liberaliter excepisse, neque ante remisisse domum, quam recreatum vidisset. Hisce rebus sæpe a parentibus objurgatus, quod inanem voluptatem, ut putabant, suis commodis posthaberet, eos tandem inflexit gravissimorum ho-

hominum, qui jam tum optime de eo sperare cœperant, auctoritate. In quibus tres potissimum commemorandi sunt ex eadem Sodalitate Vallis Umbrosæ religiosi viri, beneque de plantarum historia meriti, Virgilius Falugius, Blasius Blasius, Bruno Tozzius, quos ille tum adolescens hortatores habuit, adutoresque studiorum suorum: hinc librorum supellex, hinc itinerum subsidia, hinc rudimenta certæ cujusdam & ratione traditæ doctrinæ. Ejus fructus fuere opuscula quædam lucubrata, vix digna quæ memorentur, si posteriorem spectes tanti hominis usum atque doctrinam; sin auctoris ætatem atque industriam consideres, commendatione omnium dignissima. Quorum unum continet nomina herbarum umbelliferarum circa Maurillum montem nascentium, quod Cosmo a Castellione nobili viro suique amantissimo, cujus in latifundio repertæ fuerant, nuncupavit: altero vero complexus est plantas Thuscis rariores, descriptionemque præterea rerum naturalium, quæ videren-

tur eo in regno admirandæ; idque Cosmo ipsi Magno Etruriæ Duci donum paraverat. Fuit enim ille Princeps, cum omnis philosophiæ, tum historiæ plantarum satis cupidus; qui ut Theophrasti libros probe illustratos videret, statuerat olim usque in Ægyptum herbarios mittere, ut cum in rem præsentem venissent, facilius de iis, quæ ille scripserat, possent judicare. Id negotium, aliquot post annis, non multum abfuit quin ipsi Michelio legaretur. Sed is ægre ac serius in cognitionem Principis atque existimationem venit. Obstabat enim litterarum, ac latinitatis præsertim, ignoratio, quin plerique opinionem de eo satis dignam haberent. Itaque operarium quendam vulgo arbitrabantur, nemo philosophum sperabat. Ille vero cum se in clientelam doctorum hominum ac potentium dedisset (in his nominatos invenio Philippum Bonarrotium, Laurentium Magalottum, Josephum del Papa) paullatim aulæ regiæ innotescere, atque in ore hominum esse cœpit. Augebat ei famam ex-

te-

terorum iudicium, qui Florentiam ventitabant, Guilelmi Gherardii præsertim, qui cum magnæ indolis optimæque spei juvenem prædicaverat: in primis vero Josephi Tournefortii dictum summo ei bono fuit. Cum enim Michelius herbulæ σΧελετὸν, de cuius nomine hæsitabat, per Laurentium Magalottum in Galliam ad Regnerium misisset, ut ea de re ad Tournefortium referret, respondit gravis auctor, atque herbariæ philosophiæ quasi deus, *Gallium saxatile, minimum, pyrenaicum, musci facie* videri; ei autem juveni, qui tale gramen in Italia repererat, gratulari sese, optimeque ominari: neque enim, inquit, id genus plantæ, nisi præruptissimis montium jugis, innasci solent; quo nemo perrepperit, qui non idem studiosissimus sit huius nostræ doctrinæ. Ea vox divinatio quædam fuit: etenim & illa herbula in summa Apuana petra fuerat reperta, ubi vel caprini gregis vestigium frustra quæsisisses; & ille juvenis ob eam ipsam tanti viri commendationem Cosmo renuntiatam,

primo Principis gratiam, tum pecunias; ad extremum gloriam quam amplissimam consecutus est. Primus ad lautiores fortunam gradus fuit anno 1606, cum annorum esset VII. & XX. Tunc enim Angelo Tilio medici horti, qui Pisis est, Præfecto adiutor est datus, centissimum LXXX. in annos singulos merces decreta, negotium commissum, uti selectissimis herbis Florentinum & Pisanum regios hortos augeret. Sic ille opificio librorum aliquando liber, totum se se litteris abdidit. Qui quamvis naturalis historiæ partem nullam prætermiserit, herbariam tamen habuit eximiam; deque ea perficienda jam tum agitare animo consilia cœpit. Allatæ nuper in Italiam e Gallia fuerant Tournefortii herbariæ Institutiones, eique Magni Ducis munificentia dono datæ; in quibus nova quædam ratio, sive ut Græci loquuntur, *μέθοδος* traditur totius facultatis ediscendæ. Hanc rationem, quæ post ab italicis scholis omnium expeditissima & aptissima judicata est, primus Italorum arripuit Michelius, atque ad
eam

eam augendam totum se contulit; nullam ut aliam rem tot vigiliis, tot itineribus, tot lucubrationibus egisse magis videatur, nisi ut Tournefortiana ratione auctiore atque emendatiore uteremur. Perfecit vero quod instituerat III. & XX. annis eo libro edito, quem *Nova plantarum genera* inscripsit. De quo volumine plura lectorem docebimus, sed opportuniore in loco: prius enim docendus est, quibus ille artibus tantam facultatem attulerit ad scribendum. Quare dicemus primum de itineribus ejus; simul cetera expediemus quæcumque memoria digna erunt. Atque ejus quidem itinera capitulatim scribemus: studiosiores harum rerum ad eos libros delegabimus, quos cl. vir Jo. Targionius partim ipse composuit, partim a Michelio conscriptos publici juris fecit (1) partim in sua bibliotheca, producturus cum fata siverint, invitus premit. Nihil vero est iis copiosius ad cognoscendum quanta in locorum

va-

(1) Catal. plantar. Horti Flor. in Præf. Viaggi ec. lib. VI. & alibi.

varietate, quantaque sit cum utilitate Michelius versatus. Apparet enim totam fere ab eo Italiam peragratam; nullum in ea fuisse medicum hortum paullo notio- rem, quem non iviserit; neminem rei herbariæ scientiorem, quem non convenerit; nullum denique tractum ubertate herbarum paullo nobiliorem, quem non perlustrarit. Idem Tirolin, Austriam, Boemiam, Borussiam, Silesiam, Thuringiam adiit: iter quoque in Galliam apparaverat, quod aliis atque aliis impedimentis interceptum sublatum- que est. Quo autem venire ipse non po- tuit, inde semina plantarum indigenarum, aut earum *σχελετὰ* impetravit. Id non tam permutatione rerum similium consequeba- tur, quam sua dignitate. Erat enim in magna apud exteros fama, quemadmodum Maffejus & Cocchius litterariis itineribus peractis, testati sunt; indicioque sunt epi- stolæ clarorum virorum post ejus mortem repertæ, qui ejus ultro amicitiam expeti- vere, perpetuisque officiis coluere (1).

Hæc

(1) Extat collectio apud Targionium.

Hac ratione Pisanum hortum, maximeque Florentinum, cujus omnis ei fuerat procuratio delata, mirifice locupletavit. Quem cum ita squalentem suscepisset, ut IV. & LXXX.; neque eo plus, species plantarum contineret, effecit industria sua, ut florentissimus in Italia censeretur. Cujus etsi catalogum stirpium habemus a Michelio contextum, non ex eo tamen aut viridarii præstantia, aut Præfecti sedulitas metiendâ est: constat enim, cum ille scriberet, vix decimam partem stirpium, quas inseverat tot continuis annis, superfuisse; reliquas aut cœli conditione; aut hyemis vi, aut cultorum socordia periisse. Quare cum hoc genere hominum perpetuum bellum habuit indictum, quorum culpa tantos labores tantamque spem prope quotidie interire videbat. Neque solum multitudinis plantarum in conferendo horto, sed elegantiae quoque atque ordinis, qui a Tournefortio fuerat inductus, habuit rationem. Ita est factum, ut loci amœnitas juxta & commoditas discendi multos alli-

ceret, ut eodem ventitarent, & Michellium audirent: in quibus nobilissimi etiam homines & primarii civitatis fuerunt. Sed ut eos, qui rem herbariam animi gratia excolerent in viridario atque intra sæpta instituebat, ita e contrario, si quis præstans ea in arte vellet esse, eum in medios camposeductum erudiebat: neque enim palæstram esse meliorem putabat, quam quæ a natura esset constituta; neque in herbariorum numerum posse quemquam venire, nisi in ea diu multumque desudasset. Quapropter cum audisset aliquando se a quibusdam Patavinis Doctoribus nescio qua in re esse reprehensum: ego vero, inquit, istos delicatulos, qui in libris tantum, aut in viridariis didicerunt, vix herbariorum nomine dignos puto; quos si ex umbra in solem eduxeris, rudes inveneris atque infantes. Itaque nihil ipse magis providit, quam ut nemo sibi hoc crimen posset obii-cere. Legerat quidem omnes ante se Scriptores; & qua erat memoriæ facultate, nedum descriptiones formasque plantarum,
sed

sed ipsam paginam mente retinebat, quæ quidque legisset. Neque eo secius loca, unde stirpes illi decerpserant, quoad potuit, invisit; quod eam unam viam esse tutissimam putabat ad eorum scripta vel refutanda vel probanda. Tali consilio Apuliam, Campaniam, Umbriam, Latium peragravit Fabii Columnæ vestigiis olim impressa: adhæc Togatam in Galliam venit, campos semel atque iterum scrutatus est ab Anguillara descriptos; maxime vero singulos Etruriæ, non dicam montes aut etiam agros, sed & lacus, paludes fontesque omnes requisivit, ut haberet quid de Cæsalpini, aut Bacconis relationibus esset sentiendum. Longum est enumerare hæc singulatim: hoc unum satis erit dictum, nullum prope genus plantarum a superioribus herbariis in Italia fuisse descriptum, quod nativis ille in locis non requisierit; sæpe etiam non attulerit aliquid novi ad illustrandum. Siquid vero magis dubium inciderat, pluribus annis eodem rediit; aut si esset ipse impeditus, certos homines in agros vel remotissimos legavit, unde plantas referrent.

Pari ratione quæ transalpini aut transmarini auctores de suis regionibus tradidissent, non temere credidit; sed eas herbas aut in Italia satas diligenter examinavit, aut si virides videre non posset, saltem arefactas conquisivit. Hinc ei præclarus ille & quantivis pretii constitit aridus hortus, quem ego multis voluminibus inclusum vidi in ædibus Targionianis: quem qui adspexerit, vix intelliget quemadmodum tot opes, quas disjunctissimis in locis per Galliam, Helvetiam, Britanniam, Germaniam, Siciliam natura peperit, privatam in domum sint congregatæ. Sic ipse de Camerarii, Tragi, Raii, multorumque præterea scriptis, qui natale solum vestigarant, potuit judicare. Atque in iis, quas hætenus dixi, formis herbarum archetypis comparandis, amicorum plerumque opera usus est: de his vero stirpibus, quas ex Hungaria, Boemia, Austria Clusius vulgaverat, non dubitavit, cum eas elicere aliunde non posset, ad ipsum Eugenium a Sabaudia scribere, eumque rogare, ut earum

rum.

rum exempla herbariorum arte exsiccata ad se mitteret: quod videlicet summus ille & vir & dux libens fecit, ejusque benignitatis Michelius voluit memoriam extare, cum herbam ab ejus nomine dixit Eugeniam. Fecit hoc item in pluribus, qui bene fuerant de se meriti, veteri more tum aliorum, tum Cratevæ eximii *ῥιζορύμυ*, qui Mithridati Regi Mithridatiam adscripsit (1). Præsertim cupidissimus erat eas cognoscendi, quæ circa Montem Pessulum, illud Botanicorum Athenæum nasci solent, de quibus Magnolius, Rondelerius, Dodoneus tam multa scripserunt, duoque in primis hujus philosophiæ lumina Gaspar & Jo. Bacchini; qui quidem vulgaria passim appellant certa plantarum genera, quæ apud nos vel nulla sunt, vel alia sunt quam putantur. Quarum cadavera, ut his diebus loquuntur, cum frustra a multis petiisset, statuit ipse ad Volcas Arecomicos ire, nisi mors occupasset. Neque tamen commemoranda non fuit ejus consilii ratio, ut sedulita-

(1) Plin. N. H. lib. xxv. c. vi.

tatem hominis, siue religionem potius, quacumque de re scripsit, legentibus commendamus, quæ frustra a Dillenio quodam in suspensionem vocata est. Nihil enim illo fuit accuratius, quod putabat in iis artibus, quæ experientia constant, nullam esse nimiam diligentiam. Temporum erat observantissimus, quibus quævis herba maturesceret; ubi vero aliquam legisset, non in eam unam intuebatur, sed alias generis ejusdem aliis aut locis aut sideribus captas cum eadem illa conferebat: chrystallos adhibebat exquisitissimas, quæ magnitudines rerum valde augerent; nihil statuere solitus nisi, experimentum eadem de re iterum & sæpius cepisset. Itaque eum adversarii in invidiam tarditatis vocabant, quod opus *de novis plantarum generibus* multo ante promissum, tot jam annis prætelapsis, adhuc prælo abstineret. Quod ubi denique lucem vidit anno hujus sæculi vertentis xxix., tum vero Auctor æquis lectoribus longe celerrimus visus est, qui tantulo annorum spatio tot res eximias inven-

ve-

venisset. Et si ego non dubitabo quod verum est confiteri. Nam præter diligentiam hominis (addo etiam paupertatem) alia quoque causa & id opus remorata est, & aliis compluribus fraudi fuit, quominus vivo Michelio vulgarentur. Quamquam enim latine ad legendos scriptores abunde sciret, non tamen ea lingua scribebat satis emendate, aliorumque opera utendum erat quidquid in vulgus edidisset. Hi autem fere fuerunt Antonius Maria Salvinus & Carolus Bindus, qui tum latinitatis omnisque humanitatis laude florebant maxime. Horum auxilio serius fortasse, quam volebat, sed tamen satis eleganter librum illum, de quo proxime meminimus, adornavit. Hic ille est *de novis plantarum generibus juxta Tournefortii methodum dispositis* qui liber, ut Maffejus scripsit (1) *omnium eruditorum consensione, qui ubique gentium sunt, incomparabilis habitus est*. Cujus in descriptione dabunt hanc mihi veniam profecto ii, quorum in manus

G

hæc

(1) *Osservaz. letter. Tom. III. p. 102.*

hæc venerint, ut immorari tantisper possim, remque universam ordiri aliquanto altius. Jamdiu enim hoc ago (neque me instituti pœnitet mei) ut litteratorum historiam cum historia litterarum sæpe jungam. Principio ut ceteræ omnes disciplinæ, ita hæc, quæ in herbarum contemplatione versatur, atque a græco vocabulo *βοτάνη* Botanice dicitur, rudis quædam fuit, neque distincta generibus, neque discreta partibus, herbarum, quas illi veteres norant, observatio & notatio. Neque ea ab Medicina sejuncta facultas fuit, sed ejus quædam pars; adeo nullas herbas pensi habebant, nisi quæ adversæ corporum valetudini possent mederi. Itaque earum figuram nemo tum curiosius inquirebat, neque aliis nominibus appellabat, quam queis vulgus nominasset. Ex quo deinde est factum, ut cum hujusmodi libros posterius legunt, tanta plerumque in obscuritate rerum versentur, ut divinare potius, quam scire videantur quid illi velint. Quamobrem hoc jamdiu

diu homines doctissimi conabantur, ut ex ea, quæ nondum esset ars, efficerent artem aliquando. Notanda nimirum erant genera, eaque ad certum numerum paucitatemque revocanda: his partes, quæ a generibus emanant, subiiciendæ, omniaque vel generum, vel partium nomina definitionibus aptissimis explicanda. Sed hæc diu exercuit doctos homines contentio, quod notas sive characteres generum singulorum alii ab frondibus, alii ab radicibus, alii ab omni figura desumendos censebant, alii rursus a regionibus plantarum, aut ab tempestatibus, quibus quæque maturefcerent, aut ab sapore, aut etiam a viribus partitionem ducebant. Primus omnium Andreas Cæsalpinus (est enim hoc Italicorum hominum prope fatum, ut in bonis artibus ipsi inveniant, eorum inventa exteri deinde perficiant & poliant) primus inquam Cæsalpinus hoc vidit, partes herbarum seminales tum figura, tum numero inter sese mire congruere; quocirca eas notandas esse præcipue, ut hi-

floriam plantarum certis generibus distinguere atque illuminare possis: ita etiam fore ut neque descriptiones incertæ sint, neque ancipitem apud posteros habeant sensum. Id cum a Cæsalpino propositum esset obscurius, vix ullum nactus erat a primo subscriptorem sententiæ suæ: postea vero quam cl. v. Marcellus Malpighius anatomica sectione plantas incidere, deque toto genere enucleatius agere instituit, tum vero Cæsalpini ratio plurimis placuit; quorum alii notas designationesque generum singulorum in floribus quæsiwere, alii rursus in fructibus. Exortus denique est ille hujus antistes disciplinæ Jos. Tournefortius, qui cum statuisset, *in classium institutione solo flore esse utendum, cum agitur de plantis, quæ floribus donantur; in generibus statuendis florem simul & fructum adhibendum; in speciebus vero dignoscendis omnes plantarum partes earumque affectiones usurpari debere*, (1) omnium superiorum in hac philosophiæ parte gloriam

(1) *Inst. Herb. p. 67.*

riam vicit. Eo enim ordine in rem herbariam inducto, non modo decem plantarum millia, quæ tum fere a Botanicis noscebantur, facile in suas classes sunt distributa; sed etiam tradita ratio est, ubi speciem novam quis reperisset, eam nullo negotio ad classem atque ad genus, quod ei congrueret, revocandi. Ita aliquando hæc naturalis historiæ pars, quæ obscura atque incerta, discentibusque prope infinita eatenus ferebatur, tum clara atque tuta, tum etiam expeditissima esse cœpit; ut neque jam longum usum ad perdiscendum, neque ullam propemodum præceptoris vocem requirat. Regnat vero ad hunc usque diem in eodem doctrinæ genere Tournefortius; neque ab eo principatu Linnæi opera, licet maxime cupientis conantisque, depulsus est. Etenim huius tota ratio, in plantarum distributione ac nomenclatura, a staminibus, rebusque observatu difficillimis desumpta, ita doctos homines offendit, ut nihil obscurius fieri posse, nihil perturbatius affirmarent.

Exstat in Linnæum Sigesbeckii hac inscriptione liber, *Vaniloquii botanici specimen refutatum*; cui titulo mirum quantum respondeat reliquæ acerbitas scriptionis (1). Buffonius vero qui hominem minus inimice, neque tamen minus solide confutavit, non dubitavit in ipso magni operis limine monere lectorem, ne sese in eam viam, quam Linnæus novam excogitaverat, daret imprudens: Tournefortii rationem ordine, ingenio, absolutione unam omnibus antecellere (2). Itaque ad hanc μέθοδον
vel

(1) *Hoc vero systema, Linnæi scilicet, jam cognitæ plantarum methodis longe vilius & inferius non solum, sed & insuper nimis coactum lubricum & fallax, immo lusorium deprehenderim; & quidem in tantum, ut non solum quoad dispositionem & denominationem plantarum enormes confusiones post se trahat, sed & vix non plenaria doctrina Botavica solidioris obscuratio & perturbatio inde fuerit metuenda.* Vaniloq. Botan. specimen refutatum a Sigesbek, Petro. poli 1741.

(2) *Parmis ces méthodes celle de M. Tournefort est la plus remarquable, la plus ingénieuse, & la*

vel perficiendam, vel amplificandam Michellii opus, id quod antea significatum est, pertinebat; & quædam, ut ipse loquitur, veluti appendix Institutionum illius viri fuit. Plantas autem eo libro complexus est omnino c1010cccc: harum 10. temere antea collocatas suis quasque sedibus reponit; reliquas c10cccc. nemini unquam observatas primus describit. Etenim cum Tournefortius plantas eas, quæ audiunt graminifoliæ, inter apetalas censuisset, ipse vero earum florem explorasset binis foliis constantem, quæ antea stamina putabantur, optimo consilio novam ex eis classem constituit, & quintæde-

G 4

ci

la plus complète... Il est juste de conserver à M. de Tournefort la gloire qu' il a mérité par un travail sensé & suivi, & parce qu' il ne faut pas, que les gens qui ont appris la Botanique par la methode de Tournefort, perdent leur temps à etudier cette nouvelle methode, où tout est changé jusqu' aux noms, & aux surnoms des plantes. M. Buffon manière de traiter l' histoire naturelle premier Discours Tom. I. pag. 18.

cimæ Tournefortianæ subjecit. Contra ea juncos, omnemque stirpem congenerem apetalis, unde male disjunctæ fuerant, aggregavit. Idem plantas, quæ semina in foliis gerunt, cum duas seorsim classes tenerent, unum in locum compulit. Multis præterea in rebus consuluit ordini. Quod quidem alii fortasse leve quiddam putaverint; nos vero magna in laude ponimus. Recta enim distributione nihil est prius tum in ceteris, tum in hoc præsertim genere doctrinæ; quæ ita hodie comparata est, ut cum quinque & viginti plantarum millia comprehendat, eum tantum numerum agnoscere quis possit, si modo ideam animo infixerit plantarum saltem mille, generalem, sive ut philosophi malunt, abstractam; quod quidem, recta distributione remota, fieri non posset. Sed illud non tam ordinis renovatio, quam præclarum philosophi inventum fuit; quod sextamdecimam classem (quemadmodum paullo ante innuimus) cum sequenti conjunxit. Nam illa disjunctio eo potissimum

mum fundamento nitebatur, quod plantæ
 classis xvi. floribus carerent, classis vero
 xvii. tum florum, tum etiam fructuum
 ac seminum expertes viderentur; qua re
 olim ex putri satæ vulgo credebantur.
 Hic vero & flores earum & semina pri-
 mus vidit, si minus omnium, certe mul-
 tarum: ita constantem naturæ ordinem
 in gignendis propagandisque foetibus do-
 cuit; reliquias barbaricæ sapientiæ veluti
 a stirpe sustulit. Hisce rebus nomen reper-
 toris, quod tantopere homines affectant,
 eo jure consecutus est, quo qui optimo:
 nemo enim plantas imperfectas, quæ my-
 sterium quoddam rei herbariæ dici pote-
 rant, sagacius vestigavit, nemo de musco-
 rum natura, de fungis, deque mucoribus
 scripsit probabilius. Neque in his modo
 ejus reperta confitere. Nam & nova planta-
 rum genera invenit ad quatuor millia, quæ
 partim eodem opere leguntur, partim vero
 in libris Angeli Tillii, Hermannii Boerha-
 avii, Sebastiani Vaillantii, Jacobi Petiverii
 edita sunt, eique adtributa nominatim; par-
 tim

tim etiam inedita in commentariis reliquit. Atque eum tantum numerum supputavit homo rei herbariæ peritissimus Ant. Cocchius; cujus etiam illa vox est, aliorum quoque doctorum hominum suffragio comprobata, nemini mortalium parem adhuc laudem contigisse. Neque hoc in terrestribus tantum plantis, sed etiam in iis fecit, quæ imo mari nascuntur, quæque non minus operæ ad investigandum, quam admirationis habent. Harum cum genera circiter viginti ante eum numerarentur, hunc numerum triplo fecit majorem; deque singulorum generum figuris egit disertè, præsertim de florum & fructuum loco, deque seminum jactu & fœcunditate. Tantum vero abfuit, ut cujusquam reperti laudem alteri eriperet, ut multas plantas, quæ fabulose a Mathiolio vel ab aliis proditæ ferebantur, ipse cum veras comperisset, ad auctores retulerit suos, eorumque nomen tali suspitione liberaverit. Sed neque in iis castigandis, ubi quid offendissent, verecundior fuit quam

quam par erat, ut ejus scripta demonstrant: ex quibus apparet, non eum frustra tot itinera suscepisse, observationesque tot herbarum redintegrasse, quæ expressæ ab aliis fuissent. Atque ea quidem quæ hactenus retuli, pleraque pertinent ad primam operis partem, quæ vulgata jamdudum est; sed propter rei tamen affinitatem quædam interferui; quæ ad alteram ille partem rejecerat, quæ in lucem atque in adspæctum hominum nunquam venit. Ea vero in ejus mss. comparet, tum observationibus adornata, tum etiam tabulis; sed neque absoluta, neque ita saltem adumbrata, ut ab alio perfici possit: etenim Auctôr, ut qui incredibili quadam esset facultate memoriæ, non ita multa adversariis consignabat; plurima secum scire, atque in ipsum tempus scriptionis reservare satis habebat. Apparet tamen quatuor in libros tribuendam illam partem fuisse, quorum primus plantas comprehenderet, quæ imo: marinascuntur, alter graminifolias, tertius muscos terrestres, postremus denique stirpes eas,

eas, quibus dorsiferis nomen est. Hæc si pars accessisset, nihil hodie res herbaria fortasse haberet hoc uno opere perfectius. Quamquam ad existimationem hominis augendam vix quidquam, aut illud reliquum opus, aut aliud ingenii ejus monumentum attulisset; adeo & præstans erat & disseminata & stabilita apud omnes gentes, quæ his litteris delectantur, ejus opinio doctrinæ. Id ego multis confirmare possum testimoniis magnorum virorum, qui præsertim ei primum illud volumen edenti vel privatim vel publice gratulati sunt. Ex quibus Hermannus Boerhaavius medicorum omnis memoriæ facile princeps, cum orationem publice haberet, quæ formis impressa Batavis est, *mortalium omnium, inquit, in pervestigandis stirpibus sagacissimus P. A. Michelius, in quo uno illustrem Fabium Columnam, nobilem Cortusum, acutissimum Anguillarum renatos sibi jure Italia gloriatur. Infra Boerhaavii laudem in medicis, sed in botanicis illo etiam nobiliores per eadem*
tem-

tempora extiterunt Carolus Linnæus Svecus, & Guillelmus Sherardus Britannicus; quibus etiam usus est Michelius familiarissime. Quem ille prior tanti fecit, ut cum *de characteribus plantarum* scriberet librum separatim, nihil prope de graminibus sit dicere ausus, ut eam messem Michelio, quem oculatissimum vocat, integram reservaret; de quo etiam scripsit aliquando, eum unum inter homines vivere, qui de filicum natura posset agere luculenter. Sherardus vero, qui per diu Smyrnis est commoratus, inde usque ad eum litteras dabat, ut multas herbarum species idoneis nominibus nuncuparet; qua sapientia unum eum præferre omnibus solebat. De quo illud est memoria dignissimum, quod cum Florentiam atque ad Cosmum III. salutatum venisset, hanc Michelio laudem apud Magnum Ducem adtribuit: equidem, inquit, omnes quotquot hodie vivunt, herbarios cognitos habeo, iisque omnibus hunc virum meo iudicio antepono: itaque antequam ille discederet, stipen-

pendium Michelio de pecunia regia est adauctum. Extant aliorum præterea litteræ admirationum ac laudum plenissimæ, eque disjunctissimis locis ad eum missæ, quibus sæculi ornamentum atque herbariorum coryphæum appellabant, deque rebus dubiis ad eum referebant. In quibus nominandi sunt ex Helvetia Carolus Langius & Jac. Schewchzerus, ex Germania Jo. Henricus Linkius & Eglingerus; Hernicus de Heucher, & Jo. Ernestus Hebenstreit Poloni Regis medicus; Sebastianus Vaillantius & Franc. Chicoyneaus Galli; Jo. Martinus & Thomas Shau nobiles Angli; Jo. Burmannus Batavus; Jo. Amman Sarmata; & qui usque Mosca ejus amicitiam requisivit, omniumque Botanicorum principem nominavit Trau Got. Gerber, homo iis in regionibus probe eruditus. Extant quoque doctorum Italicorum præclara de Michelio judicîa, Vallisnerii, Morgagnii, Cyrillii, Gualterii, Leprotti, Blanchii. iisdem epistolis consignata, quas ad eum de naturali historia scri-

scripserunt . Quæ si ego singula collegero ,
 alio genere scriptionis uti videar , quam
 quo ab initio consuevi . Neque ea ipsa ,
 quæ adhuc breviter attigi , necessaria fuif-
 sent , si non esset periculum , ne hunc ho-
 minem posteritas minus admiretur quam
 meritus fuit . Solent enim plerique doctos
 viros magis ex numero , quam ex præstan-
 tia librorum æstimare : hic autem noster
 tamdiu cum adversa conflictatus fortuna ,
 ad extremum morte non matura subla-
 tus , nihil præter unum librum magni re-
 liquit ; itaque laborandum fuit , ut ejus
 testimonia dignitatis foris quæreremus .
 Sed quoniam præcipuam ejus laudem hac-
 tenus in scribendo persecuti sumus , ad-
 texemus ea , quæ etsi minus conspicua fue-
 runt , reticeri tamen sine injuria non pos-
 sunt . Nam reliqua etiam naturæ miracu-
 la , præter plantas , felici admodum exi-
 tu vestigavit . Habuit autem doctrinæ fa-
 tis in physicis non e schola atque e magi-
 stro , sed ex consuetudine hominum doctis-
 simorum , tum exterorum , tum civium ,
 qui

qui ea tempestate cœtus litterarios jam privatim, jam publice crebro habebant. His cum frequens interesset, neque ab erudito sermone unquam antea discederet, quam ad finem esset deductus, celerime autem arriperet quæ tradebantur, diligentissimeque memoria sepiet, paulatim eam adeptus est facultatem, ut in quam se cumque disputationis partem dedisset, non ignobilis aut physicus aut medicus videretur. Sed hanc eruditionem nunquam ad ostentationem contulit, sed ad solidæ fructum doctrinæ. Quocirca ut in tanta plantarum cognitione, nunquam, ut plerique *ρίζοτομοι* solent, de usu earum aut de viribus, medicorum ritu, disputavit; ita in physicis ea sibi tantum seposuit, quæ ad historiam naturalem amplificandam pertinerent. Quo in genere non est prætereunda ejus de subterraneis ignibus conjectura, quos in monte arcis Radicofani æstuassee ante omnem historiarum memoriam, atque erupisse arbitratus est; eique rei esse indicio quasdam velu-

ti pumices circa montem dispersas, quæ vulcanicam, ut philosophorum voce utar, produnt originem (1). Pari felicitate circa Vulsinium, ubi nunc lacus est, similis vulcani olim craterem fuisse homo ingeniosus conjectabat. Digna etiam lectu sunt quæ ille de testis, ceterisque maris reliquiis, quæ montes habent, collegit; de quibus nihil adhuc philosophi protulere, quod magnopere laudes. Multa quoque de piscibus atque serpentibus, deque toto animalium genere inobservata ceteris, retulit in commentaria, æreisque tabulis descripsit. Plurima vero de fodinis, deque iis universe, quæ fossili natura sunt, supra cetera de lapidibus, differuit & scripsit; ut dubitare possit nemo, quin summi etiam lithologi famam fuisset adepturus, si paullo diutius superfuisset. Ac rerum, quas paulo ante dixi, omnium specimina collegerat diligenter, museumque domi construxerat eo in genere lautissimum. Id autem non magis ad suum nomen, quam

H

ad

(1) Targ. Viaggi ec. Tom. VI. p. 248.

ad Etruriam illustrandam spectabat. Etenim incredibile dictu est quantopere hic patriam dilexerit, a qua nascens non gradum, non dignitatem, non fortunas, atque, ut brevi complectar omnia, nihil prope, præter commune solum atque cœlum, erat consecutus. Ob eam patriæ charitatem, conditiones eorum, qui ipsum alio evocabant, maxime utiles repudiavit, magnum vestigial ratus prodesse civibus, decori esse, quacumque posset in re, Florentiæ, Pisanæ Academiæ, atque Etruriæ universæ. Accedebat eo soli opportunitas, quo vix ullum esse uberius putabat ad eos sætus procreandos, qui studiosum naturalis historiæ possint tenere. Quare illud ferebat indigne aliarum regionum naturalem historiam esse contextam diligenter, Etruriæ non modo non inveniri, sed ipsa ejus gramina rario-
ra a Baccone aliisque exteris, priusquam ab indigenis, esse descripta. Ea re apparatus jamdudum fecerat maximos, ut si-
quid otii nactus esset aliquando, eam hi-
sto-

floriam saltem inchoaret . Sed quoniam videbat nihil tale sine societate multorum effici posse , neque eam fore satis , nisi ei quoque perennitas adjungeretur , cœpit homo privatus ac minime locuples de academia instituenda secum cogitare . Ea initio temeritas videri potuit ; exitus tamen sapientiam viri comprobavit (1). Ac primum sermonibus quotidianis nonnullos impulit , ut hortulum stirpium selectarum conferi vellent ære collato : mox , ut ees cupidiores rei herbariæ cognovit , facile adduxit ut botanicam academiam inde conflarent , cui tum leges latæ , dies ad cœtus celebrandos decreti , hortus denique regius , quo uteretur , ab Etruriæ Duce attributus . Hæc Herbariæ Societatis , quæ Florentiæ est , prima rudimenta appellare possis , quæ in annum hujus sæculi sextum supra decimum incidere . Neque tamen eo fastigio stetit diutius . Michelius enim , aliquot annis interpositis ,

H 2

au-

(1) V. de tota re Targion. In Præf. ad Catal. Plant. Horti Florentini.

auctor fociiis fuit, uti non cum herbis rationem solum haberent, sed historiam naturalem, in primis quæ ad Etruriam pertinet, excolerent universam. Quamquam neque his finibus includi placuit sociorum industriam, sed quam latissime excurrere. Itaque ex anno clolcccxxxiv. quo leges novæ sancitæ, focii cooptati, academix instauratio solemni ritu atque elegantissima Antonii Cocchii oratione celebrata est, licuit cuique de medicis, deque physicis, quæcumque vellet, proferre; ad extremum cum & doctrina sociorum & operum dignitate satis crevisset, a Francisco Roman. Imperatore eo nomine primo, qui tum Etruriæ imperabat, ea sodalibus provincia tradita est; uti naturalem totius regni historiam adornarent. Ita Michelii consilium aliquando valuit. Cujus academix etsi laus communicanda cum multis est, nullius tamen est propria magis, quam ejus qui ceteros in eandem impulit voluntatem; qui viridarium unde discerent, ubi cœtus haberent, tanta cu-

ra instruxit; qui museum ad comparandam historiam non sibi magis quam sodalibus voluit patere; qui & ipse in collegio præclara semper & nova, magna cum approbatione coronæ totius recitavit, & ut reliqui facere idem possent semper est conatus. Quas ob res eum & vivum Sodalitas venerata est, & mortuo tanquam fundatori ac restitutori suo parentavit. Hisce rebus cum apud suos, atque etiam externos in magna esset gloria, cumque ad illud pristinum stipendium novæ identidem accessiones essent factæ, ut adversam videretur denique vicisse fortunam, constituerat reliquam vitam operi, quod erat pollicitus, poliendo assignare, eamque ob causam iter in Galliam, de quo commemoravi supra, destinaverat. Cum repente liber de Venetis plantis Hieronymi Zannichellii posthumus prodiit, in quo nonnulla erant in Michelum asperius dicta, quæ hominis fidem in plantarum generibus constituendis in suspicionem vocarent. Ea Petrus Antonius persuadere sibi

non poterat ab Auctore libri esse profecta ; eratque opinio Jo. Jacobum Hieronymi filium, qui e schedis paternis opus collegerat, ac multa suppleverat de suo, Scriptori *Novorum generum plantarum* patris nomine maledixisse. Nam senior ille Zannichellius conjunctissime cum Michelio ad senectutem ultimam vixerat, eumque ita Michellius observarat, ut nemo par amicorum videre potuerit, qui amicitiae jura sanctius coluissent. Ejus rei testes habeo etiam litteras paullo ante obitum datas Hieronymi manu, tanta benevolentia conscriptas, ut nihil supra. Filius vero Michelum violabat non odio suo, sed ut Pontaderæ se commendaret, quem sciebat ab eo propter quasdam suspiciones jampridem esse alienatum. Utcumque res forent, Michellius insuetus male audiendi, opinione omnium majorem cepit animo dolorem. Montem Pessulum cogitabat; mutat subito consilium: impetrat ab Societate Botanicorum, ut in Montem Baldum abire sinant, verbo quidem, ut ex eo jugo, quod est herbiferum

maxime, messem in regios hortos lectissimam referat; re autem, ut cum Veneratorum litora atque agros relegerit, defensionem contra adversarii crimina efficere possit plenior. Voti compos factus, Florentiam redux; dum defensionem comparat, primum gravedine affligitur, cujus causam in incommoda itineris, quod fecerat alienissimo tempore, medici contulerunt. Eam dum negligit, in pleuropneumoniam implicatus diem obiit supremum post. Kal. Jun. anno clolcccxxxvii. æt. suæ lvii. Etatus est luctu prope publico. Iusta quam apparatissime perfoluta a duobus collegiis, Columbario & Botanico. Laudatione funebri ornatus a viro docto, ejusque carissimo discipulo Antonio Cocchio. Ex ea pleraque in hanc vitam transtulimus, nonnulla ex Maffei elogio, atque ex Lamio, qui hunc hominem & historia & carmine ornavit. Maxime vero iis libris in scribendo usi sumus, quos de Michellii vita rebusque gestis cl. V. Jo. Targionius Medicinæ Doctor, & Magliabechianæ Bibliothecæ

Præ-

Præfectus italice composuit. Is autem est, qui cum Michelio auctum esset stipendium ea conditione, ut alumnum optaret quemcumque vellet, atque ita institueret, ut eidem muneri succedere aliquando posset, a doctissimo viro lectus, & per quinquennium institutus, rem herbariam Florentiæ a Michelii obitu publice docet. Qui & multa in editis libris posuit, quæ Petri Antonii memoriam illustrant; & commentarios de ejus vita scripsit separatim testatissimis documentis plenos ac refertos, quos mecum vir humanissimus pro suo in Michelium studio communicavit. Fuit etiam hoc ejus pietatis exemplum, quod Magistri tam bene de se meriti bibliothecam, museum, scripta denique universa (quæ homini pauperrimo satis amplæ divitiæ fuerant) distrahi ab hæredibus non est passus, emitque centussibus circiter mille quadringentis. Atque hunc habuit exitum vitæ homo naturalis historiæ, ac præsertim rei herbariæ longe peritissimus, ad quem non natus, sed ab ipso rerum omnium pa-

rente atque auctore Deo unice factus videbatur: ita in eum omnia convenerant, quæ in hac disciplina maxime sunt optanda; ingenium acre, sagax, acutum, ut plurimis inter se rebus singularibus comparatis, ideas inde seligeret, quæ ad genus spectarent, tum gradus animadverteret dissimilitudinum ad species describendas easque pulchre nominandas; iudicium vero ita ab natura fictum, ut nihil præjudicati afferret ad inquisitionem veritatis, verumque a falso, naturali quodam sensu & quasi gustu, dijudicaret; firma rerum atque imaginum recordatio, ut in tot millibus plantarum minimas quasque differentias mente comprehensas teneret, quibus invicem distant: ad hæc vehemens quidam ardor amoris, paratissimusque animus, ut naturam rerum exploraret, ad omnes rerum asperitates atque adeo vitæ pericula subeunda; firma corporis valetudo, quæ æstus, algores, vigilias, molestias itinerum facile pateretur; acies peracuta, ut cum herbida in loca venisset, statim in oculos incurrerent

rent plantæ quæque selectiores ; multa præterea , quæ suis in locis sunt relata . Ad hæc naturæ bona plurima adjecit ornamenta virtutis . Nam & comis in sermone , & amicorum commodis diligentissime serviens : parcus vero in omni vitæ cultu , mirificeque abstinens , nullas ut optimatum cole-re tamicitias , nisi studiorum atque doctrinæ causâ . Verecundia tanta fuit , ut cum eum exteri omnes , qui Florentiam ventitabant , propter eruditionis famam convenirent , neque ullus ei dies ab ejusmodi salutationibus vacuus esset , subterfugeret ipse tales plerumque honores ; nedum se , ut tam multi solent , ultro venientibus venditaret . Invidiam vero , illam mediocrium hominum labem , ne de facie quidem novit , egregie liberalis sive præconiorum , sive etiam rerum suarum . Nemo ab eo stirpes , aut earum semina , aut eruditi illius thesauri gazam petiit , qui non impetravit ; nemo dubitationes ad eum retulit , quicum ille non suas notiones ac reperta communicarit . Sic se gerendo mi-

ni-

nime est mirandum, si ejus vita tam multis fuit jucunda, & mors acerba. Itaque habuit ab amicis atque ab virtute, quod frustra a consanguineis atque a fortuna requisisset, splendidum ad S. Crucis monumentum opere marmoreo, titulo, ut ab Cocchio expectari debuit, pereleganti. Ejus tituli exemplum, pariterque operum catalogum, quemadmodum consuevi, lectoribus repræsentabo.

PETRUS ANTONIUS MICHELIIUS

VIXIT ANNOS LVII. DIES XXII.

IN TENUI RE BEATUS

OMNIS HISTORIAE NATURALIS PERITISSIMUS

MAGNORUM ETRURIAE DUCUM HERBARIUS

INVENTIS ET SCRIPTIS UBIQUE NOTUS

AC PROPTER SAPIENTIAM

SUAVITATEM PUDOREM OPTIMIS

QUIBUSQUE AETATIS SUAE EGREGIE CARUS

OB. IV. NON. IAN. MDCLCCXXXVII.

AMICI AERE CONLATO TITULUM POSUERE.

OPERA EDITA.

RELAZIONE dell' Erba detta da' Botanici Orobanche, e volgarmente succiamela, fiamma, e mal d'occhio, che da molt'anni in qua si è soprammodo propagata quasi per tutta la Toscana; nella quale si dimostra con brevità qual sia la vera origine di dett' erba, perchè danneggi i legumi, e il modo di estirparla; scritta a beneficio degli agricoltori Toscani: Firenze nella Stamperia Granducale per li Tartini, e Franchi 1723. in 8.

NOVA PLANTARUM genera juxta Tournefortii methodum disposita, quibus Planta MDCCCC. recensentur, scilicet fere MCCCC. nondum observata, relique suis sedibus restituta; quarum vero figuram exhibere visum fuit ea ad DL. aneis tabulis CVIII. graphice expressæ sunt; adnotationibus atque observationibus præcipue fungorum, mucorum, affiniumque plantarum sationem, ortum & incrementum spectantibus, interdum adjunctis. Regie Celsitudini Joannis Gastonis Magni Etruria Ducis auctore Petro Antonio Michelio Florentino ejusdem R. C. Botanico: Florentiæ 1729. typis Bernardi Paperini.

CL. PETRI ANTONII MICHELII Catalogus Plantarum Horti Casarei Florentini opus posthumum jussu Societatis Botanica editum, continuatum, & ipsius Horti historia locupletatum ab Jo. Targionio Tozzetio Flor. Medic. D. Rei Herbaria Prof. Pub. Bibliotheca Pub. Magliabecchiana Præfeto, & S. R. I. Academia nature Curiosorum Collega: Florentiæ 1748. ex typographia Bernardi Paperini in fol.

RELAZIONE del viaggio fatto l' an. 1733. per diversi luoghi dello Stato Senese dal Micheli e dal Dett. Gio. Batista Monnajoni disposta dal

dal medesimo Micheli con annotazioni di Gio. Targioni Tozzetti suo scolare: edidit idem Targionius in volum. VI. operis, quod inscripfit: *Relazioni d'alcuni viaggi fatti in diverse parti della Toscana per osservare le produzioni naturali e gli antichi monumenti di essa*. Firenze 1754. in 8. p. 175. Ibidem extat etiam:

RELAZIONE di un Viaggio fatto da Pier Antonio Micheli nell'estate dell'anno 1734. per le montagne di Pistoja. p. 251.

— Altre Produzioni Naturali registrate da Pier Antonio Micheli in una breve relazione d'un viaggio da se fatto l'an 1728. d'ordine della Società Botanica per la Valdelsa e per le Maremme di Volterra: Ibid. pag. 267.

LISTA d'alcuni Fossili della Toscana, che conservava nel suo Museo Pier Antonio Micheli distesa da lui medesimo. Ibid. p. 439.

OBSERVATIO de Mauna & Gummi mori fructu nigro C. B. Pin. Extat in volumine IV. ejusdem operis p. 333.

OPERA INEDITA.

Libet horum operum indicem, qualem a Targionio accepi, hic exscribere, qui si cuipiam nimis longus videbitur, sciat hominem doctrina & diligentia summum nunquam illa longa putasse, quæ commemoranda judicavit. Novi etiam alios judicio excellentes homines, quibus, ut Aristophani Archilochi Jambus, sic index longissimus quisque optimus videtur.

Opera ad naturalem Historiam universam spectantia.

Ristretto del primo Volume della Toscana illustrata, ovvero sia Istoria Generale, nella

quale si dimostra tutte le cose naturali, che in essa, e nell' isole adjacenti spontaneamente nascono, come Animali, Alberi, Erbe, Pietre, Metalli, e Terre, de' Monti, Selve, Spelonche o Antri, de' Fiumi, Laghi, Stagni, Paludi, Bagni, Acquitrini e Fonti, e generalmente di tutte l' Acque, con l' etimologie, e spiegazione dei nomi, non solo volgari, come Greci, e Latini, con lo scoprimento di molte cose non da altri Autori osservate. Presentato al Serenissimo Granduca Cosimo III. Vol. I. in fol. Opus est non magni momenti, & ante annum 1706. a Michelio conscriptum, antequam scilicet a Magno Duce Botanici sui Titulo cohonestaretur. Continet autem enumerationes, seu breves descriptiones quarundam rerum naturalium, puta Plantarum, Animalium, Fossilium; Montium item, Fluviorum ec. quorum nomen a littera A. incipit, plerumque e variis, non tamen melioris notæ, auctoribus decerptas.

Opera ad rem Herbariam potissimum
pertinentia.

Corollarium Institutionum Rei Herbaria juxta Tournefortianam Methodum dispositum, in quo Planta plusquam bis mille omnino nova reperiuntur, nec hucusque ab alio Auctore descripta, quæ in Etruria, & in Montibus, & in Insulis adjacentibus, tum vero in amænâ viridariis Regiæ Celsitudinis Cosmi III. Magni Ducis Etruriæ observata fuerunt. Talem præferebat titulum, & circa idem tempus cum superiori opere conscriptum est. Plantas in hoc Volumine recensitas, quæ revera novæ sunt, ad alia sua opera transtulit Michelius, proindeque Corollarium istud inutile remansit.

Adversaria Tractatus de Orobanche, verna-
cu-

cula lingua anno 1723. editi. In his autem schedis, præter nonnulla variantia, & in Opere impresso prætermiffa, notatu dignæ sunt Ephemerides Observationum, & experimentorum accuratorum, quæ Michelius jam ab anno 1712. inchoavit, ad perscrutandam diverfarum Orobatiches specierum naturam, vegetationem, fœcunditatem ec. Addere liceat observationes istas a Michelio (Philosophicis studiis nunquam initiato, sed ingenium ad Philosophiam comparatum sortito) perfectas fuisse tali methodo, diligentia, & critice, ut nil amplius desiderari posset vel ab homine, qui in Philosophiæ studiis consenuisset.

Ad aureum Opus, cui Titulus *Nova Plantarum Genera juxta Tournefortii methodum disposita Pars Prima* editum Florentiæ An. 1729. pertinent sequentia mss., in quibus multa ad idem illustrandum locupletandumque continentur.

Quatuor primæ breves, & nonnihil diversæ ideæ Operis, quæ deinde locupletius, & splendidius typis edidit: in ipso autem juventutis initio a Michelio conscriptæ sunt. Ex his una titulum præfert: *De Fungis Terrestribus, & Arboris, Edulibus & Venenatis, Dissertationes viginti, facili ac perspicua methodo digestæ cum Fig.* Est Catalogus per genera & species digestus: genera autem xx. sunt, quæ Dissertationes appellat. Alia vero: *Novæ, & accurate Fungorum methodi specimen.* Vol. I. in 4. cum Fig.

Plura adversaria ejusdem primæ partis novorum generum plantarum.

Volumina quatuor in fol. & unum in 4. in quibus adnotavit quæcumque variis temporibus observare ipsi contigit, circa Fungorum, Agaricorum & congenerum Plantarum figuram, structuram, generationem, &c. insertis rudibus figuris.

Dissertatio de seminibus, & vegetatione Fungorum, Agaricorum, Mucorum, & affinium Plan-

tarum, cujus exemplum Cl. Guilielmo Sherardo amico suo præcipuo transmissit. Huic theoremati demonstrando se se primum applicuit an. 1710.

Observationes quindecim accuratissimæ circa Fungorum, Lycoperdorum, Phallorum, & Mucorum quorundam vegetationem, & fructificationem, die 26. Septembris an. 1717. inchoatæ, & mira diligentia ad finem usque Octobris continuatæ.

Alia diversa, sed elaboratior, & locupletior dissertatio de vegetatione & fructificatione Fungorum, Mucorum, Tuberum &c. Præfationis instar ad novam methodum Fungorum, aliarumque affinium Plantarum, quæ illatenus imperfectæ vocabantur. A decem antea annis sese observationes has inchoasse notat Michelius, & jam sexcentas circiter talium Plantarum species collegisse: subdit varia experimenta a se accuratissime peracta, sed diversa ab iis quæ cum Publico communicavit pag. 136. & seq. *Novorum generum Plantarum*.

Tractatus de Fungis & Agaricis agri Florentini, Cosmo a Castellione Marchioni & Patr. Flor. Fautori suo præcipuo dicatus. Continet plures eorum figuras a Thoma Chellinio ruditer expressas, & brevem methodicam dispositionem protypam illius, qua in impresso Opere usus est: in fol.

Codex alius in fol. continens figuras plures Fungorum, Agaricorum & affinium Plantarum, ab eodem Chellinio minus ineleganter pictarum.

Codices II. in fol. exhibentes figuras plurimas earumdem plantarum, sed elegantissimas, & veris plantis per quam simillimas, a Bonechio expressas. Horum unus comprehendit etiam Icones (anepigraphas tamen) Fungorum, Agaricorum &c. depromptas ex libris affabre pictis a Franc. Sterbeck, Jacobo Breynio, & Jo. Jacob. Dil-

Dillenio, quos Guil. Sherardus e Bibliotheca sua cum Michelio communicavit.

Icones minus elegantes Fungorum, Agaricorum, & affinium Plantarum omnium in prima parte novorum Generum descriptarum, in singulis paginis singulæ. Has methodo a Michelio ibidem servata digessi in sex volumina.

Descriptio formæ, colorum, vegetationis, &c. earumdem fere omnium plantarum, in impresso Opere omissa: Anno 1729. absoluta vol. I. in f.

Appendix altera ad nova genera Plantarum, in qua nonnulla adhuc nova genera, & novæ editorum generum species recensentur: An. 1735. conscripta. Vol. 1. in fol.

Icones eleganter calamo expressæ variarum specierum Marileæ, Marchantiæ, Jungermanniæ, & Musci. Vol. 1. in 4.

Icones variorum Lichenum suis coloribus expressæ a Thoma Chellinio. Vol. 1. in f.

Pars altera novorum generum Plantarum, cui Titulum hunc præfigere meditabatur. Novorum Generum Plantarum juxta Tournefortii methodum dispositorum Pars altera, qua plantæ recensentur Graminifolia omnes flore bipetalæ, tum submarine, quæque in mari nata terra inveniuntur, Diluviana dictæ, tum Musci terrestres, aquatici, arboribusque hærentes, nova, dilucida exactaque Methodo dispositæ, veris earum floribus, seminibusque demonstratis, omnes fere MM. quarum D. nondum observatæ, CCC. vero Tabulis æneis CXX eleganter expressæ Auctore Petro Antonio Michelio Magni Etruriæ Ducis Botanico. Florentiæ MDCCXXXI. Typis Bernardi Paperinii, Typographi R. C. Magnæ Principis Viduæ ab Etruria prope Ecclesiam Sancti Apollinaris, sub Siguo Palladis, & Herculis: Superiorum permissu. Quoniam vero tractandarum rerum moles ipsi quotidie in iumen-

sum excrescebat, in plures Tomos secundam hanc Partem distribuere secum decreverat.

Secundam itaque novorum generum Plantarum partem plantis submarinis tantummodo destinavit. Proinde Adversaria & Schedæ ad ipsam Plantarum submarinarum Historiam pertinentes hæ sunt. Distributio methodica plantarum marinarum, sibi ad annum usque 1729. cognitarum, in 60. circiter genera. in fol.

Schedæ plures, in quibus multa a se eadem in distributione olim posita supplentur, mutantur, emendantur; & novæ Plantæ describuntur.

Adversaria in quibus observationes suas circa flores & fructus earumdem Plantarum marinarum descripsit.

Sexaginta Tabulæ æneæ characteres genericos, & figuras plurimarum ex ipsis plantis exhibentes.

Figuræ 113. plantarum marinarum textura sua membranas, vel mucum æmulantium nativis coloribus a Th. Chellinio expressæ.

Novorum generum plantarum Pars tertia, Agrostographiam, sive Graminifoliarum plantarum descriptionem, & methodicam distributionem promens, cujus specimen exhibuit ipse Michelius N. G. P. P. 1. pag. 35. Complectitur autem sequentia mss.

Methodica distributio anno 1729. conscripta.

Schedæ plurimæ, in quibus nova observata adnotavit, priora emendavit, & supplevit.

Descriptiones plurimarum hujus Familiæ Plantarum.

Figuræ nonnullarum ex iisdem Plantis, & præsertim characterum genericorum.

Novorum generum plantarum Pars quarta, sive Muscorum terrestrium Historia, & methodica distributio. Circa idem tempus Agrostographia conscripta est, & similibus supplementis, adversariisque distincta.

Icones variorum Muscorum calamo adamussim
expressæ. Vol. 1. in 4.

Novorum generum plantarum Pars quinta,
exhibens methodicam distributionem plantarum
Dorsiferarum vulgo dictarum, sive Classis xvi.
Tournefortianæ.

Catalogus Plantarum circiter 2500. in Agro
Florentino (nempe per 12. ab Urbe Florentia
quaquaversum milliarium distantiam) sponte na-
scentium, in sex Volumina a me distributus.
Priora quinque continent Catalogum eundem
alphabetica serie digestum: sextum vero metho-
dicam distributionem, & descriptionem plurima-
rum specierum Quercus, Ilicis, Ulmi, Philyræ,
similiumque arborum, Opus hoc in ipsa juven-
tute inchoaverat Michelius; annis autem 1730.
& 1731. recensuit, & plurimarum Plantarum
graphicis descriptionibus locupletavit; verum plu-
res ex his descriptionibus incompletæ sunt, &
lacunis scatent.

Ad hoc opus pertinent sequentia Mss

*Catalogo delle Piante, che di mese in mese
spontaneamente nascono nell' ameno Giardino di
Boboli, cominciato il dì 1 di Settembre 1716.
in 4. Opus juvenile, & parvi momenti.*

Observationes circa plurimas Ulmorum va-
rietates, cum rudibus earum Florum iconibus
in fol.

Descriptio absolutissima Fungorum, Agari-
corum, & affinium Plantarum omnium in Agro
Florentino nascentium in fol.

Plures Figuræ earundem Plantarum Agri
Florentini, a Chellinio elaboratæ, quas juxta
chartæ, in qua expressæ erant, magnitudinem, in
quatuor Volumina distribui.

Figuræ elegantissimæ omnium Orchidis, &
Helleborines specierum in eodem Agro nascenti-
um, adjectis nominibus: in fol.

Catalogi quinque Plantarum Horti sicci sui. Omnes alphabetico ordine digesti sunt, & inter se admodum variantes, successive nempe renovati, & nominibus Plantarum subinde inventarum locupletati. Unus titulum præfert: *Elencbus Rariorum Plantarum Horti sicci Micheliani*, Duo: *Elencbus Rariorum Plantarum Italia, & Germania*; Reliqui anepigraphi sunt. Vol. 5. in fol. Species Plantarum 1051. circiter complectuntur, & procul dubio post annum 1723. conscripti sunt, cum in iis Synomina Horti Pisani usurpet.

Quantum conjicere licet, observationes suas herbarias tali ordine publici Juris facere olim meditabatur Michelius, præfixo titulo. *Catalogi Plantarum Horti sicci sui*: sed anno 1733. majus & aureum opus molitus est, ad cujus editionem subsidia Fautorum postulavit, sequenti Programmæ, quo titulum Operis, & leges subscriptionis, ut ajunt, prepo uit. *P. Antonii Michelii, Magni Ffruria Ducis Botanici, Enumeratio quarundam Plantarum sibi per Italiam & Germaniam observatarum, quæ scilicet Scriptoribus vel prætermisse fuerant, vel non suis sedibus posita, vel confusa aut male distinctæ, vel quarum Natalis locus indistinctus: Adjectæ annotationes quibus ea omnia suppleantur, & emendantur. His adnectitur Testaceorum aliquot Terrestrium, ac Fluvialium, juxta recentioribus Scriptoribus usitatam methodum dispositorum Elencbus, quorum pleraque nunc primum describuntur, omnia vero æneis Tabulis Chalcographi arte expressa exhibentur. Florentiæ excudebat Bernardus Paperinius MDCCXXXIII. Hoc Opus prodibit ante finem Octobris proximi MDCCXXXII. in folio, ejusdem Magnitudinis cum prima Parte Nivorum Generum Plantarum, a nobis elapso anno MDCCXXX. edita. Ad calcem hujus series accedet Testaceorum ferme C,*

iis scilicet constans qua terra, & iis qua dulci aqua vivunt, methodo, ut visum est, optima distributis, & affabre delineatis in Tabulis aliquot aeneis. maximamque partem nondum descriptis, e Museo nostro depromptis. Pretium editi Libri erit XXXVI. Denariorum Romanorum, quos Julias vocant. Constabit vero non majoris, quam XXX, qui hos ante id tempus auctori dederint.

Ut igitur gravissimam hanc Provinciam aggre-
di posset innumeras Horti sui sicci plantas,
quas alphabetico nominum genericorum ordine
illatenus digesserat, mihi distribuendas juxta Tour-
nefortianam Methodum, æstate anni ejusdem 1733.
commisit. Quatuor circiter mensium spatio, lu-
benter, & Michelio probante distributionem
hanc absolvi. Ipse vero manum operi admovit,
& observationes suas omnes, inventaque omnia
Botanica juxta Tournefortianam methodum ex-
ponere aggressus, & per duos ferme annos pro-
secutus est, donec improbi laboris pertasus,
aliis operibus moljendis se se applicuit.

Ingentem itaque Adversariorum præclari hu-
jus Operis molem nactus ego, non sine tædio,
in suas Classes digesti, invicem scrupulose con-
tuli, duplicatas & inutiles Schedas rejeci, va-
riantia & accuratius observata ad sua loca retu-
li, tandem plurium mensium spatio nitide exscri-
bi curavi, & plura volumina efformavi. Ad hoc
etiam opus pertinent:

Adversaria duo diversa, seu Commentarii,
in quos referebat quicquid in dies observare ipsi
contingeret, circa Plantarum figuras, & præ-
sertim circa ipsarum flores & fructus.

Volumen unum in quarto, & aliud in octa-
vo, in quibus varias Plantarum Icones ac potissi-
mum florum & fructuum, calamo adamussim
exprimi curavit.

Lista di tutte le Frutte, che giorno per giorno dentro all'anno son poste alla Mensa del Sereniss. Gran Duca di Toscana. Occasionem conscribendi hujus Operis Michelio præbuit tum ingens suavissimorum Fructuum copia, quibus undique advectis Cosmus III. Magnus Dux Florentinos agros ditavit; tum vero quæstiones de ipsorum fructuum natura, quas inter prædandum Magnus Dux proponebat Michelio Regiæ Mensæ frequenter assistenti. Opus hoc, ut ex primis Adversariis collegi, non magnæ molis erat, & non adeo multas fructuum horum species complectebatur: Successivis temporibus plurimum locupletavit Michelius, & extendit ad omnia fructuum edulium genera, quæ in Foro Olitorio Florentino veniri exponuntur, vel in Hortis & Agris Urbi circumfusus coluntur, servato ordine eorum maturitatis. Adversaria hæc omnia diligenter recensui, nitide exscribenda curavi, & in sequentia peculiaria Capita distinxī, Sunt nempe Catalogi, & descriptiones.

Melonum, vulgo *Poponi*, e *Zatte* sp. 126. cum Fig. 20.

Melopeponum sp. 5. cum Fig.

Anguriarum, vulgo *Cocomeri* sp. 2.

Cucurbitarum, vulgo *Zucchette*, sp. 2. cum Fig.

Fragorum, vulgo *Fragole*, sp. 10.

Fabarum, vulgo *Baccelli*, sp. 3.

Pisorum, vulgo *Piselli*, sp. 7.

Ficum sp. 91. cum Fig. 37.

Nucum Juglandium, vulgo *Noci*, sp. 37.

Corylorum, vulgo *Nocciuole*, sp. 8. cum Fig. 3.

Castanearum, vulgo *Castagne*, e *Marroni*, sp. 44.

Mororum, vulgo *More di More* sp. 9.

Berberidum sp. 1.

Rubo-

Ruborum, vulgo *More Prugnole*, o di *Macchia*, e *Lamponi* sp. 6.

Prunorum, vulgo *Sufine*, sp. 54. cum Fig 20.

Armeniacarum, vulgo *Albicocche*, sp. 11.

Perficarum, vulgo *Pesche*, sp. 44.

Ceraforum. vulgo *Ciliege*, sp. 45. cum Fig. 9.

Amygdalarum, vulgo *Mandorle*, sp. 100., cum Fig. 94.

Ziziphorum, vulgo *Giuggiole* sp. 5.

Pyrorum, vulgo *Pere*, sp. 232., cum Fig. 128.

Cydoniorum, vulgo *Pere*, e *Mele Cotogne* sp. 3.

Sorborum sp. 27. Fig. 27.

Malorum, vulgo *Mele*, sp. 56. cum Fig. 6.

Punicorum, vulgo *Meligrane* sp. 4.

Nespilorum vulgo *Nespole*, e *Razzervole*, sp. 10.

Trattato delle Viti, che si coltivano non solo nel Piano e Distretto di Firenze, ma anche per tutta la Toscana, sì nostrali che forestiere.

In hoc Opere descripsit Michellius 220. species seu varietates vitium a se observatas, inter quas eminent 150. circiter, e variis Europæ & Asiæ Provinciis delatæ, & in Latifundiis Serenis. Cosmi III. Magni Ducis potissimum cultæ, e quibus celebratissima tunc temporis exprimebantur vina. Methodo Alphabetica nominum vulgarium eas digessit, Folia & Botros accurate descripsit, Vineas, & Agros in quibus colebantur, & Regiones etiam e quibus petitæ fuerant, adnotavit. Vol. 1. in fol. cum Icone Uvæ *Soderino* dictæ in fol.

Varia adnotata successivis temporibus ad vitium Historiam spectantia.

Icones satis nitidæ 46. specierum, seu varietatum Oleæ Sativæ, quæ in Agro Florentino coluntur, adjecto earum Catalogo: in fol.

Catalogus & descriptio Malorum Aureorum, quæ in Viridariis Florentinis, ac potissimum Regiis colebantur An. 1733. 34. & 35. Sunt autem Aurantiorum sp. 74 cum Iconibus, Citretorum sp. 17. cum Icon. & Limonum sp. 80. cum Iconibus 63.

Lista di tutti gl' Agrumi, che sono dipinti ne' quattro quadri del Casino della Real Villa di Castellq, detto la Topaja. Species sunt n. 116. Tabulæ hæc a Scacciato, & Bimbio egregie pictæ, in Villa Regia, Careggi dicta, adservantur.

Liste e descrizioni di Agrumi osservati nei Giardini dello stato Veneto nel 1736.

Illustrationes Librorum XV. de Plantis Andreæ Cæsalpini. Conatus est in hoc Opere Michælius, singulis plantis a Cæsalpino descriptis nomen technicum adicere, desumptum ex Tournefortii Inst. R. H. & aliis recentioribus Auctoribus in fol.

Illustratio Horti sicci Andreæ Cæsalpini, singularum 368 specierum Plantarum, quarum sceleta agglutinata continet, methodicam nomenclaturam exhibens in fol.

Animadversiones aliquot in Aloysii Anguillæræ Simplicia in fol.

Animadversiones aliquot in Botanicon Parisiense Sebastiani Vaillantii, in fol.

Animadversiones aliquot in Jacobi Barrelieri Plantas per Galliam Hispaniam & Italiam observatas, Opus Posthumum a Cl. Antonio de Justieu digestum & editum, in fol.

Apeologia in Julium Pontaderium Rei Herbariæ Profef. P. Patavinum in fol.

Animadversiones in ipsius Compendium Tabularum Botanicarum in fol.

Riflessioni intorno al' opinione dell' Eccell. Sig. Dott. Giulio Pontaderi sopr' all' Ulva. ed il Ca-

Carie, esposta in una sua Lettera responsiva ad alcuni Questiti dell' Eccell. Sig. Dott. Tilli, annessa al suo Catalogo delle Piante dell' Orto Pisano. in fol.

Animadversiones in Librum, cui titulus: Istoria delle Piante, che nascono nei Lidi intorno a Venezia; Opera Postuma di Gian Girolamo Zannichelli, accresciuta da Gian Giacomo Figliuolo dell' istesso, in fol.

Catalogi plures Plantarum diversis temporibus cum Amicis communicatarum; nempe:

Nota di Piante mandate al Sig. Gio. Giacomo Scheuchzero l' an. 1715.

Catalogi duo Fossilium variorum, eidem Scheuchzero transmissorum An. 1716.

Altra Nota di Piante mandate al medesimo Scheuchzero l' Ann. 1717.

Catalogus Rerum Naturalium (e Regno Minerali) qua Clariss. Jac. Petiverio mittuntur ann. 1717.

Due Cataloghi di Piante mandate al Sig. Guglielmo Sherard nel 1722.

Catalogus Plantarum a Michelio repertarum, quas Michael Angelus Tillius Catalogo suo Horti Pisani inseruit.

Catalogo delle Piante trasmesse in Inghilterra al Sig. Guglielmo Sherard nel mese d' Ottobre 1725. sunt n. 186.

Nota delle Piante mandate al Sig. Sherard nel mese di Gennajo 1727. sunt n. 35.

Alii Catalogi Plantarum ad eundem Sherardium transmissarum, sine anni nota. Ipsorum primus continet Plantas 86., secundus 42. tertius 30., quartus 12., quintus 244., sextus 182., septimus 142., octavus 63., nonus 138., & decimus 71.

Nota eorum rerum, qua in perexigua Capsula, & in Libro Plantarum depictarum D. Bal-

di continentur Specimina erant Fructuum & Seminum Mueorum, Tuberum, Fungorum &c. Microscopio observanda, quæ eidem Sherardio misit.

Nota delle Piante mandate l'An. 1733. a 22. Aprile al Sig. Gio. Burmanno d' Amsterdam.

Nota di Piante mandate il dì 26. Aprile 1736. al Sig. Gio. Filippo Breynio a Danzica, ed al Sig. Giovanni Amman a Pietroburgo.

Nota di semi mandati a Londra al Sig. Carlo du Bois, l'an. 1736. nel mese di Dicembre.

Nota di Semi mandati l'an. 1736. nel mese di Dicembre al Sig. Boerhaave.

Catalogi plures Plantarum diversis annis in Horto Florentino cultarum, sub Auspiciis Societatis Botanicæ, ab an. scilicet 1719 ad 1736. Vol. 4. in fol. & 2. in 4.

Opera ad Philosophiam & Anatomem Plantarum pertinentia.

Adversaria Dissertationis de Plantarum generatione & nutritione, de fructificatione item Fungorum, & adfinium Plantarum, deque earum vegetatione conscripta sunt post an. 1729. nempe post edita Nova Plantarum Gènera. Theoremata præcipua Opusculi hujus cum Publico communicavi, in Hodoeporici mei ed. 1. Tom. 2. p. 244. ed. 2. Tom. 3. pag. 56.

Observationes circa diversas Figuras Salium essentialium Plantarum, an. 1728. inchoatæ. Vol. 1. in fol.

Opera ad Zoologiam pertinentia.

Catalogus Avium, quæ in Etruria potissimum vivunt, in fol.

De-

Descriptio duorum Anguium a se observatorum in Agro Florentino, cum Figuris elegantissimis a Bonechio expressis.

Descriptio item duorum Anguium, in Apulia inter Foggiam & Manfredoniam repertorum, cum rudibus Iconibus. Vol. 1. in fol.

Descriptiones & Figuræ plurium Exanguium, Papilionum videlicet, Tinearum, Araneorum, Crabronum, Locustarum, Scarabeorum, Limacum, Ranarum &c. duobus voluminibus in fol. comprehensæ. Descriptiones aliquæ notam præferunt Annorum 1717. 1729. & 1735.

Icones Insectorum variorum, quas a Thoma Chellinio exprimi curavit, Vol. 2. in fol.

Descriptio absolutissima mirabilis artificii, quo Cantharides quædam peculiares ova sua deponunt in foliis Pyrorum, ob corrosum prius ab ipsis petiolum arescentibus, & certa quadam lege convolutis. Adiecta est figura satis elegans.

Descriptiones quorundam Piscium Fluviatilium, & Lacustrium Etruriæ, cum figuris elegantissimis a Bonechio expressis in fol.

Catalogi varii Piscium fluviatilium Etruriæ, & Maris Tyrreni.

Huc referendæ sunt Descriptiones, & rudes Icones variorum Piscium, & Crustaceorum, sparsim in Adversariis adnotatæ.

Catalogus Testaceorum Musei sui, Listeriana primum methodo, deinde Langiana, demum anno 1734. nova ab ipso excogitata, ex supradictis. & Tournefortiana, ac Breyniana conflata, digestus, non tamen absolutus, nec omnia complexus Testacea. Methodicam autem dispositionem continet Testaceorum I Terrestrium, II Fluviatilium & Palustrium, III. Marinarum & Fossilium promiscue, utpote quæ eandem originem sortita sint. Classes Polythalamiorum, & Polytomorum copiosiores, & elaboratiores sunt,
cum

eum rudibus aliquot Iconibus. Testacea Fluvialia & Terrestria ad calcem suæ enumerationis Rariorum Plantarum edere destinaverat.

Multa item ad Zoologiam pertinentia, hac illac in descriptionibus itinerum suorum ab anno 1733. peractorum adnotata sunt. Vol. 1. in fol., in quo præterea continentur.

Conchyliæ Maris Mediterranei.

Nota de' Testacei Diluviani, che si trovano attorno S. Miniato al Tedesco. Species continet num. 77. Testaceorum in Agro Miniatenfi collectas, & sibi transmissas ab Jo. Antonio Molinario Med. D.

Dissertatio de novis Testaceorum Generibus, Crepidula nempe, Tubulo vermiculari, Polythalamio, Pholade Polytoma, & Balanoide, Societati Botanicæ communicata an. 1735. die 8. Junii Vid. Præf. meam ad Hortum Florentinum pag. LIII.

Opera ad Lithologiam pertinentia.

Catalogus alphabeticus Marmorum, Alabastrinum, Iaspidum & similium lapidum in ædificiis usitatorum, additis locis natalibus, ædificiis in quibus exemplaria elegantiora observari possunt, & Auctoribus qui de iis agunt.

Catalogus quarundam Minerarum, Chrystallionum, Lapidum item, & Terrarum, & Arcenarum Musei sui.

Catalogi varii Mineralium a se in itinere Germanico collectorum, quorum elegantiora specimen Phil. Ant. Gualterio S. R. E. Cardinali Ampliff. venum dedit.

Schedæ variæ ad Lithologiam pertinentes, & observationes quædam peculiæ circa Fossilia, & Montium Structuram, in descriptionibus Itinerum ab Anno 1733. a se peractorum adnotatæ.

Ope-

Opera ad Artes varias pertinentia.

Methodus conficiendi Laminas illas Ferreas laudatissimas stanno obductas, *Latta Florentinis, Fer Blanc* Gallis dictas, quam in Borussia, magno vitæ discrimine, duabus noctibus edidicit, anno 1708., in eo nempe itinere quod Cosmæ M. D. jussu & expensis peregit, cum rudibus quibusdam instrumentorum idoneorum figuris. Vol. 1. in fol.

Tentamen conficiendi celebrem illam ceram Hispanicam dictam, nobis vulgo *Cera Lacca*, cum speciminibus variis ejusdem ceræ.

Varia Tentamina conficiendarum Vernicum Sinensis similium.

Experimenta varia & adnotata circa solutionem, concretionem, & mixtionem plurium Resinarum, Gummarum, & Gummi-resinarum Vol. 1. in fol.

Trattato de' Carboni, Braci, Polverini ec. del modo di farli, della scelta de' legni, e tempi per farli, e de' loro differenti usi. Conscriptus A. 1733.

Legnami spettanti all' uso de' Carboni, Bracioni, Braci, Polverini, e Sanza. Vol. 1. in fog.

Opera Philologica.

Specimen Lexici Etrusci Artium, ad normam illius Academiae Parisiensis conficiendi, tamquam auctarium Magni Lexici Etrusci Academiae, vulgo *della Crusca* dictæ.

Catalogo de' nomi de' mestieri.

Termini del mestiere del Battiloro.

De nominibus Colorum, & eorum præcipue, quibus varii Scriptores in describendis Plantis usi sunt.

Hc-

Hodoeporica.

Descriptio itineris a se peracti, a die 6. ad 23. Julii A. 1704. per oram Maritimam Pisanam, ac Liburnensem, perque Alpes Lucenses, Mutinenses, Apuanas, ac Pistorienses.

Descriptio itineris a se peracti a die 13. ad 25. Octobris eiusdem Anni, per oram Maritimam Pisanam ac Liburnensem, per Gorgonem Maris Tyrrheni Insulam, per Maritima Lucensia, & Agrum Pisanum.

Recensio Plantarum a se observatarum in itinere per Vallem Arni inferiorem, Agrum Pisanum, & Liburnensem, ac oram Maritimam Lucensem.

Recensio Plantarum a se observatarum in itinere per Alpes Mugellanas, Agrum Bononiensem, Alpes Bononienses, Pistorienses, Mutinenses, Lucenses & Apuanas, Versiliam item, & Maritima Lucensia.

Recensio Plantarum, Animalium, & Fossilium quorundam a se observatorum in itinere Florentia Romam, in ipsa Roma, & in litore Maris inter Hostia Tiberina, & Castalionem Piscariae.

Iter Apulum primum, seu recensio Plantarum a se observatarum an. 1710. in itinere Florentia Romam, in ipsa Roma, & per eius Agrum; in itinere Roma Neapolim, Neapoli, atque in variis tam suburbanis quam remotioribus locis, tum etiam in insulis adjacentibus, cum in Prochita, & Ischia; in itinere Neapoli in Apuliam, & per ipsam Apuliam multis in locis; in itinere Neapoli Aquilam; in itinere Aquila Fulginium; in reditu Fulginio Florentiam, per Alpes Anglarienses, Sextini, Clusentinates, & Vallis umbrosae.

Cata-

Catalogus Plantarum, quas an. 1722. observavit in Venetorum insula *Por de Lio* dicta.

Lista di Piante portate da' Monti della Falterona di Camaldoli, e della Vernia, nel viaggio fatto l' Ottobre 1724.

Nota delle Piante che sussistono nel Giardino (de' Semplici di Firenze) portatevi nel viaggio fatto a Monte Senario l' Autunno del 1725.

Nota di Piante raccolte dal dì 4. fino al dì 7. Giugno 1726 e portate nel Giardino de' Semplici da' Colli di Scandicci, Spazzavento, S. Casciano, ed Impruneta.

Recensio Plantarum, & fossilium quorundam a se observatorum in itinere quod per Vallem Elsam, Agrum Collensem, ac Volaterranum, & oram maritimam Volaterranam peregit an. 1728. jussu Societatis Botanicæ. Catalogum Fossilium edidi in Hodoeporici mei ed. 1. Tom. 6. pag. 267.

Nota delle Cose (del Regno Fossile) osservate il dì 15. Giugno 1729. nel viaggio fatto da Firenze alla Villa dell' Arrighi, e Casignano.

Viaggio fatto il dì 20. Giugno 1729. da Firenze alla Villa del Fabbrini sopra le Tavernuzze, e per la Cura delle Rose.

Viaggio del dì 24. Giugno 1729. fatto alle Cave dei Mattoni fuori della Porta a S. Pier Gattolini: cave delle lastre, e della terra di Purgo.

Nota delle Piante portate nel Giardino della Società Bottanica nel viaggio di dodici giorni fatto nel Mese di Luglio 1729. per le Montagne di Arezzo, Montauto, Sestino, Sasso di Simone, Carpegna, Vernia, e Vallombrosa.

Iter Apulum alterum, sive Planta observata in itinere utriusque Abrutii, atque Apulia a die 8. Maii 1730. usque ad diem 22. Junii eiusdem Anni.

Descri-

Descriptio itineris Florentia Lucam, per
maritima Lucensia, & Alpes Petrae Apuanæ,
confecti an. 1730. a die 18. ad 28. Augusti,
Comite Brunone Tozzio Abb. Vallumbrosano,
& Botanico Clariss.

*Nota delle Piantе introdotte nel Giardino
della Società Botanica, dal viaggio delle Pa-
nie, dal dì 18. fino al 28. Agosto 1730.*

*Nota delle Piantе introdotte nel Giardino
della Società Botanica, dal viaggio fatto per
le Montagne di Pistoia nel Mese di Ottobre 1731.*

*Nota delle Piantе introdotte nel Giardino
della Società Botanica, dal viaggio della Mon-
tagna di Pistoia, fatto nel Luglio 1734. De-
scriptionem hujusmet itineris habes in Hodoepo-
tici mei ed. 1. Tom. 6. pag. 251.*

Adnotata quædam in itinere per Alpes Can-
tianenses peracti an. 1734.

Descriptio itineris a die 10. ad..... Junii
an. 1735 per oram maritimam Liburnensem, &
Pisanam peracti.

Descriptio itineris per varias Venetæ Ditio-
nis Provincias peracti an. 1736. a die 4. Septem-
bris, ad d. 28. Novembris.

*Varie Note di Piantе portate nel Giardino
della Società Botanica dal suddetto viaggio.*

ANGELUS FABRONIUS

ANTONINO VALSECHIO S. P. D.

ANimadvertimus sæpe una, mi doctissime Valsechi, Thomam Vincentium Mone-
 liam cum adversus Philosophos male de Re-
 ligione sentientes calamum sumpisset, locos
 gravissimos ex Theologia ac Philosophia tra-
 ctasse abhorrentes ab usu Scholasticorum; &
 in primis Italarum, cum mutuatus fuisset
 ab Academia subtilitatem argumentorum, &
 illi vicissim reddidisset ubertatem orationis
 & ornamenta dicendi, ausum fuisse Dei ho-
 minumque hostibus æternum bellum indice-
 re. Porro vir sapiens non ferebat aculeos,
 horridum, incultum, & tortuosum disputandi
 genus; eaque libentius tractavit, in quibus
 res ageretur Religionis, quia intelligebat
 serpere longius virus, quod impudentissime
 effuderant Lochius, Collinsius, Spinoza, Bay-
 us, aliique hujus generis homines, adeo ut

K

ple-

plerique eorum tetros illos horribilesque Lucretii versus in ore habere non dubitarent :

*..... Religio pedibus subiecta vicissim
Obteritur, nos exæquat victoria cælo.*

Opportune ergo adfuit Monelia, ut multis errantibus succurreret, quibus haud difficile fuit ostendere, idcirco a recta via illos deflexisse, quod parum defixissent animos, & intendissent in ea, quæ firma & perspicua sunt; quodque fallacibus & captiosis argumentis circumscripti atque decepti non habuissent in promptu, quæ pro veritate responderent. Tali modo caussis, quæ veritati cognoscendæ adversantur, auxilia totidem contra comparavit Monelia, quibus qui usi fuerunt, ut ad sanitatem redirent, non male eos vinolentis assimilare solebat. Dubitant, hæsitant, ut ait Cicero, revocant se interdum, iisque, quæ videntur, imbecillius assentiuntur; cumque edormiverunt, illa visa quam levia fuerint intelligunt. Mendaciis ac fraudibus omni quidem ætate pugnavit impietas, sed

sed hac nostra vel maxime, quod plurimum interfit illius sectatorum multos actionum sententiarumque suarum habere socios ac comites. Verentur enim Sapientum judicia, quæ declinare facilius se posse confidunt, quo latius pateat communicatio atque societas voluntatum. Quæ ego aliquando ferre debui ab hominibus audacissimis! cum me convictum esse ostendissem, ad divinæ mentis imaginem expressos animos esse; hos, quod non haberent in se quidquam admixtum dispar sui atque dissimile, non posse interire; Deum omnia iudicio ac numine suo gubernare; & qualis quisque sit, quid agat, quid in se admitat, qua mente, qua pietate Religionem colat, intueri, piorumque & impiorum habere rationem; quique hæc hisque similia convellere studerent, non solum minorum Philosophorum, ut illos appellat Cicero, sed ne Philosophorum quidem nomen mereri. Scio equidem me ab iis derisum fuisse; sed mea mihi conscientia plaris fuit, quam hominum huiusmodi iudicia atque sermones. Gaudeo oblata mihi occasionem sensus confirmandi meos

stantes nunquam alii aliis succreſcere, & alii ex aliis continenter propagari deſierunt. Libentiſſime acceptus fuit Monelia, quod omnia ſumma ab illius ingenio expectarentur; nec fallaces fuiſſe ſpes ſæpe cognitum eſt, maximeque eo tempore quo Antoninus Clochius totius Dominicanæ Familiæ moderator Florentiam advenit. Quas enim Theologicas theſes ei dicavit Monelia incredibili plauſu publice defendit; de ejuſdem laudibus orationem & carmina ſcripſit recitavitque; dumque cœnaret in ipſo Cœnobio Clochius, tertio exauditus eſt Monelia orationem habens in Dominicanæ Familiæ laudem, eamque ſcriptam elegantiffime ſententiis & verbis. Obſtupuit Clochius ſuſpiciens adoleſcentis peracré judicium & ingenium, & præclaram eruditionem; utque ſingularia merita ſingularibus præmiis afficeret, deliberavit ei Magiſterium Philoſophiæ deferre quadriennio citius quam legibus inſtituti eſſet permiſſum. Quæ res etſi minime conſecta fuit, quod obſtiterunt Seniores Cœno-

bii, rati minus expedire si juvenus ab eo intrueretur, qui pari aut minori esset ætate, tamen plurimum gloriosa fuit Moneliæ; qui quidem statim ac per ætatem licuit scholam philosophiæ omnium voluntate regendam suscepit. Hæc vero numquam magis frequentata fuit quam illo magistro; eumque præclara; quæ de ipso tota urbe surrexerat fama, ad aures quoque pervenisset Henrici Newtoni Regis Britanniæ ad Magnum Etruriæ Ducem Legati, is se cupidum cognoscendi Moneliam ostendit. Hic ut erat litterarum suæque Britannæ amantissimus plurimos cum Monelia sermones habuit, quibus illi persuaderet solos Britannos, quemadmodum de Tiresia apud Inferos Homerus ait, sapere, ceteros umbrarum vagari modo; quapropter plurimum se illius vicem dolere, quod barbaræ philosophiæ laqueis irretitus spe orbaretur posse aliquando ad aspiciendam lucem vocari. Quid multa? Adolescentem gloriæ & scientiæ percupidum, & in quo magnus erat ætatis & mentis fervor, adeo inflam-

ma-

deretur; numquam tamen laudari satis digne poterit, quod libentissime semper contulerit omne suum studium atque ingenium ad aliorum utilitatem & commodum. Sed quoniam a carceribus ad calcem illius vitæ cursum persequi nobis propositum est, priusquam exponamus mores, ingenii facultates, resque ab eo gestas, dicemus de genere ipsius, puerilique institutione. Sarezanæ, quæ est urbs in ditione Reip. Genuensis, multa sunt monumenta antiquitatis, splendorisque familiaræ Moneliæ, quæ traducta Florentiam non solum civitatis jure donata fuit, sed etiam plurima ornamenta, seu potius virtutis præmia a Magnis Ducibus accepit. Thomas Vincentius avum habuit (non enim est necesse singulos commemorare) Joannem Andream Cosmi III. Archiatrum, Medicinæ doctorem in Academia Pisana, neque contemnendum poetam, sed alienis magis, quam propriis carminibus (1)

K 3

no-

(1) Hic nempe est Curculio, quem Menzinius suis infectatus est satyris.

mus a factis, sed etiam aures a commemoratione abhorrent. Neque non maxime probandum illud est, quod ad sarcendum allatum exemplo suo Catholicis hominibus detrimentum, petierit a Clochio, ut sibi liceret ad populum de divinis rebus verba facere. Fecit autem non in magnarum urbium luce, sed in obscuris locis, volens plausus celebritatemque vitare. Sacri concionatoris munus usque coexercuit Monelia quoad Thomæ Minorellio adiutor est datus, qui in bibliotheca Casanattensi primum obtinebat locum. Non dubitabat hic, si Moneliam sibi adjunxisset, illum magno usui fore sibi in multis rebus, quas apparaverat, quasque per se præstare non poterat, quod esset ætate proventus, & oculorum lumina amississet. Itaque magno studio postulatum est ab eo, ut sibi socius idem daretur. At si profuit Minorellio opera Moneliæ, multo majores hic percepit utilitates a diuturna consuetudine hominis omni doctrina & virtute ornatissimi; cujus me-

moria & recordatio tanquam parentis carissimi fuit Moneliæ, quoad vixit, jucundissima. Inter hæc ille conscripsit divulgavitque Dissertationem *de origine sacrarum precum Rosarii B. M. V.* ut confutaret *Bollandistas*, qui S. Dominico harum precum institutionem acceptam referri debere negabant. Historiam, mores, disciplinam, hæreses, aliaque monumenta temporum, quibus Dominicus vixit, necesse fuit consulere, ex iisque omnibus ducere argumenta (quam firma aliorum sit judicium) ad comprobandum id quod traditum nobis est a majoribus, eum precandi ritum a Dominico inventum in Christianorum mores ac propagatum fuisse. Hoc opusculum, quod crasso filo contextum dicebat Monelia, voluit in Benedicti XIII. P. M. nomine apparere. Dumque majora ipse præpararet, factum est consilio Augustini Ursii, ut in cœnobium S. Marci theologiæ tradendæ causâ mitteretur. Quam enim gloriam vir summus pepererat illi domui ejusdem facultatis magister, eandem

mayit, ut patriam, institutumque suum deferere, & ad Britannos transire non dubitaverit. Rus, quo concefferat, ut liberius vacaret cuidam orationi panegyricæ concinnandæ, opportunitatem ei fecit ad fugam capiendam, parataque jam erat Liburni navis qua Londinum transportaretur, & satis grandis pecunia qua rebus suis consuleret. Quamquam Newtonus diligentissime commendaverit Moneliam iis, cum quibus amicitiae & cognationis sibi vincula intercedebant, brevi tamen ille intellexit fallacibus judiciis se vidisse magna illa emolumenta, quæ ex Londinensi commoratione sibi obventura putaverat. Triennium fere ea in urbe mansit, magnamque temporis partem consumpsit in bibliothecis frequentandis: extremo tempore ut haberet quo se aleret, docuit mercede quosdam Britannos Italicæ linguæ studiosos. Factum est autem beneficio præsertim Cosmi III. Magni Etruriæ Ducis, qui hac de re mandata dedit Equiti Giral-
dio oratori suo apud Britanniae Regem, ut

Mo-

dem a Monelia conservandam fore atque augendam sperabat . Non est credibile quot & quanta demissi mœrentisque animi signa dederit Monelia cum primum pedem intulit in illud cœnobium , ex quo discedens in malorum iliadem incurrerat . Confirmatus tamen & sua & Collegarum virtute , strenue ingressus est munus suum , & nulli quidem labori pepercit , ut juventutem florentem haberet optimis disciplinis . Utque currenti jam stimulos adderet , quotidie illi inculcabat , Theologiam non unam quamdam disciplinam esse , sed plures quodammodo in unum coactas ; fuisse jam tempora , quibus præclarum ducebatur non posse intelligi , in jejunis quæstionibus , barbaris ineptiis , merisque nugis versari ; nunc videre acutius homines , nec Theologi nomine eos dignos putare , quibus non summa sit divinarum litterarum , Ecclesiasticæ ac etiam profanæ historiæ , sacrorumque Canonum prudentia atque cognitio ; qui in SS. Patrum scriptis diu multumque non sint voluta-
ti ;

ti; quibus sit incognita legum, morum, juris, naturalisque Philosophiæ scientia; qui non perceperint doctrinam temporum, teneantque notitiam regionum terrestrium & maritimarum; qui non attigerint Hebraicam linguam, Græcam non noverint; & qui nesciant afferre compositam orationem, & artificio quodam & expolitione distinctam. Nemo quidem in perfecti Theologi imagine, quam exprimebat Monelia, illum ipsum non agnoscebat. Hoc quoque optimum factu ipse arbitratus est, si in publicis disputationibus non amplius, ut mos erat antiquus usitatusque, proponerentur sexcentæ theses nullis rationum momentis confirmatæ, ac persæpe ipsis defensoribus oppugnatoribusque parum comperatæ, sed numero paucæ, eæque solum, de quibus esset disputandum, neque jejune & exiliter, sed ea verborum & argumentorum copia, quæ rem satis illustrare posset. Tali modo Monelia se satisfacere putabat tum iis, qui hujusmodi disputationes ad acuenda adolescentium ingenia,

nia, excitandamque follertiam plurimum prodesse judicant, tum iis (quos inter eminet Joannes Clericus) qui eas obesse potius juventuti credunt; homines vero, qui res hujusmodi amant, cupidiores contentionis esse quam veritatis. Non est prætereundum primum ex omnibus discipulis Moneliæ laudabilem hunc morem tenuisse virum clarissimum Thomam Mamachium, quem honoris causa nomino. Sic se gerens Monelia neminem inter suos inventum iri existimabat, cui sua docendi ratio non probaretur. Fuerunt tamen, qui veluti noctuæ luce oblata ingemiscerent, clamarentque vetustatem suo loco conservandam esse, coercendamque illorum temeritatem, qui omnia novari volunt. Contempsit Monelia hujusmodi voculas, contemptionisque publica sunt testimonia, *Dissertationes duæ de annis Jesu Christi Servatoris, & de Religione utriusque Philippi Aug.* quas edidit anno MDCCXLI. quarumque argumenta discipulo antea publice defendenda commiserat. Cum multæ res in Chro-

nologia nequaquam satis adhuc explicatæ; tum valde implexa quæstio est de emortuali Christi anno, de qua tam variæ sunt doctissimorum hominum tamque discrepantes sententiæ, ut magno indicio esse debeant multis hujus rei cognitionem obstructam esse difficultatibus. Etenim conandum est, ut Evangelica Christi historia cum astro- rum motibus, cumque antiquitatis monu- mentis prorsus conveniat, quæ duo ita sunt constituta, ut quantum uni horum conceditur, alteri quodammodo detrahi videatur. Difficilem hanc viam ingressus Monelia, adeo quidem in ea processit, ut vix ante eum quisquam processisse longius videatur, etsi nonnulli postea satis vali- de illius oppugnaverint sententiam. Hæc ferme tota est non mediocri argumeto- rum doctrinæque copia exornata. Jesus Christus conceptus est mense Martio an. V. C. DCCXLIX. quo etiam tempore no- vum sidus Magis in Oriente apparuit; & ejusdem anni Decembri natus anno Julia- no XLI., Augusti Cæsaris XL., Olympia-
dis

dis CXIII. an. IV., Periodi Julianæ An. MMMDCCVIII. Augusto Cæsare & C. Cornelio Sulla Cofs. ante vulgarem æram an. v. exeunte, Cædes Bethlehemitica patrata est circiter Martii initium An. V. C. DCCLI., quo anno ac mense etiam obiit Herodes cognomento Magnus. Baptismo perfusus est Christus a Joanne A. æræ communis xxviii. ineunte; ter Pascha celebravit eodem scilicet an. xxviii. & duobus sequentibus, & demum in crucem actus anno ejusdem æræ xxx. C. Crasso Longino, & M. Vinicio Cofs. cum compleret ætatis suæ annos xxxiii. tresque circiter menses. Quæ pertinent ad historiam Herodis & Pilati, seriemque Procuratorum Judææ, ita sunt illuminata a Monelia, ut nihil fieri potuerit illustrius. Secunda Dissertatione oppugnat Baronium, Huetium, Tillemontium, Natalem Alexandrum, aliosque doctissimos viros, ac præsertim Jesuitam Petrum Taffinium, qui utrumque Philippum Augustum inter Christianos adnumerant. Multa affert argumenta, ut pro-

L

bet

bet hos Cæsares numquam idola sua ejurasse, sed in eo maxime nititur, quod ex ludis Sæcularibus per eos celebratis ducit. Nam quid iniquius aut indignius Christiano nomine dici aut commemorari potest quam non necessario & invite, sed libere libenterque dies festos illorum ludorum celebrasse, in quibus intoleranda licentia ac superstitio dominabantur? Ne vero ludis jam peractis eosdem Cæsares Christianæ militiæ nomen dedisse putemus, vetare nos dicit Monelia, quæ Alexandriæ nonnullos menses ante illorum cædem adversus Christianos gesta fuere, & quæ de ipsorum apotheosi ex Eutropio scimus. Has Dissertationes dedicavit Monelia Francisco II. Magno Etruriæ Duci, ut ejus beneficio sacrorum librorum & Ecclesiasticæ historiæ Interpretes in Academia Pisana declararetur. Et quidem anno MDCCXLI. voti compos factus est, assignato ei annuo stipendio CL. centussium. Paulo antequam hæc acciderent egerat Cardinalis Quirinius cum Patavinæ Academiæ Moderatoribus,

ut

ut Monelia in locum Hyacinti Serrii Theologorum facile principis succederet. Obtinere tamen minime potuit, quod Monelia quosdam Collegas suos, quos fautores fore speraverat laudis suæ, habuerit adversarios obtrectatoresque. Muneris sui initium fecit Monelia ab Latina oratione, qua ostendit Deum omnia nobis tuta & sancta esse voluisse religione; qui hanc student evertere stulte arrogantes homines, hos esse sui omnisque humanæ societatis infensissimos hostes; ipsam Religionem vero sacris litteris, & Ecclesiæ monumentis veluti fundamento cuidam constitutam esse; & tam bene fundatam & erectam Christianam disciplinam ab omnibus perdiscendam. Hæc prima ingressio e media repetita Theologia magnam conciliavit Monellæ opinionem apud Collegas suos. Et quidem interest plurimum qualis primus aditus sit, & qua commendatione ingenii Academiæ quasi fores aperiantur. His initiis cetera, quæ consequuta sunt, plane responderunt; augebatque conce-

ptam de Monelia opinionem assiduitas ac diligentia prope singularis, quam semper adhibuit in erudiendis tum in scholatum domi discipulis suis. Memorantur adhuc, quos apud se vesperi habebat, litterarum conventus, in quibus studiosi adolescentes tum in sacra profanaque Historia, tum in Geographia, tum in naturali Theologia, atque humanioribus litteris exercebantur. Sunt vero insigni indicio uberimos iis virtutis & scientiæ fontes aperuisse Moneliam quæ disputata primum privatim, mox in publicum protulit adversus eos, qui omnia fato fieri, nihil libere affirmabant. Opus istud duas in partes sive volumina distribuit, in quibus postquam multa præfatus est de consensu omnium hominum ad comprobandam vim & naturam divinam, necessitatemque religionis, exponit tum veterum, tum recentiorum philosophorum iudicia, seu potius deliria de hominis ac Dei libertate. Sed præsertim Lochii, Leibnitii, & Collinsii, necnon Hobesii & Spinosæ dogmata exami-

minat, solideque atque eleganter suo more confutat. Suam vero declaraturus sententiam in fine operis non invenit firmitus quod teneret, quam exposita in hoc eodem argumento a S. Thoma Aquinate, qui quidem Fide, ratione, & experientia ipsa nos convictos debere esse probat, Deum & ab eo creatos hominum animos libertate præditos esse. Hoc opere bellicum se cecinisse dicebat Monelia, neque conquieturum, quoad philosophos male de religione sentientes armis denucasset suis. Itaque postquam debellasset *Fatalistas*, cum *Materialistis* manus conferuit, ediditque librum qui inscribitur: *Dissertazione contro i Materialisti e altri increduli*. Hic trifariam dividitur. Prima enim pars materiam ab Auctore, cui nullis definita limitibus naturæ perfectio sit, creatam esse, vel de nihilo ductam ostendit. Altera pars multa colligit a Sanctis Ecclesiæ Patribus acute inventa, & subtiliter explicata, quibus & majus dictis lumen accedat, & ipsorum Patrum læsa

ab impiis afferatur auctoritas; & quid sit de natura divina materiæ cujusvis experti sentiendum statuatur. Tertia vero pars acriter sententias duas oppugnat, quæ certe si starent, tum de materiæ ipsius creatione, tum de summa Creatoris libertate, atque potentia actum esse videretur; nimirum & eam, qua spatium esse rem aliquam, æternam, necessariam, & a nemine pendentem ponitur; & eam, qua mundum hunc ipsum, qui conditus a Deo fuit, inter omnes, qui condi potuissent, optimum ac perfectissimum esse concluditur. Hoc opus aliud sequutum est mole quidem exiguum, at doctrina maximum, quod libris duobus artem criticam, & philosophiam contra recentiores, qui stant ab Epicuro & Lucretio, adhibet. Liber prior ipsius Epicuri & Lucretii quid valeret ingenium, quid ferre recusaret, ostendit; rationesque ab iisdem allatas, quo corpoream animi naturam esse concluderent, facile dissipat. Qui hunc consequitur liber quasdam criticæ

artis ac dialecticæ regulas explicat, & quæ sint, & quomodo sint contra impios usurpandæ, veluti digito demonstrat: tum Metaphysica scientiâ quam vim habeat, quid spectare debeat, quid recipere vel rejicere declarat; quo loco veterum ac recentiorum diversas rationes judicii sui lance ita librat, ut nihil illo prudentius, nihil solertius excogites: denique ad extremum de quibusdam libris agit de humana mente multa complexis, & in eo præsertim, cui titulus *l' Esprit*, confutando versatur. Licuit sane Moneliæ in hoc gloriari se primum ex Italis contra librum religioni bonisque moribus perdendis aptissimum calamum sumpsisse. Postremum, in quo elaboravit, opus eo collimat ut mentem hominis spiritum immortalem, non materiam cogitantem esse probet. Multa tum a Sacra *Θεοπνεύσει* Scripturæ auctoritate, quam etiam ab impiorum calumniis vindicat, tum a profana, sed tamen haud levis momenti, scriptorum fide affert in rem suam diu multumque cogitata. Geo-

metricam autem in hoc opere docendi rationem haud leviter adumbrat, & metaphysica etiam argumenta egregie pertractat. Jam vero in libris hisce omnibus eam sequitur Monelia rationem ac viam, ut artem criticam cum ipsa Metaphysica contra impios, quod & Jaquelotius tentaverat, ac magna ex parte perfecerat, apto sane ac felici nexu conjungat. In ipsa quidem Metaphysica ita versatur, ut neque veterum acumen ac differendi subtilitatem, neque recentiorum claras distinctasque notiones umquam desideres. Ea vero est in illius oratione perspicuitas, ea gravium sententiarum illustriumque verborum vis atque copia, ut quod Horatius præceperat, utile miscens dulci omne tulisse punctum videatur. Reliquit & alia scripta contra Religionis hostes, quæ utpote imperfecta ac plane rudia minime in lucem sunt edita. Quamquam in hujusmodi tractationibus sibi maxime elaborandum esse statuit Monelia, non tamen cetera, quæ collegerat ex aliis diversisque studiis

& ar-

& artibus, neglexit. Habebat in manibus opus magnum de antiquis Etruriæ urbibus: multa scripsit de ortu & progressu Catholicæ religionis apud Indos, & pro defensione Edicti Card. Turnonii: tractavit locos gravissimos, difficillimosque ex Sacra Scriptura, ut muneri, quod sustinebat in Academia Pisana, abunde satisfaceret; exercebatque se quotidie fere in optimo dicendi scribendique genere. Evolvi plura volumina illius scriptorum; & quamvis nihil publica luce dignum in iis repperim, admiratus tamen semper sum varietatem doctrinæ & diligentiam prope singularem hominis passim omnia carpentis ac colligentis, quæ studia sua juvare possent. Profecto sine ingenio, labore, & constantia summa non potuisset eo, quod intendebat, pervenire. Mirum vero minime videri debet hominem, qui omnem vitæ suæ cursum in labore confecit, qui solitudinem sic amavit, ut nemini pedem inferre in cubiculum suum, quo se abdebat postquam docendi munere functus esset,

set.

set, permetteret, fuisse difficilem & morosum, & interdum etiam paullo asperiores & duriores, præsertim si contra se diceretur; sui vero omniſque munditiæ adeo negligentem, ut vel non delicatos offenderet. Sed huiusmodi vitia magnis emendata virtutibus, quæ eminebant in Monelia, certe mitigantur. Opinio doctrinæ castissimorumque morum, quam omnes de Monelia habebant, conciliavit ei summorum virorum amicitias, commendationique fuit apud Benedictum XIV. P. M. a quo non vulgaribus beneficiis atque honoribus est ornatus. Nec minus honorifice de eo iudicarunt Collegæ ipsius, cuius rei testimonium præsertim dederunt eo die, quo ad gubernandam familiam Florentini Cœnobii illum elegerunt, quod tamen munus ut susciperet, nullis precibus potuit adduci. E suis maxime dilexit virum sane doctum Dionysium Remedellium, quo etiam adiutore suorum studiorum usus est. Vixit ad summam senectutem valetudine optima. Postremo oppressus morbo, quem

Ente-

Enterocelen appellant, diem obiit supremum Pisis XV. Kal. Mar. an. MDCCLXVII.

O P E R A E D I T A

DE ORIGINE sacrarum precum Rosarii Beatae Mariae Virginis ad Sanctissimum D. nostrum Benedictum XIII. P. M. Ordinis Praedicatorum Dissertatio F. Thomae Vincentii Moneliae ejusdem Ordinis. Roma 1725. typis Hieronymi Mainardi in 8.

F. THOMAE VINCENTII MONELIAE Florentini Ordinis Praedicatorum in Collegio S. Marci S. Theolog. Prim. Professoris de annis Iesu Christi Servatoris & de Religione utriusque Philippi Aug. Dissertationes duae. Roma ex novo typographio Palaeantiniano 1741. in 4.

DISSERTAZIONE contro i Fatalisti del P. M. F. Tommaso Vincenzo Moniglia dell'Ordine dei Predicatori ec. in Lucca 1744. P. I. e II. in 8.

DISSERTAZIONE contro i Materialisti e altri Increduli del P. Tommaso Vincenzo Moniglia ec. Tom. I. e II. in Padova 1750. nella Stamperia del Seminario in 8.

OSSERVAZIONI Critico-Filosofiche contro i Materialisti divise in due trattati del P. M. F. Tommaso Vincenzo Moniglia in Lucca 1760. in 8.

LA MENTE UMANA Spirito immortale non materia pensante opera del P. M. F. Tommaso Vincenzo Moniglia Tom. I. e II. in Padova 1766. nella Stamperia del Seminario in 8.

ANGELUS FABRONIUS

DOMINICO COTUNIO SUO S. P. D.

MAgnum ingenium Stenonis, magnum-
 que præstantissimarum artium studium,
 tum omnis liberalis ab eo percepta doctrina
 singularesque virtutes carere certe non de-
 bebant Historiæ lumine. Quamvis autem sum-
 ptæ à me partes sint res Italorum doctrina
 excellentium monumentis commendare meis,
 non tamen prorsus alienum a proposito sum
 arbitratus de Dano etiam scribere, qui Haf-
 niam loci & naturæ. Florentiam vero juris
 & voluntatis sibi patriam fuisse dicebat, quod
 in populi Florentini Civitatem susceptus fuis-
 set, quod ibi veritatis consilium ab homini-
 bus sanctissimis accepisset, quodque commora-
 tio in Etruria ad eas artes quas excolebat,
 plurimum sibi profuisset. Præter hæc cum
 opera & consilio magnam utilitatem attulerit
 Steno Academiæ Pisanae, hæc satis iusta mihi
 poterat esse causa ad illius vitam conscriben-
 dam.

*dam. Non deerant quidem iis temporibus E-
truriæ Anatomici præstantissimi; conducebat
tamen maxime ad illius Provinciæ gloriam
unde fontes scientiæ ad ceteras fluxerunt,
plures esse, qui e suo multa in commune con-
ferentes longam & difficilem Anatomes viam,
quantum fieri poterat, expeditiorem redderent,
Quam porro longa sit anatomes ipsa scientia,
quamque difficilis, is demum intelliget, cui
musculorum, viscerum, ossium, totque partium,
quæ aliarum causa sunt constitutæ, numerus
innotuerit. Profecto vel ipsa tradit historia
quantam ii laudem consecuti sint, qui par-
tem ejusdem scientiæ licet exiguam tum ple-
ne tenere, tum aliis apte tradere potuerunt.
Ex quo licet cognoscere vere illud a summo
viro dictum fuisse, Ire per omnia & plene
omnes regiones corporis humani perspectas
habere id quidem & æque difficile & æ-
que rarum est, quam plena omnium im-
mensæ regionis pagorum, rivorum, val-
liumque & collium historia: ostendi po-
test etiam calculo posito, fieri non pos-
se ut intra xx. annos partes corporis ani-
malis*

malis omnes plane peragrentur „ Nam si quæ ab auctoribus tradita sunt aliquo modo tenere satis esset, magnum id quidem videretur ac docto homine dignum. At in hoc studio res ita comparatæ sunt, ut nisi naturam in cadaveribus per experimenta rimatus ipse fueris, numquam ejusdem doctrinæ laude perfectus possis evadere. Experimenta vero his in rebus quantam per Deum immortalem habent difficultatem, atque laborem! Etenim prima lex eorundem est, non semel, cum de una parte agitur, neque bis institui debere, quod cum periti homines aliquando neglexerint, maximis in erroribus versati sunt. Plurima enim, quæ ad rem non pertinent, in experimenta ipsa se se quodammodo immiscent, neque facile quid alienum ab ipsa re sit, quid non, animadvertas, nisi eadem experimenta sæpius instituens, quid natura ipsa ferat, quid aliæ causæ produxerint, aperte cognoscas, Sed & singula experimenta & otium & laborem haud ita parvum desiderant. Omitto enim res aliquando considerandas esse ita minutas, ut quamvis
nudo-

nudorum oculorum aciem effugiant; quare vitris iis juvandi sunt, quæ microscopia dicimus. Omitto quot adhibenda sint artificia in incidendo, in exsiccando, in aliis quæ sunt ejusdem generis. Illud præcipuum est, artem nescio quam baud sane paucis verbis explicandam in his omnibus adhiberi oportere, quam non pluribus profecto mortalibus a natura concessam novimus, & ab industria frustra requiras. Ut aliquod afferamus exemplum auctoritate Hallerii confirmatum, sectores plerique superioris sæculi solebant in eo peccare, quod cum particulam aliquam corporis inspicerent, contemplationem sitis, ac vinculorum, quibus annectebatur, facile negligebant. Oportet enim vero visceris ejus partes omnes, tum nervulos, tum venas, tum parvas arterias, tum quibus definiatur limitibus inspicere, diligenterque notare; denique ad extremum viscus integrum e vinculis, quæ cellulosa dicuntur, exsolvere, atque ab reliquis, quæ circumstant, ita liberare, ut omni ex parte tibi mundum appareat; ita tamen, ut quid rejeceris non facile

le obliuiscaris. Expedit etiam aliquando telam ipsam cellulofam omni ex parte refolvere; quod cum a recentioribus diligenter præstitum fuerit, plura fere antiquis incognita deprehensa sunt; cujus generis illa sunt, quod vesiculæ seminales non in plura intestina, sed in unicum, eundemque ramosum, quod cysterna chyli in canales lymphaticos, quodque in unicum vasculum epididymis dissoluta evadit. Maceratio etiam huc facit, quæ membranarum elementa ob oculos ponit; & inflatio quæ nimis minuta quædam adaugens ut conspicua sint facile præstat. Neque vero tantum in hominum cadaveribus, sed & in diversorum animalium corporibus experimenta instituenda sunt. Hæc enim, quæ sola licet, cum adhuc vivunt, incidi, multa quæ pertinent ad circuitum sanguinis, subtilioresque ejus motus agnoscendos, ad iter chyli, ad ossium incrementa, ad respirationem, ad intestinorum peristalticum motum intelligendum apte demonstrant. Sed & alia quædam occurrunt in Anatome difficilia, quæ vix aut nullo modo solvas, nisi quadrupedum, aut avium,

vium, aut aliorum brutorum animalium corpora diffeces. Exemplum hujus rei poni potest in ea quaestione, quæ de bile jecoris, ac de bile, quæ in vesicula fellea deprehenditur, inter Anatomicos agitata est; nimirum, utrum omnis in jecore an ipsa in vesicula, & rursus an aliqua pars in jecore, alia vero in vesicula enascatur. Ea quaestio ex hominis inspecto cadavere solvi non ita facile potest; at vero dissecta animalia tantum luminis hanc ad rem attulerunt, ut dubia non amplius esse videatur. Nam & bestiae non paucae satis ingentes bonam sibi bilem in jecore sine ulla fellea vesicula comparant, & nullum animal sine jecore vesiculam habet, & omne quod habet ita cum jecore conjunctam gerit, ut vel ex eodem existat, vel cum ejus canali, quod vocant excretorium, aperte communicet. Hinc autem in jecore, non in vesicula bilem nasci quis non fateatur? Haec omnia quæ & quanta sustinenda ab illo sint, qui studet Anatomiae, satis ostendunt. Sed illud maximum est, nervorum notitiam ac scientiam post centum & amplius annorum spatium ita parum

fuisse perfectam, ut præter quinti & septimi
 paris historiam, quam Nukelius dedit, &
 nervos oculi, quos plerique vocant Zinnia-
 nos, vix aliquid plena perfectaue scientia
 comprehensum sit. Hac a te sæpius audita,
 mi doctissime Cotuni, aliisque summis viris
 notata idcirco proferre volui, quo magis in-
 flammarem adolescentium in nobilissimam fa-
 cultatem incumbantium studia, & quo magis
 appareret quantà laude digna sint inventa &
 labores non solum Stenonis, sed etiam tui,
 tuique similium, qui una cognitione naturæ
 & scientia beati esse videmini.

Florentiæ Kal. Sext. MDCCCLXXIV.

NICOLAUS STENO



Nicolaus Steno, (alii Stenonis appellant) Hafniæ natus est IV. Id. Januarias an, MDCXXXVIII. Patrem habuit aurificem quemdam, & arte qua plurimum præstabat, & studio quo ardebat in Lutheranam Sectam Christiano IV. Danorum Regi valde acceptum, Hic prout ipse amabat litteras, filium omnibus doctrinis, quibus puerilis ætas imperari solet, erudiendum curavit. Erat autem in puero præter docilitatem ingenii summa suavitas morum, orisque præterea & vocis; quo fiebat ut omnibus esset carissimus. Thomæ vero Bartolino traditus, ut eo magistro Medicinæ & Anatomix studeret, ab ipso non secus ac filius dilectus est, & diligentissime institutus. Audiit etiam Olaus Borrichium, Simonem Paulli ceterosque viros, qui physica doctrina excellere putabantur. Cujus doctrinæ insignia in patria cum accepisset

Lugdunum Batavorum venit fama accitus Francisci Sylvii, quo duce non solum in Medicina & Anatome, sed etiam in Chymia se exercuit. Frequentavit quoque scholam Jo. Van-Hornii omnium Sylvii discipulorum celeberrimi, habuitque æmulos atque imitatores studiorum suorum Joannem Swammerdamium, Carolum Drelincourtium, & quotquot ingenii laude excellerent, & gloriæ desiderio tenerentur. Denique Amstelodamum concessit, ut ibi quoque doctissimos physicos audiret, cum in una philosophia quasi tabernaculum vitæ suæ collocasset. Ibi exceptus fuit hospitio a Gherardo Blasio, quo cum diligentius & sæpius de Anatome loquebatur; & quia hunc æquissimum eorum studiorum, quæ sibi cum ipso erant communia, æstimatorem & judicem se habere putabat, non dubitavit eidem ductum salivalem externam a sese detectum VII. id. April. an. MDCLXI. (& notanda quidem sunt inventorum tempora) semel iterumque commonstrare. Blasius invidia
com-

commotus alienam laudem ad se intervertere tentavit. Itaque edito de *Medicina Generali Tractatu*, in hujus limine se inventorem illius ductus professus est. Ægerime id tulit Steno, qui talis erat vir ut non modo facere, sed ne cogitare quidem quidquam auderet, quod non auderet prædicare: quamobrem furti violatæque fidei Blasium convincere statuit. Sed exitus disputationis tum brevis, tum etiam non difficilis fuit. Hinc enim explicatis propriis inventis, illinc excussis prolatis rebus a Blasio, qui nec verum ortum, nec verum egressum ejusdem ductus cognoverat, nec satis intellexerat quibus illum usibus natura attribuerit, res plane confecta fuit; ipseque ductus ex inventore suo nomen invenit (1). Multum tamen se debere Blasio professus est Steno, quod occasionem sibi dederit sua non modo repetendi, sed & nova quædam alia inveniendi. Dum enim parotides in vitulino capite, quo Blasius ipsum provocavit, investigatebat, & vasa sequebatur, elegantem

diversarum in collo glandularum per peculiaria vasa conjunctionem non sine admiratione observavit. Quibus animadversis rem certius exploraturus bovis caput alterum secuit; dein canes aperuit; ad extremum vituli quoque caput scrutanti salivæ vasa quædam insperato occurrerunt. Nam præter glandulas maxillares & tonsillas a Wartonio descriptas, alias notavit intra buccas, sub lingua, in palato, quæ omnes inter se in eo congruebant, quod ex plurimis glandulosæ carnis quasi fragmentis, immo glomis, fibrarum, nervorum, vasorum & membranarum ope copulatis, essent compositæ. Hæc satis ostendunt quam immerito a nonnullis Steno eo nomine reprehendatur, quod commodam divisionem a Sylvio propositam glandularum conglobatarum, & conglomeratarum secutus minime fuerit. xvi. Kal. Majas an. MDCLXI. se vidisse ait circa ductum salivalem parotidis ludentes plures nervos (quis ignorat quantum id conducat ad plura explicanda phænomena, quæ in sa-

livæ secretionē contingunt?) ab eodem plane distinctos. xii. vero Kal. Junias ejusdem anni glandulas buccarum salivæ assignatas anno ante a Sylvio in homine detectas diligentissime examinans invenit excretoria eorundem vasa, quorum nonnulla præter detecta a Bartolinio observavit etiam, quamvis essent angustiora, in glandulis, ut ipse appellabat, sublingualibus. Sex post diebus, cum bubulum caput jam totum fere difsecuisset, cumque tonsillas excideret, ac vicinias premeret, tenacem inde elici humorem animadvertit. Hinc totum illud, quod cœlum oris constituit, excisum, digitisque compressum innumeras glutinosi humoris guttulas per exilia foramina, quæ membranam veluti cribrum perviam faciunt, emittere vidit. Per eadem tempora invenit Schneiderius membranam illam, unde pituitam exsudare nos docuit, quo de invento, fecit etiam Steno mentionem, ne quis sua cum alienis confunderet. Exposita structura glandularum, eorumque vasorum, quorum munus est

humorem præparare, qui os perpetuo irrigat, unde & quomodo hic humor nascatur, deferaturque in os pluribus declarat Steno, concluditque humorem hujusmodi in glandulis conglomeratis ab arterioso sanguine secretum, & in os per excretoria vasa spirituum animalium in glandulas, & proximos musculos influentium ope compulsum salivam facere; rotundas vero seu conglobatas glandulas, quæ in priorum vicinia reperiuntur, acceptam ab exterioribus partibus lympham in venas refundere, ut refluxo ad cor sanguini misceatur. Hac occasione insurrexit Steno in Bilsum hominem intolerandæ insolentiæ ac superbiæ, qui in ea erat opinione non modo salivam, sed etiam humores aqueos omnes a ductu chyliifero, vel, ut ille vocabat, rorifero, non autem a sanguine oriri, in qua confundenda ita se gessit ut omnem humanitatem exuisse videatur. Glandulas etiam oculorum diligentissime suo more exquisivit, deque iis opusculum scripsit, ex quo apparet invenisse illum an. MDCLXII. in

vitulis vāsa, quæ humorem palpebrarum motui necessarium ex arterioso, sanguine in ipsis glandulis secretum ducunt, & eundem alio inde reducant. Porro priora vasa nondum, quod sciam, Anatomicis fuerant nota; posteriorum vero quamvis principium non nescirent, tamen quem ad finem progredierentur nondum certum habebant. *Glandularum oculi altera*, inquit Steno, *quam innominatam vocant; in superiori exterioris anguli regione sita, magna & fere rotunda in eo loco conspicitur, unde ad inferiorem orbitæ partem inflexa in angustam veluti laciniam sensim attenuatur. Pars ejus anterior per loborum, in quos elegantè divisa est, intervalla prodeuntibus ex ipsa glandula, quæ humorem ibi secretum excernunt, vasis liberum exitum concedit; quæ inde interiorem intra palpebrarum tunicam antrorsum pergentia exiguis tandem foraminibus ad brevem a ciliis distantiam pertundunt. In conspectum facile protrahuntur prædictorum fluminum ostia, modo inversam in exteriori angulo palpebram tantillum exten-*

tenderis Altera lacrymalis dicta oblonga in vitulo, & in cantho interiore seu majore recondita præter vasa sanguinea & nervos, quæ illi cum reliquis glandulis omnibus communia, etiam cartilagine prædita est peculiari, & duobus præterea lympham evehentibus vasis donata Hæc vasa intra glandulam orta, & ad cartilaginis latera asurgentia, ubi hæc superiora versus arctatur cartilaginem inter & oculum se aperiant ostiis non papilla quadam sed solo biatu dignoscenda. Licet priora memorata vasa, quæ ad glandulam innominatam pertinent, in brutis tantum animalibus observaverit Steno, non dubitavit tamen asserere in humano etiam inesse corpore. Sed hæc in homine adeo obscura esse tradit Hallerus (2) ut a se non solum, sed & ab ipso Morgagnio (3) nunquam fuerint visa, etsi non ignoret affirmasse Sanctorinum, Winslowium, Briggsum, Brisseauium, aliosque eadem se omnino vidisse. Quamvis autem Morganius allatis Galeni & Falloppii verbis ostendisse videatur neque Galenum

puncta lacrymalia & horum usum, aditumque, qui ab iisdem est ad nares usque, perpetuus, latuisse; & Faloppium præterea meatus ab illis punctis in communem sinum convenientes aperte & nominatim proposuisse; nihilo tamen minus cum ipso Hallero fatendum est, numquam errandi finem factum esse, donec Steno alios ductus hygrophthalmicos, Morganius vero ipse accuratam carunculæ anatomen in medium protulere. Equidem non dubito quin majorem etiam Stenoni laudem tributurus esset Hallerus, si cum ea scriberet, innotuisset quam feliciter Monroous junior hos ductus glandulæ lacrymalis excretorios etiam in homine agnoscendos necessario esse demonstraverit. Scripto huic *de oculorum glandulis* novisque eorundem *vasis* aliud adjunxit Steno quasi operis appendiculam *de narium vasis*, quo declarat se præter aquæductum, & glandulas pituitariæ, punctorum etiam lacrymalium in nares usque continuationem, aliumque naribus proprium ductum, omnia nares hu-

mediantia vasa, & simul angustum quasi fretum, per quod contentus in naribus humor in palatum transmitti non admodum ex vero putabat, observasse (4). Istud oris cum naribus commercium facile iis apparere affirmabat, qui ad anteriorem dentium radicem tunicam vel tantillum presserint tuberculi ibi exsurgentis, ex cuius oppositis lateribus pressione iunctis guttam proflire vidissent. Hinc admonet Stenone huiusmodi ductus distinctos esse in ceteris animantibus & separatos; in homine vero conjunctos priusquam in os penetrent. Nēhedamius eadem se prædicat observasse, neque a Stenone sumpsisse dicit. Quod & Colinus fecit. Nemo tamen horum animadvertit quam incerte transferantur ad hominem observata a Stenone in brutis animantibus. Quamvis enim in hominis capite membrana sua denudato huiusmodi canalis reperiatur, si tamen adest membrana vix ac ne vix quidem apparet. Primus id notavit Verheyenius, qui multam operam in hac

re investiganda posuit. Ejus postea exemplum alii secuti sunt, omnibusque antevit Morganius, ex quo inter cætera sci-
mus, quamvis hujusmodi ductus aperti sint in parte narium, sintque separati & distincti, illorum tamen ostia in palato adeo angusta esse, ut vix liquido humori transitum præbeant (5). Omnia fere quæ antea separatim exposuerat Steno de glandulis complexus est unico Tractatu de ipsis glandulis. Sed hic quoque habet sua propria, e quibus maxime commemoranda videntur tum canaliculi glandulæ epiglottidis per hujus foramina traducti, qua observatione Stenonis licet nihil verius esse doceat Morganius, illam tamen alijs additamenti perfici a se oportere putavit; tum descriptio viæ quam tenent vasa lymphatica, horumque introitus in glandulas & ab iis egressus. Sunt omnino legenda quæ tradidit Hallerus de hoc Stenonis invento, quod quidem magno usui fuit illi ad varias humorum separationes explicandas (6). In hoc de glandulis Tractatu non-

solum ordine enumeravit Steno illa omnia quæ sibi invenire contigit; sed recensuit etiam aliorum reperta; quæ suis lucem afferre possent: postremo neque ea prætermisit quæ conducere putavit ad explicandos plurimos naturales effectus, originem lymphæ, lacrymarum, lactis, catarrhi, & humoris, qui in ventriculum perpetuo diffluit: Ex observatis a se probabiliter confici posse existimavit, glandulas conglobatas cribrorum esse quasdam similitudines ita a natura comparatas, ut dum ex arteriis in venas per capillaria transit sanguis, liberatæ a sanguinearum amplicibus vi caloris serosæ partes per suos quæque poros expellantur in capillaria lymphaticorum: facere enim ad id nervorum, ut ipse quidem prætabat, extremis venis affixorum directionem elicitam per sensum perceptionem mentis imperio subjunctam. Quam opinionem licet plerique recentiorum physicorum, & Malpighius ipse sint secuti ad explicandam præcipue sudoris secretionem, jure tamen meritoque, ut

arbitror, nos admonuit Heisterus, non esse multitudinem glandulas cutaneas, quæ superiores illi autumant, iisque attributum munus materiæ quæ expiratur secerndæ a solis in cute arterioli confici posse (7). Tractatum de glandulis secutum est commentariolum de musculis, quod quanti faciendum sit ex præclaro Boerhavi testimonio colligi potest, qui Stenonem exercitatissimum licet Anatomicum non alia tamen parte Anatomes magis excelluisse confirmat (8). Præcipuum operis argumentum quod sibi proposuit Steno fuit cor, cujus fibrarum ductus & varias inflexiones dum sequitur, novis inter dissecandum subinde ortis difficultatibus, musculorum aliorum corde simpliciorum fabricam attentius considerare necesse fuit. Hinc omnes eos musculos, qui respirationem tuentur, descripsit, & de costarum levatoribus ea tradidit, ut mireris horum inventionem. Verrheyenio a plerisque tribui. Recte vero monet ab intercostalibus illos distinguendos, quod & ortu diversi sint,

sint, & diversum tendinis habeant locum, quamvis omnes idem præstent munus. Sacrolumbi musculi & Diafragmatis, de quibus multa tradebantur dubia, nonnulla etiam commentitia, exquisitam descriptionem fecit, & usus indicavit; inter quæ laudare præsertim videtur Morganius celeberrimum, notissimumque experimentum ad musculorum motum explicandum (9). Inde alios aliosque musculos ad examen vocans Steno inter cetera erroris illos convincit, qui existimabant crotaphiten a maxilla ad cranii usque os minime produci, & linguæ musculorum extrema in peculiarem definire substantiam. Quamvis nonnulli, & in his Nicolaus Massa negaverint peculiarem hanc substantiam, musculosam esse affirmantes, nemo tamen ante Stenonem istud ipsum clara certa que notatione ostenderat. Ex observatis a se concludere se posse ait, in omni musculo esse arterias, venas, nervos, fibras & membranas; illud etiam addit requisisse, num essent lymphatica, quæ sæpius circa ipsos

viderat, sed minime reperisse. Nullum esse musculus docet, cujus singulæ fibræ minime abeant utrinque in tendinem; carnem haud differre a fibris; has invicem arctèque connexas tendinem componere; laxius junctas carnem efformare; alias aliis superimpositas musculi crassitiem seu profunditatem, alias aliis juxta positas ejus latitudinem efficere; & nullam in musculo facile reperiri fibram, quæ unam rectam constituat lineam, sed singulas in tres minimum lineas dividi, neque has ejusdem longitudinis, nec semper rectas esse, sed interdum etiam curvas, uti in sphincteribus videri præsertim potest, quos e muscutorum numero eximendos esse nemo affirmaverit. Si quis hæc comparaverit cum iis, quæ recentiores tradunt Anatomici, non dubito quin eam maxime conversionem rerum, linearumque divisionem facile sit improbaturus. Membranam non modo transverso fibrarum ductu musculus ambire, sed & eodem modo inter singulas ejus se insinuare fibras tradit; ipsam-

N

que

que non communem esse omnibus musculis, sed cuivis musculo suam, & singularem inesse demonstrat. Explicata musculi structura ad ejus actionem, quam in contractione consistere notum est, transit, eamque ope tendinis, ut vulgo credebatur, nullatenus fieri, neque omnino contrahi tendinem affirmat, sed carnem inter expansiones tendinosas comprehensam, quæ in se contracta efficit, ut opposita duo vel plura ejusdem musculi ventris plana ad se mutuo (tendinibus nec longitudine immutatis neque crassitie) propius accedant. Hisce Steno aliisque expositis, quæ vel sensus deprehendere vel assequi ratio potest, ad extremum conficit cor animantis vitæ fontem atque principium in musculorum classe jure censendum; nihil enim in eo desiderari quod musculo datum, nec quod negatum in ipso inveniri; inde eos falli qui ajunt cor esse sui generis substantiam, & certæ substantiæ, ut ignis, calidi, quemadmodum loquebantur, innati, & animæ sedem, atque uti sanguinis,

nis, ita humoris cujusdam, spirituumque, quos animales fortasse dixeris, officinam. Dum vero totam cordis fabricam persequitur Steno, quanquam labi ille interdum, & confusius atque obscurius loqui videatur, nunquam tamen satis laudari potest, quod inter primos ad eandem fabricam contemplandam physicam adduxerit; quod viam ceteris aperuerit ad veritatem aut assequendam aut illustrandam; fatendumque cum Hallerio (10) non mediocrem quoque laudem in eo mereri, quod ante omnes viderit externum fibrarum stratum utrumque ventriculum complectens, quodque fibras, quæ ventriculorum caveas subeunt, descripserit post eum a Pechlino dictas, easque etiam, quæ circa conum reflexæ ad basim redeunt. Tanta vero Steno pollebat sollertia in cordis anatome præparanda, ut Ruyschius (11) commemoranda putaverit bina quæ ab eodem secta habuerat corda: nihil enim fieri iis poterat perfectius ad fibrarum præsertim cursum noscendum. Ad hæc proditum ab aliis

memoriæ fuit, Stenonem maceratione, co-
ctione, aliisque artibus in filamenta fere
ad fumi modum tenuia cordis texturam
resolviffe. Triennio postquam hæc vulga-
verat Steno, copiosius musculi naturam,
partes & fabricam, edito *Elementorum myo-
logiæ specimine*, exponere est aggressus: sed
magis quam Anatomici Geometriæ perso-
nam agere voluit, cum ad matheſeos re-
gulas musculi figuram apte redigendam
& juxta canones inde sumptos ejus actio-
nem explicandam suscepisset, existimans
non posse musculi distincte partes nomi-
nari, figuram exprimi, motum definiri,
nisi matheſeos subsidio myologia utere-
tur. *Et quidni musculis id daremus, ajebat*
Steno, quod Cælo Astronomi, quod terræ
Geographi, quod oculis rei optici scriptores
concessere? Res naturales mathematice tracta-
runt illi, quo distinctior earum esset cogni-
tio; & musculos mathematice explicandos il-
lorum fabrica quadam quasi necessitate postu-
lat. Sed quid musculis ea vindico, quæ toti
corpori debentur? Organum est corpus no-
strum

strum ex mille organis compositum, cujus veram cognitionem, qui absque matheſeos ope investigandam credit, sine extensione materiam, sine figura corpus credat neceſſe eſt, Hæc idcirco proferre volui, ut intelligatur, quare proximo exeunte ſæculo mechanica, hydroſtica, atque hydraulica dogmata in phyſiologiam traduſta ſint. Quæ res etſi habeat ſuas utilitates, habet quoque difficultates præcavendas. Multa enim ſunt in animali machina a communibus legibus mechanicis valde aliena: motus magni a parvis cauſſis excitati; celeritates humorum per eas cauſſas parum diminutæ, a quibus per receptas leges eas frangi oportuerat; motus a cauſſis pene incognitis exiſtentes; motus vehementes a debilibus ſibris geniti; deſcurationes fibrarum omni ſupputatione majores; multa præterea, quæ rerum Opifex veluti quædam myſteria naturæ retruſa voluit eſſe atque abdita. Neque his rebus repudiandas leges crediderim, quibus extra corpus animale vires motrices reguntur; id

contendo nunquam transferendas ad nostras animati corporis machinas, nisi experimentum consenserit. Sed ut ad præcipuum operis argumentum veniam, Stenon postquam ostendisset, quæ ratione carneæ fibræ in tendinem vel continuarentur vel infererentur ad angulos obliquos, quos musculos dixit pennatos; vel in multos lacertos ordinatæ in unum tendinem convenirent, & quæ ratione tendines ætate provectiore in ossium ipsorum naturam coalescerent, demonstrandum suscepit musculus dum contrahitur inflari solum posse ob mutationem figuræ ex rhomboide in rectangulum, vel, ut ejus more loquar, ob mutationem anguli carnosarum fibrarum cum tendinosi; & hanc mutationem, dum musculus movetur, necessario accidere debere: ex quo infert eos omnes falli, qui novam accedere materiam existimabant ad inflationem efficiendam. Mirandum sane est Stenonem fugisse rem Geometris notissimam; non posse, obliquangula parallelogrammata in
qua

quadrata abire aut rectangula, quin nova accedat materies; qua majores tunc factæ areæ repleantur*. Objici & illud Stenonis doctrinæ potest; in quo ipsa nititur; figura scilicet musculorum: Sumit enim figuram parallelopipedam obliquangulam (licet enim iis Geometrarum vocibus uti) quam inter omnes maxime regularem iidem dicunt, propriam esse carnosæ musculorum substantiæ; tendinosæ autem figuram prismatis tetragoni similiter obliquanguli: Figuram hanc geometricam adamussim ita compositam ne notiores quidem magisque regulares muscoli servant, ut ut ad eam proxime accedant: deest autem omnino multis in musculis; qui per humanum corpus universum late funduntur; quique irregulares vocari consueverunt: His accedit celebre idemque facile experimentum; quo persuaderi videtur; musculos; cum contrahuntur; mole deficere; non autem in-

N 4

tu-

* Vid. Boerhaav. Prælect. Vol. II. §. cccxv.
 & Haller. in ipsum commentar.

tumescere, ut cum plurimis aliis Steno ipse docet. Claudit *Elementorum myologiæ specimen* epistola ad Thevenotium ex qua apparet ea quæ tanquam nova proposuit Steno de corde, & de vitelli in intestina pulli transitu, jure sibi, contra ac nonnulli clamabant, vindicasse. Liquebat profecto Volkerum Coiterum apophyseos ab intestinis ad vitellum meminisse, eamque modo canalem, modo meatum nominasse. Sed quam obscure id fecerit vel inde patet, quod nec Harvejus, nec Anatomicorum alii, qui Scriptorem illum sedulo evoluerunt, in ejusdem rei suspensionem venire potuerunt. Postquam sua ediderat Steno ex amicorum litteris didicit, Huibertum & Meibomium eundem canalem antea observasse. Quibus ita rescripsit sibi gratulari se non ab aliis monitum eadem quæ doctissimi viri observasse, nec moveri quod post alios hæc viderit, modo non furripuisse accusaretur (12). In iis quæ ad cor spectabant visus est nonnihil loci iniquioribus dedisse lectoribus sæcus existiman-

mandi. Sed ingenue aperteque confessus est, nunquam sibi tantum sumpsisse, ut homines judicarent se omnium primum docuisse cor musciculum esse, & in modum spiræ revolutas habere fibras; verum in eo gloriari, quod medium cordis carneas fibras, extremum tendinosas esse demonstraverit, quodque finem imposuerit controversiæ, in qua Hippocratis & Galeni sectatores, Andabatarum fere more pugnabant, quid oppugnarent ac defenderent aut nescii aut saltem incerti. Quoniam vero fundamenta ejus de corde doctrinæ maxime nitebantur in fibra motrice, plura exposuit argumenta atque experimenta, quæ magis magisque comprobabant, illam in omnibus non hominis solum, sed & cujuslibet animantis musculis inesse. Extrema in epistola iis demum satisfecit, qui myologiam fatis illustratam esse putabant; eademque occasione recenset ea quæ in musculorum historia restabant indaganda; de qua, ut de ossibus, plura scribere sibi propositum fuisse ait. Absoluta epistola,

ut

ut varietate lectores oblectet, refert ea quæ in dissectione capitis canis carchariæ, & alterius piscis ex canum genere observaverat; quæ quidem aliis observationibus illustrata non mediocriter zoologiam auxere. Principio confirmavit opinionem, quam in Rajæ anatome explicanda antea proposuerat de fontibus unguinosi humoris piscium superficiem oblinentis ad obstantes aquas facilius findendas, & de vasis excretoriis quæ a glandulis, ut ipse putat, oriuntur, siue glandulæ istæ cuti substernantur, siue intexantur, siue utroque modo sint dispositæ. Cutis ipsa crassa admodum & dura tot tantosque in cane carcharia musculorum tendines excipiebat, ut tota nil nisi tendinum istorum textura videretur. Quod idem cum in aliis piscibus, & in serpentibus quoque observasset, suam correxit sententiam, quam Rajæ anatomen exponens in medium attulerat, videlicet tendineas fibras non cuti inferi & continuari, sed in membranam cuti arctissime junctam tantummodo porrigi. Hoc loco ostendit etiam, qui
mu-

musculi in humano corpore tendines cuti habeant continuatos; & ex multis allatis historiis certe concludere se posse putavit maximam cutis partem, secus ac alias docuerat, ex fibris arteriarum, venarum, nervorum & tendinum contextam esse. In eo quidem deceptus est Steno cum in admodum paucas humanæ cutis partes ipsi tendines desinant, ac facili negotio, ubi desinunt, per artem anatomicam separentur. Sed parcendum est viro, qui plerumque in corporibus dumtaxat brutorum animantium suas observationes instituire potuit, ac de homine per analogiam quædam minus vere intulit in iisdem brutis feliciter animadversa; quod ex iis etiam, quæ infra de ossium origine dicemus, apparebit. Idem ex demonstrata tendinum in cutem insertionem evidens esse ait, quid de plerisque membranis statuendum; non illas semper tunicas esse, quæ vicinas partes contingerent, hisque tenaciter adhærerent: sed illas esse persæpe iisdem continuatas & junctas ob fibrarum a tunicis

in

in partes vicinas, aut a partibus vicinis in tunicas transitum. Ossium vice erat in cane carcharia cartilago. An ut in animalibus aliis ossa, sic in hujus generis cartilago magnam partem constet ex fibrarum motricium extremitatibus, quamquam dubitari jure possit, id tamen manifestum esse tradit Steno: partem duriores harum cartilaginum innumerabiles tendines excipientem ex iisdem tendinibus quasi totam constare. Postquam Steno non solum carchariæ canis, sed aliorum etiam animalium dentes examinasset, tria hæc concludere se posse putavit; primum dentium materiem initio mollem, processu temporis, ut reliqua ossa, indurescere; alterum est, hanc duritiem ab apice incipere, & hac in re eos differre ab reliquis ossibus, in quibus fere omnibus primi nodi circa medium conspiciuntur; illud vero extremum fuit, duplicem esse dentium substantiam, externam alteram, alteram internam, neque hanc membranæ nomen mereri. Hæc pauca admodum esse intellige-

ge-

gebat Steno ad obscuram dentium naturam cognoscendam; dolensque ex hujus ignorance multa evenire mala, ejusdem se fore diligentem indagatorem pollicitus est; quod promissum si exolvit, cum in publicam lucem nihil protulerit, haud exolvisse videtur. De Glossopetris majoribus, quos veros esse canis carchariæ dentes haud dubitat, pluribus differit, eritque alius opportunior rationum hujusmodi sententiæ exponendarum locus. Non minus solertem accuratamque descriptionem instituit Steno corporis partium, quas in altero dissecando pisce animadvertit. E quibus illa maxima sunt commemoranda, quæ de ovario, oviductu, & ovo exposuit; cumque jam vidisset eorum testes animantium, quæ vivos ex se procreant fœtus ova in se continere, notavissetque eorundem uterum itidem in abdomen, oviductus instar apertum esse, se non amplius dubitare ait, quin mulierum testes ovario similes sint, quocunque modo ex testibus in uterum sive ipsa ova, sive ovis conten-

ta materia transmittatur, de quo invento, quod omnes maxime celebrarunt, separatim & distinctius se acturum spondit. Fecit autem peculiari commentario; idque a Thoma Bartolino relatum fuit in Acta medica Hafniensia. Declarat nomine ovi se appellare vesiculas rotundas, quæ testes magna ex parte formant; hos vero ovariorum, & tubas cornuaque & uteros oviductuum nomine designare. In medium attulit magnam observationum copiam quas ex plurimis dissectis animalibus, vaccis præsertim, collegit; hisque se demonstrasse putat in omnibus fœminis hæc ova inesse; eadem cocta gallinaceorum more coagulari; cum vero habuere maturitatem quamdam suam per superincumbentes tubas in uteri cava descendere. In cadavere cujusdam mulieris, quæ annos circiter 1. habebat invenit ovaria plena vesicularum; cum premeret cervicem uteri serosus inde prodibat humor. In rotundo ligamento uteri fibras motricibus simillimas vidit, quæ os pubis versus abibant. Secuit
dein-

deinde duas alias foeminas ejusdem ferme ætatis, & in unius testibus observavit nonnulla arenosa grana, & binos calculos, quorum unus rotundus erat & minutissimus, major alter & plurimis tuberculis inæqualis. In uno teste alterius mulieris erat corpus tuberosum figura simile posterioris, de quo diximus, calculi, materia vero prorsus dissimile, cum hæc non multum differre videretur ab illa ipsorum testium. Quartam secuit mulierem & hanc juniorem in qua multa erant ova & rotunda, nec ejusdem magnitudinis omnia, omnia tamen vix separabilia propter soliditatem materiæ, qua continebantur. In quinta demum muliere attente observans ligamenta rotunda uteri, invenit vasa sanguinea nervos, & fibras carnosas uteri substantiæ contiguas. Tubæ extrema laciniata distincta erant sanguineis vasis per longitudinem excurrentibus, fere ut in branchiis piscium. Intra tubas fibræ in longum pari ratione progrediebantur. Inflatus aer ex tuba in uterum

rum transibat. Nemo fuit iis temporibus alicuius nominis Philosophus, qui Stenonis doctrinam de ovis viviparorum minime sit secutus; & quamvis multi ipsam hodie deseruerint, non tamen eadem plane defecit. Quid sentiendum in re dubia minime pronuntiaverim contentus admonuisse Lectores, Graafium & Van-hornium frustra inter se pugnasse, cum eorum quilibet hujus inventi gloriam sibi tribuendam esse contenderet; hanc omnium consensu Stenoni deberi (13); quamvis ejusdem rudimenta quædam & vestigia reperiantur in Hippocrate, in Aristotele, recentioribus præterea quibusdam Matthæo de Gradibus, Coitero, Aldrovando, Fabricio denique ab Aqua pendente. In exponendis iis, quæ ad myologiæ specimen & ad viviparorum ova spectant, argumentorum magis, quam temporum ordinem sum secutus; quem ut repetam, necesse erit cum Stenone ad Batavos reverti. Ibi cum ad enumerandas totius corporis glandulas, & ad miram cordis fabricam indagandam uni-

unice esset intentus, de morte carissimæ matris, aliorumque propinquorum acerbum nuncium accepit. Hic non modo studiorum, sed & vitæ pene jucunditatem illi ademit; & quo rebus suis consuleret (nam patrem antea quoque amiserat) Hafniam redire coactus est. Non diutius ibi mansit cupiens Galliam & Italiam invisere. Cumque Parisios an. MDCLXIV, venisset, exceptus hospitio fuit a Thevenotio; illiusque consilio & subsidiis factum est, ut studia anatomica repeteret, & in chemicis, duce præsertim Petro Borello, plurimum se exerceret. Hoc sibi multo jucundius & gratius accidisse dicebat Steno, quod in magna paucitate amicorum, propinquorum, ac necessariorum, qui vere studiis & rebus suis faverent, illum cupidissimum sui, singularemque sibi benevolentiam semper præstitisse cognovit. Itaque in hoc sibi gratulabatur; nec mediocris illa quoque erat causa gratulationis, quod flos doctorum virorum domum Thevenotii, tanquam Academiam, fre-

O

quen-

quentaret. In tanto conventu sæpe sua exposuit Steno ; (14) & ex his maxime commemorabimus, quæ cerebri anatomen illustrant, quæque ab ipso in lucem sunt edita. Principio probat quam illius natura sit obscura, & quam difficiles explicatus habeat. Quamvis enim animus hoc maxime instrumento utatur, & nihil esse videatur, quod ipse mirabili quadam vi rationis, & cognitionis & scientiæ assequi non possit, nihilo tamen minus cum domum, ut ita dicam, sese recipit, neque hanc, neque se ipsum noscit. Multa quæ iis temporibus vulgo tradebantur diluit Steno, & falsa esse docet; irridetque eos, qui nominibus contenti albidæ & cineraceæ substantiæ, nil aliud quærere videbantur. Albidam præsertim substantiam fibris præditam esse ostendit, & has miro quodam ordine distribui atque disponi. Enumerat varias physicorum opiniones de separatione humoris, quem ipsi nominant liquidum animale, hasque omnes valide convellit. Dubitari posse ait an humoris, qui

qui in nervos influit, eadem sit materia quæ lucis, qua de re ei non solum magnam laudem, sed etiam gratiam habebunt, qui nervis *fluidum electricum* tribuunt. Suam rationem in dissecando cerebro hanc docet fuisse, ut sequeretur nervorum fila intra ipsam cerebri substantiam videnti causa qua transeant, & quo pertineant. Haud dissimulat difficillimam esse hanc rationem, sed reliquis omnibus præferendam. Pene irasci & succensere iis videtur qui non intelligebant, quam in inquirenda cerebri natura necesse esset haud variare illius positionem. Erant enim nonnulli qui quibusdam ejusdem partibus locum illum assignabant, quem non natura dederat, sed qui commodior & aptior erat ad id, quod persuadere volebant. Willis & Chartesii συήμασι nihil ei videtur absurdius; & inter cetera ostendit horum postremum non bene novisse locum glandulæ pinealis, cum eam non posterius, sed anterieus inclinatham esse crediderit. Quærit utrum ventriculi tales sint, quales

Vulgo describuntur, probatque ex varia illos diffecandi ratione variam ipsorum formam apparere. Sunt in hoc opusculo multa alia, quæ non parum adjuvant praxin Anatomix, & ad indagandam, atque e tenebris eruendam veritatem vias tradunt. In his vero omnibus semper elucet miræ Auctoris prudentia, modestia, ac simplicitas, adeo ut vere prædicatum fuerit ab Hallerio (15) virum fuisse industrium, candidum, innocuum & magnum inventorem. Postquam Steno amoris suo in physicas facultates, quantum satis esse videbatur, in Gallia obsecutus esset, in Italiam venit exeunte vere an. MDCLXVI. manendique in Etruria causa fuere Etruscæ linguæ, optimarum artium, & philosophiæ studia. Florebant enim tum homines doctrina præclari Franciscus Redius, Vincentius Vivianus, Carolus Datus, Laurentius Magalottus, alique plures, qui cum intelligerent, quanto decori & utilitati futurus esset Steno Mediceis Principibus, optimisque disciplinis, quæ ab Academia præ-

præsertim *del Cimento* excolebantur, de illo retinendo elaborarunt. Unus fortasse Borellius invidebat laudi Stenonis ægre in primis ferens ab illo res tractari, quæ ad myologiam pertinebant, in quibus ipse quoque ita versabatur, ut veri inveniendi cupiditati adjuncta esset appetitio quædam principatus. Et sane operis sui *de motu animalium* initium fecit a censura formæ musculorum, & mechanicæ illorum actionis, quales a Stenone expositas fuisse diximus. Porro Magnus Dux Ferdinandus, illiusque frater Leopoldus non habuere quidquam antiquius quam ut familiaritate, summisque beneficiis sibi Stenonem devincirent; nec credibile est quantis exultaverint gaudiis, cum ipse ineunte Novembri an. MDCLXVII. Lutheranae Sectæ, ut Catholicam amplecteretur, nuntium remisit. Non commemorabo quomodo res sit gesta; & quomodo divinæ gratiæ semina inciderint in concipientem comprehendentemque naturam, nataque sint materiem, ut ita dicam, qua ali, auge-

ri, & miros procreare fructus potuerint, cum hæc omnia sciri possint ex ipso Stenone, & ex iis, quos consiliarios & auctores suæ salutis habuit. Eorum enim hac de re litteras retuli in II. Volumen operis, quod inscripsimus: *lettere inedite d' uomini illustri*. Quoniam vero vita quidem talis erat Stenonis; talesque mores, ut nihil videretur posse accedere, se habere exemplum innocentiae gloriabatur Magnus Dux Ferdinandus; quod omnes ac filii præsertim sui, imitarentur. Sed tanta virtus, tantaque vis ingenii absuit aliquandiu ab oculis Etruriæ; cum is non solum invitatus, sed pene coactus fuerit anno MDCCLXVIII. Danos suos revisere (16). Dum se ad proficiscendum pararet typis commisit *Prodromum Dissertationis de solido intra solidum naturaliter contento*, ut aliquo modo Ferdinandi studiis faceret satis. Hic enim noscens miram Stenonis intelligentiam in rebus naturalibus facile ab ipso obtinuerat, ut argumentum omnium difficillimum; unde multa corpora sint orta,
ge-

generata & concreta tractaret. Hanc Dissertationem Etrusce scribendam susceperat Steno, quo benemeretur de Furfurorum, ut vocant, Academia, in quam cooptatus fuerat; & quo multæ res, quæ ad Etruriam pertinebant notæ ac manifestæ fierent omnibus illius incolis. Dolendum vero omisisse ea quæ in manibus habebat; nihilque ad nos pervenisse nisi Prodromum illum, in quo tres opiniones exponit jam tum apud physicos celebratas de origine testaceorum fossilium, aliorumque corporum, quæ animalia vegetabilia appellantur, quæque in superficie, sive in visceribus montium aut collium inveniuntur. Jam tum erant aliqui, qui cum numero potius quam structura talium corporum, quæ nunquam satis apte perpenderant, commoverentur, ipsa a terra genita esse affirmabant crystallorum instar & salium, & earum, quæ marchesitæ dicuntur. Alii credebant a mari advenisse, & ipso mari olim detumescente, accedente, solo adhæsisse iis in locis, in

quibus reperiuntur : alii demum partem eorundem corporum terræ , partem mari acceptam referebant. Ipse autem Steno acerrimus indagator venatorque naturæ alteram illam opinionem amplectitur, validisque rationibus, tum experientia tum dialectica innixis ostendit, fossilia testacea fuisse animalium plerumque marinorum spolia. Inter multa observata a tanto viro & animadversa præclare, mirum profecto accidit ipsum cum tot fossilium, ossium gigantum & elephantum invenire vellet originem, eandem magna ex parte ab elephantibus repetiisse in Etruriam ab Hannibale deductis. Etenim historia docet illustrem eum Ducem post alpium transitum non alios nisi unum, aut ad summum duos elephantem habuisse. Admodum perspicue demonstrat terrarum strata, quibus montes & colles componuntur, ab aquis fuisse relicta. Animadvertit etiam omnia illa strata initio ad horizontem fuisse versa ; majorem autem aut minorem , magis aut

aut minus perfectam inclinationem eorundem ad orizontem aut casu aut ab igne subterraneo extitisse ; qui cum im-
 mensa vi in altum strata projiceret, effici-
 ciebat utique ut ea recidentia in sup-
 positas voragines, figura ipsa haud levi-
 ter immutarentur: repeti etiam a subter-
 raneis aquis miraculi causam posse, quæ
 aquæ cum eadem strata subter corrode-
 rent, cavernasque efformarent, id præsta-
 bant, ut ipsa proprio lata pondere, for-
 nicem, ut ita dicam, ipsarum caverna-
 rum disrumperent. Hinc vero fieri de-
 bebat, ut cum cavernarum lacunas ipsa
 replerent, aut magis aut minus ad ori-
 zontem inclinari debuerint, quod perspi-
 cue apposita libro figura idem Auctor o-
 stendit. Ejus autem doctrina in eo præ-
 cipue est, ut sex succedaneas facies aut
 strata terrestris globi consideret. Prima
 facies ea est qua globus universus aquis
 contegebatur, quo tempore neque anima-
 lia neque vegetabilia existebant ; quod
 quidem etiam sacrorum librorum auctori-

ta-

tate confirmat. Jam vero ab aquis hisce relicta strata unius formæ esse debent, neque partes aliquas animalium sive plantarum, aut vegetabilium amplecti. Altera facies plana est atque arida ipsius globi, quem aquæ reliquerant, animalibus plantisque distincti. Tertia facies est aspera & inæqualis, quam aut ignis, ut diximus, aut aquæ subterraneæ induxerant. Sequitur eam quarta facies, cum iterum diluvii aquis globus universus contextus est, quæ scilicet cum terrea multa relinquerent spoliis, ac partibus etiam animalium atque plantarum immixta, novis terrarum stratis valles repleverunt, iterumque planam globi faciem exhibuerunt. Hinc cum aquæ marinæ consedissent, ea quinta facies æque in omnes partes fusa, eademque arida globi extitit. Sed ignis & aquæ subterraneæ adspæctum terræ, qua diximus ratione, asperum effecerunt, atque stratorum ordinem multis in locis immutarunt; ex quo factum est ut quæ ad orientis normam inclinata jacebant, aliis

mo-

modis disponderentur, & alias in figuras evaderent, quæ nunc a nobis animadvertuntur. Hoc quidem σύμματα suis laborat difficultatibus ac vitiis. Fatendum tamen est doctiorum recentiorum his de rebus excogitata vel eodem numero, vel fortasse majore difficultatum premi. Præterea de varia chrystallorum & marchesitarum, quas diximus figura ac generatione admodum accurate loquitur Steno, ostenditque neque tempori se, neque labori pepercisse; ut omnia hæc suas in classes distributa cognosceret, earumque naturam penitus investigaret. Quare fecit, ut judicaverint homines doctissimi, non facile statui posse magis ne Anatome excelluerit Steno, an Historia naturali. In utraque certe disciplina se exercendi infinita propemodum subsidia ac commoda habuit a liberalitate magni Ducis, easdemque plurimum auxisset, si ea in vulgus omnia edidisset, quæ in Etruria degens seposuerat. Quantam cupiditatem naturæ investigandæ hominibus injiceret Princeps, si quis

quis unquam alius scientiæ cupidissimus, sæpe a nobis commemoratum est; nec dubitamus hoc in maxima ejus laude ponere, quanquam omnibus fere laudibus celebraretur. Cum domi suæ collegisset magnam rerum copiam, quæ ad historiam naturalem pertinebant, earum ordinandarum, explicandarumque curam Stenoni dedit. Hic vero desiderio Principis non solum Florentiæ, sed etiam Pisis cumulatissime satisfecit, cum Pisana Academia ipsa quoque haberet suum museum, quod operam Stenonis desiderabat. Extant adhuc quæ ipse hac occasione scripto mandavit, ex quibus ejus diligentia & doctrina facile cognosci potest. Ex multis vero observationibus anatomicis, quas jussu Ferdinandi fecit, relatæ nonnullæ fuerunt cum aliis ipsius scriptis in Acta medica Hafniensia, ex quo libro commemoranda feligemus, quæ magis favere Stenonis gloriæ videntur. Ut autem a laudabilioribus ordiamur, de ovo & pullo ea tradidit Steno, ut amplius dubitare non possimus, quid sit

fit in ovo quod formando nutriendoque pullo
 inserviat. Historiam muscutorum aquilæ sic
 contexuit, ut eam laudare præsertim de-
 beant, qui sciunt nihil rarius fuisse apud
 physicos scriptores superiorum temporum
 novitate rerum observatarum, solertia &
 acumine in ipsis peragendis observationi-
 bus, horumque accurata & facili descri-
 ptione, Postquam diu multumque in felle
 examinasset peristalticum intestinorum mo-
 tum, vasorumque biliariorum multos ma-
 gnosque tumores, ad cor, in quod præci-
 pue inquirebat, remeavit, in eoque quie-
 ta omnia esse invenit. Sed vix ter qua-
 terque digitis ipsum compresserat, cum il-
 lico reddi ei & venæ cavæ suos motus &
 hos distinctos, quamvis raros admodum,
 non sine admiratione observavit. Reno-
 vavit idem experimentum in cane, qui
 diu mortuus esse videbatur, renascebatur-
 que motus non solum si premeret cor,
 sed etiam si pungeret dextrum illius ven-
 triculum. Pars ventriculorum ex muscoli
 massa separata certo quodam tempore mo-
 veba-

vebatur. Cor canis occisi haud multo postquam in lucem venerat rubescebat quando dilatabatur, seu quando illius acies recedebat a basi, ipsa vero accedente, pallescebat. Motum auricularum non semper respondere putavit motui ventriculorum cordis. Vena cava ipsa quoque motum sibi proprium habebat. Motus auriculæ ab uno incipiebat angulo, & in alterum desinebat. Idem pro certo se habere dicit præsentiam sanguinis in corde ad hujus pulsationes conferre plurimum. Motum cordis in fœtu cuniculi examinans, illud distendi notavit, ubi sese contraxerat. Postquam plane cessaverat motus in cordis ventriculis, animadvertit dexteram auriculam moveri, cumque ipsa quoque moveri desisset, motus signa in vena cava dumtaxat apparebant. Si spiritum immitteret, aut digiti extrema cordi admove-
ret, in eo motus iterum existeret. Ex quibus aliisque rebus tria hæc inferre se posse putavit: primum pressione, punctio-
ne, flatu, & calore motum in corde re-
nova-

novari; deinde motum hunc non esse universæ cordis substantiæ, sed singularum fibrarum, quamvis hæ extremitatibus suis careant; denique non eodem tempore contrahi fibras omnes, sed sensim & continuata motione quadam ab uno in alterum extremum, eodem ferme modo quo peristalticus in intestinis motus peragitur. Plura se explanaturum promisit Steno in magno opere, quod in manibus habebat de cordis fabrica, cujus rei si non perfectio, at conatus tamen & adumbratio plurimum laudanda est. Quæ de utero leporis proprium fœtum resolventis tradidit Steno declarant qua ratione opus ipsa suum eadem, quæ coagmentavit, natura dissolvere potuerit. Et postquam causas hujus dissolutionis ille exposuisset, minime se dubitare dicit quin intra uterum dissolutæ quædam molliores fœtus partes per venarum ostia novum sanguini humorem, quo alatur mater, præbere possint. Hoc eodem loco exposuit Steno notata a sese in dissectione duorum anserum, quæ probare videntur

unde esse possit magnum jecoris incrementum, & varietas coloris in sanguine. Quæ vero signa naturæ dare possit hæc varietas, ipsius Stenonis testimonio, habitisque ab eo experimentis declarat Thomas Bartholinus in libro, quem inscripsit *Opuscula nova Anatomica* (17). Dissecuit Steno vituli monstruosum caput, in cujus cerebro magnam aquæ copiam libras fere IV. pondus, & sub cranio in narium radice apostema invenit tribus digitis longum, fessquidigito latum, & digito fere profundum, repletumque materia quadam alba & pingui. Aqua sapore falso & colore rubicundo prædita erat: adeo vero ipsa dilataverat cava cerebri, ut ægre cerebrum in ipso cerebro invenisses. Cranium vacuæ cucurbitæ erat simillimum. Quamvis magna facta esset mutatio in cerebri fabrica ob aquæ copiam, nihilo tamen minus, quod præcipue erat mirandum, unio manebat tuberculorum secundi paris, & glandula inferior, quam pituitariam dicunt a plerisque Anatomicorum imbibendo cerebri

rebri sero destinata magnitudinem, colorem, ceteras notas, quibus distingui solet, integras, nullaue ex parte deformatas habebat: tantummodo supernatabat ipsi magna feri copia. Unde hæc aqua & qualis; quando circumjacentes partes cœperit dilatare; quare a latere potius, quam alibi suam vim exercuerit, acute sane & docte inquit Steno: qua in inquisitione multa profert ad obscuram cerebri naturam & fabricam illustrandam utilissima. Hæc omnia exposuit Steno italica epistola, quam mense Junio an. MDCLXIX. Ænoponti dedit ad Ferdinandum Mediceum, ut ad hominem harum rerum non solum curiosum, sed etiam æstimatorem æquum & judicem. Libenter referrem alia observata a Stenone, ut Zoologiam augeret, quæ commemorata sunt a Redio, a Scriptoribus Actorum Academiæ Londinensis (18) aliisque plurimis, nisi ego nimis multa me jam retulisse vererem. Etenim in omni re videndum est quatenus: etsi enim saus cuique

modus est, tamen magis offendit nimium quam parum. Vereor etiam ne secutus exemplum videar Stenonis, qui interdum obscure & confuse loquitur. Perspicuitatem quidem semper amavi, neque me poenitet aliquando ei posthabuisse puriorem elegantiam latini sermonis, cum non dubitaverim uti verbis doctrinarum, de quibus necesse est loqui, propriis, quamquam minus latinis. Nam illarum finibus longius prolatis, multa etiam vocabula necesse fuit in censum recipi, & Latii quasi jure donari. Sed ad Stenonem revertor, qui cum, ut diximus supra, in Daniam rediisset, hortantibus amicis, ipsoque Cosmo III. qui Ferdinando Patri an. MDCLXX. Magnus Dux successerat, ut Etruriam reviseret, morem ipsis gerendum putavit. Hoc in tempore num aliquid scripserit ad naturæ scientiam illustrandam ignoro. Erat quidem sæpe cum Redio, nec otiosi poterant esse talium virorum congressus; habebatque commercium observationum naturalium cum Marcello Malpighio, cum quo

quo antea Romæ non modo amicitiam, sed & hospitium fecerat. Deseruit iterum Etruriam Steno mense Majo an. MDCLXXII. traditurus publice Anatomen regio in Theatro Hafniensi, in quo præteritis temporibus eandem facultatem docuerant Simon Paulli, & Thomas Bartolinus. Extat in Volumine III. Actorum medicorum Hafniensium *Proœmium*, quo Steno munus suum ingressus est. In eo exposuit quantæ utilitatis sit Anatome ad præcavendos & curandos morbos, in quo si nimium arti suæ concessit, ut opinor, facile excusabitur. Est enim hoc in hominis natura positum, ut quam quisque novit artem, de ea præclaram opinionem & habere ipse soleat, & ab aliis haberi velit. Ostendit etiam quantum ipsa conducat ad naturæ Auctorem noscendum admirandumque; neque illam horridam & mœstam esse, sed jucundam oblectantemque mirum in modum studiosos illius. Extrema denique oratione; quæ nec elegantia, nec eloquentia, neque eruditione commendatur, pro-

ponit Steno rationem, quam tenere meditabatur in erudiendis iis, qui Theatrum frequentassent. Quanquam Steno propter multas ejus virtutes, singularemque doctrinam magno apud suos esset in pretio, non effugit tamen multorum invidiam. Interdum etiam ferre debuit accusatores acres & molestos, qui ei probro vertèrent, quod Lutheranorum castra deseruisset. Quapropter ut Catholicæ religionis officiis securius vacaret, tanquam in portum, in aulam Cosmi Medicei confugit, a quo ad instituendum filium suum Ferdinandum in morum disciplina liberaliter sane invitabatur. Ex hoc tempore valedixit Steno naturalium disciplinarum studiis (19); & novum vitæ cursum ingressus est. Factus Sacerdos an. MDCLXXV. nil aliud agere & meditari videbatur, nisi ut in se ipso absolutionem & perfectionem omnium magnarum virtutum haberet. A qua quamvis non multum abesset, nondum tamen fundamenta, quæ cogitabat, jecisse sibi videbatur. Nemo enim illo ma-

gis modestiam servavit, nemo magis submis-
 misse in omni vitæ actione se gessit. Gra-
 vissimum testimonium Cardinalis Nerlii
 Archiepiscopi florentini de singulari Ste-
 nonis in Deum pietate, integritate, pa-
 tientia, paupertatis amore, studio de-
 vios in rectam viam reducendi, omnes-
 que juvandi retulimus in II. volumen e-
 pistolarum clarorum virorum, de quo su-
 pra mentionem fecimus. Neque homini
 tot virtutibus prædito difficile esse debe-
 bat ad omne officii munus instruere Prin-
 cipem, qui quidem summam spem Præce-
 ptoris & civium, quam de eo jam puero
 conceperant, continuo adolescens supera-
 vit. Biennium præfuit huic muneri Steno,
 eoque expleto, obtulit Principi librum, in
 quo breviter comprehensis gravissimis sen-
 tentiis, quasi oracula sapientiæ ediderat
 ad bene beateque vivendum, remque pu-
 blicam gubernandam. Qui igitur Ferdi-
 nando ex Stenone fructus debebantur, il-
 le uberrimos præstantissimosque cepit; do-
 lendumque maxime iis diuturnitatem tem-

poris defuisse . Per hæc tempora adve-
ctus Florentiam est Gaspar Bartolinus di-
scipulus Stenonis cum fratre & leviro
Oligerio Jacobeo . Lacerabatur animus Ste-
nonis cogitans homines carissimos in iis,
quæ ad religionem salutemque pertinent,
devios, errore delectari suo; nullique sa-
ne pepercit industriæ, quo eorum mentes
ad veritatem, atque ad officium revoca-
ret . Quædam etiam scripsit opuscula, quæ
& iisdem hominibus, & aliis quampluri-
mis magno usui esse possent . In iis enim
exposuit rationes & vias, per quas ad am-
plectendam Catholicam religionem tradu-
ctus fuit, & Hæreticorum dolos & ma-
chinas quasdam detexit irrisitque . Id ini-
que adeo nonnulli eorum tulerunt, ut Je-
næ publice propugnaverint ediderintque
Dissertationem, sicuti ipsi appellavere, *Theo-
logicam*, qua omnia prolata a Stenone,
mendaci sane trutina, examinarunt, illa
redargui & convinci posse sperantes . Ut au-
tem omnia consilia & facta sua ad virtu-
tem atque ad aliorum bonum referebat
Ste-

Steno, ita minime Joanni Friderico Principi Brunopolitano, qui Catholicæ religioni nomen dederat, recusavit, ut in illius ditione Episcopi munus sustineret. Ipse Romanus Pontifex, ad cujus aures fama pervenerat de Stenonis sanctitate, eidem hortator atque auctor fuit magno animo ut onus susciperet; creavitque Titopolitanum Episcopum, posteaque Vicarium Apostolicum in omnibus Boreis regionibus declaravit. Provinciæ Magalopolitana & Hannoverana fuerunt principio quasi theatrum illius vere singularis studii in Catholicam religionem. Mortuo Friderico, solum mutare coactus, domicilium Monasterii fixit. Inde quoque non multo post discessit ob offensum ejusdem civitatis Episcopi animum, cui exprobraverat, videri illum omnia omnium concupiscere, quod non contentus Colonienſi, alteroque Episcopatu, tertium contra SS. Canonum decreta efflagitaret. Scriptum invenio nihil non egisse eo tempore Arnaldium, qui optime noverat singularia Stenonis

merita, ut Suffraganeus adscisceretur ab Archiepiscopo Augustæ Trevirorum: sed contra obstitentibus Jesuitis, qui Stenonis severitatem verebantur, ipse repulsam tulit. Itaque Steno aliquandiu mansit Hamburgi, ac demum Sverinum in veterem sedem Ducum Megalopolitanorum venit. Vidisses hominem omnia libentissime incommoda subire vel externa, vel corporis, vel etiam ipsius animi, ut lucem salutemque, quacunque posset, afferret; contigitque ei, quod haud scio an nemini, ut vel pervicacissimos Hæreticorum, quos in rectam viam minime deducere potuit, in sui amorem & admirationem plerumque traheret. Continuis laboribus ac corporis afflictationibus oblanguebant quotidie magis vires illius; sed ferventius erat studium in rem publicam Christianam. Succubuit denique, cessitque languori, acerbissimisque doloribus, quos colum & calculus in vesica peperit. IV. die antequam moreretur (20) de rebus divinis ad populum verba facere voluit, & semianimis scri-

scripsit ad Magnum Etruriæ Ducem, commendans ei tres præclaræ virtutis homines, quos secum habebat. Profecto omnia summa in Stenonem Cosmi merita constitere. Pecuniam ei suppeditabat, quæ & ipse aleretur, & alios etiam sublevaret. Ejus commendatione & consilio certum hominem Hamburgi habebat, qui sua negotia procurabat; & summa omnium fere mandatorum erat, ut ad omnia, quæ Steno vellet, præstare esset. Hujus sororis filium Jacobum Benignum Vinsläum ipsum quoque celeberrimum Anatomicum, qui Parisiis opera Bossuetii Lutheranis renuntiaverat, pecunia, quoad vixit, aliisque rebus juvit. Cum an. MDCLXXXIV. mortem obiisset is, qui Liburni præerat Ecclesiæ principi, nihil non tentavit Cosmus, ut in illius locum Steno succederet, rogans eum, ut valetudini indulgeret suæ, cui quidem, dum commodis animarum consuleret, illum non satis servire sciebat. Demum quem vivum haud potuerat, mortuum saltem recuperare voluit;

luit; ejusque corpus Sverino, ubi vita
decesserat, Florentiam adsportari jussit,
sepelirique in Laurentiana Basilica cum
hac inscriptione.

NICOLAI STENONIS
EPISCOPI TITOPOLITANI
VIRI DEO PLENI
QUIDQUID MORTALE FUIT HIC SITUM EST
DANIA GENUIT ETHERODOXUM
ETRURIA ORTODOXUM
ROMA
VIRTUTE PROBATUM SACRIS INFULIS INSIGNIVIT
SAXONIA INFERIOR
FORTEM EVANGELII ADSECTOREM AGNOVIT
DEMUM
DIUTURNIS PRO CHRISTO LABORIBUS
ÆRUMNISQUE CONFECTUM
SVERINUM DESIDERAVIT
ECCLESIA DEFLEVIT
FLORENTIA SIBI RÊSTITUIT
SALTEM IN CINERIBUS VOLUIT
A. D. MDCLXXXVII.

(1) Vid. epist. Barthol. Cent. III. ep. 43. & Haller. in not. ad prælect. Acad. Boer. p. 106. edit. Taurinensis Tom. I.

(2) In not. ad Boerhaavium de visu p. 73. edit. Taurin.

(3) Advers. Anat. I. & Adv. VI.

(4) *Ex arteriis solis mucum deducebat Scheneiderus, glandulas Stenonius addidit, Haller Elem. Phys. lib. 14. Sect. 1. §. 14.*

(5) Non dissimilia tradidit Heisterus. Ait enim in compend. Anat. p. 33. Venet. edit. *Plerique Anatomici recentiores liquidum per hunc caulem ex naso in os influere sustinent, atque hanc ob causam eum Stenonis transitum a naribus ad palatum vocant, qui etiam in capite osseo satis apertus & amplius apparet. Verum alias tam angustus, ut neque in vivo, neque in cadavere eum in os biare, aut seclam transmittere unquam deprehendere potuerim.*

(6) Elem. Phys. lib. 2. sect. 3. §. 22.

(7) Compend. Anat. p. 67.

(8) In fin. cap. 2. de Anat. in lib. de stud. medic.

(9) Advers. Anat. II. Animad. VIII.

(10) Physiol. lib. IV. Sect. 3. §. 22.

(11) Catalogus Rar.

(12) Liceat hoc loco proferre Malpighii verba minime a proposito nostro aliena. Ait ille in principio vitæ, quam de se ipso scripsit. *Evolutis antiquorum monumentis excitataque lucis scintilla, latronis notam inurere tentant, quem docentem & magistrum mox audivere. Rerum inventores Urbium & Reipublicæ fundatoribus assimilantur. Ha nemque suum venerantur auctorem, non qui sensim gentem propagavit, loci opportunitate aut sorte coactus, sed qui datis legibus, distinctis ordinibus, mœniis vel septo circumvallavit, aut arce firmavit: ita in artibus*

bus & scientiis inventor is dicendus est, quæ naturæ arcanum per suas causas patefecit, rationum & experimentorum cumulatis argumentis firmavit, & usum naturæ congruum dilucide exposuit. Hinc Harvey sanguinis circulationis inventor, asseritur, & Pacquetus thoracici ductus auctor vindicatur, aliæque consimilia exempla copiosa occurrunt, licet superiori sæculo his preluisse videantur. Ceterum quod ad me spectat cum amicissimo Stenone repetam: sic mihi gratulor me non ab illis monitum eadem, quæ illi, observavisse; nec me movet post alios me hæc vidisse, modo ab aliis eadem habuisse non accuser.

(13) De hoc invento videndum est opusculum Jo. Swammerdami, quod inscripsit *uteri mulieris fabrica*, quodque extat in Vol. 1. *Bibliotheca anatomica Mangeti*. Addit etiam Mangetus nobilissimum Stenonem paradoxum hoc stupentiori bi primum obtulisse, overumque, ut apud omnes est in confesso, in viviparis inventorem dici. Digna etiam sunt quæ legantur tradita hæc de re a Valisnerio in libro *della generazione dell'uomo part. 2. in princ. Tom. 2. pag. 145*. Sed præsertim invitandos esse lectores putamus ad ea legenda quæ de Stenonis invento, deque observationibus habitis a Valisnerio ad illud ipsum, si fieri potuisset, confirmandum exposuit Buffonius in Vol. II. *Histoire naturelle*, ubi de animalium generatione agit.

(14) Hæc habet de Stenone liber, cui titulus *Journal des Scavantes an. 1665. n. 12. p. 123*. Eruditus hic Danus immoratur Parisiis ubi quotidie exercet sectiones in plurimorum naturæ curiosorum præsentia, idque in schola fecit medicorum, ubi admirati sunt eum propter inventa sua nova: Habet enim id peculiare ut maximam rerum partem tam reddat sensibilem, ut
qui-

quibus victas dare manus, mirarique cogatur quomodo subterfugerint ea Anatomicos ante eum omnes.

(15) In not. ad Method. stud. p. 521.

(16) Vid. Viviani epistolam ad Magolottum quæ extat in Vol. I. p. 18. epistolarum Magolotti, quas nos edidimus Florentiæ a. 1769. Ex ea inter cetera scimus stipendium annuum cccc. aureorum oblatum Stenoni a Danorum Rege fuisse, potestatemque factam Catholicam Religionem libere profitendi.

(17) pag. 641 edit. Hafnienfis.

(18) V. Redi, *Esperienze intorno alla generazione degl' insetti* p. 75. e 129. & ejus epistolam ad ipsum Stenonem. *Opere del Redi* Tom. V. p. 47. Vide etiam acta philosophica Societatis Regiæ Londinientis an. 1666. & epistolam Magalotti ad Falconerium, quam nos edidimus in Vol. I. p. 172. *delle lettere famigliari del Magalotti*.

(19) Hinc illa quæ memoriæ tradidit Leibnizius in *miscellaneis Leibnit. Johimi Frid. Felleri*. *Je ay appris que feu mr. Stenonis se chargeant de la litterature prophane charge m. Oligerius Jacobus medecin Danois de pousser & de poursuivre ses pensées sur la geographie naturelle, & les changemens physiques de la surface de la terre.*

(20) Extrat in Vol. II. epistolarum clarorum virorum epistola de morte Stenonis scripta ad Card. Pallavicinium a Cappellano Theodori Kerchringii, qui Hamburgi Magni Ducis Erruriæ negotia procurabat. Ex hujus autem litteris ad ipsum Magnum Ducem inter cetera scimus Stenonem, cum primum cœpit ægrotare, petiisse ut Lubeca Sacerdos S. J. ad se veniret, qui illi Sacramenta administraret; sed se illum Patrem excusasse, ita ut deficiente Sacerdote sine Sacramentis obierit

rit 15. Novembris hora 7. matutina 1687 Narrat etiam Kerchringius increpanti Medico Stenonem, quod nimis corporis afflictationibus indulgisset, respondisse: *Si c'est la cause, je ne suis pas fuché; car je suis persuadé que je l'ai fait dans l'intention de servir Dieu: il y a eu de personnes qui ont vecu plus austerement que moi au pain & a l'eau, & ont vecu longtemps; pour quoi ne le ferai je pas, si ce fut ainsi la sainte volonté de Dieu que je devois vivre?*

O P E R A E D I T A.

DE GLANDULIS oris, & novis inde prodeuntibus saliva vasis observationes anatomica.

DE GLANDULIS oculorum, novisque eorundem vasis observationes anatomica. Hæ observationes editæ Lugduni Batavorum separatim primum fuere. Postea conjunctim cum responsione quadam ad Deusingium ibidem impressæ fuere an. 1680. in 12. Extant etiam in Volumine II. *Bibliotheca anatomica*, quam Daniel le Clerc & Jacobus Mangetus contexuere, edideruntque Genevæ an. 1685. in fol.

DE MUSCULIS observationum specimen. Extat in eadem *Bibliotheca*; impressumque etiam fuit cum duabus epistolis de *Anatome Ruia*, & de *Vitelli in intestina pulli transitu*: Hafniæ 1664.

DE CEREBRI *Anatome Dissertatio spectatiff. Viris DD. Societatis apud D. Thevenot Parisiis collecta dicata*. Extat in eadem *Bibliotheca*. Parisiis primum a. 1669. prodiit hæc *Dissertatio* Gallicè scripta, & secundo Lugd. Bat. an. 1671. cum in Latinum conversa fuisset.

ELEMENTORUM *myologiae specimen seu musculi descriptio Geometrica*, cui accedunt canis carcharia dissectum caput; & dissectus piscis ex canum genere. Florentiæ 1667. in 4.

D E

DE SOLIDO *intra solidum naturaliter contento Dissertationis prodromus. Florentia 1669. in 4.*

DE VITULO *hydrocephalo epistola ad S. Magnum Etruriæ Ducem Ferdinandum II. ex Italico in Latinum translata a D. Matthia Motthio. Extat in Vol. II, commemoratæ Bibliothecæ Anatomica.*

OBSERVATIONES *Anatomica spectantes ova viviparorum Extant in Vol. I. ejusdem Bibliothecæ Anatomica, eademque legi etiam possunt in Actis medicis & philosophicis Hafniensibus editis a Thoma Bartholinio Hafniæ typis Georgii Godiani 1673. ib 4*

Iisdem in Actis hæc etiam sunt, quæ pertinent ad Stenonem.

OVA *viviparorum spectantes observationes alia.*

IN OVO & pullo observationes.

OBSERVATIONES *circa motum cordis auricularum & vene cavæ.*

HISTORIA *musculorum Aquila.*

EMBRYO *monstro affinis Parisiis dissectus.*

UTERUS *leporis proprium fætum exolventis.*

DE VITULO.

PROEMIUM *demonstrationum Anatomica-
rum.*

DE PRIMA *ductus solivalis exterioris inventione & Bilspanis experimentis. Extat apud Thomam Bartholinium in Centuria epistolarum ejusdem Epist. 24. Hafniæ 1667.*

EPISTOLA *Stenonis ad Croon, qua declarantur experimenta quædam habita Romæ de Salamandra. Extat in Actis philosophicis Societatis Regiæ Londinensis an. 1666.*

EPISTOLA *ad virum Eruditum cum quo in unitate S. Rom. Ecclesiæ æternam amicitiam inire desiderat de methodo convincendi Acatolicum*
cum

cum juxta Chrysostomi Homiliam 33. Florentia ex typographia Nicolai Nacufii 1675. in 4. Plures aureas Chrysostomi sententias hæreticorum malitia vitiatas suo reddit Auctor nitore.

EPISTOLA de Interprete S. Scripturæ: Florentiæ 1675. In hac epistola satis superque exagitatam quæstionem de Interprete S. Scripturæ tractat. Vander Waen Calvinianorum causam defendenti respondet, atque SS. PP. dicta ab eo prolata in ipsum acute retorquet.

EPISTOLA ad novæ Philosophiæ Reformatorem de vera philosophia. Florentia 1675.

EPISIOLA de propria conversione. Florentia 1677.

ELUCIDATIO Epistola de propria conversione. Hannoveræ 1680.

SCRUTINIUM Reformatorum ostendens Reformatos es morum fuisse a Deo, Reformatores autem fidei & doctrinæ non fuisse. Florentia 1677.

DEFENSIO Scrutini Reformatorum. Hannoveræ 1679.

TRACTATUS de Purgatorio cum Discursu utrum Pontificii aa Protestantes in Religionis negotia conscientie sue rectius consulant. Hannover.

EPISTOLAE duæ ad J. Brusmannum. Hafniæ 1680.

ANTILOGIA contra M. Siricii ostensionem abominationum Papatus Idolatricarum. Rostochii 1687.

EPISTOLA Italica ad nobilissimam foeminam Arnolfiniam, in qua Steno exponit rationes, quibus convictus fuit ad amplectendam Catholicam Religionem Edidi hanc epistolam in Vol. II. delle Lettere d' uomini illustri Florentia 1714, quo in volumine extant quoque binæ aliæ epistolæ Ste nonis ad res phylicas pertinentes.

OPERA INEDITA.

Experimenta naturalia ad Sacra Scriptura & Christi Divinam auctoritatem agnoscendam non parum conferentia pro illis, qui vel omnino non credunt, vel ex non credentium sermonibus gravia dubia experiuntur.

Experimenta & argumenta pro libertate voluntatis ex natura & Scriptura desumpta contra modernorum quorundam necessitatem absolutam eterne concatenationis caussarum secundarum.

Demonstratio falsa A catholicorum persuasio- nis de existentia divini in sacris litteris manda- ti omnes rationis usum habentes fideles ad calicem sumendum obligantis.

Extat in Magliabechiana Bibliotheca manu scriptum volumen cum hac inscriptione.

Nicolai Stenonis Episcopi Titopolitani Fer- dinandi Magni Etruria Principis quondam ma- gistri opera. Hæc sunt sermones de rebus divi- nis xxxv. & opuscula xiii. ad varias res theolo- gicas, præsertim morales, pertinentes. Claudis vo- lumen epistola hortatoria Joannis Sterech S. J. ad Stenonem, qui ipsum monet, ne nimis corpo- ris afflictationibus indulgeat.

Trattato di morale per un Principe.

ANGELUS FABRONIUS

MARCHIONI DE CONDORCETIO

PARISIENSIS SCIENTIARUM ACADEMIÆ

A COMMENTARIIS

S. P. D.

NON tu quidem es a me edocendus de
iis, quæ Michael Angelus Riccius ad
mathematicarum disciplinarum incrementum
gessit: nam si non sus Minervam, ut ajunt,
tamen inepte quisque Minervam docet. Est
vero quod a te, vir humanissime & doctis-
sime, mihi concedi pervelim, ut nimirum
præfationis loco liceat hic referre sermonem
quemdam, quem olim habuit Vincentius Vi-
vianius cum amantissimo discipulo suo Lau-
rentio Magalotto, cui si Riccius ipse inter-
fuisset, non dubito quin idem, quod Themis-
tocles dicturus fuisset, se ejus vocem liben-
tissime audire, a quo sua virtus optime præ-
dicaretur. Quando in geometricarum rerum
me-

meditatione, agebat ille, cœpi studia ponere, fieri non posse rebar, ut quis longius procederet, quam quo pervenerat Archimedes illis suis libris de sphaera & cylindro, de spirabilibus, de conoidibus, & sphaeroidibus, de quadratura parabolæ, & similibus. At, progredientibus studiis, non sine admiratione intellexi theorematum illa, quæ quondam reconditissima existimaveram, facta esse corollaria aliorum amplissimorum theorematum, eaque facile demonstrari posse ob novas repertas methodos, quæ in se ipsis continent quidquid separatim Archimedes invenerat, non secus quam ex uno ramo pendere multa poma conspiciamus. Credibile tamen est Archimedem putasse se non mediocria gessisse, nec potuisse alia via ad eandem laudem perveniri. Quid si temporibus Pappi Alexandrini vixisset, ipsumque vidisset plena manu ad se venientem cum iis vere maximis theorematibus de generali superficierum & solidorum mensura, quæ tantam postea Guldinio, seu Joanni Faillio gloriam comparavit? Sed fac Pappum in tempora incidisse Torricellii &

Cardinalis Riccii, nonne illum stupidum detenuissent theoremata, quæ mirabiliter ab iis summis viris inventa sunt, quæque in se continent non sua modo & Archimæda, sed infinita alia ab nemine ante hac excogitata? Atque idem ego, qui gloriari possum vel ingenio, vel fortuna novas amplissimasque terras detexisse, num propterea cæteris minime relictum esse locum arbitrabor ad majorem etiam gloriam adipiscendam? Magnus est in geometria campus; multis apertus cursus ad laudem; nec dubito quin talia posterius sint gesturi, quibus laurea illa magnis laboribus a nobis parta, longo intervallo omnem amisisse viriditatem videatur. Hæc Vivianius, qui si revivisceret, gauderet profecto (non enim invidia, sed publicæ utilitatis amor unice summos viros tangit) factum esse præsertim ista tua adeo præstanti in analyticis rebus doctrina, ut vera se divinaſse judicatum fuerit. Vale.

Pisis Kal. Decemb. MDCCLXXIV.

MICHAEL ANGELUS RICCIUS

Michael Angelus Riccius natus est Romæ III. Kal. Februarias an. MDCXVIII. patre Prospero Riccio Novocomensi, matre Veronica Cavaleria Bergomate. Is admodum duro usus est initio adolescentiæ. Nam ejus pater fortunæ bonis minime abundabat, eaque partiri cum septem debebat filiis, unaque filia, quam Francisco Paravicinio locavit. Nihilo tamen minus sive felicitate quadam, sive bonitate naturæ, sive parentum disciplina rectam a pueritia morum institutionisque secutus est viam. In tanta malæ consuetudinis corruptela, ut perpaucum essent tolerabiles Italici scriptores, eo pervenerat Riccius, ut Etrusci ipsi solerent ei suæ linguæ subtilitatem elegantiamque concedere. Sciebat etiam Græce & Latine satis luculenter: sed præsertim omnem vim ingenii, quæ summa erat in eo, in geometricis rebus consum-

psit. Habuit principem & ducem ad suscipiendam & ingrediendam horum studiorum rationem Evangelistam Torricellium; ac brevi fuit dignus, ut præceptor non solum cum eo differeret, sed etiam illius judicia exquireret. Quotidie fere, ut ex eodem Riccio scimus (1) congregabantur ipse, Torricellius, Raphael Magiottus & Antonius Nardius: varii erant sermones, disputationesque; & si quando accidisset ut essent in disjunctione sententiæ, conjunctissimi tamen amicitia manebant. Discessus ex Urbe Torricellii non minuit, sed potius auxit hujusmodi exercitationes. Sæpe enim ab eo afferebantur quæstiones tum de physicis, tum de geometricis rebus; & quidquid novi in his ipsis facultatibus invenisset, libentissime cum iis communicabat, quibus nullos amiciores & cariores se habere, nullosque prudentiores se nosse dicebat (2). Sunt in manibus hominum (3) litteræ quibus Torricellius Riccium docuit de barometro a se invento, quibusque illa diluit quæ
fue-

fuerant ab eodem objecta. Non enim adscensum hydrargyri in tubo, superincumbenti prementique aeri unice tribuendum esse Riccius putabat. Dum per medias laudes quasi quadrigis veheretur vita Torricellii, acerba ac dolenda adhuc incurrit mors, quæ secum abstulit maximos illius laborum ac vigiliarum fructus. Cavit ille, quidem supremis tabulis, ut scripta sua, in quibus multa erant imperfecta & inchoata, Bononiam mitterentur ad Bonaventuram Cavalerium, & hinc Romam ad Riccium, ut ab iis in vulgus, supplementis necessariis, ederentur. Sed Cavalerius non multo post Torricellium diem supremum obiit; Riccius autem aliis distractus curis magistri votis minime satisfecit. Ferdinandus hujus nominis II. Magnus Etruriæ Dux, cui non minus mathematici sui gloria, quam publica utilitas curæ erat, provinciam eam Vincentio Viviano commisit, qui tamen nescio quæ de causa rem infectam reliquit. Volens autem Riccius ostendere similitudine di-

vini ingenii in eadem se incurere Torricellii vestigia, edidit Romæ an. MDCLXVI. *Exercitationem* quamdam *Geometricam*, quæ statim ac prodiit Geometrarum Anglo- rum animos incendit, ut nova ipsam editione sibi compararent. Quod tum operis præstantiæ, tum paucitati exemplarium, quæ primum fuerunt impressa, tribuendum est. Riccius itaque in ingressu operis lemmata quædam statuit, in quibus plura demonstrat, quæ pertinent ad magnitudines, ut Geometræ loquuntur; quemvis ad gradum elevatas. Hac ratione sibi viam aperit ad agendum eadem methodo de curvarum passionibus; quæ ad gradum quemvis similiter referuntur. Aliqua postea exponuntur ac geometricè demonstrantur theoremata, quorum denique scopus est ostendere: *Si recta quælibet linea quavis proportionè dividatur, maximum esse productum partium elevatarum ad respectivos proportionis numeros inter omnia producta similia, quæ per quamlibet ejusdem rectæ sectionem efformari possunt.*

Exem-

Exempli autem gratia propositio hæc adhibetur ad determinandas tangentes infinitarum parabolarum (4), quod postremum exemplum normam suppeditat ad tangentes determinandas infinitarum ellipsium. His in disquisitionibus Riccius jam ab adolescentia fuerat exercitatus. Cum enim problema solvisset a Torricellio propositum de spatiis infinitarum spiralium, ita ab eodem appellatur in libello nondum edito de curvis iisdem: *rationes omnium spatiorum ad circulum demonstravit M. Angelus Ricci, qui infinitas quoque hyperbolas, ellipsesque contemplatus est, & non contemnenda theorematata inde derivavit. Verum ipse nos cogit veritatis amor, ut hic testemur supra memoratum theorema, ejusque demonstrationem a Torricellio fuisse inventam, ut ex ejusdem scripto nondum edito apparet* (5). Illud etiam nobis fatendum est, Torricellium ea propositione usum fuisse in demonstrandis tangentibus infinitarum parabolarum, nec non infinitarum hyperbolarum inter
 asym-

asymptotos, præter alias quasdam investigationes, tanto viro sane dignas, quarum rerum omnium sunt monumenta in ejusdem MSS. quæ Petri Leopoldi Austriaci Magni Etruriæ Ducis singulari beneficio non solum videre, sed diu etiam in manibus habere nobis contigit. At si Torricellius Riccio inventionis tempore anteivit, hic ipsum elegantia argumentorum, quæ demonstrationes dicuntur, certe superavit. Maximo vero usui fuisse Riccio commemoratum theorema multis in disquisitionibus, facile ex iis, quæ scripsit, quæque nos hoc loco referemus, apparebit. *Pergimus*, ait ille, *ad reliqua usum præstantissimam habentia ad inveniendas plurimum linearum tangentes, figurarum centra gravitatis, & quadraturas, item ad alia multa, quæ justo servamus. Operi, ubi dabimus novam conicorum solidorum seriem, qui secti exhibent infinitas, uti vocant, hyperbolas, infinitas parabolas, infinitas ellipses, & analogiam servando, circulos etiam infinitos. Unde lectoribus apparebit, me plus*
adin-

adinvenisse, quam cæteros; eosque ingeniosissimos viros, qui communem tantum hyperbolen, parabolam, ellipsim, & circulum (figuras conici in nostra nova serie prædictæ secundi gradus) agnoverunt: alias tertii & quarti, & cæterorum non item; nisi quod de parabolis infinitis per puncta in plano descriptis, pauca licet cognitione dignissima, tradidere nonnulli, quos inter duo præcellentes ingenio viri Fermatius ac Torricellius præceptor meus, inventorum præstantia & numero commendabiles, ac veteribus proximi; qui novum insuper excogitarunt hyperbolarum infinitarum genus. Itaque si paucæ proprietates erant infinitarum parabolarum a Torricellio peculiariter declaratæ, quanto plura de iisdem Riccius in eodem opere commentatus fuisse dicendus est: Torricellius enim quadraturas ipsarum curvarum demonstraverat, nec non earumdem gravitatis centra atque tangentes, & qua ratione cylindri circumscripti ad conoides referantur, quæ scilicet ex gyro parabolarum circa diametrum, & circa

cētra gravitatis earumdem conoidum existunt. Solida præterea consideraverat prædictarum curvarum aut circa propriam basim, aut circa tangentem verticalem, aut circa lineam diametro parallelam revolutarum; idemque præstiterat in solidis trilinei mixti, quod tum a linea parabolica, tum a verticali ejusdem tangente, tum a recta diametro parallela concluditur. Immo de hoc invento, quod postremo loco memoravimus, & unum erat ex adjunctis, in Galliam scripserat Torricellius (6). Nos eodem cum Torricellio animadvertemus, primum ex omnibus, qui parabolarum infinitarum proprietates demonstraverit, fuisse Fermatium, eademque re claruisse postea Robervallium. Quod pertinet ad infinitas inter asymptotos hyperbolas, Torricellius ipsarum passionum præcipuas primus adinvenit, hoc est quadraturas, solida atque tangentes, ut ipse testificatus est. Sed tempus est, ut ad Riccium revertar, de quo Geometriæ studiosi jure queri possunt, quod publico

carere siverit, præter illud, de quo dictum est, opus, alia etiam ab ipso perfecta, quorumque mentionem fecit in epistola, qua Stephano Gradio *Exercitationem* suam *Geometricam* nuncupavit. In altero ex his operibus breviter artis analyticæ præcepta methodo geometrica demonstrabantur, simulque aliqua per auctores magni nominis errata notabantur. Altero in opere Riccius ad certas quasdam propositiones revocaverat *quæcumque de Geometria in genere disputata & litteris consignata* fuerant. Ex tribus, quas hic adjicimus, propositionibus, pronum erit conjectare quam egregia hoc opere continerentur, & quam acuti atque sublimis ingenii specimen Auctor exhibuerit. Itaque in generali una propositione, quam Torricellius & Gradius viderant, ac magnopere commendaverant, integra doctrina tradebatur xxx. propositionum Archimedis, Lucæ Valerii, atque aliorum; duabus autem propositionibus pene totum id concludebatur quod Io. Carolus Faillius de centro gravitatis par-

partium tum circuli, tum ellipsis ostenderat. Vere videor posse contendere omnium mathematicorum, qui in Italia iis temporibus florebant, fuisse Riccium Algebrae peritissimum, in quam facultatem studiosissime operam dederat non tam propter admirabiles illius utilitates, quam propter gloriam Italorum. Hi, enim a Gallis & Germanis reprehendebantur, quod ad antiquorum Geometriam, tanquam ad saxum, adhærescerent, cujus etsi laudabilior esset usus propter rei difficultatem perspicuitatemque, non satis tamen ad magna inventa accommodatam esse dicebant. Incidit aliquando Riccius in huiusmodi reprehensores, hosque ut erroris, aut arrogantiae convinceret, proposita ab ipsis difficillima problemata solvere memoriter non dubitavit; quod prædicare non auderemus nisi certissimis esset monumentis testatum (7). Il vero qui minus in his studiis profecerant, illum subaccusare videbantur (8), quod trita a maioribus via interdum declinaret, ut in
bre-

breviorem expeditioremque se daret. Hæc res certe illi plurimum valuit ad gloriam, quæ aucta singularis virtutis humanitatisque opinione efficiebat, ut certatim omnes illius amicitiam requirerent. Quid Leopoldus Medicæus Riccio non commisit? Quid immortalis ille vir gessit ad litterarum incrementum, quod cum ipso non communicaverit? Ipsa Academia *del Cimento* ab Riccii consiliis pendere videbatur; nec prius edita illius commentaria fuere, quam gravissimum ejusdem judicium subierint. Consultus etiam fuit de perficiendo Dictionario Academiæ *della Crusca*, cum esset in numero Academicorum; nec parum auxiliis & copiis suis opus illud juvit. Academia Pisana ipsa quoque plurimum debet Riccio, quod per eum fastis suis nomina doctissimorum virorum adscripserit. Nec minus illud gloriosum, quod raro controversiæ inter literatos homines essent, quarum judex non sumeretur Riccius; ipseque Borellius quem discrepantia opinionum, seu potius fal-

falsæ suspiciones, difficillimique mores ab illo aliquando alienaverant, totam ad eundem detulit disputationem, quam de rebus quibusdam in libro *de vi percussione* expositis habuit cum Stephano de Angelis, & Michaelē Manfredio (9). Crebro etiam commeabant ex Anglia & Gallia doctissimorum hominum litteræ ad Riccium; & principes illi creatores Academiæ Parisiensis & Londinensis maximarum rerum notitias ab illo exquirere non recusabant. Is vero coluit præsertim Thevenotium & Hugenum, a quo ab anno MDC LXI. invitatum fuisse ad societatem quasi quamdam, & communicationem studiorum scriptum invenio. Ex quo cognosci potest cito, ac longe lateque famam de illius doctrina percrebuisse. Neque vero hæc præstantia doctrinæ solis philosophiæ & matheseos finibus continebatur. Etenim ut moris majorum summus imitator, ita omnis antiquitatis doctus & intelligens fuit, adeoque callebat jura, consuetudines, & disciplinam

Ec-

Ecclesiæ , ut de his rebus , si quando controversia Romæ oriretur , nunquam non ejus exquireretur sententia . Extant adhuc in tabulario Vaticano , sicuti me admonuit vir amicissimus , qui ei præest , Cajetanus Marinius , plura Riccii iisdem de rebus scripta (10) , quæ satis indicant ipsius prudens ac sincerum judicium , & interiores litteras . His vero vel peritissimos in loquendo verecundiores fecisse arbitror , cum sæpe Cardinalis Bona professus fuerit in iis , quæ consulebantur , nihil se habere quod adderet sententiæ Riccii , & in eam se libentissime iturum . Factus ab Alex. vii. P. M. Qualificator , ut appellant , ac paulo post Consultor S. Officii non ad suam gloriam , sed ad Christianæ Reipublicæ utilitatem unice se spectare dicebat , quo fidentiori animo graderetur ad mortem . Multis quoque in rebus , iisque magni momenti a Clemente ix. & ab eo , qui illi successit , adhibitus fuit ob edita omnibus præstabilis insignisque virtutis exempla , Qualis mens erat in eo ad repu-

R

bli-

blicam bene gerendam, quale ingenium ad bene dicendum! Inter cætera, quæ Clemens gravissimo judicio Pontifex se velle ei significavit, fuit ut per ipsum institueretur Academia, in qua sacræ antiquitatis studia in primis colerentur. Id autem ne perficeret Riccius causa fuit ejusdem Pontificis cita acerbissimaque mors; perfectumque paullo post a Ioanne Ciampinio fuisse non modo gavisus est, sed etiam quantum potuit ejus industriæ & gloriæ favit. Num Ciampinii, sicuti Francisci Nazzarii, fautor quoque & adjutor fuerit Riccius, in conscribendis Litteratorum ephemeridibus, quod opus ipsius consilio anno MDCCLXVIII. primum susceptum est, ignoro. Nemo profecto ad opem illius confugiebat, quin voti compos fieret, cum hoc unum sibi proposuisse diceret legendo, commentando & scribendo, ut aliis prodesset. Optassent multi ut intermissa mathematicarum rerum studia renovaret; sed ipse ad sacras litteras toto, ut ajunt, pectore incum-

cumbendum putavit exemplo maxime excitatus Leopoldi Cardinalis Medicei, & quod hujusmodi studia se debere existimavit religioni seditiosorum quorundam hominum perfidia ubique fere perturbatæ, & Romanorum Pontificum, quorum causam sæpe egit, voluntati. Cum vacabat occupationibus Urbis veniebat in Tusculanum, ut ibi delectaret otium suum, & valetudini consuleret. Erat enim in eo summa gracilitas & infirmitas corporis, quam ob vehementissimas animi in studiis contentiones se contraxisse minime dubitabat. His tamen aliquandō gratiam habuit, quod per eas ex maximis angustiis liberare se posse putavit. Innocentius XI. non solum precibus Christianæ Svecorum Reginae, sed etiam sua sponte suoque judicio excitatus (neminem enim se nosse dicebat quem Riccio morum innocentia, prudentia, atque doctrina præferret, quod datis ei multis gravissimisque mandatis satis declaraverat) deliberavit illum in Cardinalium collegium cooptare. Id ut au-

divit Riccius non tam pertimuit, si subeundum esset, quam declinandum putavit, si honeste vitare potuisset. Denegat itaque, & jurat morbum, minaturque malum Lucæ Antonio Porzio, quo medico utebatur, nisi rem testimonio suo confirmasset. Interrogatur quidem Porzius; sed ea quæ respondit fuerunt hujusmodi, ut minime Pontificem de sententia deduxerint, sed potius in ea confirmaverint. Resciens id Riccius queritur graviter cum Porzio, & immoderate agitatus & fluctuans se se in Tusculanum recepit; unde ad Pontificem epistolam scripsit plenam argumentorum, quibus fieri posse sperabat; ut ipse voluntatem mutaret. Hæc epistola non ad optatum impetrandum, sed ad modestiam scriptoris probandam unice valuit. Itaque Riccius Kal. Septemb. an. MDCLXXXI. declaratus est Cardinalis. Non ille tamen idcirco adquevit, renunciâns amplissimam dignitatem; nec prius a contentione discessit, quam Pontificis imperio parere jussus est (11). Ho-

mo constans & gravis, qui vere gloriari poterat se semper a gloria abfuisse; qui nunquam non irriserat urbanas illas ambitiones, levitatesque; cui nihil fuerat dulcius otio litterato; cuique semper placuerat quæta vitæ degendæ ratio in contemplatione & cognitione posita rerum, ab hac distrahi non doluit modo, sed etiam ingemuit (12). Is usque eo vitæ statum commutatum ferre non potuit, ut qui semper fuerat natura lenissimus ac patientissimus sibi gravis esse videretur; & qui dicere consueverat omnium rerum, quas ad beate vivendum Divina providentia comparaverit, nihil esse majus amicitia, nihil uberius, nihil jucundius, neque vero hoc oratione solum, sed multo magis vita, & factis & moribus comprobaverat, difficilis & morosus adeo evasit, ut nulli ei satisfacerent (13). Ex quo intelligi potest quam odiosa sit omnis offensio in fragili corpore. Nihilo tamen secius dedit Riccius magnarum virtutum exempla, sed præcipue singularis & admirandæ fruga-

litatis (14). Obiit vir sanctissimus iv. Id.
 Majas an. MDCLXXXII. paucis scilicet
 post mensibus quam Cardinalis factus fue-
 rat, sepultusque in Aede S. Francisci ad
 Tyberis ripam eum hoc elogio.

D. O. M.

MICHAELI ANGELO RICCIO ROMANO

TIT. S. MARIE IN AQUIRO

S. R. E. DIAC. CARDINALI

QUI EXCELLENTI DOCTRINA AC ERUDITIONE

APUD EXTERAS ETIAM GENTES

MAXIMAM FAMAM ADEPTUS

MORUM INNOCENTIA

AC SUAVITATE MODESTIA

IN GRAVIORIBUS NEGOCIIS GERENDIS

PRUDENTIA

ANIMI MODERATIONE

ATQUE RERUM HUMANARUM CONTEMPTU

SUMMORUM PONTIFICUM AMOREM

AC EGREGIAM APUD OMNES OPINIONEM

SIVI COMPARAVIT.

OB. AN. DOM. MDCLXXXII. ET. SUE LXIV.

(1) Vol. II. epistol. Clar. Vir. epist. LXVI.

(2) Ludovicus Serenajus testamenti, quod fecit Torricellius, curator, hæc in epistola quadam ad Vivianium de Riccio scripsit. *Elle il Signor Ricci (ad supplenda scilicet mathematica scripta quæ imperfecta reliquerat) stimandolo il maggiore ingegno da lui conosciuto nelle matematiche, e da lui in esse introdotto, e il maggior amico che avesse.*

(3) Prefaz. alle lezioni Accademiche del Torricelli.

(4) Ea deductio Ismaeli Bullialdo displicuit, qui cum rogatus fuisset sententiam suam exponere de Riccii *Geometrica exercitatione*, multa objecit, quæ retulimus in II. volumen epistolarum clar. vir. Argumentis Bullialdi respondit Riccius in epistola ad Leopoldum Medicum, et ambo Centori parcendum esse censuerunt aliis nominibus de mathematicis discipulis optime merito. Nemo est hodie qui ignoret quam recta sit atque accurata deductio illa ad infinitas parabolas: quamobrem opus non est, ut ad austeritatem Borellii, Vivianii, Slusii, aliorumque illustrium mathematicorum, qui maxime illam commendarunt, confugiamus.

(5) Huic titulus est: *Racconto di alcune proposizioni proposte e passate scambievolmente tra i mattematici di Francia e me dall' anno 1644. in quà.* Eo autem in loco hæc habet Torricellius: *Questo gran teorema da me si dimostra per pura Geometria e senz' Algebra. Fu da me proposto un pezzo fa, nè per ancora ne hò avuta la dimostrazione universale, la quale stà riservata pressa di me. E' ben vero che agli amici di Roma mandai già (pregato da uno di essi) la dimostrazione di tal teorema per quando gli esponenti delle dignità sieno in proporzione moltiplice solamente.*

NOTA (C)

R 4

(6) Que-

(6) *Queste cose dell' Iperbole sono state da me proposte in Francia ed in Italia, ma per ancora non sciolte da nessuno per quanto io supponia. Se la quadratura di una sola Iperbola è stata cercata tanto e sempre in vano, noi per una ne diamo infinite. Hæc Torricellius in supra memorata narratione seu Racconto d' alcune proposizioni &c.*

(7) V. epist. XLV. Vol. II. epist. clar. vir.

(8) Hæc Stephanus de Angelis in epist. ad Leopoldum Medicum. *Il Signor Michel Angelo Ricci è stato da me conosciuto in Roma. Sino da quel tempo ho aspettato da esso ogni cosa: degna Scolare del Torricelli, quale se non imita nella chiarezza, impareggiabile proprietà del Maestro, ciò è colpa della materia, e del modo con cui la tratta. L'algebra quanto è strada sicurissima da portarsi ad ogni scibile, così non pare instilli quella via facile e piana, che vediamo nel Torricelli, che ritrovava conclusioni ammirabili con la strada resolutiva degli antichi. Il Signor Ricci però, quando non stampasse altro, vivrà sempre nella memoria degli uomini per questa sola operetta.*

(9) V. Borellii vitam pag. 356. & 357. *Communia studia breviter reconciliantur Borellium cum Riccio, & firmam perpetuamque inter eos postea fuisse amicitiam satis ea declarant, quæ Carolus Io. a Iesu scripsit in vita Borellii, ubi hæc ait: Sacramenta frequenter suscipiebat P. Magistro Iacobo Riccio e Dominicana familia, sacraque Indicis Congregationis Secretario a confessionibus adhibito, quem una cum ejus germano fratre Michaelæ Angelo Sacra Indulgentiarum & Reliquiarum Congregationis pariter Secretario, ut bina hujus seculi, vedum Urbis luminaria unice & quoad scientias, & quoad mores suscipiebat.*

(10) Non

(10) Non erit ab re nominatim proferre nonnulla hujusmodi scripta. *Scrittura sopra il Rituale del Vescovo di Aleth*. Vehementer Riccius approbat illorum consilium, qui librum illum damnandum, minime vero comburendum putabant; & ad mitigandam severitatem animadversionis censuit, ut is in indicem librorum damnatorum referretur cum clausula *donec corrigatur*. *Censura della parte estiva del nuovo Breviario pubblicato dall' Arcivescovo di Parigi*. *Voto circa le 96. proposizioni attribuite a' Lovanienfi, e mandate al Papa dal Re di Spagna alli 24. Aprile 1681*. *Varie scritture sopra la causa de' Lovanienfi trattata negli anni 1677. 78. e 79.* Quae dixit & scripsit Riccius in hac causa talia fuerunt. (semper enim ordo, constantia & moderatio in omnibus ejus dictis & factis apparebat) ut vel ipsi Lovanienfes fateri non dubitarent: *egregiam & causam & suam operam navasse*. *Minuta per il Papa a' detti Lovanienfi*. *Minute di lettere per il Papa in risposta ad alcune lettere del Vescovo di Angers intorno alla dottrina della grazia*. Erat Riccius perfectus theologus, & in iis, quae ad divinam gratiam pertinebant, numquam ab Augustino discessit. Dolebat rem perniciosissimam in Ecclesiam induxisse homines novitatis amantes, seditionem atque discordiam. *Voto circa la frequente comunione*: nihil absurdum & alienum a Doctrina Ecclesiae esse putabat Riccius in hoc libro Arnaldi. *Riflessioni sopra le istruzioni di S. Carlo per i Confessori tradotte dal Lovanienfi*. *Emendazioni a' voti sopra la Canonizzazione di S. Tommaso da Villanova*. *Minuta per il Papa in risposta al Vescovo di St. Pouzio circa la condanna del Rituale per la Diocesi d' Aleth, il Formulario d' Alessandro VII. e simili materie delle quali si disputava in Francia*. Hae scripta sunt ap.

1678. *Giudizio sopra il Catechismo del Vescovo d' Angers*. Iudicium suum exposuit Riccius in epistola ad Favoritum hominem sibi officiis, usu, consuetudine conjunctissimum. Is erat Innocen. XI. ab epistolis arcanis notis conscriptis; cumque nulla fere res alicujus momenti fieret a Pontifice sine eo, raro sententiam suam Favoritus exponebat, quin prius Riccii consilium exquireret. *Pruove sulla celebrazione della Pasqua dell'an. 1666*. Quæ fuerit hac de re Riccii sententia cognosci etiam potest ex epist. 51. Vol. II. epistolarum clarorum virorum. Implicatus fuit molesto operoseque negotio de *Regalia*, scriptumque invenit aliquando displicuisse Pontifici, quod illi fuisse visus fuerit. Sed hæc satis superque. Non puto enim minima quæque, de quibus Riccius consultus respondit, esse commemoranda.

(11) Hæc Riccius ipse in epistola quadam. *Poichè ebbi umilmente supplicato N. S. in voce ed in scritto, che si degnasse per degni rispetti alla S. S. da me rappresentati, stando a' suoi santissimi piedi, sciogliermi da ogni legame, che avessi alla dignità del Cardinalato, piacque a S. S. di non esaudire le mie suppli- che, ma per la festa di S. Teresa, giorno che sarà per me sempre memorabile, con reiterato comandamento mi obbligò a sottomettere le spalle alla carica del Cardinalato, gravissima per se medesima e molto più a paragone del mio poco merito, e natural debolezza di forze, e contraria oltremodo al tenor del viver mio sempre ritirato in vita quieta e privata, ove m'aveva chiamato il Signore*. Extat in tabulario Vaticano longissima epistola Io. Ciampinii ad Niccolinium, qui tum Avenionensem Provinciam administrabat, in qua de Riccio omnia ea narrantur, quæ accidere a kal. Sept. ad Id. Novembris,

bris, quo die ipse Cardinalatus intignia accepit. Eadem in epistola sententiæ quoque exponuntur plurium Theologorum; qui tum editis scriptis disputavere, num Pontifex possit aliquem cogere ad Cardinalatus onus suscipiendum.

(12) Quanto angereetur animi dolore Riccius, illa satis declarant, quæ ex Tusculano xi. kal. Novemb. ad Favoritum suum scripsit. *Io mi vedo (ait ille) nel lago de' Leoni, onde non spero uscita, e vado pregando e supplicando il Signore che mi protegga*; adiutor in tribulationibus quæ invenerunt me nimis, *acciocchè finalmente poss'io dire col S. Daniele, non nocuerunt mihi, quia coram eo iustitia inventa est in me, e passare allegramente, quando a Dio piacerà, in luogo migliore.*

(13) Vid. Lucæ Antonii Porzii vitam §. xxxix. ubi etiam narratur Riccium obiisse fere repentino: cumque huic infortunio causam dedisse existimasset Porzius sanguinis missionem, inde fortasse occasionem sumpsit conficiendi librum, quem inscripsit: *Erasistratus, sive de sanguinis missione.*

(14) Quamvis tota vita Riccii dederit grave & firmum testimonium ejus frugalitatis & abstinentiæ, lubet ramen hic unam rem exempli causa ponere. *Diedi ordine in Roma, scribebat ille e Tusculano ad Favoritum, che la casa l'accommodassero in una forma conveniente alla maniera di vivere da me praticata per anni 63. ed alla professione fatta sempre di non voler pompe, onori, e dignità, ed ultimamente al rifiuto riverente del Cardinalato, e diedi in nota il modo. Si turberiano molti uomini sivi e da bene, e gli Ecclesiastici Oltramontani, se non vedessero le conseguenze dell'animo repugnante al grado cardinalizio, cioè l'esser alieno da quelle pompe e ricchezze d'apparati, che non sono essenziali alle cerimonie e riti eccle-*

ecclesiastici. Oggi replico l'istesso; e siccome il Cardinal Bona senza stanze purate di seta, fu stimato, nè si disse, che avvilitte la dignità cardinalizia, così diranno di me gli uomini savj.... Alziamo gli occhi al Signore e regoliamoci con le sue divine ordinazioni manifestateci o ne' sacri canoni, o nella pratica degli uomini Santi, e vedremo tutto aver lieto fine, e ridiamoci delle vanità e rispetti mondani. Quod vero Riccius uteretur familia, si utilitate judicandum est, optima, si numero & forma vix mediocri, hanc afferebat excusationem di non volere eccedere in spese per riserbare a' poveri il loro patrimonio.

O P E R A E D I T A

MICHAELIS ANGELI RICCII Geometrica exercitatio. Roma apud Nicolaum Angelum Tina-sium 1666. Edita etiam fuit cum Logarithmo-Tecbnia Nicolai Mercatoris Londini typis Guilielmi Godbid anno 1668.

LETTERE VARIE. Selectas Riccii epistolas numero LVIII. nos edidimus in Vol. II. delle Lettere inedite d' uomini illustri. Aliæ alibi extant, sicuti in præfatione alle Lezioni Accademiche del Torricelli; & in libro cui titulus. Saggio di Storia Letteraria Fiorentina del Secolo XVII. scritta in varie Lettere da Giambattista Clemente Nelli.

JACOBI STELLINII VITA

A D

SCHATLOUXIUM



Jacobus Stellinius, homo abundan-
 ti doctrina & incredibili varie-
 tate rerum & copia, natus est
 in Foro Julii V. Kal. Majas an. MDCXCIX.
 Mathia, & Andriana honestis quidem pa-
 rentibus. E Somaschorum, sicuti vocant,
 scholis, quas in patria frequentavit, ta-
 lis evasit, ut cum annum agens XVIII. in
 eorum societatem cooptatus fuisset, omnes
 jam tum confiderent, magno illum fore or-
 namento & ipsi societati, & patriæ. Ita-
 que nullum fuit subsidii genus ad sapien-
 tiam adipiscendam, quod eidem minime
 suppeditaverint. Adolescens egregia qua-
 dam exercitatione in dialecticis, physicis,
 metaphysicis, geometricis, & theologicis
 rebus, & multarum linguarum peritus,
 sed

sed præsertim Græcæ, Latinæ, & Hebræicæ, jussus est Rhetoricam docere in Academia, ut appellabant, Nobilium, quæ per ea tempora Venetiis fuerat instituta, Id munus non ultra triennium sustinuit, quod Joannes Emus S. Marci Procurator amplissimus, acerrimusque ingeniorum æstimator, in quo uno Ulyssis prudentiam & Nestoris facundiam conjunctam esse dixisses, eundem apud se habere voluit filiorum suorum præceptorem atque educatorem. Habuit etiam vitæ socium, & omnium fere consiliorum suorum participem, cum non minus prudentiam, fidelitatem, & modestiam in ipso suspiceret, quam doctrinam. Trium, quos hic suscepit, liberorum natu major nomine Petrus, florenti in ætate magnaue in expectatione decessit, Superfunt Aloysius & Angelus; cumque ille politica, hic nautica scientia, uterque eloquentia, omni-que illustri laude sint celebratissimi, non tam grata declaratione quam gloriosis factis fidem faciunt, se omnia adjumenta a

Stel.

Stellinio ad virtutem accepisse. Ab eo tempore in oculis clarissimæ urbis posita fuisse videntur singularia Stellinii merita; quare facile Emus obtinuit, ut is in locum Jacobi Giacometti, qui Ethicen docuerat in Gymnasio Pata-
vino, succederet. Ingressus est munus an. mcccxxxix. doctissima oratione, quæ si minutorum opusculorum fabricatoribus mi-
nus arrisit, in admirationem certe traxit veræ solidæque sapientiæ amatores co-
gnitoresque. In ea oratione primo quidem eos oppugnat, qui naturalia, quæ dicun-
tur, omnia præcepta subvertunt, quasi ni-
hil natura sanctum esset, nihil honestum, nullaque regula ostenderetur, ad quam homines vitam, moresque suos conforma-
re possent. Argumentis autem ipsorum confutatis, ostendit ipse leges quasdam esse debere nulli mutationi obnoxias, & ab ipsa natura præscriptas, quibus constri-
gantur homines, atque regantur. Princi-
pia & fundamenta honestatis in altera parte orationis indagaturus hæc ait: *Cum*

mun-

mundi fabrica, siderumque pulchritudo & concentus ex dissimilibus motibus ultro incurrat in oculos, ac rerum tantarum magnificentia ex omni tempore solertissimos homines excitavit ad eas causas investigandas, ex quibus in summa varietate compositio tam admirabilis, & constans ordo duceretur; ex legibus iis, quibus universum hoc aspectabile regitur, compertissimis, eas item intelligi leges ac derivari præcipue posse apteque censeo, quas & mundus rationalis esse fateatur sibi præscriptas, ac detrectare ducat nefarium, si de naturæ opifice, atque gubernatore Deo pro dignitate sentiat; quidque æternam ac summam rationem illam, cujus est ipse particeps, unum deceat, animadvertit. Iis autem in legibus enucleandis & perspicax præfert ingenium, & acre iudicium, & philosophiæ scientiam omnino singularem; tum, quod difficillimum his in rebus fortasse fuerat, cum nova loqui videatur, nihil affert a veritate abhorrens, & a doctorum hominum intelligentia disjunctum. Secutus est eam orationem

nem libellus *de ortu & progressu morum*, ex quo facile intelligas quanta huic viro humani animi, rerumque ad animum ipsum pertinentium cognitio fuerit. Capite autem primo explicat, quo ordine facultates hominum evolutæ sint, ex iisque cognatæ cupiditates effusæ. Sentit enim rerum humanarum conversiones illi præsertim animi facultati adscribendas esse, quæ cum esset expedita, quam maxime rerum potita est. *A rudi victu*, inquit, *ac duro*, quo robur alitur, *ad eam vitæ rationem gentes adductæ sunt*, in qua ferocitas & versutia confligunt inter se, resque vi peraguntur, & insidiis impotenti furore communitis, *A ferino statu hoc rerum*, quo dominatus occupari solent, *ad eum porro devehuntur*, qui fortitudine nititur & prudentia, rebusque partis tuendis, ac turbulentis ordinandis accommodatus est. Hanc deinceps excipit optima civitatis constitutio ea, quæ justitia regitur, ac devincta continetur legibus; & cum otio abundet, atque opportunitates maximas habeat ad opes augendas, excolendas-

que artes, capropter ad omnes vitæ commoditates atque jucunditates percipiendas in primis idonea est. Otio vero confirmato, fortunis auctis, ac deliciis multiplicatis, cupiditas exaggerata laxare legum fræna nititur; ac justî, & æqui munimenta omnia concutit adeo, propellitque, ut æstuantem cupiditatem ea continere minime possint. His uberius explicatis late persequitur, quomodo a diversis hominum ingeniis diversa vitia, & virtutum species existant. Eos autem vitiosos mores fuisse rationi contrarios, & eandem oppressam tenuisse docet, cum non omnibus tamen illi probarentur. Legumlatores quidem intacta quamplurima, quæ minime probabant, reliquisse dicit, quod aut remove non possent, aut alia simili de causa permittenda, sive toleranda judicarent. Itaque principia morum neque a cupiditatibus inter se decertantibus, neque a consuetudine, quæ mutatur in dies, neque a legibus etiam sapientissimorum hominum, quæ temporibus & insitæ populorum infirmitati aptan-

ptantur, neque a temeritate casuum incertorum, ut videlicet tempori servia-
tur, & iis, quibuscum agitur vita, repe-
ti posse demonstrat. Ad extremum mul-
to minus ex eo, quod opportunum vel in-
tempestivum sit, totius elici dicit fontem
honestatis. Ex iis efficit quidpiam nul-
li mutationi obnoxium, & omnino sim-
plex esse oportere, cujus ad similitudinem
mens consilia, & mores dirigat. *Quapro-*
pter, inquit, etsi res, quæ materia constant,
omnes fluxæ sint; & homo ipse, quæ parte
corpus est, mutationi tempore omni subjaceat,
..... ratio tamen, quæ differt a rebus aliis,
constans est, ac vitæ leges, quæ manant ex
ea, perpetuæ sunt, & unius modi semper, ac
sui similes. Capite hujus libelli altero to-
tus est in inquirendo, *quæ ratione, & via*
de rebus ad vitam pertinentibus opiniones
exortæ sint. Explicat autem, quomodo ju-
dicia, quæ de rebus feruntur, ex affectio-
ne animi cujusque profluant, & affectio-
nibus roborentur conspirantibus aliorum,
quos inter est quisque situs. Caput autem

errorum esse dicit, quod plerique consensione quadam incredibili partem sui potiorrem eam esse putant, quæ sensuum est instrumentum, ut pote cujus evolutio prior, & usus in vita frequentior est, & hinc ea vehementius omnes afficimur: at contra pars ea, quæ intelligentiæ, & rationis particeps est, cum variis iis imaginibus prope confunditur, quas olim fluere a corporibus Epicurus existimavit. Hinc fieri docet, ut homines expetendum sibi constituent, ut, obiecto impedimento nullo, voluptati obsequi possint. Hinc fieri, ut sensuum appetatur integritas, & affluens copia rerum, quæ sensibus optime inserviant, & potestas perfruendi rebus ipsis arbitrio cujusque suo. Explicat etiam quomodo vehemens in nobis enascatur libertatis amor, qui aliis postea voluptatibus, ipsisque divitiis antefertur; tum quomodo amor libertatis appetitio dominatus conjuncta sit, & quomodo hinc vires corporis in pretio haberi cœperint, at multo magis prudentia, sive in agendo calliditas, ex
qui-

quibus omnibus desiderium extiterit multos habendi affectus, atque hinc desiderium laudis, honoris, ac dignitatis. Ex iis rebus quænam aliæ enascantur aperit, & cur, & quomodo antiqua & remota pluris, quam nostra, fiant ostendit; ex quo pretium nobilitatis docet existere. Eodem capite qua ratione nobilitas, ut pluris fiat, illustrari divitiis, aut eloquentia, aut virtute, & consilio debeat, ipse aperit; & cur plus in animis multitudinis eloquentia, quam germana sapientia possit. Vulgus tamen hominum admiratione sapientiæ percelli dicit eadem ratione, qua res difficiles atque reconditas mirari consuevimus, etsi præmiis eandem haud soleat afficere. Philosophos quidem ridet, qui, ut admirabiliores apparerent, vanas opiniones excogitarunt, & cum ea de causa vulgo spernerentur, ipsa immortalitatis spe iacturam nominis compensabant. Descriptio in extremo est satis elegans cupiditatum, quibus homines pro diversis ingeniis, ac vitæ rationibus afficiuntur. Ca-

put tertium explicat, qua ratione tradita, & quibus ex fontibus hausta sint præcepta de vita, & moribus. Ostendit initio ea præcepta primum fuisse rudia, deinde concinniora, & robustiora, denique variis modis a nimia ingeniorum subtilitate corrupta. Probat autem primum præcepta proponendi modum per exempla fuisse; alterum ab animalium similitudine fuisse ductum; denique ex animantibus ad alias naturæ partes progressionem fuisse factam, ac leges obvias, quibus hæ reguntur, ad cohibendas hominum cupiditates fuisse translatas. Originem quoque illarum præcipiendi rationum, quæ parœmiæ dicuntur, ac translationes a specie ad speciem vocari solent, quæ in ænigmata evaserint multitudinè propter obscuritatem incommoda; ob oculos ponit, nec non originem apologorum; quæ duo poetarum ipsis documentis anteponit; & originem simul, atque utilitatem allegoriarum, quæ nimis etiam obscuræ progressu temporis factæ fuerint, cum vulgus in ipso verborum cortice hæ-

hæreret, neque ad rem ipsam, quæ significabatur, usque procederet. Hinc levitate, & inscitia multitudinis audaciores facti nonnulli, qui sapientiæ laudem affectarent, ut ipse scribit, quidquid erat in vulgus proferendum convestitum id exhibebant imagine aliqua sensibus objicienda. Philosophis vero utilissima fuere, & opportunissima integumenta hæc ad ea omnia ornanda, quæ sibi de rerum universa natura finxerant. Opportunus hic est exponendi locus opiniones Philosophorum de natura rerum, ac de ipsa Divinitate. Itaque ubi de conversionibus aliarum rerum in alias ope, ut plerique sentiebant, Divinitatis effectis, ac de Pythagoræ metempsychosi locutus est, hinc Poetarum metamorphoses sumptas fuisse scribit, quæ tamen cum essent temere confictæ, ne apud ipsam quidem multitudinem mereri fidem aliquam potuerunt. Unde ortum habuerint brevia & acuta dicta sapientum Auctor inquit, ac dictorum eorundem quanta sit utilitas ob oculos ponit. Socratem

philosophiæ, quam Cicero moralem dixit, quasi parentem mirificis laudibus effert ad cœlum, & illud Themistii probat de ipso gravissime pronuntiatum: *Philosophiam sparsim habitantem ab eo contractam in unum fuisse, quemadmodum Athenas a Theseo*. Hoc loco Sophistarum vanitatem a Socrate reprehensam fuscè persequitur, & eorundem inscitiam graphicis coloribus pingit: Aristophanem quoque confutat, qui Socratem accusavit, quasi ea revocaret in dubium, quæ certissima sunt, ac vera esse permagni nostra refert. Philosophorum, qui post Socratem extitere, sectas egregie describit, Cynicam videlicet, Cyrenaicam, Epicuream, Peripateticam, Platoniam, Stoicam, Scepticam, Acatalepticam, a quibus Ethicem fuisse corruptam, ac deformatam potius, quam auctam, vel illustratam arbitratur. Scribendi rationem a Platone adhibitam exhibet, quem simul facultates duas conjunxisse dicit, quæ videntur oppositæ; res nimirum a sensibus remotas probe percipiendi, & easdem per

orna-

ornamenta eloquentiæ sensibus quodammodo subjiçendi : ex quo tamen factum putat, ut cum Poetarum omnes undique flosculos idem Plato collegerit, & numerorum mysteria, doctrinamque idearum ab Epicharmo adumbratam penitus introsperit, in unum hæc omnia coegerit sese invicem impediencia; unde lectori obscuritas, & mox opiniones omnino vanæ suboriantur. Aristotelem, quod philosophiam ex involucris ænigmatum exculperit, ac nudis verbis usus ratiocinationes legibus definitis, & undique enucleatis adstrinxerit, ipsi Platoni præfert. Quod pertinet ad rem nostram, Aristotelis præcepta de moribus Platonis ejusdem somniis anteposit, quod illi *visum est opportunius unumquemque putari non mundi universi, sed uniús tantum reipublicæ civem, atque ad hunc morum doctrinam accommodari*. Sed mediocritas illa, in qua civilis virtus posita est, quam varie a variis Philosophorum sectis declarata fuerit, fusiore sermone persequitur, & ad extremum ita scribit.

bit, *Quæ cum omnia fluxerint ex opinionibus iis de natura rerum, ad quas erant forte delati, vel affectione animi cuique propria, vel analogia incerta quapiam, & obscura, factum est ut rationem distorserint, aut infuscarint illi in primis, qui rationi perficiendæ operam navasse maximam videbantur.* Hactenus libellum de ortu, & progressu morum enucleavimus. Hunc excipit *Prælectio* habita Kal. Dec. an. MDCC LXI. in qua ut probet ab angustiis humanæ mentis, & ingenii tenuitate ortum rudia illa & inculta sumpsisse, quæ de vita regenda Philosophi proposuerunt, rem ab initio repetere instituit, ejusque gradus ex ipso progressu mentis humanæ ductos accurata oratione persequi. Sed illa doctis hominibus plerisque reprehensione digna videntur, quæ in eodem sermone Stellinius docet: ut ex iis, inquit, *quæ non aliunde sibi quam ex rerum vicissitudine, temporumque varietatibus accidere perincommode sentiebant, impendere sibi vim divinam quamdam humana omni potentiorem*

homines conjectarunt, eamque sibi placandam observantia, cultuque aliquo statuerunt; sic ea quæ gravia, molesta, perturbata contingebant homini ex homine, commonuerunt aliquid esse debere, quod homo homini debeat. Gravius fortasse, ac verius cum Plutarcho melioris notæ Metaphysici statuere solent, cœlestium rerum, atque terrestrium contemplationem in rudibus etiam animis hominum aut iniecisse primo suspicionem, aut latentem explicuisse notionem Divinitatis. Idem etiam queri videntur, cognitionem eam, qua nihil ad veritatem illustrius, nihil ad vitam regendam utilius hominibus a natura datum, non satis firmis a Stellinio suffultam fundamentis exhiberi, dum illa scribit: Conjecturam eam ultro subortam moderatores societatis excoluerunt, & confirmarunt eventorum iteratione subinde renovatam, & rebus præsertim improsp̄ris alte defixam in animis. Rerum enim, quæ ad voluntatem fluunt, non admodum anxie causam inquirunt homines occupati perceptione grata bonorum, in eaque
sub-

subsistentēs ; quæ vero adverse accidunt , ingrato sensu commovent animos , & mali seu declinandi , seu repellendi cura de mali causa cogitationem injicit . Iis consentanea sunt illa ; quæ postea scribit ; ab administrandæ societati Præpositis ritus ac ceremonias institutas fuisse , ac legibus communitas , ut abditæ illius potentiæ cultus in animis hominum altius infereretur , ac præcipue rudiores in officio continerentur . Eundem si audias , cum non possent homines ea cognoscere , quæ *moralia attributa* divinæ naturæ dicuntur , ad eam sibi conciliandam ea sufficere judicabant ; quibus nos capi solemus ; cum tamen haud ullam animi ad honestatem ipsam conformandi curam esse sibi suscipiendam arbitrarentur . Ipsum enim Deum in ea dumtaxat crimina putabant animadvertere , quæ societatem everunt , vim , rapinas , cædes , dolos , atque alia similia . Neque vero , ut idem auctor est , gratiæ apud eam naturam alium expetebant fructum , quam hujus vitæ bona . Illa etiam Stellinli plerisque displicent ,
quæ

quæ de Providentia Dei res humanas administrantis, Hobbessii potius alicujus, quam Clarkii more differere videtur. *Atque cum subinde fieret, inquit, ut simul & peragerentur ea, quibus excellentior obscure provisâ potentia coli solebat, & evenirent ea prospere, quæ suscipiebantur aut optabantur, ideâ rerum secundarum, & curæ, consilii, providentiæ permeantis universum, & res humanas administrantis inter se colligari adeo cœptæ sunt, ut alterum alterius efficiens existimatum sit. Mens enim ad ea, quæ commitari se mutuo sæpe videt, inter se nec tendenda proclivis est, & alterum ex altero pendere putat. Neque solum id accidit, ubi reconditæ res & penitus abstrusæ sunt, verum etiam ubi nullo negotio pervideri posset, efficientiam alterius ab alterius efficientiâ planè disjunctam esse, neque habere inter se commune quidpiam. Temporis autem progressu cum homines exculti magis, & evoluta sensim honesti forma fuisset, denique cogitasse: naturam mentis, ac rationis componem omnino decere, non solum æque cum aliis*

age-

agere, sed & ipsam per se compositam esse, moderatam, æquabilem. Hinc in pretio haberi coepit verecundia, temperantia, constantia, lenitas, similesque virtutes. Cumque iidem homines rerum ipsam universitatem magis perfecte cognoscerent, de natura, inquit, præstantissima, quam impendere sibi conjectura cogitabant ancipiti, cogitare distinctius, & sentire dignius exorsi sunt: cumque non omnes homines in hac vita vel bene, vel male factorum præmia recipiant, aut pœnas, de altera vita, atque hinc de animorum immortalitate, cogitationem susceperere, quam Legumlatores, ut libenter unusquisque patriæ serviret, pro viribus excolendam arbitrati sunt. Utiliora, atque veriora esse arbitror, quæ de Philosophorum doctrina Stellinius habet, quos videlicet hominum vitæ regendæ peritorum inventa conturbasse putat. Duas autem in classes ipsos tribuit; alteram scilicet eorum, qui solam materiam esse rerum initium existimabant; & alteram eorum, qui materiæ mentem adjunge-

gebant . Illos evertisse funditus ipsam Ethicen, ab his autem paullo utiliora expectari potuisse monet. Id autem ex eo probat, quod ipse Anaxagoras, qui plus aliquid puræ menti, quam reliqui omnes, tribuerat, ne ad naturales quidem effectus explicandos eandem induxerit, de quo graviter ab Aristotele, nec non a Platone, sive a Socrate in Phædone reprehenditur: quare multo minus credibile est eandem ad eruenda principia induxisse, quæ ad affectionum animi temperationem pertinent. Sed & aliud honestatis fundamentum, quod ab animorum immortalitate sumitur, pene eversum a Philosophis idem Stellinius putat, haud alia scilicet ratione docentibus animos esse immortales, nisi quatenus divinæ sunt naturæ partes, in quam, extinctis corporibus, revolvuntur. *Prælectionem* totam egregia Socratis laus concludit, qui se penitus ad res humanas contulit, ac primus inter philosophos de moribus unice sibi quærendum esse statuit; sive, ut Ciceronis

verbis utar , primus Philosophiam devocavit e cœlo , & in urbibus collocavit . Eam vero *Prælectionem* alia excipit pridie Non, Novemb. an. MDCCLXIII. habita , quæ cum obscuritatis non parum habeat , profecto mirandum non est , si variæ de ipsa extitere doctorum hominum , discrepantesque sententiæ . Hac in *Prælectione* rectum usum sibi constabiliendum suscipit humanarum facultatum . Cum , inquit , *ex facultatum omnium inter se concentu rectam affectionum humani animi constitutionem existere necesse sit* , ex quo sui cujusque sensus efflorescit , æquabiliterque viget , non modo jucundus , sed etiam cumulatus , eaque complectens omnia , quibus ipsa natura facultates idoneas indidit inchoatas , aut absolutas , ideo singularum limites ex eo statuendos esse planum est , quod afferre ipsæ possunt ad augendum , explendumque sensum eum , in quo felicitas est animi posita , quamdiu corpus adjunctum habet , eoque intercedente cum rebus undique circumpositis consociatus est , Explicat deinceps , quomodo non præsentibus tantum homo affi-

affici debeat, ut imposito muneri satisfaciat, sed etiam e longinquo providere; atque alia sane permulta. Ex his aliqua nos ipsius auctoris verbis afferemus, ne quis aliquid ejusdem sententiis oratione nostra demere, vel addere suspicetur. Etenim de illo sensu, in quo sitam hominis felicitatem arbitratur, ea scribit. *Ubi sui sensus ita comparatus est ut constare ex multis debeat inter se varie compositis pro varia facultatum indole, quarum ex multigena functione pendet, quidquid a temperatione consentanea functionum absit, sensum ex universis redundaturum uno tenore progredi, lateque fundi vetat, eique molestiæ quidpiam admiscet, aut voluptatis detrahit.* Deinde multa de singulis sensibus copiosa magis quam perspicua oratione differit, inter quæ illa, quæ non leviter faciunt ad Auctoris defensionem, nobis commemoranda. *Ex facultate, inquit, in mente insita percipiendi temperationem, ordinemque affectionum, quæ ad vitæ cultum, & societatis incolumitatem, ornatumque pertinent,*

T

sen-

Sensus effunditur honestatis, ac decoris eluciscentis in consiliis, & moribus inter se convenienter, apteque compositis; quem sensum imbibere penitus, eique congruenter agere summum illud est, quo ipsa per se vis erecti magnique animi pervenire possit. Illa etiam notatu dignissima nobis videntur de sensu honestatis ab eodem Stellinio dicta. Neque dignitati, muneri que suo consentanea careat, mentis & rationis, in qua situs est, eatenus intendendæ vires, & limites proferendi sunt, quatenus ei tributa facultatum inferiorum administratio flagitat, eo pertinens, ut uno consensu conspirent omnes ad extremum illud, quo maxima bonorum adscriptorum humanæ naturæ summa comprehensa sit. Itaque Stellinius honestatem non ut famulam, aut administram voluptatis cum Epicuro exhibet, verum ei tum in voluptatem, tum in reliquos hominum sensus adscribit imperium, eique munus committit hominem ad felicitatem perducendi, quæ si virtutis est præmium, virtus ipsa profecto esse non potest. Reliqua hujus

Præ-

Praelectionis, in qua obscurum, ut innuimus, Auctor sequitur orationis genus, ad sensus ipsos explicandos pertinent, ex quibus, ut ait, vitæ sensus existit, & quomodo permisceantur inter se, ac non raro turbentur, & alter alterius formam imitetur, aut simulet, quomodo præcipue sensum honestatis sensus alii corrumpant, quomodo variandi, aut intendendi, aut remittendi sensus iidem sint, ita declarat, ut maximam fuisse Stellinio in metaphysicis rebus abstrusa quælibet intelligendi vim, & acumen, quisquis ea legit facillime agnoscat. Quare non est mirandum si sæpe audiverim a viris doctissimis tum Anglis, tum Gallis, libellum, quem de rebus ad mores pertinentibus edidit Stellinius, omnium hujusmodi rerum Scriptorum bibliothecas unum superare. Dabunt vero hanc mihi veniam lectores, quod in iis exponendis paullo ultra, quam concessum historico videatur, sim immoratus. Id enim feci non tam rei utilitate, quam quod occulta quæ-

dam, & quasi involuta, quæ occurrunt in Stellinii scriptis, aliqua ratione aperienda esse putavi. Verum ipse ex multorum sententia non solum probabilem, sed etiam sapientem huiusce obscuritatis excusationem habuit. Quædam enim sunt, quæ animo magis quam verbis complecti possumus, & quæ haustus potius quosdam ex æterna mente quam verborum delictum desiderant. Ad id quæ abhorrent a communi intelligentia, novum quoddam dicendi genus postulare videntur, præsertim si periculum sit, ne in propatulo posita tumultus excitent invidorum, atque imperitorum, convocata de malis scholis in auxilium quasi libera turba temulentorum. Si ut spero prodibunt in lucem (quidni præclarum opus expectabimus ab amico & collega Stellinii, & ab omni Philosophia instructissimo viro Hieronymo Barbadico?) quæ Stellinius ipse tradere consueverat discipulis suis, hæc profecto plurimum illustrabunt illius sensus, nec mediocre incrementum afferent ejus-

ejusdem gloriæ. Quamquam hæc, eodem vivo, tanta fuit, ut, quod de Livio etiam memoriæ proditum est, nonnulli ex remotissimis regionibus Stellinium noscendi, & conveniendi causa Patavium venerint. Neque id auditum, sed cognitum prædicamus; estque inter cæteros testis vir omni ornamento virtutis, ingenii, & fortunæ clarissimus Comes Mercius Cæsaris ad Galliarum Regem Legatus, qui sæpe mihi narravit, hominem singulari doctrina, ad quem venerat ejus congressus requirens, non modo sustinuisse, sed vicisse etiam mirificam, quam sui excitaverat, expectationem. Cave enim putes quemquam a philosophia, ab historia, a jure, a politica scientia, aliisque plurimis ac variis disciplinis illo fuisse instructiorem; poteratque etiam de medicina, & anatome scite & litterate dicere, quod homines in his ipsis doctrinis peritissimi admirari non cessabant. Et quacumque de re aut scriberet, aut loqueretur, non pervulgata & communia in

medium afferebat, sed recondita, & sæpe etiam nova, quæ creasse & genuisse divinam mentem clare apparebat. Præsto quoque erat Stellinio singularis prorsus memoria, omnisque apparatus, ornatusque dicendi, quibus rebus fiebat ut judicaretur, licere ei in toto fere atque immenso doctrinarum campo vagari libere, atque ubicumque consisteret consistere in suo. Quererer profecto a tanto viro adeo pauca ad posteritatem pervenisse, si clarorum hominum scientiam librorum magnitudine & copia metiendam esse putarem. Nullam reliquit litteram Socrates; nihilo tamen minus totius Græciæ iudicio habitus est omnium facile princeps cum prudentia, & acumine, & venustate, & subtilitate, tum vero eloquentia, varietate, copia, quamcumque se in partem dedisset. Omnino tanti viri imitator æmulatorque fuisse mihi Stellinius videtur, cum quo vultus etiam atque oris, prout veteribus in monumentis exhibentur, haud levem gessit similitudinem. Illud autem

idque ex eo etiam apparet quod esset
 dulcis, facetus, festivique sermonis; quod
 uti solitus esset ea dissimulatione quam
 Græci *εἰρωνίαν* vocant; quod jucundæ
 concertationis studio modo hoc diceret,
 modo illud; quodque percuntando & in-
 terrogando elicere soleret aliorum opi-
 niones, ut iis cum lepore atque humani-
 tate, quæ in ejus ore atque oculis appa-
 rebat, quidpiam opponeret. Habuit Stelli-
 nius ut Socrates accusatores suos, adversus
 quos, non secus ac ille, adhibuit liberam
 contumaciam a magnitudine animi, recta-
 que conscientia, non a superbia ductam.
 Et ipse quidem ob invidiæ obtreccionem
 nullum fecit apud æquos homines detrimen-
 tum existimationis, sed quoad vixit vir-
 tutum laude crevit. In omnibus rebus
 singulari fuit industria ac prudentia; elu-
 xitque semper in eo gravitas morum,
 mens casta & integra, & non vulgaris
 modestia, sive hanc esse dicas non ela-
 tam de se opinionem, sive contingentem
 in animo moderationem cupiditatum, sive,

ut Stoicis placuit, scientiam earum rerum quæ agentur aut dicentur, loco suo collocandarum. Minime silentio prætereundum esse putamus, non defuisse Stellinio poeticum ingenium, quod etsi exercitatione non aluit, valuisse tamen ipsum suis viribus, carmina quæ scripsit in nuptiis nobilissimi viri Paulli Antonii Labiæ, & Fiordalisiæ Emæ satis declarant. Quamvis aptus esset ad conjungendas amicitias, & amicos coluerit, habenas tamen amicitiae laxissimas habere voluit, quas vel adduceret cum vellet, vel remitteret. Ipsum musicæ perstudiosum fuisse accepimus, idque mirari licet, quod voce absonus esset, quodque recitator scripti aliqujus varietates sonorum, intervalla, distinctionesque parum noscere videretur: Etenim ita dicebat, ut una semper esset spiritus ac soni intentio. Et id quidem ex eo præsertim accidebat, quod jam inde a prima adolescentia edentulus esset, dentiumque inflictu & collisione voces in verba magna ex parte conformentur.

tur. At eo vitio fortasse factum est, ut
 ejus schola minus, quam par erat, fre-
 quenteretur. Cum epiphora mensem ali-
 quem laborasset, sed jam tantisper re-
 creatus videretur, repentina morte per-
 cussus decessit Patavii vi. Kal. April. an.
 MDCCCLXX. Sepultus est in S. Crucis, de-
 coratæque exequiæ fuerunt omnium bo-
 norum lacrymis, pompa, laudatione,
 musicisque modis, quos fecit amicus
 Stellinii Vallottius, cujus pervulgatum
 est nomen. Ad ejus tumulum hoc elo-
 gium appositum legitur:

D. O. M.

JACOBO, STELLINO.

FOROJULIEN.

INTEGRITATE. INGENIO.

OMNIGENAEQUE. DOCTRINA.

PRAECLARISS.

ETHICA. PRAESERTIM.

QUAM. IN. PATAV. GYM. TRADIDIT.

PATAVIN. SOMASCHENSUM.

SACERD. COLLEGIUM.

SODAL. O. M.

M. P.

A. MDCCCLXX.

Hzc.

Hæc sunt eruditissime Schatlouxi, quæ de Stellinio narranda putavi, & eo quidem consilio tuum judicium ut cognoscerem, tuoque desiderio ut satisfacerem. Quæ cum leges, non parem illius ingenio, at pro nostro tamen studio meritam gratiam, debitamque relatam a me esse putabis. *Neque enim quisquam nostrum* (quadrant profecto mutato nomine Ciceronis de Crasso verba) *cum libros Platonis mirabiliter scriptos legit, in quibus omnibus fere Socrates exprimitur, non, quamquam illa scripta sunt divinitus, tamen majus quiddam de illo, de quo scripta sunt, suspicatur: quod item nos postulamus, non a te quidem sed a cæteris qui hæc in manus fument, ut majus quiddam de Stellinio, quam quantum a nobis exprimeretur, suspicentur.*

ANGELUS FABRONIUS

CAIETANO MARINIO S. P. D.

ITA plerumque sumus natura comparati, mi eruditissime Marini, ut quam quisque norit artem, hanc unice nobilem laudeque dignam, & per eam solum posse homines immortalitati commendari arbitretur. Audi Theologum & Metaphysicum, & audies sæpe homines de suis divitiis intolerantissime gloriantes; ipsam civilem rationem & privata jura non posse nisi suis consiliis ac præceptis recte gubernari; se solos, quamvis interdum andabatarum more inter se pugnent, veritatem in manibus habere; ac miserrime eos omnes errare, qui in castra & partes suas, ubi tutissimi sint, minime transferint. Interroga Iuris consultum, & respondebit se solum tenere divinarum humanarumque rerum scientiam; omnium virtutum conciliatricem, & quasi dominam justitiam sua in potestate esse; se propinquos propinquis, cives civi-

civibus, socios sociis, urbes urbibus juris legumque societate devincire; se denique de privatorum & de imperiorum fortunis sententiam ferre; & beatissimas illas fore respublicas, a quibus non modo Poetæ, ut a Platonis civitate; sed & cæterarum omnium disciplinarum, una excepta juris prudentia, cultores pellerentur. Quid mathematici? Nonne singulis quibusque verbis repetunt se tantummodo ad lucem veritatis adspiciendam vocatos fuisse, cum cætera omnia plena sint erroris & inscitæ; sibi unice deberi quod physica & medicina paullulum crexerint caput; & ad indicium imperii in omnes facultates, & vel in ipsas vitæ actiones, omnia complent, & implicant calculis, & in omni sermone usurpant duplicatas, triplicatasque proportionem, aliasque compositas, & infinitas parvitates, & alia huiusmodi quam plurima. Nihil dico de iis, qui signorum ortus & obitus, accessus & recessus siderum, conjunctiones & intervalla astrorum observant: hi enim, tanquam cum Diis immortalibus continenter habitent, vix se ad cæteros

teros homines convertunt, nisi aut iis fata imperiose denuntient, aut studia occupationes, quæ ipsorum præ suis irriduant. Fac ingrediari intra cancellos, quos sibi humaniorum litterarum studiosi circumdederunt, iique tibi videbuntur nullum habere velle commercium cum illis, quas commemoravimus, facultatibus. Ajunt enim divina mysteria summiſſe veneranda, non curiose investiganda, omnia & vel ipsam dictionem contaminasse suis subtilitatibus metaphysicos; Iuris consultum sibi videri nihil nisi Legulejum quemdam acutum, formularum cantorem, syllabarum aucupem, & alienarum opinionum recitorem; nullo modo facilius posse animam, ut ita dicam, arescere, quam mathematicarum rerum studio; physica systemata, non secus quam muliebria ornamenta, fere quotannis variare; ridiculum esse in cælo querere veritatem, quam circa nos, in nobis ipsis reperire non possumus; hanc in profundo, ut agebat Democritus, naturam abstruxisse; quapropter ea studia exsolenda, in quibus non frustra queritur utilitas, sed libera quedam

dam animi oblectatio; quæ in adolescentia honestissima, in juventute optima, jucundissima in senectute, cum legimus delectant, & cum scribimus sunt necessaria. Quorsum hæc, mi amicissime Marini? Ut breviter iis respondeam, qui acerbe a me exigere videntur, ut de iis tantummodo scribam, qui in ea, quam ipsi profitentur, facultate excellerunt, quasi nihil sint artes, de quibus existimare non possunt. Memini miros edidisse risus in amicorum conventu Physicum quemdam, cum me narrantem audiret fuisse Philippum Bonarrotium hominem omnino singularem, nullamque fore tam immemorem posteritatem, nullas repertum iri tam ingratas litteras, quæ ejus memoriam non secus quam Michaelis Angeli Bonarrotii, Machiavellii, Galilei, Redii, & Michelii non immortalitatis memoria prosequantur. Sed bonus ille Physicus non tam me ridere voluit, quam scientiam antiquitatis, in qua se exercuit Bonarrotius, quasi leve quiddam esset & nugatorium. Et sane, ajebat ille, ecquæ magna eruditio est scire, quot navibus Græci

ci ad oppugnandum Ilium accesserint; quot filios habuerit Priamus; Helenam. ne rapuerit Alexander, ut Homerus; an Helenæ simulacrum, ut Euripides prodidit? Quod emolumentum ex istorum omnium scientia sperari, quod detrimentum ex ignoratione timeri potest? Abeant isti fabularum magistri, nugarum architecti, perfricent frontem, si quam habent, pudeatque eos, si quando cum Philosophiæ Doctoribus conferri se posse sperarunt. Placide & sedate hæc & alia multa audiui, & postquam nonnulla tetigi ad ostendendum idonea, quo in statu fuerit superioribus temporibus, & in quo sit etiam hodie naturæ scientia, quæ commemoranda esse putavi non ad ejusdem scientiæ nobilitatem deprimendam, sed ad hominis retundendam audaciam, postquam exemplis & rationibus præclaram illam verissimamque confirmavi sententiam, quæ docet, omnes disciplinas, & artes, quæ ad humanitatem pertinent, habere quoddam commune vinculum, & quasi cognatione quadam inter se contineri, hæc pro mea & Bonarrotti defensione respondenda esse judicavi. Sunt pro-

profecto in omni scientia & arte certi quidam fines, quos ultra haud potest rectum consistere; quodque iis minime se continuerint plurimi antiquitatis studiosi, merito aut risum aut stomachum commoverunt sapientibus viris. Sed fac omnes imitari singularem prudentiam, diligentiamque Bonarrothii, qui ut tuto incederet, nullos alios habere voluit duces nisi ipsa antiquitatis monumenta, num esse tam vana, levia, futilia huiusmodi studia pronuntiare audebis? Hæc cognitionem dant fabularum, quæ nemo otiosorum hominum commenta appellare audebit, cum sub eis, velut involucris atque integumentis, omnis doctrina elegans, omnis ingenuo homine digna cognitio, omnis denique sapientia contineatur; eadem Geographiam augent; notitias suppeditant multorum rituum, historiarum naturalium, & civilium, linguarum, & dialectorum; veterum scripta emendant; amplificant, atque ornant historiam factis, personis, aliisque rebus, quas frustra in scriptoribus quæras; multorum factorum tempus & ordinem certo stataunt; nonnullorum

populorum leges, magistratus, & mores explicant: ipsam religionem plurimum adjuvant: & artes eas, quæ ad graphicen pertinent, alunt majoresque faciunt, postquam sæculo XVI. eas ad novam vitam summæ ingenia revocarunt. Non mihi nunc propositum est de studiorum antiquitatis laudibus dicere; quod si esset, facile tibi probare possem, omnes fere facultates aliquid ab iis mutuatas fuisse. Desine igitur de Bonarrotio, de studiis, quæ tua non sunt, plura garrire, ni similis esse velis Eratostheni illi, qui deridetur adhuc, quod Homerum ineptæ loquacitatis magistrum appellare non dubitaverit. Quam vellem huic amicorum conveni adfuisses, mi Marini, tuque ipse optimorum studiorum, in quibus excellis, defensionem suscepisses. Non enim coram te hîscere omnino ausus essem, ne imitari voluisse viderer impudentiam eorum, qui agebant in scena gestum, inspectante Roscio. Vale.

Pis. Kal. Jan. MDCCLXXV.

PHILIPPUS BONARROTIUS.



Arraturo mihi vitam Philippi Bonarrothii, hominis in explicandis monumentis antiquitatis prudentia & eruditione prope singulari, eadem fortasse accident, quæ tum accideret, cum ego non dissimile præconium Eduardo Corfinio tribuendum esse iudicavi. Homines enim gloriæ vehementius, quam cautius appetentes, quibus audacia in hujusmodi facultate pro sapientia est, acerbius in me inveci sunt, quod alteri eas laudes dederim, quas sibi unice deberi contendunt. Pretio ii conducant quantolibet vilissimos adulatores, qui voces & scripta sua ad alterius non modo sensum & voluntatem, sed etiam vultum atque nutum convertere sunt parati; me certe nunquam habebunt, nisi veritatis amatorem; qua si offendantur, neque eos ulcisci studebo, quum ipsos satis mores sui ulciscantur, neque sanare
 cona.

conabor, quod sciam in superbia levitateque animi pertinaciam innasci atque enutriri. Itaque ad rem propositam veniam. Philippus Bonarrotius natus est Florentiæ XIV. Kal. Decemb. An. MDCLXI, clara & illustri familia, de qua plura dicere minime est necesse, cum Philippus ipse de ea ad memoriam laudum domesticarum, & ad illustrandam nobilitatem suam commentariolum scripserit, quod est in manibus hominum (1). Parentes illi fuerunt Leonardus Bonarrotius, & Junipera Martellinia, soror Jacobi Martellinii, qui cum esset non modo doctrinis Physicis, quas a Galileo acceperat, sed etiam græcis, latinisque litteris instructus, harum amore Philippi animum cito inflammandum curavit. Etenim in eo mirum apparebat ingenium, quod cum eluceret quotidie magis, parentes illius e re sua fore arbitrati sunt, si ipsum, postquam

V 2

quam

(1) Extat in fine vitæ Michaelis Angeli Bonarrotii, quam Condivius scripsit, quæque edita est Florentiæ an. 1746. a Cajetano Albizzinio.

quam frustra tentassent ad argentariam faciendam, Jurisprudentiæ destinassent. Et huic facultati quidem haud mediocriter, quamvis invita, ut ajunt, Minerva, studuit Philippus, & huic plurimum se debere putavit, quod, ut in ea, & per eam ad honorum aditum procederet, Romam missus fuerit. In Urbe enim quondam terrarum domina tot sunt reliquæ antiquitatis, tot monumenta pristini imperii, ut quacumque ingrediaris in aliquam historiam vestigium ponas, atque ad eam plenius cognoscendam vehementer te accendi sentias. Atque hic sensus vehementissimus esse debebat in homine, cui natura tale tribuerat ingenium, ut non solum res obscurissimas illuminare, sed quasi fundamenta quaedam scientiæ jacere posset. Itaque non est credibile, quantum ex commoratione Romana fructum cepit Philippus, cui fortunate sane evenit, quod non solum foris, sed etiam domi haberet subsidia, quibus ingenio suo plane satisfacere posset. Habitabat enim in

ædi-

ædibus Gasparis Carpinaei Cardinalis, qui cum Museo suo, ac Bibliothecæ præferebat, cum ejus opera uteretur eodem tempore ad causas cognoscendas. Renuntiavit aliquando Bonarrotius Martellinio carissimo avunculo suo, quam lauta, & copiosa supellex, omnis generis monumentorum, sed præsertim numismatum maximi, ut appellant, moduli ornaret Cardinalis Museum; qua re factum est, ut ad horum numismatum indicem conficiendum ab eodem invitaretur. Hunc ita confecit, ut avunculi desiderium explere plane potuerit; tanta erat opportunissimarum observationum copia, qua singula illustrabat numismata. Sed qui cæteris cumulate, non facile sibi satisfaciebat. Itaque recepit avunculo, se meliora perfecturum; & porro opus texuit luculenter, quo nullum in hoc rerum genere neque eruditius, neque prudentius, quodque doctissimus quisque, ut merito de illo judicavit Bandurius (1), suum esse

V 3

vel

(1) Bibliothec. num. p. 127.

vellet. Suppellectilem explicat sane sumptuosam atque multiplicem, sed non more harum rerum scriptorum, qui obruunt copia, & qui multa afferunt, quæ magna ex parte detrahi velles. Nihil apud hunc nimium, nihil longe petatum, nihil vulgare; omnia opportuna ac necessaria, omnia fere recondita. Interpretatur quorsum quidque pertineat, sed ita, ut in summa diligentia vitet fastidium numquam non adhibens plenum acuminis ingenium, plenum prudentiæ judicium; nihil plane affirmans, quin certissimos ex omni antiquitate producat testes, & quasi subscriptores sententiæ suæ. Si quid vero sibi non ita firmum videtur, de eo dubitans, & plerumque sibi ipse diffidens sententiam suam exponit. Verum non immerito dixeris dubia; & conjecturas Bonarrolii pluris esse debere quam multorum demonstrationes (ut ipsi autumant) & oracula. Quoniam vero necesse illi fuit in toto opere nonnullorum scriptorum convincere errores, ita se gessit, ut ipsa per se veritas nec ma-

gis blande, nec perspicue magis causam suam defensura videatur fuisse. Ut vero ex immenso campo nonnulla notanda se- ligamus; quantū æstimanda sunt illa, quæ plurium Græcarum Civitatum Geogra- phiam, jura, ac privilegia declarant, atque illustrant! Horum præcipua sunt, quæ ad Silandeos, & Aureliopolim pe- ne incognitas Urbes pertinent; quæ pro- bant Tarsum, aut nunquam, aut sal- tem temporibus Pauli Apostoli Munici- pium, vel Coloniam Romanorum non fuisse, quæ exponunt, unde sit orta He- raclea Ponti, aliæque huius nominis Ur- bes; quæ demum probant Apameæ Phry- giæ dignitatem atque amplitudinem. Op- time quoque & rationi temporum con- sultit, & historiæ Cæsarum, quarum re- rum obscuritati multis in locis potuit me- deri. De ritibus vero, disciplina & juri- bus plurium Civitatum, de Deorum cul- ti, de ludis, de diebus festis, de quibusdam magistratibus, quæ, & quantā optimo in lumine collocantur! Nulla

fortasse de re tantopere antiquitatis studiosi dissenserant, quam de Neocoris, quorum opiniones cum tam variæ sint, tamque inter se dissidentes, suam quamdam in medium attulit Bonarrocius. Putat enim Neocoros minime ad Tempia, Deosque, sed unice referri debere ad dies festos, & publicos ludos, qui a Civitatibus in honorem Cæsarum celebrabantur. Hos vero, & interdum etiam Senatum, aut unici, aut duplicis, aut triplicis, aut majoris etiam Neocoratus titulo decorasse Civitates, non per vices, sed uno eodemque tempore, neque ex voluntate, sed prout res ipsa postulabat. Major enim Neocoratus maiorem celebritatem, maioremque spectaculorum numerum designare debebat. Præter hæc nihil sane constitui posse videtur, quod non incurrat in maximas difficultates, quare laus erit Bonarrocii haud mediocris, aut veriore, aut saltem verisimiliorem in re obscurissima protulisse opinionem. Cur vero post Gallieni tempo-

ra in numismatibus nulla amplius mentio fiat de Civitatibus Neocoris, id ipse duplici potissimum causæ assignandum putat, vel quod huiusmodi privilegia summis cum infimis facta communia viderint, vel quod omnes fere Civitates quondam sibi proprio aut jure, aut privilegio cudendi nummos spoliatae fuerint. Sic peragrat Bonarrotius per varias quæstiones, ut semper illius iudicium, & acumen admirari debeamus: ita felix est in emendandis scriptorum quorundam corruptis locis, atque difficillimis enodandis, ut nescias plus ne iis reddiderit, an acceperit luminis; adeo scienter iudicat de iis rebus, quæ ad graphicen pertinent, ut Michaelis Angeli Bonarrotii nepotem facile agnoscas; adeo denique delectat multarum rerum jucunda quadam varietate, ut dubitari non possit, quin sit boni monumentorum antiquitatis explicatoris multa vidisse & novisse, multa animo & cogitatione immensa legendo percurrisse, neque ea, ut aliena, libasse, sed

sed ut sua possedisse. Extremo in libro explicavit singulari artificio elaboratum anaglyptum, in quo expressus est Bacchi Triumphus; nihilque illustrius est hujusmodi explicatione ad illius Numinis fabulam bene intelligendam. Hoc opus statim ac in lucem prodiit latissime dimanavit ad existimationem hominum. Falso autem memoriæ traditum est majores plausus excitasse *Collectanea monumentorum veterum Ecclesiæ Græcæ, ac Latinae*, quæ eodem tempore in vulgus protulit, suisque adnotationibus illustravit Laurentius Alexander Zaccagnius. Sunt enim multi, qui putant, hos duos viros in postulanda Vaticanæ Bibliothecæ Præfectura competitores fuisse, & contendisse non tam gratia, quam scriptis; fuisseque Bonarro- tium victum a Zaccagnio, quod hic majorem intelligentiam, & usum Græcæ linguæ, Græcorumque codicum omnibus probaverit (1). Quod dictum quantum a-
ber-

(1) Lamius memorab. Ital. Tom. I. in vita Bonarro- tii. Mazzucchel. in eadem vita.

berret a vero, ex eo judicari potest; quod Zaccagnius Præfectus declaratus fuerit ineunte anno MDCLXXXIV. quindecim ante annis, quam Bonarrocius suum de numismatibus opus vulgaret, quo tempore nondum eum Florentia decessisse inclinatus animus ut credam. Habuit quidem tum competitorum Zaccagnius Sperellum Sperellium, cui antecellere doctrinæ copia, & ingenii laude judicatus fuit (1). Quanto majores erant plausus, qui dabantur Bonarroctii ingenio, atque eruditioni, tanto iniquior videbatur esse fortuna, quod præmia, quæ vel hominibus vulgaribus Romæ præsertim deferre solet, huic denegaret. Porro si esset habenda ratio præmiorum, ex omnibus amplissimum esse videri potest gloria; sed ipsa per se sola haud magna res est; & nihil indignius, & miserius doctorum hominum indigentia. Huic ut subveniret Bonarrocius libenter cessit, aut potius paruit a-

(1) Crescimb. Vol. II. *dei commentarj della volgar Poesia* in elogio Card. Sperellii.

Auritati Cosmi III. Principis sui aman-
tissimi, quo Florentiam revocatus est, ne
tanta virtus in aliena peregrinaretur Ci-
vitate. Id quoque causæ illum revocan-
di fuisse puto, quod Cosmo vehementer
curæ erat, ne familiæ Etruscorum extin-
guerentur, quæ maximis viris floruis-
sent, quarum in numero certe erat Bonarrotia.
Et quidem primi Sermones, quos Co-
smus cum Philippo habuit, fuerunt de du-
cenda uxore. videbaturque etiam certam
illi feminam destinasse. Verum sive quod
hujus genus nobilitate minime exæqua-
retur Bonarrotiorum generi, sive aliæ su-
bessent causæ veriores, Philippus consilio
Principis uti noluit, deque amici cujus-
dam sententia repente convolat Senas,
adit nobilissimam puellam Faustam Mala-
voltam, quæ ruri habitare consueverat,
& quamvis illam minime commendaret
locuples dos, orisque pulchritudo, secum
tamen matrimonio libentissime conjunxit.
Iucunditatem Matrimonii turbarunt ali-
quando private querimonie. Nihilomen

men minus ex ea Filium & Filiam suscepit; quæ dulcedinem vivendi in studiis plurimum illi auxerunt, Beneficia vero, quæ a Cosmo habuit, satis declarant, nullam de illius erga se benevolentia factam esse diminutionem, eamque ut conservaret, obtinuit præsertim diligentia ac fidelitate in exequendis gravissimis muneribus, quorum sibi fuerat commissæ procuratio. Principio Secretarius, ut loquuntur, *delle Riformazioni*, & Senator declaratus est; postea Ecclesiasticis negotiis pro Principe præfectus. Quod munus quanti momenti sit, ii porro norunt, qui sciunt, quantum intersit modum imponere impedimentis, quamque difficile sit, quod nimium est, temperare, & sæpe etiam conciliare contraria. Non dubito, quin antiquitatis cognitio plurimum profuerit Bonarroto in exequendis iis, quæ sui muneris erant, neque in nugatorem quemdam tamquam in aliquem testem invehar, quod affirmaverit illum fuisse minus aptum ad id, quod commissum erat, gerendum. Quamquam

quam enim plurima deessent argumenta, quæ illum erroris, aut potius malevolentiae convincunt, satis tamen esset auctoritas amplissimi viri Iulii Oricellarii, qui quasi alumnus disciplinæ Bonarrotii in locum illius successit, quique sæpe mihi testatus est, numquam eundem defecisse voluntatem, atque ingenium ad recte Principis negotia procuranda. Dum in Urbe administratio Reipublicæ inexplicatum & constrictum tenebat Bonarrotium, studia antiquitatis ne obsolescerent renovabat legendo. Cum vero ei paullulum laxamenti dabatur, rus concedebat; quo liberius non solum lectioni, sed scriptiõni etiam vacaret. Et quoniam ingressus erat monumenta illustrare, quibus exornabatur Museum Carpinæum, postquam profanæ antiquitatis amatoribus, numismatum explicatione fecerat satis, sacra tractanda suscepit, explicans fragmenta illa vitreorum vasorum, quibus ad signanda distinguendaque sepulcra veteres Christiani uti consuevere. Exhibent
illa

illa coloratas figuras, quas in imis poculis mos erat ipsis Christianis cælare, & quamvis antiquissimo sint artificio (ad secundum enim aut ad tertium Ecclesiæ sæculum illa pertinere gravissimis adductus argumentis iudicat Bonarrotius) nulla tamen elegantia commendantur. Etenim hanc videbantur contemnere religiosissimi viri, quibus unice erat propositum sanctiora religionis mysteria, facta, ac symbola ante oculos suorum ponere, quo magis virtutis amorem in eorum animis inflammarent. Venerandas hasce reliquias eo libentius aggressus est explicare Bonarrotius, quod studia sua magis conducere putavit tum sapientibus ad imitandos summos viros, tum curiosis ad indicia veteris memoriæ cognoscenda. Et sane quid ejus aut diligentiam subterfugit, ut non notaverit, aut eruditionem ut non sit commodissime interpretatus? Necessè erat declarare ad probandam antiquitatem hujusmodi vitrorum, quæ litterarum formæ, atque ductus primoribus ecclesiæ sæculis

in

in consuetudinem venissent, idque sic præstitit in præfatione Libri, ut supplere voluisse videatur insigne Mabillonii opus *de re Diplomatica*. Inter reliqua certissimis argumentis probavit tum majusculis Litteris; tum minoribus eum ferme in modum formatis, quem nos dicimus *cor-sivo*, ad scriptioris commoditatem celeritatemque usos Romanos fuisse, qua de re plurimum laudatus est a Maurinis rerum diplomaticarum scriptoribus (1). Aliis etiam in operis locis sermonem habuit de variis apud veteres scribendi modis, & de illo in primis certe antiquissimo, qui *βουτροφύδων* appellabatur; odoranti-que omnia diligentissime nunquam non defunt aut certa argumenta, aut probabiles conjecturæ ad illustrandam veritatem. Nihil notius, quam Christum Iesum sæpe repræsentatum fuisse sub Pastoris forma. Plures hujusmodi imagines se se offerunt Bonarrotio, qui suo more omnia quærens, excutiens, & enucleans, ubi

cæ-

(1) T. II. p. 623.

cæteri vix pauca notatu digna animadver-
tissent, ipse plurima & notat, & in me-
dium affert. Libet exempli caussa com-
memorare quæ de pastorum multiplici &
vestitu & cinctu differuit, quæque e me-
dia antiquitate petita attulit de fasciis
cruralibus, de mulleis, quod erat calcea-
menti rostrati genus, de duplici pastoral-
baculo, & duplici quoque vase ad lac
continendum, cæterisque hujusmodi rebus
sane curiosis, ac scitu dignis. Nec com-
munia sunt illa, quæ profert de pallio,
ejusque usu apud Christianos, de variis
tunicarum speciebus, de toga, &, quæ
ei successerunt, lacerna, ac penula, de
stola, de origine sacrarum vestium, &
de sabano, quo recens baptizati tegeban-
tur. Aliud etiam illustrat vestimenti ge-
nus, quo certis in regionibus, ante quam
lustrales aquas susciperent, novi Christia-
ni homines tegebantur; cujus ex ignora-
tione omnes fere Tertulliani explanatores
reprehendendi sui copiam fecerunt. Om-
nino perpauca scriptores inveneris, qui
de re vestiaria, omnique fere cultu,

atque ornamento veterum magis, quam Bonarrotius, certa protulerint, & magis feliciter apteque obscura multa illustraverint. Originem diamatis illius, quod nimbium dixere veteres, apud Egyptios reperit, ejusque usum apud Romanos declarat. Quod autem ad Christianos pertinet minime dubitari posse ait, vel ante Constantini tempora ipsos hoc ornamentum genus Christi imagini dare consuevisse. Ineunte vero Sæculo V. dedisse quoque Angelorum figuris; dein ab VII. cum Evangelistis, & cum animalibus, quæ iis tamquam symbola tribuuntur, nec multo post cum Apostolis communicasse; denique omnibus, quos in Divorum numero sancte colimus, commune fecisse. Hoc ipsum ornamentum, quod diu proprium Cæsares habuere, paullo post tempora Iconomachorum renuisse illos apparet, ne cælestibus exæquari velle viderentur. De Magis ea scribit, per quæ docetur, vel ab antiquissimis temporibus in more fuisse Christianis eorum pingere ima-

imagines; non deesse argumenta, quibus
 duos, vel tres, (quod magis probabile
 videtur) numero eos fuisse convinci pos-
 sit, deesse vero omnino ad probandum
 eosdem fuisse aut Reges, aut stirpe regia
 prognatos; & vestimenta, quibus indutos
 ipsos exhibent vetustissima monumenta,
 qualia sunt in primis longa quædam fe-
 moralia *Saraballa*, aut *Sarabara* dicta,
 palliolum, & pileum phrygio similem,
 Asiaticorum propria; & perpetua fuisse.
 Quædam exponit Bonarrotius, modestissi-
 me quidem emendat locum quemdam in-
 terpretationis, quam Zaccagnius in vul-
 gus edidit de Manete, ejusque cultu &
 vestitu; ex quo nonnulli conjicere se pos-
 se falso putarunt nescio quid invidiolæ
 inter hos duos viros exortum fuisse, cum
 Bonarrotius se relictum, Zaccagnium
 autem evolasse doluisset. Si quis vero in
 hac emendatione se agnoscere Io. Anto-
 nium Salvinium existimabit, ab eo sane
 non dissentiam, cum constet in iis rebus,
 quæ ad Græcas interiores litteras perti-

bant, sapissime Bonarrotium ad opem illius confugisse. Narrarem etiam quam aliquando secutus sit viam, ut ipsum ad usus suos promptiorem haberet, nisi digniora, quæ memoriæ prodantur, occurrerent. Quod vero Bonarrotius interdum Salvinium, aliosque doctos homines consuluerit, & quosdam alios adhibuerit ad explicanda cogitata sua, non propterea justam illum accusandi causam se habere existimabunt malevoli. Numquam enim interdictum fuit, ne summis viris liceat adjuutores adsciscere industriæ suæ, præsertim si hæc tanta esse debeat, ut unus homo illi sufficere non possit. Cogitur porro quisque admirari, & stupefcere, præter singulare acumen & judicium, quod semper eminet in Bonarrotio, immensam eruditionis copiam, qua omnia illustrat & ornat; & sexaginta volumina manu exarata, quæ ipsum reliquisse testatur Lamius (1), erant quidem lautissima suppellex, necessaria tamen ad id, quod

(1) Memorab. Itolor. Vol. I. p. 13.

quod sibi propositum erat, perficiendum. Nam si quis vel leviter percurrat opera Bonarroti, statim judicabit sine notitia omnium fere rerum, quæ sunt nobis Græcis, Latinisque litteris traditæ, illa scribi non potuisse. Nec minus illud probat ad studia antiquitatis ex omnibus maxime natum, aptumque Bonarrotiom fuisse, quod omnia posita ante oculos ejus esse viderentur, ut rem cum re conferret; quodque nihil negligere solet, adeo ut quæ minuta & minima plerisque videri potuissent, cum in manus illius inciderent, uberes suppeditaient fontes artis, & scientiæ. Quis umquam suspicatus esset ex rudibus & vilibus vitreorum vasorum fragmentis curiosa adeo multa, adeoque utilia potuisse hauriri? In his fragmentis sunt nonnulla ad profanam antiquitatem, seu ad Paganos pertinentia, quibus inter sacra dandum esse locum idcirco putavit Bonarroti, quod ad horum antiquitatem comprobendam essent opportunissima. Ex his unum expressam

habet Amoris, & Psyches fabulam, de
cujus origine, & significatione, postquam
satis multa protulerit, quærit causam,
cur, cum efficta illa fuerit ab antiquissi-
mis temporibus, vel ante Romanum im-
perium, ipsam tamen silentio transierint
veteres scriptores. Nam primus, qui de ea
re scripsit, fuit Apulejus, qui vixit cir-
citer M. Antonini tempora. Non dubitat
Bonarrotius, quin hæc fabula tradita fue-
rit mysteriis, quæ aperire olim nefas puta-
batur. Posterioribus autem temporibus,
quibus superstitio hominum mentes minus
occupabat, tanta religione se obstrictos
esse haud existimarunt scriptores; hinc
factum esse, ut Apulejus non de Amore
solum, & Psyche, sed etiam de Iside, Lu-
cianus de Dea Syria, Plutharcus de Iside,
atque Osiride libere scripserint. Sunt &
aliæ fabulæ aliis in vitris expressæ; nec
fabulæ modo, sed & illustrium virorum
imagines, unde occasionem oblatam sibi
Auctor putavit ad morem declarandum,
qui vetustissimis temporibus fuit, ut Prin-
ci-

cipes, alique celeberrimi viri sub alicujus Numinis forma pingerentur. Haud pauca etiam exponit de Ludis Circensibus & Capitolinis, quod pictæ essent imagines Aurigarum, qui iisdem in Ludis victoriam vicerant. Omnia vero hæc vitra tum sacra, tum profana illud habent commune, ut inservierint convivii; quod aperte indicant convivales acclamationes in plerisque eorum inscriptæ. Eam ob rem necesse fuit Bonarroto haud pauca recondita de mensis veterum in medium proferre. Idem quasi festivum acroama, ne sine corollario de convivio discederent sui Lectores, attulit extremo in libro explicationem trium dyptichorum eburneorum, quæ habere in manibus potuit. Horum in altero efficta est Romuli *ακροασις*; alterum destinatum fuisse videtur memoriæ illius diei consecrandæ, quo die Basilii sub Iustiniano Cæsare Consul declaratus est (nam inter convivia, quæ ornare splendide, magnificeque Ludis publicis commissis, solebant Consules, alique

Magistratus, dono dabant illustrioribus Convivis hujusmodi dypticha) tertium demum Christi in Cruce suffixi, aliasque sacras imagines repræsentat. Maximi æstimanda esse hæc monumenta, ait Bonarro- tius, tum ob eorum raritatem (septem enim tantum commemorat, quæ ad illum usque diem vulgata fuerant, præter ea quæ illustrat) tum ob notitiam antiqui- tatis, quæ ab iis, tamquam ab uberrimis fontibus, hauriri potest. Quod, cum illo in primis monente, ac denunciante, alii docti viri intellexissent, nulli pepercerunt industriæ, quo plura haberemus hujusmo- di dypticha, eruditissimasque eorum ex- plicationes. Sed nolo plura de præstantis- simo hoc Bonarro- tii opere; non quod il- lud pro dignitate me laudasse putem, sed quod rerum modus a narratore præsertim tenendus sit; quodque alia ejusdem Au- ctoris scripta, ipsa quoque laudibus di- gnissima, ad se nos evocent. Ex omni- bus operibus, quæ Thomas Dempsterus post se

se reliquit, illud omnium maximum merito existimatur, in quo colligere sibi proposuit (non omnia tamen collegit) tradita a scriptoribus de antiqua Etruria. Opus hoc, quod Florentiæ typis impressum fuit anno MDCCXXIII. & eo qui secutus est, excitavit homines non socordes ad veri investigandi cupiditatem. Res enim nulla erat, de qua tantopere docti atque indocti inter se dissentirent: in qua opinionum varietate tentare quoque voluit Bonarrotius, num ipse posset certi aliquid statuere. Id vero ad duo hominum genera pertinebat, quorum alterum clamitabat latere ista omnia crassis occultata & circumfusa tenebris, adeo ut frustra in iis inquirendis teratur tempus; alterum erat eorum, qui rem illam perficere quidem posse sperabant, nondum tamen viam perficiendæ ejus ac rationem tenebant; sicque duplicem laboris sui fructum expetebat, ut alteros reprehendisse poeniteret, alteri se didicisse gauderent. Quo vero posset ad id, quod volebat, perve-

nire, non alios duces habere voluit, nisi monumenta ipsorum Etruscorum; quæ quidem talia erant, ut novitate non magis, quam pulchritudine rerum deberent omnes ad se contemplanda excitare. Mirum vero potuisse Bonarrotium tantam horum monumentorum copiam colligere, ut opus Dempsterianum de *Etruria Regali* (sic enim inscribitur) centum fere æneis tabulis eleganter incisis auxerit. His adde minores tabulas, quas attulit non solum ad usus suos (nam & ipsæ res Etruscorum repræsentant) sed etiam ad ornamentum principii, & finis librorum; quem morem ab ipso primum inductum alii postea laudabiliter servarunt. Illas priores tabulas ita distribuit, ut iis esset non solum idem ordo; sed etiam locus rerum, quas tractaverat Dempsterus. Cum hic igitur sui operis initium duxerit a religione Etruscorum, in hanc etiam inquire primum debuit Bonarrotius. Mirabile fortasse quibusdam videbitur Etruscos

ca-

eadem primaria Numina, quæ Græci & Latini, coluisse, & multas cum iis habuisse fabulas communes. Nam eandem ferre, quam ex gentes, habebant opinionem de Jove, Junone, Minerva, Hercule, Apolline, Mercurio, & Baccho, aliisque ad Bacchanalia, & Orgia spectantibus. Venerem etiam eos agnovisse putat Bonarrotius, sed in dubium id revocari posse videtur. Quod ad fabulas attinet, non ignorarunt certe, quæ per vulgata sunt de Chimæra, & Bellerophonte, de Centauris, de Meleagro, de Castore, & Polluce, de Cerere, & Proserpina, de Circe, & Ulyssæ. Et quidem in eorum monumentis sæpe expressum Ulyssæ cum Sirenis conspiciamus, quam fabulam ab Etruscis sumpsisse Homerum auctor est Strabo. Ad hæc historias, Numina, & monstra cæteris populis ignota habebant, & quandoque etiam, quæ sibi cum aliis erant communia, propriis additis insignibus, repræsentabant. Hinc alata Numina (divinum enim quiddam per

alas

alas significari ii voluere), hinc ferales Deæ faces ferentes , & alis vel in humeris , vel in capite instructæ . Deorum imagines plerumque hastis donabant , ornabantque etiam inauribus , armillis , monilibus , torquibus , hisque insignioribus . Ut erant Etrusci religionibus dediti , sic magna cærimonia ab iis sacrificia fiebant . Ad cantus , & tibicines persequiebantur laudes Deorum , & inter sacra sæpe etiam choreas ducebant . Pro victimis homines aliquando ab ipsis immolatos fuisse putat Bonarrotius , sed monumentum , ex quo id deducit , visum est nonnullis pertinere ad sacra mithriaca , quæ erant apud eosdem in usu , in quibus non cædes fiebant , sed mortis minæ ac terrores jaciebantur . Funera erant magnifica & sumptuosa , & sæpe in iis etiam gladiatores adhibebantur . Conjicit Bonarrotius gladiatorum sanguine sepulcra ab Etruscis fuisse respersa , quo vel Deos inferos , vel monstrum quoddam , mortis figuram , significationemque , (quod vol-

tam

tam dixere) placarent . Non interire animas , sed aut beatas ævo sempiterno frui , aut a furis facinorum & sceleris vindicibus cruciari putabant . Hæ furiae alatae plerumque exprimuntur ardentibus tædis , capillis pene solutis , subligaculo albo , lato clavo purpureo distincto , quod vittæ flavæ , vel aureæ cingulum sustentat , purpureis brachialibus , iisque reticulatis , & caligis violacei coloris (feralis scilicet) a pedibus , ad medias usque tibias . Beatam vitam indicare existimat Bonarrocius imagines in operculis urnarum jacentes in lectulis , duplici redimitas corona eodem modo , quo in conviviiis accumbere consueverunt . Atque a primo quidem integra mortuorum corpora in cryptis tumulabant ; postea morem induxere cremandi cadavera , & cineres in parvis urnis recondendi , quas item in cryptis collocabant . Urnis inscriptiones breviusculas addebant , & plerumque conspici licet in earum operculis tum ex marmore , tum

ex

ex argilla imagines virorum, vel mulierum, ad quos pertinebant, jacentium, vel dormientium specie collocatas. In fronte vero, & ad latera urnarum spectantur prælia, gladiatorum concertationes, sacra feralia, arma, & alia vel defunctorum res gestas, vel funebres ritus, vel fabulas indicantia. Nec magis superstitiosa religione insignes, quam militari disciplina nobile Etrusci fuere. Eorum monumenta satis declarant usus illos fuisse thoracibus varie ornatis, tunica subarmali, eademque succinta, & versicolore (duplici etiam tunica militem vestitum licet in quodam monumento conspicere) sagis, quibus induebantur supra thoracem, nunc angustis, nunc amplioribus, fibula plerumque in pectore, raro supra humerum colligatis. Spectantur etiam milites brevibus sagis induti, binis in utroque humero bullis ad vestem subnectendam; aliquando tunica cincta, & sago, vel solo sago, vel prorsus nudi, unica excepta galea. Galeæ,

leæ aut pellibus, aut metallo constabant. Clypei rotundi, & amplii, iique sæpe aut picti aut cælati. Binos viros braccis ad talos productis tunica proluxiore, & sago villoso indutos, & capite pileum more barbarico gestantes Gallos exprimere putat Auctor. pacem ab Etruscis petentes. Hastæ cum mucrone, arcus sagittis instructi, securæ, & præcipue gladii ferro, aut ære longiusculo transverso paullo infra manubrium sæpe muniti, quos vel cingulo, vel balteo ad latus sinistrum suspensos gerebant, propria erant arma Etruscorum. Temporibus iis, quibus rei militaris rudes erant, saxis, facibus, & prægrandi unco, qui hostibus impingebatur, ipsos usos fuisse apparet. Anchora eorundem inventum, aliaque argumenta nos convincunt, fuisse navalis militiæ satis peritos, quos etiam conchæ marinæ usus docuit fortasse, ut marinas quoque buccinas fabricarent plures inflexus convolutas. Magna pompa triumphos ducebant, qua re una maxime cæ-

te-

teros ad virtutem accendi putabant ,
peractoque triumpho & sacrificio ludos ,
& spectacula cum conviviis edebant . Ad
exercendum corpus venationi dabant ope-
ram , in qua præsertim adhibebant ca-
nes , & accipitres venaticos , aut aquilas .
De vestibus Etruscorum plura differit Bo-
narrotius , per quæ exploratum habemus ,
suas ab iis magna ex parte esse imita-
tos Romanos . Supra tunicam gestabant
pallium , vel togam , ita ut dexter hume-
rus , & brachium esset expeditum . Ar-
bitratur tamen Auctor antiquissimos Etru-
scorum sola toga contectos tunicis caruif-
se ; etsi monumenta , quibus hæc inniti-
tur conjectura , ad sponsores , vel ad di-
scumbentes in conviviis , aliosve , quos
expeditiores esse decebat , fortasse perti-
nent . Feminæ tunicis longissimis , & in-
fra papillas cinctis utebantur ; his super-
ponebant pallam , seu pallium , quod ali-
quando etiam capiti circumvolvebant ,
nisi si forte illud parvo veluti pileolo o-
pertum haberent . Multi vero erant orna-

natus mulierum, quos singulos commemorare nimis longum esset. Nuptiæ celebrabantur ante ostium domus clausum, quod postea, ipsis confectis nuptiis, aperiiebatur. Aderant & mulieres cum facibus Numina Inferorum repræsentantes, ad ea, ut credibile est, deprecanda, ut placata & propitia esse vellent sponsis, vel conjugum umbris. Ita accubuerunt in conviviiis Etrusci, ut non solum caput coronis redimiverint, sed coronas ante pectus pendentes gestaverint; ante portionem parum vini, vel in mensam vel in terram effundebant, eoque ritu sacrificium convivale peragebant. Quare minime est mirandum, si imagines in urnis jacentes sæpe pateras dextra manu tenere soleant. Iidem in arte musica excellerunt, & præter instrumenta Græcis Latinisque communia quædam etiam propria habuerunt. Ad musicos modos viri mulieresque saltabant, quæ interdum erant personatæ in modum Baccharum, & Faunorum. Non deerant histriones,

pugiles, gladiatores. Et ipsos Circenses ludos ab Etruscis Romani accepisse videntur. Diligentissime ea persequitur Bonarrotius, quæ ad graphicen pertinent, quam artem in Etruria maxime floruisse probant in primis signa quædam antiquissimo opere, & artificio summo perfecta. Anaglypha fictilia in urnis cinerariis expressa, & coloribus testâ, fuisse prima picturæ fundamenta, ac veluti incunabula, idem suspicatur. Quamvis picturæ Etruscorum careant lumine & umbris, & solo fundo diversi coloris, & lineis distinguantur, attamen in ipsa sola ambitus iconum, & partium delineatione totius humani corporis, & partium simmetriam, & in similitudine pulchritudinem præferunt, & venustatem aliquando, & venerem etiam illam, quam Apelles sui temporis artificum operibus deesse dolebat. Statuæ ex ære, quæ ad nos pervenerunt, non solum optimi perfectionem absolutionemque ostendunt, sed declarant etiam Etruscos veteribus Græcis

eis fuisse superiores æris conflandi artificio. Sunt enim illæ intus cavæ & inanes, cum Græci, teste Pausania, statuas effingerent pluribus laminis invicem, neque eleganter admodum, junctis. Noverrant & artem perfectæ æris parandi, & cælandi, inaurandique metalla, & gemmas etiam sculpendi, ab eisque morem Græci, & Latini fortasse accepere gemmeis oculis statuas ornandi. Multa tum monumenta, tum scriptorum testimonia comprobant Etruscos perfectæ tenuisse artem plasticam. Fuerunt & peritissimi Architecturæ, cum ordinem sibi proprium invenerint, & alios ab aliis inventos transfulerint scite ad usus suos. Eosdem fuisse inter primos, qui simulacris templa ædificaverunt, ex quibusdam monumentis posse probabiliter confici putat Bonarrotius. Monetæ Etruscorum non typo percussæ, sed ære fuso conflatæ fuere. Quanti vero quælibet valeret, aut penderet, orbiculi in ipsis monetis exprimi soliti indicabant. Quem morem signandi nummos, ut &

partitionem libræ in XII. uncias 2b iis quoque traxisse Romani videntur. Conspicere licet in utrorumque numismatibus bifrontem Ianum, sed hunc plerumque Etrusci repræsentabant imberbem, & pileatum, Romani barbatus, nudoque capite. Leviter tangit Auctor peritiam Etruscorum in naturalibus, & civilibus rebus: ex iis tamen, quæ in medium affert, conjici potest de sideribus, & eorum motu, de temporibus dimetiendis, de mundi, & terrarum magnitudine, de rerum natura, de Deorum immortalium vi ac potestate, ipsos præclara tradidisse, & omnia fere liberalia studia coluisse. Oleum, & operam eos perdidisse judicat, qui Annii Viterbiensis vestigia secuti in interpretanda ignota sane Etruscorum lingua elaborarunt: assequi nos posse, quid eorum Litteræ (sunt enim Græcis, si harum invertatur figura, magna ex parte similes) minime vero quid verba valeant. Recte admonet aut temporum, aut locorum diversitate figuram lit-

te-

terarum mutatam; quod idem Latinis ob brevioris & expeditioris scripturæ studium contigisse alibi animadverterat. Ad separandas singulas dictiones adhibuere Etrusci unum, vel duo, vel tria puncta; utebanturque notis, quæ prænomina, vel dictiones aliquas pro formula apponi solitas, vel numeros significarent. Restabat Bonarroto, ut originem Etruscorum investigaret; quam Dempsterus in præteritis reliquerat. Non ariolans, ut nonnulli, quibus fanus nemo credidit, sed conjecturam faciens, ab Egypto eos advenisse putat, quando eæ regiones factæ sunt infestiores magnis pastorum incursionibus. Etenim post primam inter Noë nepotes terrarum divisionem progredientibus ætatibus, cœpere populi, vel quod ab aliis pellerentur, vel quod numerus hominum præter modum cresceret, sedes mutare, & quæ aliis obtigerant, provincias invadere. Antequam profugi Egyptii in Etruria considerent, eos in Lydiam appulisse, ibique aliquandiu constitisse

existimat. Eodem fortasse tempore Cecrops, Cadmus, & Danaus Egyptias colonias in Græciam deduxere, & ex communi Græcis, & Etruscis origine deduci ratio potest, cur multas fabulas, ritus, superstitionesque communes habuerint. Cæterum non desunt Bonarrotio argumenta, quibus probet sententiam suam de Etruscorum ab Egyptiis origine. Comparat enim utriusque populi similitudines, quæ sunt capillorum tonsura, & vestium forma; gryphes & leones alati; Numinum simulacra alis ornata, de Diis fabulæ, opiniones circa Tartara, & defunctorum hominum poenas, non prorsus dissimilis forma litterarum, mos scribendi a dextera ad sinistram, & insculpendi litteras in ipsis signis, vel signorum vestibus. In extrema parte, & conclusione operis Bonarrotius exhortatur omnes ad Etruscæ linguæ, Etruscarumque rerum indagationem, & ipse tradit vias, quas sequi debeant studiosi. Quamvis multi postea ejus exemplo, vocibus, prosperoque

que successu excitati in hujusmodi studium incubuerint, non tamen multum provecta est Antiquitatum Etruscarum cognitio; & ii ipsi, qui novas, insperatasque terras se detexisse gloriantur, aliquando fortasse dolebunt, quod nimis sibi assentatos esse sapientes viri judicaverint. Pauci quidem imitari potuerunt summam Bonarrothii prudentiam, paucissimi diligentiam, & sagacitatem exæquare (quis enim non fatebitur mutas figuratæ, ut appellare solemus, antiquitatis reliquias factas esse coram eo eloquentes?) quare fecit, ut vere de eo dictum esse videatur: *vetustis novitatem, novis auctoritatem, obsoletis nitorem, obscuris lucem, fastiditis gratiam, dubiis fidem, omnibus vero naturam, & naturæ suæ omnia dedisse* (1). Felicem igitur appellare debemus Bonarrothiorum familiam, quod ex ea duo præstantes viri Michael Angelus, & Philippus prodierint, quorum alter monumentorum antiquitatis perfe-

Y 4

ctus

(1) Plin. in prin. hist. nat.

Quis adeo imitator, alter explicator fuit, ut, qui eundem cursum tenere cupiunt, eos spectare debeant tamquam Helicen, & clarissimos Septentriones. Nec solum scriptis, sed etiam consiliis, & præceptis utilem operam præbuit Bonarrotius patriæ, & Reipublicæ. Ab eo enim Sebastianus Blanchius, Antonius Franciscus Gorius, Venuti Fratres, & alii, qui non mediocri fuerunt gloria in noscendis, explicandisque antiquis monumentis, edocti fuere. Non mediocres etiam ab eo fructus se percepisse grata declaratione testatus est Scipio Maffejus. Non possum vero eorum me adscribere sententiæ, qui affirmant, eundem præsto fuisse Q. Sestano, & Gerardo Capaffio, cum alter suas in Philodemum satyras, alter Larderchianas nugas contexeret. Etenim Bonarrotius natura mitis & lenis erat, neque latine scribendi elegantia admodum valebat (si valuisset, non usus profecto esset opera Virginii Valsechii ad vertenda ex Italico in Latinum, quæ de veteri

teri Etruria scripto mandaverat) adeo, ut credibile non sit, adjumenta ab eo illos petiisse, qui laudem ex probris & conviciis cum orationis nitore jactatis quærebant. Potius illud assentiar, quod a Lamio dictum est, auxilio fuisse Bonarrotium Raphaeli Fabrettio in illa antiquarum inscriptionum collectione conficienda; quamquam ille potuisset addere fœdus quoddam fuisse sapientum, qui antiquitatis studia iis temporibus maxime coluerunt, ut nihil hac conjunctione ad eadem studia provehenda fuerit aptius. Nihil est, quod libentius referam, quam conjunctionem hominum inter homines, & quasi quamdam societatem & communicationem utilitatum; execraborque semper, tamquam pestem & perniciem Reipublicæ, invidos, malevolos, lividos, qui quidquid laudabile, ac præclarum in aliis vident, oderunt, atque insectantur. Ex omnibus amicis doctrina præstantibus, quos multos habuit Bonarrotius, dilexit maxime Ioannem Ciampinium, cujus domum

mum, seu potius dixeris Academiam, sapientiæque domicilium, quoad Romæ fuit, frequentavit; quocum lustrare loca antiquis monumentis, & historiis insignia consueverat; & ad quem absens sæpissime litteras scribebat de rebus ad communia studia pertinentibus. Secundum illum coluisse videtur Iustum Fontaninium; quique norunt fuisse hunc paullo difficiliore natura, admirabuntur permanisse stabilem hujusmodi amicitiam, sicuti gloriatur ipse Fontaninius (1), ad quatuor usque supra triginta annos. Si quid in amicitia reperisset Bonarrotius, quod minus probaret, aut quo etiam offenderetur;

(1) *Biblioteca dell' eloquenza Italiana* T. 2. p. 206. Hoc in loco Fontaninius exquisitissimis verbis laudat Bonarrotium, & merito laudatum fuisse ab homine laudum parcissimo, notat Apostolus Zenus. Addit etiam Zenus talem fuisse Bonarrotium: *che per doti d' animo, per eccellenza d' ingegno, per finezza di discernimento, per ampiezza d' erudizione, e per profondità di sapere ebbe pochi pari al suo tempo, niun superiore.*

tur, nunquam illas repente præcidit, raro sensim diffuit, sæpissimeque sua patientia, & humanitate errata aut vitia aliorum sublevavit. Et profecto esse debebat ad amicitias aptissimus homo, qui cum singulari doctrina singularem modestiam conjungebat, qui permanfit semper in liberali gratificandi voluntate, qui ab adulatione, & ab aspera reprehensione æque erat alienus, moderatus, cautus, & diligens, in rebus optimis constans, & pertinaciæ inimicus, sine fuce ac fallaciis, morisque majorum perfectissimus imitator. Quamquam frugalitatem adeo amaret, ut ea etiam negligeret aliquando, quæ vitæ cultus desiderare videtur, præferebat tamen dignitatem quamdam, nobilitatemque, quam vel odiosæ nimisque exquisitæ munditiæ cultores agnoscerent ac venerarentur. Vidisses tota in domo illius permixta, & confusa Græca, & Latina epigrammata, sarcophagos, statuas, anaglypha fictilia, ærea, marmorea, omnisque generis, omnisque antiquitatis

mo-

monumenta, pictas tabulas, libros, & multa etiam ad naturalem historiam spectantia, quorum erat intelligens, & copiosus; sed hæc omnia mente & cogitatione distinguebat; gaudebatque plurimum, quoties accidebat, ut illa non sibi modo, sed & aliis usui esse possent. Itaque non est mirandum, si ejus domus quotidie frequentia doctorum hominum celebraretur. Nec quoties liberalitatem, aliasque virtutes exercebat Bonarrocius, eum gloriæ causâ facere, poterat quis existimare. Nam, ut testatus quoque est Julius Oricellarius Senator amplissimus in funebri, quam de eo habuit, oratione, nemo illo clarius ostendit quasi concentu, & consensu quodam actionum, principum Philosophorum ita cognita se habuisse præcepta, ut iis ad vitam agendam, non ad ostentationem uteretur. Diem obiit vi. Id. Decembr. anno MDCCXXXIII. & in æde S. Crucis celeberrimo Urbis loco (hunc quodammodo dixeris Ceramicum Florentinum: adeo nobilitatus est summo-

rum

rum hominum reliquiis) sepulcri monumento prope gentilis sui Michaelis Angeli Bonarrothii donatus est. In eo vero legitur hoc Elogium, quod Gorius exaravit.

PHILIPPO BONARROTIO SENATORI FLOR.
MAIESTATIS ETRUSCORUM REGUM ADSECTORI
IUSTO SAGACI PRUDENTI
SUMMO ANTIQUITATIS INTERPRETI IURIS SCIENTIA
NATURAE ATQ. HISTORIAE COGNITIONE INGENII
MONUMENTIS
SINGULARIS MODESTIAE PROBITATISQUE EXEMPLIS
CONSPICUO
FAUSTA MALAVOLTIA UXOR ET LEONARDUS FILIUS
MAERENTES P. VIX. A. LXXII. D. XX.
OBIIIT VI. EID. DEC. A.
CICIDCCXXXIII.

Florentina Academia, Romana Arcadum, aliique Litteratorum Coetus, quibus erat adscriptus Bonarrothius, ejus laudes carminibus (1) & soluta oratione celebrarunt. Biennio antequam moreretur, habuit ab Ami-

(1) Non videtur posse silentio praeteriri Ode Thomæ Crudelii, cujus initium: *Qual non inteso duolo*; in quam profecto illud convenit elogium: *Musa vetat mori*.

amico Francisco Victorio honorem numismatis cum inscriptione, QUEM NULLA AEQUAVERIT AETAS; quod præconium debitum esse ejus singulari doctrinæ & prudentiæ in explicandis antiquitatis reliquiis, ii ipsi, qui eadem studia exercebant, libenter fatebantur. Sed ut vultus hominum, ita simulacra vultus imbecilla ac mortalia sunt, forma mentis æterna, quam tenere solum, & exprimere tuis ipsa moribus & præclaris operibus, beatissima anima, potuisti.

OPERA EDITA.

OSSERVAZIONI ISTORICHE sopra alcuni medaglioni antichi. In Roma nella Stamperia di Domenico Antonio Ercole in Parione 1698. in 4.

OSSERVAZIONI sopra alcuni frammenti di vasi antichi di vetro ornati di figure trovati ne' cimiteri di Roma. Firenze 1716. nella Stamperia di S. A. R. in 4.

AD MONUMENTA ETRUSCA operi Dempsteriano addita explicationes & conjectura. Extant in vol. II. de Etruria Regali Thome Dempsteri Florentiæ 1724 in fol.

DESCRIZIONE GENEALOGICA della nobile Famiglia de' Buonarroti. Extat in fine della vita di Michel Angelo Buonarroti il Vec-

Vecchio scritta da Ascanio Condivi: In Firenze per Gaetano Albizzini 1746. in fol.

Testatur Lamius ad LX. volumina manu exarata reliquisse Bonarrotium inter qua Pictorum vitas, sed adfectas, non perfectas.

Idem Lamius inter manuscriptos codices Bibliothecæ Riccardianæ numerat: Risposta al dubbio proposto dal Senator Buonarroti, se il sasso, che conducono le piene d' Arno scorra a di lungo, e non arrivi mai al Ponte a Signa.



ANGELUS FABRONIUS

FULGENTIO VITMAN S. P. D.

NON ego mearum virium tam audax
 æstimator sum, ut satisfacere iis me
 posse sperem, qui *Academiæ Pisane* histo-
 riam a me non solum postulare, sed etiam
 exigere videntur. Eset quidem opus utilis-
 simum, quod in ea maximæ sint res memo-
 ria dignæ, præsertim si ab ultimis tempori-
 bus capiatur exordium: & pauci ii, qui
 hac in re elaborarunt, admonere reliquos &
 excitare, ut rem accuratius tractarent, mi-
 nime vero a scribendo detertere voluerunt.
 Atque ut audias, quid ego ipse sentiam, res
 quidem tanta suscipi non potest sine maximis
 subsidiis, nec institui, nisi præparato otio,
 nec exiguo tempore absolvi. Sunt enim illa
 magna historiam litterarum contexere, &
 gradus & quasi processus omnium discipli-
 narum persequi; mores & facta doctorum
 hominum inquirere & explicare; de eorum
 scri-

scriptis iudicium ferre; res etiam civiles non leviter attingere, quod eæ sæpe cum litteris, harumque vicissitudinibus arte conjunctæ sint; omnia denique varietate quadam condire, & non solum verborum, sed etiam sententiarum insignibus ornare atque distinguere. Quamobrem quo me vocas, aut quid hortaris? Ut imiter exemplum Stephani Fabbrucci, qui sine ullis ornamentis & sine delectu monumenta collegit, ediditque multorum doctorum hominum, gestarumque rerum; aut indices componam Professorum, qui Academia operam præbuerunt? Sunt hæc quidem humiliora, quam illa, quæ a nobis expectari puto. Est tamen, quod tibi promittere non verebor, amicorum suavissime. Pergam eligere ex ipsius Academiae fastis amplissimos viros, quos instituto, quod cæpi, servire magis arbitrabor; & cum omnium scribere historiam desperem, nonnullorum scripsisse juvabit. Invitabo etiam alios in societatem laboris, quod feci proxime, cum obtinuisssem a Paulo Frisio, ut Galilei vitam exponeret. Nemo est, qui non intel-

ligat permagni id interesse ad decus & laudem Academiae, in qua Galileus non illustravit modo, sed etiam genuit rectam philosophandi rationem. Et sane opus huiusmodi, nisi a viro, qui iisdem disciplinis, & artibus, quibus floruit Galileus, esset instructissimus, confici nunquam potuisset. At quamvis iusta mihi sit excusatio detrectandi muneris, quod me debere Academiae multi arbitrantur, non tamen tibi a me postulanti historiam saltem Horti Botanici ad ejus usum scientiae, quam profiteris, & in qua excellis, istud auderem recusare, nisi homo diligentissimus, eruditissimusque Ioannes Calvius eadem in re elaboraret. Opus propediem expecta, ex quo cognosces Hortum Academiae Pisanae antiquitate reliquos Italicos omnes superare, nullique inferiorem esse & plantarum, herbarumque copia; & Praefectorum celebritate. Horum nomina (1) habebis, cum his litteris; & unius etiam vitam, qui certe, editis scriptis, Horti sui gloriam fecit illustriorem. Vale.

Pisis III. Non. Febr. MDCCLXXV.

M I-

(1) Vide ea in fine huiusce commentarioli.

MICHAEL ANGELUS TILLIUS VIII.



Michael Angelus Tillius e Castro Florentino cum a cæteris botanicarum rerum scriptoribus, tum, eximie a Michelio collaudatus est, qui ab ejus cognomine plantam quamdam flore rosaceo Tilleam appellavit (1). Sic enim erga hominem de se & de scientia, quam profitebatur, optime meritum gratus cognosci voluit. Erravit tamen Michelius in notando, tempore ejus ortus, qui incidit in iv. Id. Aprilis an. MDCLV. Optime educatus fuit diligentia honestissimorum parentum Desiderii Tillii, & Lucretiæ Salvadoriæ; cumque Pisas studiorum causa an. MDCLXXII. venisset, ibi habuit præceptorem Logices Iosephum de Papa; Philosophiæ Alexandrum Marchettum; Matheseos Donatum Rosssettum; Medicinæ Iosephum Puccinium & Dida- cum Zarillium; Anatomes Laurentium

Z 2

Bel-

(1) Nova Plant. gener. p. 22.

Bellinium, cui quidem sic fuit deditus, ut adolescens tristem & severum virum omnibus æqualibus suis in familiaritate anteposuerit. Quotidie fere cum ipso deambulabat, notabatque vesperi quidquid ab eo animadversione dignum accepisset. Lauream medicinæ an. MDCLXXVII. a Zarillio accepta, Florentiam venit ad eam facultatem exercendam; adeoque se probavit Francisco Redio, ut ejus commendatione seu potius testimonio substitutus fuerit a Cosmo III. in locum illius, qui morbo impediabatur an. MDCLXXXI. ne medicus navigaret in ipsius Magni Ducis triremibus. Solers, subtilisque descriptio, quam fecit Tillius, insularum Majoricæ & Minoricæ, aliorumque locorum, quos visere potuit, ostendit quanta aviditas esset in eo externa noscendi, quo rectius de domesticis judicaret. Cui desiderio ut magis magisque satisfaceret, libentissime accepit oblatam sibi a Cosmo occasionem Byzantium usque concedendi. Ægrotabat ibi Musaippius Turcarum Regis

gis cognatione gener, amore filius, qui cum Etruriam præstantissimis artibus, & omnium disciplinarum genere, ac præsertim medicina esse pulcherrime exornatam accepisset, per Legatum Reipublicæ Venetorum Io. Baptistam Donatum petiit a Cosmo, ut sibi medicus Florentia mitteretur. Hac de re consultus Redius coniecit statim oculos in Tillium, in quo inesse dicebat doctrinam cum prudentia, sine qua medicina esse non potest, mire conjunctam. Is itaque cum Petro Francisco Pasqualio, qui Chirurgiam faciebat, discessit ab Etruria ineunte an. MDCLXXXIII. & quatuor post menses, cum Neapoli propter tempestatem aliquandiu moratus fuisset, Byzantium pervenit. Exceptus hospitio a Donato, audit ab eo longissime abesse Musaippium; etenim sequi coactus fuerat Regem, qui in Alba Græca cum exercitu caussa belli adversus Cæsarem confedebat. Doctus ille de adventu Tillii jubet ipsum ad se venire; nec solum providit, ut iter commode & tuto facere,

posset, sed misit etiam, qui medico honores haberent. Deciderat ipse ex equo quatuordecim annos ante, luxatumque hac de causa dexterum genu perverse adeo curaverant imperiti Chirurghi & Medici, ut ille nec extendere crur, nec pedem in terra ponere sine acerbissimis doloribus posset. Utrumque ut satis commode faceret, obtinuit a Tillii curationibus. Quapropter hujus nomen magna coepit esse in gratia apud nobilissimos Turcarum, a quibus plurimum de valetudine consulebatur. Fuso, fugatoque prope Viennam exercitu, Tillius cum Musaippio Adrianopolim venit, ibique hyemavit. Primo vere cum eodem, a quo res navalis summo cum imperio administrabatur, maris Ægæi insulas lustravit, posteaque Byzantium remeavit. Sed quamvis large, honorificeque tractaretur, magnisque promissis ad remanendum invitaretur, diutius tamen ferre non potuit Etruriæ desiderium, ad quam, ægre cedente Musaippio, rediit trigesimo mense,

se, postquam ab ea discesserat. Toto eo tempore, quo apud Turcas fuit Tillius, non destitit minuta quæque observare de moribus eorum, de civilibus institutis, de locorum situ, & natura; hisque de rebus sæpe litteras mittebat aut ad Apollonium Bassettum, aut ad Franciscum Redium. Tales erant narrationes, descriptionesque Tillii, ut iis etiam plurimum delectaretur Magnus Dux; quodque in iis non mediocris cognitio apparebat rerum naturalium, rem gratam Tillio, & utilem Academiæ Pisanzæ se facturum putavit Cosmus, si eundem præficeret ejusdem Academiæ horto botanico, & rei Botanicæ Magistrum declararet. Hac de re admonitus Tillius per litteras Redii, collegit multa, quibus illum hortum exornaret, & inter cætera secum attulit semina quædam Perficarum plantarum, quæ tum Italis plane erant incognita. At quantum stipendium homini doctissimis abundanti datum? Bis centum annuorum centussium; qui tamen Philosopho iis

præsertim temporibus, ad victum, & cultum satis esse poterant. Non enim apud Asiaticos molliter & delicate vivere didicerat, sed e Græcia potius antiquam morum simplicitatem, frugalitatemque, reminiscens præsertim Socratis, Xenocratis, Platonis, aliorumque Philosophorum præclara exempla, secum in Italiam deduxerat. Etenim magna vis inest admonitionis in ipsis locis, in quibus summos viros versatos esse scimus, adeo ut ad eos imitandos magis moveamur, quam si ipsorum aut facta audiamus, aut scripta legamus. Non multo postquam Tillius in Etruriam redierat, ecce ab eo, qui Tuneti dominabatur, postulata ad Magnum Ducem, ut ad se molesto magis, quam periculoso morbo afflictum mittere vellet Tillium, cujus in toto fere imperio Turcarum pervulgatum jam erat nomen. Non tam ista sapientiæ fama delectavit Tillium, quam cupiditas noscendi Carthaginis reliquias, & ex iis locis rariora ad sportandi ad Pisanum hortum ornandum.

De-

Dedit igitur operam, ut Principis voluntati, ut ægroti votis, ut suis desideriis plane satisfaceret; fueruntque eventus rerum quales ipse speraverat. Inter plantas, quas inde adspportavit, sua celebratione maxime commemorata est *Cinara acaulos Tunctana magno flore suaviter olente angustis Cinerariæ foliis non spinosis*, quam Barbari illi *Tasga* nuncupant, quamque delineatam videre potes in catalogo plantarum horti Pisani. Dum Tuneti commorabatur Tillius, fecit etiam ephemerides barometricas, quas si edidisset & physicam, & suum nomen non mediocriter illustrasset. Erat ille quidem ad physica studia mirandum in modum propensus, & e schola Redii talis evaserat, ut naturam in ipsa natura quæreretur, facta & experimenta consuleret, examinaret, compareret, nihilque præjudicati afferret: quod si laude dignum omni tempore fuit, nunquam satis quidem laudari potest iis temporibus, quibus plerique Philosophorum ad arbitrium, mentemque suam æternas,

im-

immutabilesque naturæ leges accommodare se posse, existimabant. Iisdem temporibus Anna Aloysia Medicea, quæ nupta erat Jo. Guilelmo Electori Palatino donomisit Academiæ Pisanæ Boyleanam Machinam a Muschembroechio affabre sane elaboratam. Hæc cum in manus Tillii pervenisset, non passus est jacere otiosam. Itaque sociis sibi adscitis viris doctissimis Josepho Zambecario, Pascafio Janetto, Josepho Averanio, Guidone Grandio, & Luca Albizio, quamplurima & utilissima per eam habuit experimenta. Hæc relata sunt in commentarios, qui ad hunc diem extant; nec satis dici potest, quanta elegantia, simplicitateque Etrusci sermonis conscripti fuerint. Non dubitabis quidem ob hanc aliasque laudes ipsos comparare commentariis Florentinæ rerum Physicarum Academiæ, quamvis hi sint apud omnes gentes celebratissimi. Plurimi extitere Philosophi, qui Chrysippum imitati, dummodo Philosophiæ satisfacerent, contemp-

pñs-

pisse videntur, tamquam in arte aliena,
 dicendi facultatem; contra alii in rebus
 iis, de quibus disputavere, eloquentes,
 & in dicendo suaves atque ornatî esse
 voluerunt, in quorum numero nos maxi-
 me admiramur Galileum & Redium; ho-
 rumque schola dum extitit, extitisse etiam
 videtur in Etruria rerum cognitio cum
 orationis exercitatione conjuncta. Neque
 enim dubito, quin, quo propius aliquis
 ad naturam accedat, eamque contempletur,
 eo magis naturali quodam & non
 fucato inficiatur nitore, quem exprimere,
 ac referre debeat in suis omnibus dictis,
 & scriptis. Tales igitur fuisse oportet
 Tillium, & Averanium, qui conjuncta
 opera eosdem conscribere commentarios,
 ex quibus pauca hæc notanda ad illorum
 præstantiam indicandam decerpimus. Sed
 priusquam de iis scribimus, hæc præci-
 pienda videntur lectoribus, ne præterita
 tempora ad sua referant, neve si qua
 ipsis leviora videbuntur, pari modo apud
 majores nostros fuisse arbitrentur. Nam
 in

in magna rerum physicarum ignoratione præclarum erat vel modice processisse, & posteriores Philosophi, nisi ab his initiis profecti essent, nunquam in suis studiis tantos progressus habere potuissent. Diverforum animalium sanguis in inani positus aerem semper emittebat, ebulliebat etiam, sed perquam tarde; citius ferum, vix vero chylus. Sic dirimi potuit, quæ jamdiu extitit controversia, num in sanguine insit aer: cumque fluida corpora, quo sunt crassiora, & tenaciora, difficilius aerem emittere videamus (quod alia etiam a Tillio habita experimenta mire comprobant) argumentum inde elici potest ad confirmandam præclaram sententiam Macbridii de aere, ut ipse appellat, fixo, quem veluti glutin esse ait, quo partes corporum inter se colligantur. Ovorum putamen minime impendebat, quin aer in iis contentus exhalaret; ex quo experimento tota ferme duci & conflare potuisset, quam in vulgus edidit Ramurius, dissertatio de obli-

obliniendis ovis cera, aut sebo, aut quavis alia hujusmodi materia ad illa conservanda. Majora exhalationis indicia dabat vitellum, si sua spoliaretur membrana, quam albumen. Magno cum impetu bullivit urina recens reddita: eadem refrigerata lente & parum, quandoque etiam nullo modo bullivit. Manibus calefacta (calor enim necessarius esse videtur ad conjunctionem superandam, quæ est inter urinam & aerem, & ad ipsius aeris excitandum elaterium) pristinum recuperabat æstum. Eadem fere oleo tartari evenere. Lac muliebre recenter mulsum, & frigidum haud multum spumæ egit. Calefactum illico exiluit, sed non æque ac urina, etsi diutius bullivit. Eadem prorsus signa dedere lac tum asinum, tum caprinum, quod novisse non inutile fortasse erit medicinæ studiosis. Ovinum mediocriter, sed diutius caprino, majoribusque bullis æstuavit. Utrumque, si calefiat, magno cum impetu, citius tamen primum ebullit. Major erit
hic

hic æstus, quando lac acescit, quod per acidam, ut vocant, fermentationem facilius aer se se extricare videatur. Vaccæ foetus trimestris ab allantoide, & corio, minime vero ab amnio sejunctus, cum arte colligata essent vasa umbilici, ex omnibus partibus intumuit. Quod antequam accideret, amnii liquor lente prius, postea magno cum impetu ebullivit. Separato foetu ab amnio, apertoque cranio, pectore & abdomine, omnia viscera ac præsertim abdomen tumuere. Idem evenit cerebro, præsertim si dura matre spoliatum esset. Eadem inflatio animadversa est in omnibus aliorum animalium partibus, adeo ut concludi jure possit inter ipsarum partium initia & elementa aerem numerandum esse. Dum cerebrum canini capitis inflabatur, sanguis ad circularem suum motum redibat, eodemque modo visus est in testudine instaurari peristalticus cordis motus. Vesica felleis tum suo liquore plena, tum vacua nunquam intumuit, quod ipsam esse aeri perviam de-

cla-

clarare videtur. Ova gallinacea, quæ fœtum nondum fuderant, aerem emittebant, præsertim si cortex, qua parte obtusior est, frangeretur. Tum pulli cor vidisses palpitare, magis ac magis augeri hujusmodi motum, huncque educto prorsus aere paullatim cessare. Ut ova maxime erant vieta, ita potissimum aerem exhalabant; aer enim, dum corpora corrumpuntur, liberius evolat. Varia & diversa avium genera iisdem signis intumescabant: prodibat aer ab oculis & auribus, separabaturque cutis a carne. Reddito nonnullis piscibus pene jam mortuis aere, redditam esse animam dixisses. Plurima experimenta habita super variis vinorum generibus mirum in modum confirmant, quod a Priestleyo Physico Britanno recentissime traditum est, ab aere, ut ipse nominat, fixo vires sumere vina, illoque abeunte ipsa quoque fugientia, ac vapida fieri. Aerem, quem oleum & aqua amiserunt, lente quidem recuperare videntur. Cum enim biennio post.

post in machina pneumatica collocarentur, minus iis æstuabant, quæ nunquam illam subiissent. Flores & fructus suavitatem odoris, nonnulli vero & saporem in inani perdunt. Balsamum jasmini & Zibetum graveolentia corruptionis signa dedere. Aqua postquam biduo in inani ebulliverat, gelu concreta non amplius ebullivit, attamen dilatata est. Id facit contra eos, qui extricationem interioris aeris causam esse aut unicam, aut præcipuam affirmant inflationis aquæ, dum ipsa congelat. Lac muliebre vase formam cylindri habente contentum spumabat, dum gelu concreveret. Concretum vero exhibebat lamellas leviter incurvas, & in axem cylindri vergentes. Eandem formam videre licet tum in asinino, tum in caprino lacte, quamquam hujus lamellæ rariores sint ac minus incurvæ; quod confirmare videtur similitudinem quamdam esse inter hæc tria lactis genera. Olivæ oleum, quod congelat in vacuo, ebullit & dilatatur; contra ac fit, dum
con-

conglaciat in aere. Quæ alias in vacuo conglaciaverat & bulliverat aqua, citissime concreta est. Hoc, aliisque experimentis comprobatur, quo minus aeris in se contineat aqua, facilius illam gelari. Observatum est etiam, quæ diu ad ignem ferbuit, aquam æque cito in vacuo atque in aere conglaciare. Liquor thermometri in vacuo positi nonnihil subsedit; reddito aere, ad pristinum statum rediit. Hujus phænomeni causam, qui scire cupiunt, eos ad volum. II. commentariorum Academiæ tum Taurinensis, tum Bononiensis delegamus. Hydrometrum in aquamersum; dum hæc aere privatur suo, multum attollitur, quod ex aeriis bullis imo hydrometro, vesicularum instar, adhærescentibus pendere videtur. Nimis fortasse multa de hujusmodi Pisanis experimentis. Porro nihil agebat, nihil moliebatur, nihil assequebatur Tillius in contemplatione naturæ, quod latere vellet in occulto; & quo latius etiam paterent res a se inventæ, de iis sæpe litteras mittebat ad

Guilelmum Reislerium Germanum, ad Sebastianum Vaillantium Gallum, ad Cornelium Foffum Batavum, atque ad Guilelmum Derhamum Britannum, Regiæque Londinensis Academiæ socium. Hujus rogatu instituit anno MDCCVII. pendere & metiri pluviam aquam, quæ certo quodam in vase & in annos singulos Pisis decideret. Id eo pertinebat, ut comparari posset annus cum anno, & locus cum loco, cum eandem rem observaret Derhamus in variis Britanniaë regionibus. Habuit etiam Tillius alia hujusmodi mandata ab aliis Academiæ Londinensis sociis, quam ob causam, & ob notam cunctis doctrinam illius in eandem Academiam an. MDCCVIII. cooptatus est. Gratissima Tillio fuit hæc commendatio ad gloriam; & quod eam unice se debere studiis physicis putabat, statuit sibi nihil gravius neque antiquius futurum, quam ut ea, quoad suppeditaret vita, excoleret. Invitabat omnes, & eos præsertim, cum quibus amicitia & muneribus con-

jun-

jungebatur, ad cocundam societatem laborum, sperans ex hac societate non solum jucunda, sed etiam utilia hominibus allatum iri. Qui vero contra hæc studia & Pisanæ Academiæ gloriam affecti erant (& tum erant maxime Jesuitæ) illos insanos, invidos appellabat. Non mediocre operam & tempus posuit cum Zambeccario & Janetto in thermarum, quibus Pisanus ager abundat, inquirenda natura; qua de re Zambeccarius ipse anno MDCCXI. libellum edidit. Sed chymica iis temporibus non tantos processus fecerat, ut ex hujusmodi disquisitionibus magna sperari potuerit utilitas. Decoctio *gallarum*, dissolutio *sublimati corrosivi*, certissima argumenta atque indicia, pum sit in aqua aut ferrum, aut nitrosa quædam materia, tincturæ violarum & heliotropii, quæ præsentiam declarant materiæ aut *alcalicæ* aut *acidæ*, unica erant, ut ita dicam, instrumenta ad aquarum investigandam naturam. Ipsum examen, quod de salibus, aqua evaporante, con-

crescentibus fiebat, admodum imperfectum erat. Nil enim aliud quærebatur, nisi quam similitudinem illi haberent cum aliis jam cognitis salibus; & nemo intendebat animum in principia, ex quibus iidem constabant. Negligebantur etiam, aut prorsus ignorabantur alia plura, quæ fieri sine summa difficultate non possunt, & quæ tamen necessaria sunt ad hujusmodi aquarum recte noscendam naturam. At si non susceptæ rei perfectio, conatus tamen & voluntas juvandi conservandique homines laudari debet in Tillio, & iis, quos socios habuit laborum. Sed tempus est, ut ea explicem, quæ gessit Tillius ad res horti botanici, ipsiusque herbariæ scientiæ augendas. Erat sibi commercium de his rebus cum illustrioribus totius Europæ Botanicis; sic utebatur opera Petri Michellii, ut omnes scirent hanc esse magno emolumento ipsi horto Pisano, & vicissim Michelio per Tillium, cujus commendationes & testimonia plurimum poterant apud Principem, repen-

di

di utilitates & præmia; quidquid alibi rarum erat & singulare, nihil non agebat, ut obtineret; & facile etiam a Cosmo impetravit, ut Amstelodamum homo mitteretur, quo instructior exoticarum plantarum cultor evaderet, & quam maximam posset earum copiam Pisas deferret. Hujusce desiderii expectationem adeo explevere Consules Amstelodamenses, ut magnus ille numerus plantarum ad Tillium pervenerit, quas doctissimus Commelinus diligentissime descripserat; gratulatusque plurimum is est sibi & horto Pisano non tam propter copiam, & præstantiam rerum, quam propter soli & cœli naturam, cum floruerint in eo nonnullæ plantæ, & in his aloes, quas, nulla non arte adhibita, florescentes videre haud potuit Commelinus. Illud etiam singularis, insperatæque cujusdam felicitatis fuisse putavit Tillius, quod semen Jasmini illius Arabici, cui nomen posuimus *Cassè*, quodque Pisas primo delatum fuit an. MDCCXV, mediocri cultu & curatione tuto nasce-

retur, suosque ederet fructus. Quod vero ipse effecerit, ut non solum hæ, sed & aliæ nobilissimæ stirpes Galanga, Tamarindus, Zedoaria, Batates, Cerei, & Euphorbii species variæ, & quamplurimæ aliæ, quæ in Pisano horto primum extiterent, cum antea Italiæ essent perobscuræ ac prope ignotæ, omnibus innotuerint, merito laudatus est a Julio Pontadera, cæterisque rei botanicæ cultoribus eximiis. Ad hanc laudem amplificandam, celebritatemque sui horti augendam deliberavit in vulgus edere librum, quem inscripsit: *Catalogus Plantarum horti Pisani*. Editus est liber an. MDCCXXIII. nuncupatusque Cosmo III. rei botanicæ studioso, & fautori præstantissimo. Minime secutus est Auctor ordinem, ac rationem a Turnefortio traditam; imitari tamen voluisse videtur quasdam ipsius negligentias, cum Acanthion, ut unam alteramve rem exempli causa ponamus, Carduis adjecerit, quæ sine pappis thalamum ferunt, neque distin-

xit

rit Guaicanam in sterilem, & fructiferam; quæ geminæ est naturæ, utraque sane florifera, & petalodes, sed sterilis majoribus, quam fructifera, ornata floribus, ac receptaculo destituta. Non propterea tamen quis dicere audebit non satis acutos Tillium habuisse oculos ad minimas plantarum dissimilitudines noscendas, cum potius ei, ut & Michelio, objici possit, insatiabili, ut ita dicam, varietate distinxisse omnium multitudinem. Nemo enim ignorat pro soli natura modo contrahi stirpes, modo produci, modo minora, & aridiora, majora modo, & crassiora esse folia, quamvis una eademque sit plantæ species, ut propterea nulla notanda esse differentia videatur. Sic ex. gr. eadem Orientalis agrimonia, quæ a Turnefortio humilis dicitur, procera magis, quam vulgaris, apud nos surgit omnibus partibus. In eo etiam reprehendi posse nonnullis videtur Tillius, quod simillimis plantis diverso

in libri loco diversa, sed tamen synonyma dederit nomina, ut Acarna, Alcea, Anemonoides, Apocynum, Asplenium, Barbacapræ Cardus, Chærophyllo, Geranium, Hedera, Hedypnois, Hieracium, Hypericum, Pæonia, Limonium, Vitis &c. Sed cum ipse ingenue, aperteque erratum suum confessus fuerit, cæteris admissæ libertatem reprehensionis videtur. Caussam etiam affert, cur diligens corrector, & emendator sui operis non fuerit. Nam eo tempore, quo illud typis committere debuit, erat animo perculso, & abjecto ob mortem Fratris Burgi a S. Sepulcro Episcopi, qua nihil sibi ad dolorem acerbius. (& is quidem ob egregiam virtutem, & doctrinam tanto mœrore dignus erat) accidere potuisse dicebat. Sed pauca vitia minimum imminuunt gloriam operis, quod non in Italia solum, sed etiam in Britannia, Batavia, & Germania magnâ cum laude exceptum est. Se autem non sine caussa elaborare aiebat

Til-

Tillius, ut sua studia Botanica nota essent litteratis hominibus, quod moveretur voluntate Principis, dignitate Academiæ, & memoria summorum hominum, ac præsertim Andreæ Cæsalpini, qui Pisem herbariam curarunt, docueruntque. Horum imitatus industriam videbat, ne quid privatis studiis de opera publica detraheret: quapropter paratissimus semper fuit ad instituendos adolescentes, sapientibusque consiliis in studiorum ratione gubernandos. Nemini etiam doctrinam suam medicam denegabat, quam inter cæteros depoposcit Carolus Hispaniarum Regis filius, cum æger Liburni esset gravi variolarum morbo. Huic rei causam dedere multa & præclara, quæ de Tillii in medicis rebus doctrina audierat ejusdem Principis medicus Bonacorius a magistro & amico Nicolao Cyrillio. Non necesse habeo dicere Tillium simplicia amasse in medicina facienda, cum dixisse satis fuerit e Redii & Bellinii schola illum prodiisse. Nec in medicina solum,

sed

sed in omni vitæ actione, quod simplex esset & sincerum, secutus est egregie cordatus homo, integer, innocens, religiosus, ac plane bonus. Virtutis & doctrinæ usum cum vitæ perfectæ prosperitate (non enim fortunam magnis divitiis metimur) conjunxit. Nam a nemine læsus tranquillissime semper vixit; floruit amicitiiis, amatus, honoratusque ab omnibus & a suis maxime Principibus fuit. Id quoque prospere ei evenit ut, Angelum Tillium fratris Filium, quem doctrinæ, virtutum, & bonorum hæredem fecerat, obtinuerit successorem muneribus, quæ sustinebat in Academia Pisana. Sic cum vacaret cura & negotio, secessit in patriam, ubi III. Id. Martias an. MDCCL. supremum diem obiit, cum compleffet an. LXXXIV. mens. XI. dies III. Ejus perquam similem effigiem videre potes in libro, quem de plantis horti Pisani ipsum confecisse memoravimus, sub qua Antonius Maria Salvinus hæc inscripsit.

Qui

*Qui Libyæ, atque Asiæ perspexit Tillius
oras,*

*Herbarum & dias sedulus auxit opes;
Ille est quem cernis: mentis candorque
fidesque*

A nulla fingi protinus arte queat.

OPERA EDITA

CATALOGUS PLANTARUM horti Pisani
Auctore Michaeli Angelo Tilli e Castro Florentino in Pisano Athenæo Simplicium Lectore Ordinario, & ejusdem Horti Custode, nec non Regiæ Societ. Londinensis, ac Acad. Botanicæ Florentina Socio sub auspiciis R. C. Cosmi III. Med. Florentiæ MDCCXXIII. typis Regiæ Celsitudinis in fol. Non est celandum judicium. quodd de hoc opere fecit Hallerius p. 281. de Bot. in Method. Studii Medici Hermannii Boerhaave. Venet. Edit. Ait enim: Per Africam itinera fecerat felix horti Pisani Restaurator. Excellit imprimis in stirpibus Italicis ab indefesso Michelio congestis Miror apud Tillium numerum stirpium, & quod nulla fere earum desit, quas habet Tournefortius, etiam quas certo novi nusquam in rerum natura existere.

PRÆFECTORUM HORTI BOTANICI PISANI

SERIES.

- I. Lucas Ghinus, natus Corvaræ in agro Fori Corneli: operam suam præbuit Academiæ ab an. MDXLIV. ad annum MDLIV.
- II. Andreas Cæsalpinus Aretinus ab an. MDLIV. ad an. MDLVII.
- III. Aloysius Leonius, natus est in Foro Julii, quam-

- quamvis appellaretur Bellunenſis. Præfuit horto ab an. MDLVII. ad an. MDLXIII.
- IV. Laurentius Mazzanga Bargæus. an. MDLXXXIII.
- V. Joſeph Caſabona, aliter Benincasa Belga, ab an. MDXCIII. ad an. MDXCV.
- VI. Pelydorus Matthæinus e Sancto Mamme an. MDXCVI.
- VII. Franciſcus Malocchius Florentinus Sacerdos Franciſcanæ Familiæ, quæ dicitur *de Minori Offervanti*, ab an. MDXCVI. ad an. MDCXIII.
- VIII. Joannes Rocchi Florentinus ab initio an. MDCXIV. ad totum Octobrem ejusdem anni.
- IX. Dominicus Vigna Florentinus an. MDCXIV.
- X. Jacobus Macolus Scotus ab an. MDCXIV. ad an. MDCXVI.
- XI. Pancratius Mazzanga Bargæus ab. an MDCXVI. ad an. MDCXXV.
- XII. Matthæus Pandolfini Florentinus Fanciſcanæ Familiæ, quæ dicitur *de' Minori Offervanti*, ab an. MDCXXVI. ad an. MDCXXXIV.
- XIII. Dionyſius Veglia Peruſinus Sacerdos Ordinis Servor. Mariæ ab an. MDCXXXIV. ad an. MDCXXXVI.
- XIV. Claudius Beauregard Gallus præfuit horto quinque tantum menſibus anni MDCXXXVI.
- XV. Joannes Tellier Gallus ab an. MDCXXXVI. ad annum MDCXL.
- XVI. Thomas Belluccius Piſtorienſis ab anno MDCXL. ad an. MDCLXXII.
- XVII. Petrus Nati Florentinus ab an. MDCLXXII. ad an. MDCLXXXV.
- XVIII. Michael Angelus Tillius ab an. MDCLXXXV. ad an. MDCCXL.
- XIX. Angelus Atilius Tillius Fratris Michaelis Angeli Filius nobilis Piſanus. Munus ſuum exercet magna cum opinione doctriinæ ab an. MDCCXXX. quo tempore adjutor datus eſt pa-
truo.

ANGELUS FABRONIUS

PAULLO FRISIO SUO S. P. D.

NON me pœnitet, sapientibus viris approbantibus, suscepisse consilium admiscendi meis scriptis aliena, ut in iis habeant Lectores veluti peropportunum aliquod diversorium, ubi defatigati requiescant. Dia anceps fui, quid potissimum eligerem ad hoc ornandum volumen, convertique tandem animum ad Ramiri Rampinellii vitam, quod ea scripta sit diligentissime, a Francisco Turriceno, quodque res gestas contineat hominis, cui sane Italia, Mathematicæ omnes disciplinæ, ac præsertim Analysis non mediocriter debent. Mirabantur porro multi majorum nostrorum memoria perpaucos apud nos extare, qui scientiam tum ad geometricas, tum ad phisicas explicandas quæstiones utilissimam excolerent; & eo magis mirabantur, quod ejus prima vestigia, ac prope incunabula in ipsa Italia reperirent. Constat enim

enim primum omnium, qui de eadem in vulgus libros edidere, fuisse Lucam Pacciolum e Burgo a S. Sepulcro Franciscanæ Familiæ alumnum, qui cum varia a variis, & præsertim a Leonardo Pisano sumpisset, fecit ut usus communis vulgarisque esset æquationum quadraticarum, quarum duas esse radices ostendit (1), talique modo jactis scientiæ fundamentis excitasse videtur Hieronymum Cardanum Mediolanensem, ut rationem doceret resolvendi non solum quadraticas, sed etiam cubicas æquationes (2). Hæc glorio-

(1) Ejus liber inscribitur: *Summa Arithmetica & Geometria, proportionumque, & proportionalitatum*. Venetiis, ut affirmat Vallisus, editus est an. 1494., iterumque prodiit 1523. in Tusculano pago apud Benaci oras.

(2) Prodiit in lucem *Ars magna* Hieronymi Cardani an. 1545. Cardanus tamen ipse fassus est ingenue, primum omnium Ferreum Bononiensem æquationes cubicas resolvisse. Nemini ipse mirum hoc inventum aperuit, præterquam Antonio Florido Veneto ejus auditori. Cum porro isti fuisset disputatio & certamen cum Nicolao Tartalea, huic nonnulla proposuit problemata, quæ

riosa sane Italiae reminiscences incunte hoc
 sæculo Guido Grandius, & Gabriel Manfredius,
 cernentesque animo, quæ Galilei vestigia
 persequens de methodo indivisibilium
 tradiderat Bonaventura Cavalerius ad in-
 vestigandam superficierum, solidorumque cur-
 vilineorum mensuram ac proportionem, nihil
 non tentandum esse statuerunt, quo ad Ita-
 liam veluti postliminio *Analysis* rediret.
 Quid ii summi viri gesserint ad nobilissimæ
 scientiæ cum faciliorem usum, tum incre-
 mentum, nemo te melius novit, doctissime
 Frisi, qui aliorum inventa perfecte teneas,
 & in clarissimis ipse harum rerum invento-
 ribus numereris. Sed non satis erat ad Ita-
 liae

resolutionem æquationum tertii gradus postu-
 labant. Tartalea ne primas illi concederet, adeo
 elaboravit ut ad optatam resolutionem pervene-
 rit. Qua de re certiore primum fecit Carda-
 num, postea ei efflagitanti regulam indicavit ce-
 lata demonstratione. Cardanus his subsidiis instru-
 ctus cuncta invenit atque perfecit, ac primus
 typis mandavit. Hinc factum ut formula, in qua
 resolvitur æquatio tertii gradus, Cardanica nun-
 cupetur. V. Ricat. in *præf. Inst. Analyt.*

liæ gloriam prodiiſſe ex ea viros, qui vel ſublimioris *Analysis* quaſi ſemina ſparſerint; & extitiſſe, qui ea mirum in modum coluerint, ac permagnos ex iſſis fructus perceperint. Etenim neceſſe erat reperiri, qui omnia, quæ in alienis ac præſertim exterorum ſcriptis erant incluſa ac diſſeminata colligerent, diſponerent, ac bono in lumine collocarent, ſicque ſtudioſis vias artis tradendo conſulerent. Perfecit id feliciffime Cajetana Maria Agneſia duobus editis voluminibus *an. MDCCXLVIII.* quorum ope incredibile eſt, quantum analyſeos ſtudium in Italia fuerit provecſtum. Nec fateri dubitavit ingenua femina operis ſui gloriam cum laude Rampinellii conjunctam eſſe debere, quod ab eo non ſolum ſcientiæ præcepta, ſed etiam induſtriæ ſubſidia habuerit. Quod vero Rampinellius talis eſſet vir, ut quam conſecutus erat præſtantiam doctrinæ eam diſcipulis libentiſſime impertiret, communicaretque cum amicis, merito laudatus eſt ab omnibus & a te præſertim, qui nobiliſſimum virtutibus, interioriſque ipſius litteris teſtimonium dedi-

disti in ea, quam an. MDCCLXIV. Mediolani habuisti Prælectione. Ais enim: quantus esset (Ramirus Rampinellius) in re analytica, manuscriptæ ipsius institutiones mechanicæ ac staticæ testantur, quantusque esset Geometra, opus posthumum Lectionum Opticarum satis ostendit: ego autem per me ipsum utrumque, Ticini biennio cum essem, peculiari studiorum fructu exploratum habui, quam in utraque arte excelleret, quam haberet naturalem perspicuitatem, elegantiam, nitorem ac rerum ordinem. Rampinellio apud nos degente eousque litterariæ gloriæ peruentum est, ut AUGUSTÆ FEMINÆ auspiciis maximum femineum opus prodierit, analyticæ scilicet Institutiones omnium iudicio absolutissimæ. Omnino assentio tibi, amicorum suavissime, maximam iacturam fecisse litteras, quod tanta femina nuntium Mathematicis disciplinis remiserit, ut liberius religioni ac pietati serviret. Ego vero, agebat Grædus, Mathesti semper vacabo, quod ex æterna veritate efflu-

xeris quidquid teneo, quodque animus ab
 ipsa pictura & imaginibus bonorum, que
 studio assequimur, ad rem, fontemque ipsum
 omnis boni possidendum traducatur. Quæ
 dum dicebat, non verebatur ne non perinde
 intelligi auditu deberent, atque ipse cogi-
 tans sentiebat, præsertim cum omnibus ap-
 pareret omnia officia Christianæ religionis
 ab eo diligenter sancteque servari. Sed nolo
 te pluribus morari, mi Frisi. Hac enim sa-
 tis ostendunt quid debeat Italia, & Ana-
 lysis Manfredio, Grandio, & Rampinellio,
 quæ commemoranda esse putavi ad proban-
 dam omnibus rationem, cur posteaquam Man-
 fredii vitam explicaverim, scribendum etiam
 de Grandio, expositosque ab aliis diligen-
 tissime mores resque gestas Rampinellii hoc
 loco proponendas putaverim. Cupio te babe-
 re mei consilii laudatorem; utque faveas
 huic meæ voluntati, adiutorque sis (majus
 enim quiddam esse arbitror, quam meæ vi-
 res ferre possint, de præclarissimis Grandii
 operibus eleganter & enucleate dicere) ve-
 hementer te rogo. Vale. Noli putare homi-
 nem,

nem, cui commiseram, ut Riccii mathematica scripta, si qua supersunt, inquireret, mandata mea exhausisse. Non enim te fugit quantam perturbationem rerum urbanarum afferat Pontificis obitus, quantamque cupiditatem aulicis injiciat vacuitas. Iterum vale.

Pisr XIV. Kal. Dec. MDCCLXXIV.



FRANCISCI TURRICINI

*Ad Clarissimum Virum, & Praestantissimum
Congregationis Olivetanae*

PRESULEM

BERNARDUM ONUPHRIUM

DE VITA

RAMIRI RAMPINELLII

EPISTOLA.



Tui quod tibi, Vir Clarissime, elapso ab hinc anno promiseram, id me fidenter nimis, ne dicam temere, & inconsulto promississe jam senserim, ea tamen sunt tua in me merita, is meus erga communem amicum amor, ut quidvis aliud mihi objici, aut a me exigi malim, quam ne officio desim, & fidem meam liberem atque absolvam. Scilicet recenti adhuc dolore propter immaturam clarissimi, ejusdemque amicissimi viri Ramiri Rampinellii mortem statim, ac sine ulla haesitatione promisi me ejus vitam scripturum. Ferme

enim

enim pares ætate, paribus studiis, licet dispari longè fructu, primam adolescentiam summa cum familiaritate transegi-
mus, quam quidem amicitiam ille, qua erat humanitate, constanter retinuit, & ego studiosissime colui. Sed cum manum ad scribendum admoverem, re propius inspecta, subiit animum inter alias hæc dubitatio: quidnam ego in medium proferre auderem de eo viro, cujus præcipua laus fuit, quod egregias animi, atque ingenii dotes apud externos sedulo obtegeret, inter conscios dissimularet plerumque, semper imminueret? Nempe quantus ille in Mathematicis disciplinis fuerit, satis Lectiones in Ticinensi Lyceo habitæ, satis hoc ipsum, quod nunc editur, opus, satis elogia, quibus ab Etruscis, Romanis, Venetisque Scriptoribus ornatus est, & demum clarissima illa ingenia, quæ hisce studiis instituit atque formavit, satis ostendent. Mihi igitur leviora commemoranti in tenui laborem fore, scriptori certe inglorium, nec le-

gentibus fortassis gratum probe intelligebam, ac proinde manus ab incœpto veluti retrahi sentiebam. Sed cum illud Virorum vel minima quæque seu dicta, seu facta a nonnullis nosci desiderentur, & a doctis etiam quandoque avide excipiantur, hinc officii mei rationem confidens posse aliquibus saltem probari, has partes mihi sumpsi, ut illum tibi sistam non eâ dumtaxat facie, qua Geometram exhibet, sed qua etiam hominem, qua amicum, qua civem. Dum itaque hæc ego sigillatim & prolixius fortassis persequor, dumque hoc modo mihi videor desiderium tanti viri aliquantum levare, ne quis mihi hoc genus solatii invidet, aut culpet velim.

Natus est Ludovicus Rampinellius (Ramiri enim nomen adscivit tum solum cum in clarissimam Sancti Benedicti de Monte Oliveto Congregationem cooptatus est) Brixie iv. Id. Aug. A. MDCLXXXVII. ex honestissima familia atque inter primarias Triumplinæ Vallis, quæque Gar-

do.

done haud ignobili vico x. ab Urbe lap.
 jamdudum opibus, clientelis, auctoritate
 principem facile locum tenuit. Postea in
 Urbem translata incunte sæculo xviii.
 hic affinitatibus, amicitiiis, liberalitate
 atque hospitem frequentia maxime flo-
 ruit. Marchesius ei pater & Hierony-
 mus avunculus fuit, qui conjunctis licet
 ædibus, separatim tamen ambo lautiore
 victu, & elegantiore cultu, quam tunc
 temporis in hac severioris Italiæ parte
 moris esset, agebant. Maternum vero ge-
 nus traxit æque illustri Chinelliorum gen-
 te. In hac igitur florentis domus suæ di-
 gnitate natus est Ludovicus, qui, ubi
 per ætatem licuit, in Scholis PP. Soc. J.
 latinis litteris imbutus est. Postea in Col-
 legio Adeodati Gazolæ Veronensis, quod
 non procul a paternis ædibus aberat, au-
 divit Rhetorices præcepta interpretan-
 tem Franciscum Rotignum non contem-
 nendi quidem ingenii hominem, in cujus
 scriptis, si judicium aliquando requireres,
 elegantiam certe raro desiderares. Sed

noster absurditatem morum ejus & rusticitatem brevi pertæsus ad scholas rursus PP. Soc. se retulit, ubi sub variis Magistris omnibus doctrinis, quibus juvenilis ætas impertiri debet, eruditus est. Confecto Philosophiæ cursu ad audiendum nobilem Juris civilis interpretem Felicem Baitellum properavit. Sed nobilissimum hoc legum studium illi minus arrisit, eodem scilicet fato, quo aliis quoque magnis ingeniis id evenisse legimus. Abjecto igitur non sine patris offensione Jurisprudentiæ studio, ac sibi ipsi redditus circumspicere cœpit, quo se verteret otii impatiens, & cæterarum rerum, quæ illam ætatem oblectare solent, incuriosus aut contemptor. Cum aliquot menses egisset quem librum fors obtulerat captim legendo, tandem probe intellexit se vaga ac intemperanti hac eruditione id prorsus agere, ut nihil sciret. Eo sapius sermonem injeceram, & hortatus etiam fueram, ut in Geometriam otium illud, de quo adeo querebatur, impende-

ret;

ret; & ille quidem propensissimo erat erga scientiam ipsam animo, sed demonstrationum tedium aversabatur, & ad hoc nomen ita exhorrebat, ac si inter vepres & dumeta nudis pedibus eundum esset. Postremo hanc ipsam amplexus est, sed proposito sibi scopo longe diverso ab eo vitæ ordine, quam postea instituit. Nam sicut celeberrimus ille Newtonus in arcana penitioris Geometriæ tam longe postea penetravit, cum primo sibi illam solummodo delibare proposuisset, ut principia Astrologiæ propius introspiceret, ita & Rampinellius, qui sibi nihil aliud præfixerat, quam elementa Architecturæ militaris, cujus amore summo opere capiebatur, vel leviter addiscere, in vastam postea Mathematicarum scientiarum altitudinem se condidit. Sed dum ego occasionem, qua id factum est, altius aliquantum repeto, erunt fortassis, quibus ineptire & nugari videar, sed iis suo quidem iudicio relictis, quæ tibi, qui hominem nosti, commemorare non injucunda

fore, quæque ad rem pertinere arbitror, omittere non ausim. Non enim abs re omnino fuerit in vita insignium Virorum observare qualia sint prima indicia ac veluti semina illarum facultatum, quibus postea excelluerunt; ut ii, ad quos hæc observandi cura maxime spectat, vim istis animi affectionibus non inferant, nec feliciora ingenia alio deflectant, eaque obnoxia veluti mancipia in aliquod pistrinum detrudant. Occasio autem, qua omnium difficultatum timorem exuit, & studia Geometriæ auspiciatus est, hæc fuit. Cum soleret ad me ventitare, solito citius prid. Kal. Junii anno MDCCXVIII. venit medio fere diei æstu, statimque edixit se velle mecum Arcem, quæ domui meæ imminet, adire, quam scilicet numquam antea inviserat. Imus ergo, nam quodcumque ille vellet, flagrantissime volebat, cumque ad oram exteriorum Fossæ constitissemus, tum ille altitudinem mœnium, propugnaculorum sinus coepit attentius contemplari adeo, ut
ab

ab hoc spectaculo ægre divelli posset. Postquam autem primam portam intravimus, & novus murorum ordo, aliaque munimentorum facies se obtulit, illicò studio rei militaris summopere accensus est. Cum vero singularum rerum usum, & utilitatem scire vellet, cœpit veteranum & emeritum militem, qui nobis custos & dux viæ additus fuerat, tot interrogationibus fâtigare, ut iste mihi in aurem postea dixerit, se exiguam illam stipem, qua nos eum donavimus, numquam adeo meruisse. Acrius tamen adhuc interroganti obvium se forte obtulit Arcis Propræfektus, qui ubi cognovisset Ludovicum rei militaris cupidissimum, multa cum humanitate se ducem exhibuit, & machinarum atque operum omnium interpretem. Quod quidem accurate præstitit, imo & librum Rampinellio commodavit manu sua scriptum, in quo faciliores quasdam methodos in describendis, & construendis hujusce generis polygonis ex Vaubano & Cohornio excerptas

in usum suum adnotaverat. Potitus hoc veluti thesauro Ludovicus statim regreditur; dumque in descensu Arcis neglecta viæ asperitate librum hac atque illac versat; impacto in extantem silicem pede, adeo graviter prolapsus est, ut pene erus infregerit. Nec ideo tamen destitit, quamvis ego sæpius intercederem; sed librum attentissime legere perseveravit, donec veluti a somno experrectus sensit se esse in media urbe, atque in multa hominum frequentia versari. Ubi librum reposuit, ego illi libere prædixi, probe ipsum falli, si quid proficere in eo studio Architecturæ militaris sine Geometriæ præsidio unquam speraret. Domum reversus reliquum diem, noctemque fere totam evolvendo libro & tabulis conspiciendis insumpsit. Hic veniam peto, si animi causa lepidum hominis factum adjungam, utarque pro excusatione verbis Taciti (1). Parvum enim & ridiculum fortasse videtur quod dicturus sum,

(1) Sive Quintil. sive quis alius scrip. *de cons. cor. eloq.*

dicam tamen vel ideo, ut rideatur. Postridie summo mane cubiculum meum irrumpit, & statim Geometriam se velle discere, jamque omnibus instrumentis ad id necessariis se instructum profitetur, ac deinde grandem circinum ferreum & immanem regulam depromit, quam sub vestibus ægre tegebat, quo ille apparatu mihi fabri alicujus lignarii pedissequus plane videbatur. Verum ille de successu studiorum suorum lætus, ut mihi quoque fidem faceret quantum una in nocte profecisset, coepit prægrandi illo circino in pavimento cubiculi circulum describere, ac circulo exagonum velle inscribere, quod antequam perficeret properavi ego novellum hunc Archimedem domo extrudere, ne mihi totum pavementum novo hoc ornamenti genere dehonestaret. Unus in urbe nostra tunc temporis Joannes Baptista Mazinus (si alterum excepias P. Bornatum hujus magistrum senio jam confectum) mathematicis studiis operam dabat, qui & medicam artem summa cum

cum laude exercebat, quique paucis post annis in Patavino Lyceo celebris Medicinæ Theoricæ Professor fuit, atque editis operibus clarissimam famam, præsertim apud Germanos & Anglos, adeptus est. Ad hunc ergo affinitate mecum junctum, & quo ego Magistro biennio ante in hisce studiis uti cœperam, Rampinellum deduxi, ac summopere commendavi, licet ille jam se satis Mazino & discendi ardore, & crecta, quæ erat, indole probavisset. Cœpit itaque summa cum voluptate, & pari etiam rapiditate elementa Euclidis devorare, jamque primum librum superaverat, cum improvise fane turbo illum adflixit, & pene ab incœpto dejecit. In hæc siquidem studia se conjecerat. Inscio patre, qui adhuc usque speraverat posse filium seu amicorum hortatu, seu paterna auctoritate ad Jurisprudentiæ exercitationem revocari. Ubi autem Paterprehendit adeo diversam inisse viam, tum vero ad se vocatum acriter increpuit. In præsentia ami-

corum, qui frequentes aderant, plerisque eorum iridentibus & sciscitantibus, num ne Astrologicam artem profiteri vellet? Nullo scilicet discrimine, ut olim Romani, Mathematicos cum Astrologis facile confundebant. Nec stetit intra objurgationes pater, sed filium omni commercio sive cum Mazino, sive mecum, sive etiam cum libris istius generis severissime interdixit. Imo eo usque excaudit, ut domum universam excuteret, everteretque, quo libros hujusmodi rimaretur; quos diligentissime conquisitos, discerpit omnes, aut in ignem projecit. Prope absuit, quin eandem sortem subiret etiam ille codex manuscriptus, quem filio, ut supra memoravi, commodaverat Arcis Propræfatus, nisi illum mater tempestivo officio subtraxisset. Periere eo incendio Maurolycus, Commandinus, Tartalea, Tacquetus, & præterea, quod rideas, Steganographia Trithemii avitus vetusque in domo liber, quem tamen ob solam tituli invidiam misere suspectum eisdem flammis

mis inclementer damnavit. Percussus hac denunciatione, hisque patris intemperis Ludovicus, & ludibrio adstantium acerri-
me offensus pene in desperationem actus est. Fugam inde a paterna domo coepit meditari, ut Veronæ inter gravis armaturæ equites conscriberetur. Suboluit hoc consilium illis ipsis amicis, qui eum paulo ante irriserant, quique pœnitentia du-
ci quod optimæ spei adolescentem ipsi quoque veluti in præceps adegissent; om-
nem deinde lapidem moverunt quo pa-
trem ei conciliarent, & prosequendi hu-
jusce studii veniam obtinerent. Nondum igitur elapso mense a domo Aveneuli,
ad quem noster confugerat, in suam, &
in amplexum patris reversus est, adniten-
tibus PP. Soc., & præcipue inter alios
Petro Bornato. Optimus enim ille senex,
qui usque ad ultimam ætatem hæc stu-
dia constantissime coluerat, quique per
longas veterum methodos & ambages pe-
ne contabuerat, cum videret ultra mon-
tes novum lumen exoriri, viamque paul-
la-

latim sterni multo magis compendiosam, flagrantissime cupiebat, ut aliquis ex nostris civibus, & præsertim Rampinellius, cujus ingenium perspectum habebat, Algebram capefferet. Reducta itaque animi ferenitate Geometriam resumpsit, ac se pristinae nostræ consuetudini restituit. Duobus vix mensibus alios V. Eucl. libros, & insuper XI. ac XII. emensus est. Autumnalibus vero feriis se totum Arithmeticæ dedit. Insequenti anno Geometriam practicam, Staticam, Mechanicam, & Trigonometriam linearem ac logarithmicam didicit, quin aliquid etiam attigit Sectionum Conicarum: incredibili sane celeritate si adverteris eum per exactas quidem, sed prolixiores veterum demonstrationes circumductum fuisse, quæ si utilitatis aliquid, moræ profecto ac tædii plurimum afferunt. Sed jam tempus advenerat, quo promptissimum hoc ingenium velut e carceribus emitteretur, seque ad eum cursum, quem adeo rapide, adeo feliciter peregit, expediret. Nam

excitus fama celeberrimi Gabrielis Manfredi Bononiam cogitare cœpit, & com-
meatum ad hoc petiit a parentibus, &
impetravit. Hic animadverti velim Ram-
pinellium non adeo Geometriæ omnis ex-
pertem & plane rudem, ut quidam vo-
lunt, Brixia discessisse, imo ea omnia,
quæ supra exposui, studia sub Mazino
præmiserat, & hoc, ut verbis utar Cor,
Nepotis, non auditum, sed cognitum præ-
dicamus. Porro quin hæc comperta te-
stataque haberemus, haud quidem credi-
bile fuerit Rampinellium ita, ut ferunt,
crudum eo usque confidentiæ processisse,
ut sub Manfredo Geometrarum Bononien-
sium tunc temporis facile principe,
prima tyronicii sui rudimenta ponere
tentaret, & in primo hujus scientiæ li-
mine, ipsoque in vestibulo ausus esset tan-
tum virum convenire, ad quem per gra-
dus ultimo in superiori loco adscendere
debuisset. Nec verisimile etiam videatur
Manfredum tunc penitioris Geometriæ
meditationibus alte defixum, novisque
in

in analysi inventis unice intentum, se adeo submisisse, ut erudiendi tyronis, perque prima elementa manuducendi onus & curam in se vellet recipere. Non igitur tam pauca Ludovicus primis suis magistris debuit, qui eo usque illum perduxere, ut dignus Manfredo discipulus statim haberetur, & sine quorum opera nec quid sibi ab isto petendum, sperandumque foret rescire equidem potuisset. Sed nec adeo, ut ipsi asserunt, in latino sermone peregrinus & amœniorum litterarum jejunos erat, cum Bononiam profectus est; iis enim optime excultus fuerat, licet præ sublimioribus scientiis, erga quas a natura ferebatur, hæc ornamenta toto fere adolescentiæ cursu neglexerit. Liceat duo hæc verba perdidisse, nunc ad propositum redeamus. Triennium pene integrum cum Manfredo egit; & duobus quoque insequentibus annis, quamvis non eadem frequentia, postquam aliud vitæ institutum amplexus fuerat, ejus auditor fuit. Hoc intervallo totam

illius scientiam, ut ita dicam, exhaustit, adeo ut clarissimus Analysis Professor discrete fateretur, se nihil ultra habere quod eum doceret: rarissimo scilicet apud Magistros ingenuitatis exemplo, quod ut alii imitentur, optaveris sæpius quam obtineas. Sed æque rarum inter adolēscētes modestiæ & grati animi specimen noster dedit; nam licet a Manfredo non jam ut discipulus, sed ut studiorum suorum socius haberetur, non ideo tamen altiores spiritus sumpsit, sed optimum senem coluit assidue; dum ipse Bononiæ moratus est, & quoad vixit summa cum reverentia observavit semper, atque suspexit. Patefacta igitur per calculum & Analysis, velut reductis in theatro velis, tot sublimiorum veritatum serie, tum vero noster in contemplatione earum altius e-
vectus, cœpit a publico plerumque abstinere. Divina nempe providentia paulatim sternente viam, qua is, qui primum inter armorum strepitus & bellicos tumultus ingenium exercere decreverat,

nunc

nunc vitaret civium frequentiam, inde amicorum etiam consortium declinaret, postremo ad claustrorum solitudinem confugeret. Cogitanti autem quodnam sanctoris vitæ institutum sibi, ac studiis suis opportunum deligeret, quin nobilissimam Congregationem tuam aliis anteferreret, non diu fuit ambigendum. Prius tamen, quam omnino deliberaret, statuit hoc consilium civi suo, eique doctissimo, ac prudentissimo, aperire. Is tu eras, vir clarissime; nam tunc temporis Bononiæ aderas, ibique Theologiæ operam dabas, & tu probe memineras, cum ille ante te in cubiculo constitit, flagrantissime rogitans, ut in clarissimum ordinem adscisceretur, adeoque moræ impatiens impotensque erat, ut non levem suspicionem tibi injecerit, ne forte ægritudine animi, aut immodico alio affectu ageretur. Tu qua es dextertate rem in suspenso tenuisti, donec apertis interrogationibus animum ejus explorares, & donec etiam secreta inquisitione in mores ejus penetrares, qui

nondum satis tibi perspecti erant. Comperta denique optima juvenis indole tu auctor, fautorque adfuiſti, ut in egregium hunc cœtum reciperetur summo omnium consensu. Contigit id Bononiæ Kal. Novemb. An. MDCCXXII. In novo hoc vitæ genere id primum curavit, ut omnes Instituti leges observaret absolutissime, postea si quid otii reliquum fieret, id omne in geometricas speculationes impenderet. Vix autem elapsis octo mensibus satis superque probatus, multo cum animi fervore in Monasterio S. Michaelis solemnî ritu votis se obstrinxit. Tum vero quietem & secessum, quem tamdiu exoptaverat, nactus, totos solidos dies in meditatione curvarum, & calculis Analyticis infumebat, postquam ea quæ ad pietatem pertinent accuratissime implevisset. Inter primos enim Italorum fuit, qui in compendiosum quidem, sed æque salubrosum & asperum hunc callem se inducere ausi sint, quando nempe nova ac recondita hæc methodus ab iis ipsis, qui
in

in exteris regionibus eam invenerant, si-
 ve auxerant, impenetrabili mysterio ita
 tegebatur, ut præstigio propior, quam
 scientiæ videretur. Sub finem anni
 MDCCXXVII. Patavium concessit, ut stu-
 dia sua communicaret cum duobus Geo-
 metriæ veluti luminibus, quos nec no-
 minare fortassis opus fuerit; omnes enim
 facile intelligent March. Polenum &
 Com. Riccatum, a quibus singulares cui-
 que observationes & felicia inventa
 excerpere destinaverat. Ibi alios quoque
 præstantissimos celeberrimi illius Collegii
 Professores, inter quos præcipue Rivam,
 audiebat sæpissime, & officiose prosequen-
 batur. Sed neminem unum observavit
 magis coluitque quam Com. Riccatum,
 ad quem in Francorum castro agri Tarvi-
 fini oppido degentem sæpius commeare
 solebat, non aeris inclementia, non im-
 bribus, aut difficultate viarum unquam
 deterritus. Imo etiam eo loci hospitium
 conduxit, quo commode magis liberius-
 que tanti viri consuetudine uteretur.

Quin etiam, ubi suborta esset aliqua difficultas, eum per litteras interrogabat, quod postea etiam continuavit cum doctissimo ejus filio Com. Jordano, cujus judicium plurimi faciebat. Eo ipso tempore mechanicas Institutiones, quibus motuum leges adhibito infinitorum calculo investigavit, elucubratus est, quas si in publicum statim enisisset, non profecto alii multi, qui postea secuti sunt, hunc gloriæ campum, quasi a possessore vacuum, occupassent, & Ramiro hanc laudem præripuissent. Nec est cur dubitari possit nos præpostero officio velle per commenta hoc decus Rampinellio asserere; extant enim adhuc ejus scripta cum notis temporum, & tot hujus rei testes adhibere possumus, quot auditores frequentibus proxime annis Bononiæ habuit. Quin hoc etiam satis erui posset ex litteris ejusdem Non. Jan. anno MDCXXXIX. ad laudatissimum Jacobum Riccatum missis. Tractatum vero Trigonometriæ tam planæ, quam sphaericæ, qui pariter lucem

cem expectat, ingenue fateor me non habere cur huic tempori præcise adscribam. Sed Rampinellio id Patavii jucundissimum accidit, quod Mazino primo magistro suo, tum quidem ad primariam Medicinæ Theoricæ cathedram eveſto, beneficium referre potuit. Etenim hunc in calculis Analyticis implicitum, hærentemque extricavit, & ut gratiſſimo erat animo; ea omnia huic tribuit, ut non ſolum ab alumno, ſed nec plura a parente proficiſci potuerint. Extra autem hujus ſcientiæ fines frequentiffime audiebat, colebatque clariffimum Lazarium admirans in eo homine latini ſermonis puritatem, quam tunc quidem ſentiebat potius ſibi deefſe, quam unquam tentaffet aut retinere, aut acquirere. Tum vero cœpit diurna, nocturnaſque manu optimos aurei ævi ſcriptores verſare, & ſtilum ad eorum imitationem caſtigare, & ſubigere; cujus quidem laboris uberem fructum poſtea tulit. Ineunte deinde vere anni MDCXXXI, Romam profeſtus innotuit ſtatim doctiſſimis

mis viris Galliano & Leprotto, apud quos famam, quam de se absens excitaverat, præsens auxit. Nec conspiciendis veterum monumentis, quorum causa præcipue in urbem venerat, adeo indulgit, quin multum temporis dilectis suis studiis seponeret, imo eo anno, quo Romæ moratus est, illustrem auditorem habuit, eumque Mathematicis disciplinis optime instituit, Josephum nempe Orlandum Ord. S. Cœlest., quem postea in regio Neapolitano Archigymnasio Professore, ac decem Episcopum vidimus. Dum Romæ adhuc ageret, & tot Urbis urbium pulcherrimæ seu vetera, seu recentiora ædificia lustraret, abjecto jampridem rei militaris studio, cujus nullum fore sibi usum viderat, curas suas transtulit ad civilem Architecturam. Brevi in hac quoque parte non mediocrem peritiam adeptus est, nam cujuscumque ordinis modulus & ornatum ita callebat, ut primo fere obtutu deprehenderet si quæ membra a præceptis artis, aut meliorum o-
pi-

pificum monumentis vel tantillum aberrarent. Neapolim postea adiit, ibique doctiorum virorum amicitiam iniit, & in primis celebris Nicolai Martinii, cujus benevolentiam summopere sibi devinxit. Cum igitur doctrinas, quas undequaque collegerat suis in dies meditationibus augeret, fama ejus nominis ad moderatores suæ Congregationis pervenit, iique ad instituendos Mathematicis disciplinis Monachos, eum Bononiam revocarunt. Nec spem fefellit eventus, siquidem ex frequenti selectissimorum juvenum auditorio, veluti a quodam Geometriæ seminario complures prodire qui hisce studiis Bononiæ non leviter initiati, & postea late per totam fere Italiam distributi, hanc scientiam veluti novam mercem remotis regionibus intulerunt, aliosque subinde ad eam colendam excitarunt. Sed inter alios longe eminebat nobilissimum illud auditorum par, Pozzius scilicet & Sommariva, quorum si nomina hic reticerem, male me laudibus Rampi-

nel

nelli consuluiffe ac prospexiffe existimarem. Eorum enim alter Romæ in publicis Sapientiæ scholis Mathesin summo cum plausu interpretatur, alter vero æque feliciter eodem munere fungitur Bononiæ apud suos, de se in dies majora promittens. Sinant igitur duo hi præstantissimi viri nomen suum in elogium Rampinelli, ceu eorum tesseram, symbolamque a me conferri, nec longinqui, ac plane ignoti hominis leve hoc de eorum meritis pro re nata testimonium velint deprecari. Cæterum a Bononiensibus, apud quos magnum sui desiderium discedens antea reliquerat, cupidissime rursus exceptus est. Hic Physicas institutiones perfecit, in quibus & universam pene Physicam eidem infinitorum calculo subjecit, & ea, quæ prius de motus legibus commentatus fuerat, inseruit. Jamque doctissimorum civium, qui frequentes ad eum conveniebant, colloquiis fruebatur, jam innotescere quoque, & coli cœperat apud exteros, qui non levem jacturam se facere
pu.

putabant, si illo inviso præterirent, jam denique inclyta illa Urbs acerrimo in æstimandis ingeniis judicio, quo arctius Rampinellium sibi obstringeret, publicum ei munus destinabat, cum repente eorundem Moderatorum jussu illam derelinquere coactus est invitus invitam. Ob eandem causam, qua Bononiam adierat, Mediolanum an. MDCCXL. transfertur, eo scilicet eorum, qui id curaverant, consilio, ut ejus doctrina latius emanaret, & ad plures diffunderetur. Quadam vero felicitate factum est, ut eo tempore Mediolani quoque ageret præstantissima, & per totam Europam celeberrima illa Virgo Cajetana Agnesia non minus morum integritate, quam ingenii acumine maxime commendanda; & quam jure quidem appellaveris nostrorum temporum, & sui sexus ornamentum. Hæc puellari adhuc ætate Mathematicis studiis non mediocriter imbuta fuerat ab Abb. Tagliazucco, quem postea Sardiniae Rex ad publicæ Professoris munus evexit in Regio Lyceo

Augustæ Taurinorum. In rebus autem philosophicis audiverat celebrem Andream Cafatum Cl. Reg. qui pariter ab eodem Rege eodem in Archigymnasio ad aliam Cathedram nominatus est, & deinde Pontificalibus quoque infulis decoratus. Verum cum præclarissima Virgo incredibili rapiditate, quodcumque vellet, addisceret, & simul cupiditate inexplebili plura discendi flagraret, cumque ad altiores speculationes in dies semper assurgeret, statuit demum Rampinellum ad se vocare, cujus ope & consilio sese ab abstrusissimis difficultatibus explicaret. Ille nactus promptissimum hoc ingenium, quod adeo excitari non egebat, ut retineri vix posset, brevi ad summum Algebræ apicem perduxit. Hinc eo præeunte prodit Mediolani anno MDCCXLVIII. celebratissimum illud opus Institutionum Analyticarum, cujus quam partem vindicare sibi posset Rampinellius per ipsum quidem adhuc in occulto foret, nisi modestissima æque ac doctissima Virgo summa cum

cum grati animi significatione id omnibus testatum in præfatione voluisset. De hujus autem libri pretio post luculentissimum, quod de eo edidit testimonium Regia Scientiarum Academia Parisiensis, super-
vacuum sane foret, seu potius ridiculum, & ineptum velle aliquid adjicere. Præstantissimi enim ac doctissimi Socii, qui ab inclyto illo cœtu ad inspiciendum librum selecti fuerunt, Mairanus scilicet & Montignius una cum Fouchio a secretis in elogio, quod typis excusum est anno MDCCXLIX. disertissime testati sunt, nullum adhuc apud quasque nationes usque ad hæc tempora opus in eo genere omnibus adeo numeris absolutum prodiisse. Hæc ego, ne de singulari ac lectissima hac femina deque ejus libro narrationem abrumperem, huc usque perduxî; cæterum antequam liber evulgaretur, commotus jam Rampinellii fama Senatus Mediolanensis anno MDCCXLVII. ei publicum Matheseos docendæ munus in Ticinensi Lyceo ultro obtulit, quin ipse inter-

can.

candidatos nomen suum de more profite-
retur. Accessit huic gravissimo amplissi-
mi Ordinis iudicio aliud singulare bene-
ficio; nam ei duplicavit stipendium, &
facultatem dedit, seu libros, seu instru-
menta, quæ suis studiis usui forent, ære
publico comparandi. Solemni hoc decre-
to ex suis latebris in publicam lucem ex-
tractus id unum in primis laboravit, ut
ne tam gravi iudicio impar, ut ne tan-
ti beneficii immemor videretur. Cæterum
de prima vitæ consuetudine nihil detra-
xit, aut immutavit, æque ac prius ac-
cessu facilis, eadem, qua antea, modestia,
ac pene puellari verecundia, summa er-
ga Collegas reverentia, nulla adversus
quemque æmulatione, assidue ac diligen-
tissime omnes muneris sui numeros imple-
bat. Incredibili profecto erat erga Audi-
tores humanitate ac patientia; sicubi e-
nim quem paulisper aliquando hærere
senferat, eum statim adibat, & summa
cum comitate difficultates extenuando ita
recreabat, ut nonnullos ego noverim, qui
hu-

hujus scientiæ asperitate deterriti animum desponderant, & retro jam cedere destinauerant, quos ille adeo fovit, & in spem meliorem erexit, ut feliciter postea hunc cursum, nec sine plausu confecerint. Quamobrem non semel ab eo audivisse memini, sæpe illum sibi ingenium torfisse, ut diversas eandem veritatem docendi methodos excogitaret, quas quisque sibi temperaret pro ingenii sui modo, atque accommodaret. Verum hæc studia non in umbra tantum coluit, sed in campum, pulveremque eduxit. Nam Parpanensi prædio in ultima ora agri Mediolanensis sito, magno in periculo versanti, quippe cujus ædibus & campis Padus minaciter immineret, opem tulit. Ibi non solum adversus vim fluminis, quod objectis molibus, aggeribusque difficulter compefcuit, sed adversus etiam accolarum imperitiam, & detractiones diu est conflictatus. Cum enim noster crates viminibus contextas apte disponendo rem conficere instituisset, illi vero munimen-

ta sumptuosius arborum, trabiumque con-
tignationibus instaurari de more conten-
derent, nihilque aliud facere aut scirent,
aut vellent, quam quod semper fecissent,
ægre admodum evicit, ut totius rei ge-
rendæ modus arbitrio suo permetteretur,
ipsi porro mandata non abnuerent. Imo
non levem habuit causam suspicandi, a-
liquos ex grege operariorum, ut est con-
tumax istorum hominum ingenium, adeo
iniquæ mentis fuisse, ut opera, quæ ipse
præscripserat, consulto vitare & corrup-
pere tentaverint. Sensit invidiam novo-
rum aggerum Rampinellius, simulque
fraudem & dolum, si forte subesset, veri-
tus, statuit præsens instare operi, atten-
tiusque incumbere ut omnia suis oculis
subjicerentur, quod dum constantius exe-
quitur in paludoso solo & graviore aere,
fortassis tum jacta sunt semina illius mor-
bi, quo postea correptus est. Sed aliqui
etiam ex fundorum dominis, qui prope
flumen prædia possidebant, fidem Ram-
pinellio non adhibuerunt, suoque sibi in-
ge-

genio ac more munimenta struxerunt; qui postea magno quidem suo malo sentire, quam injuria ab illius monitis & sententia defecissent. Siquidem primo aquarum incremento ea opera omnia disjecta & avulsa Padus secum abstulit, uti eventurum noster paullo ante prædixerat. Extant in Ticinensi Monasterio ejus commentarii, in quibus videre possis, quomodo non solum præsentì periculo cavìt, sed futuræ etiam securitati prospexit, quasque ille regulas in extruendis, collocandisque molibus præscripsit. Eæ etiam nunc multo cum successu servantur ab insigni Machinatore Gottardo Jornio ejus discipulo & talium rerum peritissimo, ut plane his in scriptis, & hoc in alumno vivere adhuc Rampinellius, aggeres moliri, & infensissimum hostem jugulo illius populi imminentem arcere adhuc & depellere videri possit. Sed alias quoque selectissimas observationes collegerat, ex quibus utilissimi tractatus conficerentur, quos ne in lucem emitteret nimia eum

modestia aliquando, demum mors immatura prohibuit. Quoties enim urgeretur, ut aliquid typis evulgaret, per lufum dicere solebat, dum nihil scriberet se præclare consulere commodis litterariæ societatis, quæ aliter constare non posset, nisi aliqui a scribendo manus abstinere: quando nempe omnes de omnibus pene rebus scribunt, periculum fore, ne scribentium nimia multitudo extremam faciat legentium caritatem. Nihilominus vim modestiæ suæ intulit, ut debitum persolveret, scilicet ut Senatui, a quo ita ornatus, auctusque fuerat, cultum, & obsequium suum testaretur, & gratias, quas animo habebat, publice etiam aliquo modo referret. Igitur ipsum de Optica tractatum sub auspiciis amplissimi Ordinis e-mittere destinavit, & editionem jam adornabat, cum gravissimo apoplexiæ morbo laborare ita cœpit, ut pene conclamatus fuerit. Post aliquot menses remissa vi morbi, ut magis convalesceret, in patriam rediit. Hic abjectis omnibus curis

vires refecerat, & pristinam fere animi & corporis alacritatem resumpserat, cum Mediolanum reversus vi. Id. Feb. anno MDCCCLIX. repetito ejusdem morbi ictu extremum diem obiit. Antequam moreretur Clar. Viro Cæsareo Sommarivæ enixissime commendavit editionem hujus operis, cum & opus ipsum ejus judicio jam antea subjecisset. Eodem consilio sub vitæ finem, dum Brixia adhuc moraretur, de hac re cum Typographo egerat, & quo omnia accuratissime fierent oraverat Clar. Virum Joannem Baptistam Scarellam Cl. Reg. doctrina & scriptis celebrem, ut typis emendandis præesset; quam quidem operam, eo quo est erga Auctorem, & hæc studia animo, summa cum diligentia, ac solertia fideliter navavit. Fuit Rampinellius eximia erga Deum pietate, integerrimis moribus, summa ingenuitate, atque animi candore prope singulari. Usque ad sexagesimum ætatis annum, quo eum primus apoplexiæ ictus adflavit, & pene adflixit, valetudine prosperrima usus

est; nam vel levibus morbis rarissime fuit tentatus, licet cibi, ac potus, citra tamen intemperantiam, foret aliquantum largioris. Pertinacissimum enim tot annorum studium; tot vigilas, quæ sæpe alios labefactare, aut conficere etiam solent, athletica ille quadam corporis firmitate facile tolerabat. Sed id præcipue mirandum, quod cum septem, aut octo horarum jugi contentione in extricandis complicatissimorum problematum difficultatibus insudasset, redibat postea in consortium amicorum ea animi tranquillitate, ea vultus ferenitate, ac si ludicro alicui spectaculo interfuisset. Nemo Ramirum vidit tristi supercilio, nemo contumaci silentio hæc studia præferre. Cum enim manum a tabula levabat, & libros claudebatur, videbatur speculationes suas in iisdem libris clausisse, & veluti a se ipso divisus Geometram in scripta sua relegabat, ut amicis amicum redderet: in hoc etiam celeberrimo Newtono comparandus, qui cum esset Rei Monetariæ apud

An-

Anglos Præfectus ita alacriter munera summi illius Magistratus obibat, ut nemo ex suis collegis eum tunc præ manibus habere altissimum illud systema, quod postea prodiit, vel leviter posset suspicari. Verborum equidem a natura fuit parcior, sententiis brevioribus, & ad rigorem geometricum exactis, quem tamen fere semper comitate, jocis, ac salibus temperaret. Postquam Geometriæ se totum devoverat, de Theologicis suis studiis ea solum retinuit, quæ ad excitandam, fovendamque pietatem conferrent; cæterum a questionibus, quæ inter nostros etiam studio partium acriter sæpe agitantur, religiose abstinuit, ita semper compositus, ut in neutram partem conspici posset, quamvis ab omnibus præsidiis esset paratus & instructus, quibus posset & subtiliter disputare & recte judicare. Iisdem principiis imbuat circumspiciissimam Agnitionem, de qua supra retuli; nam hæc quoque in conventibus nobiliorum Feminarum, quæ intemperantia seu sexus, seu

temporum hisce disputationibus frequenter se immiscere solent, semper aut eleganti aliquo temperamento hujusmodi sermones alio deflexit, aut gravissimo silentio filum disceptationis abruptit. De se, deque rebus, ac studiis suis atque honoribus sibi habitis nunquam nisi coactus, & tum quidem verecundissime loquebatur; alios vero ubi occasio ferret pro meritis æquissima dispensatione semper ornavit, tam procul a fastidio & contemptu, quam ab æmulatione & malignitate. In hoc doctis certe exemplum proposuit, quod si qui moderatione animi eo usque pervenerint, ut famam sui non affectent, aut negligant, id quoque addere velint, ut nec alienæ invidcant, detrahantque. Verum omni elogio maior in hoc viro laus constantis ac perpetuæ modestiæ fuit; nam licet ultra Geometram varia ac multiplici eruditione ornatus & excultus foret, numquam tamen nec apud exteros, nec inter amicos, rec-

etian

etiam ubi res opportune cefferat ingenium, aut doctrinam ostentavit. Ita sæpius evenit, quod ait Tacitus de Agricola, ut plerique, quibus magnos viros per ambitionem æstimare mos est, viso, aspectoque Rampinellio quærerent famam, pauci interpretarentur. Singulari etiam fuit erga matrem pietate, quam viduam & senio confectam (marito enim diu superstes fuit) ut præsentia sua solaretur, fere quotannis autumnali tempore Mediolano Brixiam ventitare solebat, posthabitis amicis, quorum consuetudine cæteroquin mirifice delectabatur, & relictis amœnissimis tot Procerum Mediolanensium villis, ad quas studiose & enixe erat invitatus. Gratia vero, qua apud eosdem Proceres plurimum valebat, numquam aliter, quam in juvandis tegendisque amicis, usus est. Denique is ille fuit, quo haud facile virum magis probum, raro profundiorum Geometram, meliorem vero amicum vix inveneris. Hæc habui V. C. quæ, ut volun-

lun-

luntati tuæ obsequerer, de Rampinellio ad te scriberem. Nec dissimulaverim me libentius multo, quam inchoaveram, hæc profectum fuisse eo animo, ut Civitatis nostræ decus pro re nata & pro viribus quodammodo vindicarem. Passim scilicet ut crassioris Minervæ homines traducimur, & sæpius apud exteros audimus, quod de Thebanis olim dictum fuit, nobis nempe plus virium inesse, quam ingenii. Mihi vero causas opinionis tam parum æquæ investiganti non aliæ occurrunt, nisi quod partim nostrarum rerum & laudis civium nostrorum incuriosi simus, partim quod modestia, quæ in Rampinellio fuit summa, universim etiam nostræ gentis sit propria. Ego sicut institutum & industriam illarum civitatum ultro laudaverim, quæ rebus suis etiam exiguis pretium addunt, dum eas in lucem proferunt, illustrent, atque accuratissime concinnant, ita æquo animo ferre non possum, nos inclementer nimis ignorantiae damnari, quod nostras

stras ambitiose non efferamus. Utcumque
tamen alii sentiant, id unum in præsen-
tia intelligi velim, nobis potius artem,
aut studium, quibus nostra ornemus, quam
ea, quibus ornemur, deesse. Vale V. C.
& me tui obsequentissimum amare perge.

Brixiae prid. Kal. Junii an. MDCCLX.



GUIDO GRANDIUS X.



Guido Grandius Cremonensis fuit, sine dubio vir omni doctrina, ac præsertim mathematica ornatissimus; de quo plura fortasse referremus, nisi extaret de ejus vita singularis liber a Benedicto Hortesio ejus discipulo diligentissime, copiosissimeque Italico sermone conscriptus. Etsi pater ejus Petrus Martyr honesto genere erat, tamen, cum alienarum opum indigeret, phrygioniam exercuit artem; habuitque in Matrimonio Catharinam sororem Laurentii Legati, quem Græcis litteris, Medicina, Poetica, editoque in Museum Cospianum opere illustrem virum honoris causa nomino. Guido iis parentibus natus est Kal. Octobr. anno MDCLXXI. Diligentia præsertim Matris bonæ, nec mediocris ingenii feminae fuit a puero doctus Latinis litteris & in arte poetica exercitatus; magistris vero usus est Jesuitis Paulo Rossio

&

& Hieronymo Saccherio, qui fuit mira quadam facultate ingenii & memoriæ, & Jo. Baptista Canneto viro omni genere laudis excellenti, quem collegam etiam habuit in sodalitate Camaldulensium. Hanc enim Grandius ingressus est Ravennæ ex-eunte anno MDCLXXXVII. Doctus ibi a Galaminio ad Peripateticorum philosophiam, haud poterat in ea acquiescere adolescentis animus, qui ex veritate, non ex opinione, auctoritateque omnia metiebatur: quare, ut hujusmodi Philosophiæ asperitatem quasi condimento amœnitatis mitigaret atque molliret, sæpe se ad studia poetica atque oratoria referebat. Atque in his studiis quantum profecisset, cum desiderio arderet ostendendi moderatoribus suis, ab his obtinuit, ut novam instituere posset Academiam (erat enim alia instituta a Canneto ad easdem artes excolendas, ad quam tyronibus Cœnobii erat aditus interclusus) quæ quod æmula esse volebat alterius laudum, dicta est *de' Gareggianti*. Legi libellum, quem
de

de hujus Academiae historia Grandius ipse conscripsit, ex quo intelligere potui saepe in ea lumen ingenii sui eundem ostendisse modo Italicis, modo Latinis carminibus orationibusque, judicatumque de eo fuisse, seria docte eruditeque, jocosa lepide semper ipsum tractasse. Ex hac Academia binas alias generatas accepimus; hasque omnes, quoad stetero, laudabili æmulatione inter se concertasse. Neque hæc solum gloriosa Grandio fuere, sed illud etiam in primis, quod inter erroris & inscitiae caliginem, qua humaniores literæ superiori sæculo misere obruebantur, ipse ad optimorum scriptorum tanquam lumen, ac lucem respexerit, & alios, nonnullis licet reclamantibus, indignantibusque, respicere docuerit. Idem Romam missus ad excolenda rerum divinarum studia perferre debuit & Scholasticorum & Galaminii, a quo instruebatur, insulsiatatem. Quidquid vero temporis illi vacabat a schola in evolvendis veteribus monumentis libentissime infumebat;

bat; nec facile quem dixerim, plus studii acuminisque, quam illum ad originem, omnemque historiam suæ fodalitatis cognoscendam adhibuisse. Quapropter cohortante maxime Canneto & Martyrologium Camaldulense conficere, & S. Romualdi vitam a S. Petro Damiano conscriptam, copiosissimis commentariis Monachorum historiam in primis illustrantibus, ornare facile potuit. Sed horum studiorum fructus maximi fuere *Dissertationes Camaldulenses*, quem tamen librum non edidit nisi an. MDCCV. I., quod illum & limari politius & probari doctissimorum hominum judicio, antequam ederetur, voluit. Quæ quidem judicia non tam grata, quam necessaria erant. Magna enim constituta & parata erat Grandio adversaria, credulitas suorum, qui, cum primordia fodalitatis augustiora facerent, non tulissent, non dicam refelli, sed in dubium revocari quædam, quæ opinioni suæ blandirentur. In his visum illud Romualdo divinitus objectum Scalæ nescio cujus; alia præterea
 ejus-

eiusdem modi, quæ poeticis magis deco-
ra fabulis, quam incorruptis testata re-
rum gestarum monumentis feruntur. Hæ
dissertationes, quarum prima est *de Insti-
tutione Ordinis Camaldulensis*, altera *de
ætate S. P. Romualdi*, tertia *de visione sca-
læ ejusdem & habitus mutatione prætensa*,
quarta demum *de S. Petri Damiani &
Avellanitarum Instituto Camaldulensi*, prin-
cipium esse debebant annalium totius fa-
miliæ Camaldulensis, ad quos contexen-
dos tum sua sponte, tum aliorum cohor-
tationibus incitabatur Grandius. Sed ab
hoc opere illum avocarunt non tam in-
justæ suorum querelæ, quam flagrans in-
res mathematicas amor, ac prope incre-
dibilis, ab iis profectus initiis, quæ ad
hactenus dicta adtexemus. Postquam an.
MDCXCV. in sodalitatis comitiis subiisset
majorum suorum judicia, allatis in me-
dium, publiceque propugnatis ex univer-
sa Theologia, ac Philosophia thesibus, in
quo ita se gessit, ut nescias, plures ne
delectaverit mirum propugnatoris inge-
nium,

nium, an offenderit non bene ab illo declaratum in Peripateticos, Scholasticosque studium, Florentiam missus est ad tradendam suis Philosophiam. Ibi casu magis, quam iudicio sumpsit in manus Cartesii opus, quod de *Principiis* inscribitur. Incensus cupiditate omnia perfecte tenendi, quæ in hoc opere continentur, dedit se in Geometria instituendum Sebastiano Franchio, quo medico & amico utebatur Franciscus Caramellius Cœnobii Præses. Ita celeriter Euclidis elementa arripuit Grandius, ut ea non tum primum ediscere videretur, sed reminisci & recordari. Quare minime est mirandum, si ei Franchius prædixerit fore aliquando ipsum longe omnium in mathematicis doctrinæ principem. Porro eo brevi pervenit Grandius, ut non solum celebriorum Geometrarum inventa per se noscere, sed nova etiam ex se gignere potuerit, inter quæ nonnulla theorematâ fuerunt de Concoïdibus, & Cissoïdibus, quæ etiam postquam omnem ætatem in huiusmodi studiis con-

sumpserat, sibi perplacuisse affirmavit. Eodem tempore elaboravit etiam, ut opus quod ante quinquennium fecerat de Musica, Geometria duce, poliret atque perficeret. Totum illud xxiv. propositionibus conclusit, qua circumscriptione nihil elegantius & ingeniosius; neque id tamen satis unquam dignum putavit, quod in lucem hominum prodiret. Hæc quoniam occulta & abdita intra cœnobii parietes erant, casus incidit, quo brevi illustris & pervagata fuit fama de Grandii doctrina apud Florentinos. Accitus Florentiam fuerat nobilis quidam Germanus cognomine Bodnaufenius, ut ab eo Ferdinandus Magnus Etruriæ Princeps in doctrina morum instrueretur. Is, ut erat in Analyſi, cæterisque mathematicis disciplinis non mediocriter versatus, quæſivit illico, quosnam haberent in iisdem disciplinis præstantes viros Florentini? Cum audiisset unum inter omnes excellere Vivianum, convenit hominem illud rogitans, ut sibi punctum flexus in Concoide primaria inveniret. Non in-

invenit, sua synthefi ufus, Vivianius, quod cum relatum effet ad Grandium, quid ipfe poffet, voluit experiri. Eventus ei ex fententia proceffit; neque eft credibile ad quantam admirationem hæc res Vivianium, Bodnaufenium, cæterosque rerum mathematicarum intelligentes viros traduxerit. Quæ non multo poft quam acciderant, adivit Grandius Vivianium, quo ei folarium a fe confectum oftenderet, rogaretque ab illo ut nascenti prope laudi fuæ, doctrinæque præffet. Ridens Vivianius manuprehendit Grandium. Heus tu, inquit, ducem & magiftrum defideras? Non mihi docendus, fed collaudandus videris, quod tantam jam fis facultatem adeptus, ut non æqualibus modo tuis anteponi, fed cum exercitatiffimis viris poffis comparari. Hujusmodi testimonio maxime ftimulatus atque excitatus fuit Grandius ad prodeundum in publicum. Prodiit autem primum edita anno MDCXCIX. *Geometrica Demonftratione Vivianeorum Problematum &c cum appendice de Geometrica Quadratura*

infinitarum partium curvæ superficiei conicæ.
Res nota est & pervulgata Vivianium,
ut irrideret credo analysis studiosos, quæ-
sivisse ab iis formam Testudinis Hemisphæ-
ricæ, sed quatuor æqualibus ac similibus,
similiterque positis fenestris ita interruptæ,
ut his detractis reliquum hemisphæricæ super-
ficiei sit absolute quadrabile; & extitisse
Leibnitium, qui eodem die, quo accepit
hujusmodi ænigma (sic enim appellabatur
a Viviano) illud ipsum non uno, sed
plurimis modis, suo usus calculo solvit.
Postquam hæc acciderunt, Vivianus edidit
*Exercitationem mathematicam de formatione
& mensura fornicum*, qua non solum com-
memoratum problema elegantissime solvit,
sed de aliis quoque fornicum generibus
multa sane curiosa in medium attulit.
Hanc exercitationem Grandius Latinam
fecit, & in eam permulta addidit de suo,
cum demonstrasset, Cavalerii methodum
indivisibilium adhibens, omnia ea, quæ
Vivianus tantummodo proposuerat. Ad-
didit quoque appendicem, in qua de for-
ni-

nicibus agens conicis demonstravit, *quavis* portionem superficiei Conicæ rectæ esse ad portionem basis per cadentes a singulis punctis sectionis in subiectum planum perpendiculares, ichnographice determinatam, ut latus coni ad radium basis; quo innixus theoremate docuit, quonam modo in fornice conico fieri debeant fenestræ cum parabolicæ, tum hyperbolicæ, sic, ut quod superest quadrari possit. Hujusmodi testudines Vivianii exemplum secutus, qui novum suum velum *velum florentinum quadrabile nuncupavit*, tentoria, seu tabernacula Camaldulensia quadrabilia appellavit Grandius. Num autem ipse de se vere prædicaverit primum omnium dimensum fuisse ac descripsisse hujusmodi testudines, ii facile judicabunt qui allata a Grandio conferent cum iis, quæ in acta Eruditorum Lipsiensium an. 1696. (1) intulit mathematicus summus Jo. Bernoullius. Jure sæpe questus sum de Religiosis familiis, quod si quem inter suos inveniant, cui solers, ac provida mater natura digito

fere monstraverit, ut Grandio certe monstravit, quod tenere debeat iter, in disjuncta ac etiam contraria sæpe illum detrudant atque compingant. Dum igitur Grandius Florentiæ elaborabāt, ut perfectus Geometra evaderet, missus Romam fuit ad tradendam suis rerum divinarum scientiam. Impositam Theologi personam ita sustinuit, ut non abjecisse illam Geometriæ ostenderit. Quapropter frequentissime versabatur cum Dominico Quartaronio aliisque celebrioribus Mathematicis; tantum dabat Geometriæ non solum, sed etiam Analyti temporis, quantum scholæ superesset, & ipsas interdum theologicas quæstiones illustrare se melius posse arbitrabatur, si iis Geometriæ lumen addidisset. Sic cum de Visione Dei ageret, ut unam rem ex. g. ponam, exponebat discipulis suis animadversa a sese de seriebus decrefcentibus, harum symptomata spatiis hyperbolicis comprobans. Mansit Romæ Grandius ad Octobrem usque an. MDGC., quo tempore, commendatione maxi-

xi-

xime Cardinalis Norisii, in Pisana Academia extraordinarius Philosophiæ Doctor declaratus est. Ea quæ docuit non multum a Cartesianorum disciplina abhorrebant; & quamvis non ignoraret etiam, quæ alii Physici & Galileus in primis tradidissent, non tamen multus in iis erat, quod hujusmodi studia non plane ingenio suo satisfacerent. Quapropter non dubitaverim Grandium Neoptolemo illi assimilare, quem Cicero apud Ennium dixisse narrat: *philosophari sibi necesse esse, sed paucis; nam omnino haud placere*. Studia, quæ ducebant inflammabantque Grandium, ea ferme erant, quæ ad Mathesin spectarent: neque enim poterat tale ingenium, nisi in explorata veritate, adquiescere. Illa se provehere arbitratus est, si proprietates Logisticæ, seu Logarithmicæ lineæ ab Hugenio extrema in dissertatione *de causa gravitatis* propositas, minime vero demonstratas, ipse pluribus modis demonstrasset; quod cum felicissime præstiterit homo ingenio prudentique acutissimus, nemo existimabit

rem mediocris ipsum præstitisse laudis, ac gloriæ. Vere enim Galileus: *Longe sublimioris ingenii est alieni Problematis enodatio, aut ostensio Theorematis, quam novicujuspiam inventio. Hæc quippe fortunæ incertum vagantibus obviam plerumque esse solet; tota vero illa, quanta est, studiosissimam attentæ mentis in unum aliquem scopum collimantis ratiocinationem exposcit. Nemo est, qui ignoret theoremata illa ad Logisticam pertinentia magnos usus attulisse Hugenio ad explicandum motum corporum in resistenti medio, sive manu projiciantur, sive proprio pondere ipsa descendant. Sed Grandius, quamquam videbat si ea theoremata solverentur, magno Phycis usui fore, non tamen Phyci partes agere voluit, præsertim cum dissentiret (& jure quidem) ab Hugenio, qui in ea erat sententia, resistentias mediorum crescere eadem ratione cum velocitatibus corporum. Continuit ergo se finibus Geometriæ: neque sola theorematum demonstratione industriam definiivit suam: multa præterea*
em

eam occasionem nactus in medium attulit, ex quibus ea lectori seponam, quæ scriptoribus Lipsiensium Actorum magis videntur placuisse. Ac primum quidem rationem tradit universe inveniendi tangentes, easque exhibet singulatim omnium hyperbolarum, parabolarum, infinitarum spiraliū, concoïdum varii generis, aliarumque curvarum, nec non expansæ ungułæ cylindricæ, immo omnium ungułarum, etiam ex cylindro non circulari abscissarum. Ad hæc dimensionem geometricam exponit infinitarum parabolarum, hyperbolarum, spiraliū, etiam geometricæ, cycloidis, variorumque illius segmentorum, cissoïdis, & ejus segmentorum, tractoriæ, itemque solidorum ex hemicycloïde circa tangentem verticis, & ex cyissoïde circa asymptoton, vel ei ex vertice parallelam revolutis, genitorum. Rationem quadrandæ hyperbolæ per tractoriam docet. Ostendit aggregata quotlibet terminorum geometricæ proportionalium ad eandem seriem pertinentium, si semper a minimo

ini-

initium fiat, esse inter se, ut differentiæ sunt terminorum maximi, & minimi; magnitudines incommensurabiles per ablatam quantitatem qualibet data minorem fieri posse commensurabiles; cujusvis figuræ convolutæ, ejusve partium ad circumscriptum sectorem, & ejus zonas eandem proportionem esse ac conoidis ab evoluta figura genitæ ejusve partium ad circumscriptum cylindrum, tubosque cylindricos; spatium a curva quavis contentum linea, vel unamquamque ejus partem, æquari spatio, quod subtangentes implent ad curvam ipsam, vel respondentia basis puncta applicatæ; solida omnia ex infinitis Logisticæ spatiis esse, ut quadrata sunt radiorum basis, & portiones, ut differentiæ inter quadrata extremorum radiorum; cujuscumque logisticæ spatium & subtangentem tam esse utrumque alterius submultiplex, quam submultiplicata ordinatarum ratio. Nec declarare prætermittit, quænam sit ratio conoidum ex infinitis parabolis ad circumscriptos cylindros, vel

conos, item ex infinitis hyperbolis ad inscriptos cylindros, & fusi cycloidalis ad cylindrum. Ostendit etiam spatium hyperbolicum æquari rectangulo ex ordinata in alteram Logisticæ subtangentem. Regulam proponit generalem, ex qua cognosci possit, quando spatia infinite longa, aut infinitæ terminorum series finitam æquent quantitatem, quando infinitam. Docet spatia logistica ratione data dividere; hyperbolam, quæ logisticam non modo datam, sed etiam in dato puncto tangat, ducere; eidem logisticæ, immo figuræ cuicumque, data eius tangente, maximum parallelogrammum inscribere. Distantiam inter centrum gravitatis trilinei cycloidalis, atque tangentem verticis dimidio radio æqualem demonstrat. Definit distantiam centri gravitatis semicycloidis, & ejus trilinei a basi, & a vertice, cycloidalis spatii ab asymptoto una cum centrâ gravitatis diversarum conoidum. Ostendit demum, quomodo inveniatur centrum æquilibrii in libra longitudinis infinitæ, pon-

de-

deribus Geometrice decreſcentibus, & æque diſtantibus onerata. Quæ dum omnia tractaret, plurimum uſus eſt lineis illis curvis, quas *Correlatas* vocavit, quarumque ſe inventorem putabat. Nec immerito. Nam quamvis earum antea indicia dederint Robervallius, atque Jacobus Gregorius, nondum tamen ad ejus manus eorundem opera pervernerant; obſtupuitque poſtquam inter Gallos & Britannos de hujusce inventionis gloria litem eſſe intellexit. Addidit libro epistolam quamdam ad Thomam Cevam e S. J. virum ſane omni liberali doctrina ornatum, quo neminem conjunctiorem tum ipſe habebat, & quocum jamdiu ei commercium erat de rebus ad mathematicas diſciplinas pertinentibus. Et proſecto hic erat epistolæ locus opportunus, & aptus ad ea, quæ antea tractaverat Grandius. Agit enim de logiſtica ex quodam cylindro reſecta, qua occaſione alia multa traduntur in quibus ſpiralium diverſi generis origo, ſpiralis Archimedeæ,

deæ, & parabolæ Apollonianæ æqualitas, infinitarum parabolæ & spiralium comparatio, novus cycloidis rectificandæ modus, & alia istius generis plura. Neque hoc in loco tam vera invenire quam falsa convincere voluit Grandius, cum contenderet Sturmium, Guarinium, & Rinaldinium ea in re lapsos esse, quod spiralem semicircumferentiæ circuli genitoris æqualem, non vero majorem esse putaverint. Borellio quoque rationem fugisse affirmanti, duas ejusdem spiralis revolutiones esse inter se, ut sunt circulares zonæ quibus comprehenduntur. Si quis vero hæc minus prædicanda esse duxerit, quod nunc sublimioris Analysis ope paucis lineis confici ea omnia possint, quæ Grandius multis paginis exposuit, nã ille vehementer errat. Magno enim semper in pretio fuit veterum Geometria, semperque erit, quam dum tractaret Grandius satis ostendit, singulari ingenio se præditum esse ad omnes statim noscendas vias, quibus eo, quo intendebat, perveniri

niri posset, nec minori judicio ad rectissimam, expeditissimamque eligendam. Et hæc quidem facultas exercitatione atque usu adolescit quidem, minime gignitur. Suppeditatur illa ab ipsa natura, adeoque dominatur in omnibus disciplinis & artibus, ut sine ea nemo possit ad excellentem præstantiam pervenire. Porro homines summi summis laudibus debitam, meritamque gratiam retulerunt Grandio, postquam in vulgus editum utrumque opus viderunt *de theorematibus Huguenianis, & de problematibus Vivianeis*. Ego vero, quamquam consuevi sensa potius, quam verba ipsa, ac testimonia laudatorum referre; malo tamen hoc in loco consuetudini meæ, quam gloriæ Grandii deesse. Sunt enim illa magnifica, ac prorsus singularia. Ut legi, inquit Eustachius Manfredius, *Demonstrationes tuas Vivianecas, ac Huguenianas, statim judicavi posse te cum præcipuis ævo nostro Geometris conferri, & ex Italis certe conferri tecum posse, quod sciam, neminem*. Jacobus Her-

man-

mannus hæc ad ipsum Grandium scripsit :
*Vivianeæ, & Hugeniæ theorematâ magno
 cum acumine demonstrata dedisti, & ad
 multas alias meditationes geometricas metho-
 dos tuas mira cum dexteritate extendisti,
 quâ in re & id etiam inter alia magni
 faciendum puto, quod omnia ad simplicissi-
 ma, Geometria Euclidea, & Apolloniana,
 elementa summa cum perspicuitate revocasti,
 in quo potissimum Geometricarum Demonstra-
 tionum elegantia consistere mihi videtur. Isa-
 acus vero Newtonus his verbis Grandio
 litteras dedit. Accepi librum D. Viviani
 de locis solidis, ut & libros tuos, in qui-
 bus Geometria demonstras problemata Viviani,
 & Hugeni, & pro tanto munere gra-
 tias ago quamplurimas. Geometriam Vete-
 rum adhuc florere & vestris eximiis inven-
 tis, ac demonstrationibus auctam esse valde
 gaudeo. Hyeme præterita librum de rebus
 opticis, & origine colorum olim scriptum in
 lucem edidi, cujus exemplar ad te mitto.
 Anglice scriptus est, & sub finem invenies
 libellum unum, & alterum de rebus mathe-*
 ma-

*maticis idiomate Latino, quorum gratia totum mitto. Utinam tanto judici non displiceant. Nec illud quoque ad laudem Grandii mediocre fuit, quod cum Gravefandius opera Hugonii omnia collegisset, edidissetque in lucem, locum inter ea dederit Geometricæ Demonstrationi theorematum Hugonianorum, in qua etsi pauca quædam notare se posse putavit, integrum tamen opus summo dignum esse Geometra judicavit. Hoc opus secutum est illud, quod inscribitur: *Quadratura circuli & hyperbolæ per infinitas hyperbolas & parabolas geometricè exhibita &c.* Volebat sane Grandius, tamquam viam aliquam longam, difficillimamque confecisset, omnibus ostendere, quale illud esset, quo pervenisset, imitatus Gregorii a S. Vincentio, Nicolai Mercatoris, & ipsius Newtoni exemplum, qui quamvis circuli quadraturam desperandam esse, utilissime tamen tentari posse putarunt. Quæsitum primo num quadratura parabolæ, qualis ab Archimede proposita fuit, cum*

qua-

quadratura Circuli commune aliquid haberet. Ex quidem observavit, quemadmodum prior per infinita triangula recte procedit, sic alteram procedere per infinitas hyperbolas, quæ quadrari queant, eodemque modo quadraturam hyperbolæ per infinitas parabolas obtineri posse. Sed hæc observatio nihil proderat Grandio, eo quia series triangulorum Archimedeorum, utpote constans ex terminis in ratione geometrica decreascentibus, summari poterat: quod aliter eveniebat in hyperbola & parabola, quarum series constabant ex terminis diversa lege progredientibus; quapropter haud poterant nisi proxime summi. Id quamvis Grandius probe nosset, nihilo tamen minus in medium proferre statuit cogitata sua; quam rem dum aggredditur, audit nescio quid simile de hyperbola Nicolaum Mercatorem in sua *Logarithmotechnia* proposuisse. Itaque re in aliud tempus dilata, nihil non egit ut analogiam suam longius proveheret, invenitque tandem cum per hyperbolas, tum

per parabolas quadrari proxime posse circulum & ipsam hyperbolam. Hoc præcipuum fuit argumentum libri, quem anno MDCCIII. vulgavit, nuncupavitque Io. Gastoni Mediceo. Quoniam vero ea est circuli, & hyperbolæ natura, ut dimensio utriusque nonnisi per infinitam seriem quadrabilium terminorum haberi possit, nullaque geometrica linea, cujuscvis ea sit ordinis, se definiri patiatur, hinc e re sua fore putavit Grandius, si subsidia a sublimiori Analyfi petiisset. Qua de re plurimum commendatus est a Leibnitio gratulante non tam Grandio, quam Italiæ universæ, quod *illo in primis duce* (2) in admirabilis, utilissimæque scientiæ cognitionem ipsa pervenisset. Hoc loco descripsit Grandius curvam illam lineam a se excogitatam, quam *versoriam* appellavit. Mira prorsus est lineæ proprietas, quod quamvis duplum minime excedat circuli genitoris, si tantillum circa axem versetur, solidum procreat vere infinitum, Multum & frequenter usus est Grandius hu-

hujusmodi linea in definiendis tum intentionibus lucis, tum sollicitationis, ut ajunt, gradibus, & scala velocitatum in Newtoniana gravitatis hypothefi. Quemadmodum per has scalas ad sublimiores tum Physicas, tum Geometricas veritates ascendi possit suo exemplo ostendit Grandius, monens tamen circumfpectione quadam opus esse, cum fieri posse diceret, ut minus cauti in hisce scalis ruinæ periculum non ascensum inveniant. Dum hæc exponeret alia quoque subjecit geometrica inventa, quæ quasi aliud agenti ultro se obtulerunt, quæque ingrati fuisset contemnere. In his numerari debet nova ratio mensurandi infinita spatia curvilinea, rectificandique innumeras curvas lineas. Proposuit postea, cum secundo typis librum commisisset, novam rationem quadrandi hyperbolam adhibita proportionem ex infinitis aliis composita, novamque intulit demonstrationem quadraturæ circuli per infinita rectangula. Quæ vero ad solvendum problema quoddam a

Bernoullio propositum, sibi que a Leibnizio communicatum (3) exposuit eo in loco (4) ubi de variis modis transformandi curvas tum superficies, tum lineas in alias diversæ speciei agit, talia quidem sunt, ut eo vel uno constare possit argumento, in ea Geometria, quam syntheticam vocant, Grandium illa quidem ætate cessisse nemini. Et quoniam enumerare omnia, quæ in ejus libris admirabilia sunt, magnum esset, juvat recensere maxima, atque ita, ut, si quibus Geometriæ studia minus sapiunt, ii etiam intelligant in quantum gloriæ fastigium eorum ope venerit Grandius. At mirum quantum ipse tribueret suæ Geometriæ. Per eam enim explicare se posse putabat, quomodo ex nihilo creatus sit mundus (5), & quomodo in ovo, & feminibus insit vis earum rerum, quæ ex ipsis progignuntur (6); ex ea nasci omnia commoda vitæ, omnemque pene cogitationem mentis divinæ, rationemque naturæ ab ipsa pendere. Videre mihi videor Grandium;
post-

postquam infinite parvorum Geometriam sua in potestate habuit, in excelsa loco positum, exultantemque lætitia, quod non solum longe lateque patentes regiones unico oculorum intuitu perspicere posset, sed prope etiam superbientem, quod per eam infinitates omnes rerum, & naturæ peregrinari, & tenere se posse consideret. Quoniam autem vir alta quadam mente præditus non facile modum tenet, vel ultra infiniti terminos progredi se posse speravit; unde etiam cum Varignonio in certamen venit, aliisque Geometris Gallis, qui Wallisii plusquam infinita hyperbolica spatia tamquam repugnantia a Geometriæ finibus in exilium agebant. Itaque edito libro *de infinitis infinitorum, & infinite parvorum ordinibus* ostendit hyperbolas altioris ordinis, licet ex una parte finitum spatium comprehendant, ex alia tamen usque adeo spatium plusquam infinitum continere, ut etiam infinite majus sit eo spatio, quod ab Apolloniana hyperbola circumscribitur, quo-

circa spatium Apollonianæ hyperbolæ, licet utraque ex parte jam infinitum, quantumvis adhuc multiplicatum, semper minus ostendi quovis spatio ad unam asymptoti partem ab altioribus illis hyperbolicis contento, & qualibet etiam aliquota ipsius parte; ac demum ita comparari debere spatium infinitum hyperbolæ Apollonianæ ac ea spatia quæ ab altioribus comprehenduntur hyperbolicis, ut quædam finita quantitas ad infinitam, ut 0 ad 1. De natura igitur infinitorum, variisque tum infinitorum, tum infinite parvorum ordinibus sic egit Grandius; tam multas hyperbolarum Wallisii demonstrationes tamque acutas invenit, ut Anglorum causa contra Gallos probabilior eo patrono videretur; quæ res maximi fuit Grandio adjumenti ad hominum famam colligendam, seu potius augendam. Verum cum Varignonius non solum in sua persisteret sententia, sed quereretur etiam de Grandio, quod illam oppugnasset, hic suæ existimationis esse putavit *Prostasi* quadam illa diluere, quæ

quæ objecerat adversarius, intuleratque in volumen an. MDCCXII. Actorum Lipsiensium. Neceſſe præſertim habuit declarare, id quod pluſquam infiniti nomine vocabat non eſſe magnitudinem utcumque alia infinita majorem, cum infinitæ magnitudines ſecundum quorumvis numerorum rationes aliæ aliis majores, aut minores eſſe poſſint, quin eundem inferiorum ordinem tranſgrediantur; ſed tales ſe intelligere magnitudines, quæ ab infinitorum ordine emergentes ad ordinem altioreſ eleventur, ut finitis magnitudinibus accidit, ubi ad ordinem infiniti tranſierint. Si hæc bene poſita principio fuiſſent, non torſiſſet homines doctos nominis controverſia, quæ quidem honorabilis eſt Geometriæ, cum in hac facultate nullus eſſe poſſe videatur diſputationi locus, niſi cum minus dilucide proponitur, quid ſit id, de quo quæritur Num vero exiſtentibus magnitudinibus pluſquam infinitis, varii infiniti gradus exprimendi potius eſſent per rationem duplicatam,

triplicatam, quadruplicatam &c. rationis simpliciter infinitæ, quam per rationem positivi ad negativum, non conveniebat inter eos ipsos, qui has plusquam infinitas magnitudines libenter agnoscebant. Et justam reprehendendi sui causam dedisse visus est Grandius doctioribus viris, quod priorem minime sit amplexus sententiam. Dissensit etiam cum Varignonio, quod hic asseruerit angulum contactus esse æqualem angulo ad centrum circuli osculantis; & varietatem hypothesis, a qua uterque discedebat, causam credo contentionis intulisse. Alter enim curvas ex elementis circularibus, alter ex rectis compositas animo concipiebat. Uterque sane recte. Neque enim fieri potest, ut his in rebus quis in errorem labatur, si eandem semper hypothesis retineat, nec ab una in alteram transeat. Hujusmodi controversiæ magnos rumores excitarunt, quod non tam duorum hominum agi causa videretur, quam Academiæ Londinensis, & Parisiensis. Addeant vero animos Grandio, quæ

quæ de Hæaco Newtono narrabat Henricus de Nova Villa his verbis ad eum scribens : *Te certe , & tua studia amat , laudatque plurimum , ac patriæ suæ denuo gratulatur talem nobis & veritati contra Parisienses æmulos fautorem vindicemque obtigisse .* Fuit & alia caussa , quare Grandius pro Anglis acerrime contendere perseveraverit . Nam cum in Londinensem Academiam anno MDCCIX. adscriptus fuisset , volebat omnibus ostendere se de ejus gloria plurimum laborare . Præterquamquod ita natura comparatus erat , ut nescisses utrum veritatis , an contentionis cupidior esset . Qua re factum est , ut minime ei defuerit voluntas longius protrahendi disputationem , quamquam Varignonius nullum *Prostasi* responsum dederit ; sed adversarii mors , cohortationes amicorum , & quæ antea scripserat Leibnitius (7) retuleratque in Acta Lipsiensi ad componendas lites , & ad defensionem suæ methodi *infinitesimalis* illum a proposito revocarunt . Habuit iisdem temporibus Grandius

dius alios adversarios, quibuscum ingenium, & iracundiam suam exerceret. Rogatus a Bartholomæo Interio quid sentiret de libello quodam Lucæ Antonii Portii (8), cui propositum fuerat ostendere momenta corporum gravium in plano declivi descendentium non habere æqualem, sicuti ex vero docuerat Galileus, sed majorem proportionem ad eorundem momenta, dum illa ad perpendicularum cadunt, quam habeat altitudo plani ad suam longitudinem, ingenue per litteras respondit certissimisque argumentis probavit, non Galileum, sed Portium errati culpa teneri, quod falso ipse sibi persuaserat corpus premere inclinatum planum vi haud quidem eidem plano, sed horizonti ad perpendicularum directæ. In quo cum Portii lapsum coarguit, tum etiam Vitalis Jordani intulit mentionem, qui pari in re antea offenderat, editaque epistola affirmarat modo majorem, minorem modo esse hanc proportionem, & esse posse etiam æqualem, siquidem planum, quo
gra-

grave corpus sustinetur, angulum xxxv. graduum cum horizonte efficiat. Neque vero in eo convincendo, errorisque causis aperiendis laborandum sibi esse duxit, rem dicens in aperto positam, si quis hæc studia vel leviter attigisset. Hæc Grandii ad Interium Epistola ipso, ut affirmabat, inscio edita Romæ fuit, graviterque Jordanum pupugit, quasi ab ipsa in contemtionem adduceretur. Dubitavit aliquandiu, num ei responsum redderet, quod in sene decrepito contenderet tranquillitatis amor cum gloriæ desiderio. Pervicere tamen Hieronymi Tambuccii sollicitationes precesque; ejusque nomine, qui sui olim fuerat auditor, edidit Romæ Epistolam an. MDCCXI., quam Josepho Davanzato nuncupavit. In ea se fore acerrimum dignitatis suæ defensorem prædicabat. Tota vero ipsius defensio illo præsertim nitebatur fundamento, quod corporum gravium directiones haud sint inter se parallelæ, verum omnes in terræ centrum vergant. Neque eo contentus Jor-

da-

danus fuit, ut pro se ipse causam diceret. Multa præterea senili quadam rabie criminose congeffit ad deprimendam famam adversarii, quem talem esse affirmavit, ut cogitationes suas assequi non posset; minimeque propterea admirandum, si dum eas convellere voluit, in varios ipse inciderit errores. Credo ipsum postea pœnituisse quod inhumane adeo provocaverit Grandium, eamque epistolam malis ominibus prælo datam votis lamentisque revocasse. Etenim alter cum finxisset ultorem esse injuriarum suarum Marium Cænigam discipulum suum, memoratam ad Interium Epistolam iterum typis mandat, novisque adnotationibus ornat, quod se improbare diceret illas, quæ aliena manu ad mordendum præsertim Portium antea conscriptæ fuerant. Tali modo, & id quod intendebat exquisitiõibus rationibus confirmare, & quæ contra objecerat Tambuccius refutare potuit. Quod vero tum ille, tum ejus præceptor in minimis tenuissimisque rebus lapsi fuissent id satis esse argu-

gumenti dixit, non plus eos attigisse Geometriæ, quam pueri solent; hocque ut magis magisque hominibus comprobaret, Tambuccium ad solutionem cuiusdam problematis (9) invitavit. Non recusavit Tambuccius doctrinæ suæ periculum facere, sed eo successu, ut edita *responsione ad Cænighianam epistolam* novis reprehensionibus causam dederit. Etsi non tam reprehensor Cæniga, quam acerbissimus accusator voluit videri in ea, quam ad Tambuccium hac de re scripsit, epistola. In hanc vero non solum retulit, quæ Grandius, sed etiam, quæ alii Mathematici Hermannus, Fagnianus, Gallianus, & Lorenzinius excogitaverant, invenerantque ad illud solvendum problema, addiditque etiam in fine nonnulla sane utilissima ad Locorum Geometricorum doctrinam spectantia, ut compensaret credo offensionem, quam plerique ex hujusmodi scriptis querelarum, & jurgii plenis excipiunt. Ex iis, quæ sunt in extrema epistolæ pagina apparet, dum hæc typis imprimerentur, secundo in publi-

blicum prodiisse Tambuccium partim emendantem, partim, ut est hominum vulgus, confirmantem veteres errores suos. Quid quæris? Tæduit tandem Grandium cum imparibus adeo se dimicare adversariis, & finem huic disputationi facere se debere putavit illis de Quintilio Varo Horatianis versibus.

Si defendere delictum quam vertere mallet

Nallum ultra verbum, aut operam sume-

bat inanem;

Quin sine rivali teque, & tua solus ama-

res.

Non tamen dissimulare postea potuit Grandius, sibi, quæ acta fuerant, displicuisse, præsertim cum rumor esset, summum dolorem, quem in hac disputatione coepit Jordanus, mortem ei attulisse. Sed nunquam ego sum adductus ut istud credam; & ea quæ extremo tempore vulgavit Jordanus non mediocria dedere indicia mitigati animi sui in Grandium (10). Dedere & æquitatis cum professus fuisset plura falsa, & plena erroris esse in epistola,

quam

quam supra commemoravimus, ad Davanzatum. Ut vero par pari referret Jordanus Tambuccii nomine proposuit Cænigæ bina problemata, quæ nunquam fuisse soluta falso affirmavit is quem habuit rerum suarum scriptorem (II). Etenim minime in manus ejus pervenerant dialogi quidam, in quos conjecta fuerat illorum problematum solutio, quosque exaravit Grandius cum inter se, & Alexandrum Marchettum mathematicarum disciplinarum in Academia Pisana Professore orta esset acerrima sane contentio. Hujus initia, & tamquam semina fuerunt invidiæ sensus qui solebat lacerare Marchettum; præterea spes filio erepta succedendi muneris suo, postquam Magni Erruriæ Ducis Mathematicus dictus est Grandius; denique hujus hominis liberior quædam licentia, qua de mathematicis Marchetti scriptis judicium ferebat. Erant & malevoli, qui rumoribus improbissimis dissipatis, nascentia odia inflammare studebant. Hæc inclusa aliquandiu intra unius Urbis mænia,

nia, postea in apertum erupere. Nam Marchettus vulgata verbosiore, quam vel ipsius fautores voluissent, epistola ad Bernardum Trevisianum, jure se de Grandio queri posse putavit ob ea, quæ de se ille scripserat, cum secundo edidisset librum *de Quadratura circuli, & hyperbolæ*, quæque nos in commentariolum de vita ipsius Marchetti retulimus. Quæ huic tam loquaciter litigioso responderit Grandius eodem in loco significavimus, neque talia esse putamus, ut iterari singula debeant. Non enim tam se ipsum defendere voluit, quam proterere & conculcare adversarium, cujus in libro *de resistantia solidorum*, quo maxime is gloriabatur, triginta & ultra propositiones partim falsas, partim non bene declaratas, partim male demonstratas corrigendas suscepit. Quod vero ad duo illa capita spectat, in quibus maxime versari disputatio videbatur, de solido parabolico æqualis ubique resistentiæ, etiam cum utrimque fulcitur, & de infinitis *zeris* ad
quam.

quamlibet finitam quantitatem generandam idoneis, in quorum altero Marchettus Galileum emendaverat, alterum exprobraverat Grandio, hic quidem nihil non egit, ut illa infirmaret, atque dilueret; sed quam vere, ii facile judicabunt, qui utrumque legerint. Quatuor in hac controversia Dialogos scripsit Grandius, quorum primum tantummodo in vulgus edidit, reliquos edere ab Academiæ Pisanæ curatoribus prohibitus. Ex his tamen multa sumpsit ad componendum librum, quo se, Galileum, & Vivianum purgandos, arguendumque Marchettum putavit. Nonne id agendum nobis fuit, aiebat Grandius, ut materiem subtraheremus insolentiae illius, & summorum virorum famæ consuleremus? Interpretatio sententiæ Galilei ad illam errore liberandam plus acuminis, quam veritatis habet. Quid ni potius confessus est Grandius lapsum quidem Galileum fuisse, quod putaverit solidum parabolicum non ellypticum requiri, ut fulcris utrimque impositum ubivis

æqualiter resistat, sed hujusmodi erratum facile ignoscendum esse homini, qui primus omnium difficillimam, utilissimamque scientiam, quæ ad corporum resistencias pertinet, omnino genuit? Dum hæc tractaret Grandius nonnulla ex interiori Geometria petita addidit, atque attulit de suo, quæ mirifice amplificasse hanc mechanices partem merito judicavit Physicus summus Musschenbroekius (12). Non æque tamen placuerunt nonnullis præclarissimis viris, si Leibnitium, aliosque paucos excipias, quæ de creatoribus suis *zeris* in medium protulit; reprehensusque a Varignonio, & Wolfio fuit, quod *zerum*, ut ipsi loquebantur, *absolutum* pro *relativo* sumere videretur. At vero eorum, qui a Grandio stabant, hæc erat ratio defensionis: cum ille infinitum nominabat, nullum aliud infinitum, quam maximi ordinis designasse; eodemque pacto, quoties *zerum* diceret, toties infinitesimum infimi ordinis intelligi voluisse, quod ex ejus sententia idem erat ac nihilum absolutum:

Hoc

Hoc autem multiplicato cum maximo infinito non videre se, quare non idem gignere deberet, quod simul gignunt infinitesimum, & infinitum primi ordinis, vel infinitesimum, & infinitum secundi, vel cæterorum ordinum, id est eandem unitatem. Illud & addebant, quod omnium maximum argumentum ad rem suam probandam fortasse putavit Grandius. Dividatur unitas aliquo numero, habebis fractionem eo minorem, quo major est divisor, adeo ut si hic in infinitum crescat, ipsa abeat in nihilum. Quia vero fractio cum suo divisore multiplicata eundem divisum numerum reddit, hinc si qua fractio ob infinitum divisorem ad nihilum redacta cum eodem divisore multiplicetur, unitatem restituere debet. Jam si divisor ponatur esse infinitum maximi Ordinis, quæ hinc oritur fractio erit infinitesimum ejusdem ordinis, id est *zerum*, quo proinde in divisorem suum multiplicato priorem unitatem restitui necesse erit. Mitto argumentum alterum e natura

rapiat. Si velocitas illa minuatur, depo-
 net materiam, & alveum attollet. Jam
 vero quis non videt, fluvium interposita
 cataracta retardari? Igitur materiam ad
 fundum dejiciet, primum quidem pone
 cataractam ipsam, donec cavum repleat
 usque ad cataractæ fastigium; & alveum
 sibi munit longo tractu horizontalem;
 deinde cum segnius adhuc labatur, pro-
 pterea quod nihil in hoc tractu devexum
 habet, eaque segnities ad superiores quo-
 que aquas transferatur; materiam & per
 hunc quem diximus tractum, & per to-
 tum superiorem alveum aliam atque aliam
 dejiciet; neque desistet, donec declivitates
 omnes adipiscatur, quas ante habuerat; has
 enim adeptus velocitatem recuperabit suam,
 & admixtam sibi materiam secum deferet.
 Atque his sane novus fiet alveus, qui
 a summo cataractæ fastigio ad ultimam
 usque fluvii originem protendetur, vel
 certe ad cataractam usque superiorem si
 qua sit, ibique cum alveo veteri conjun-
 getur, & hunc ipsum veterem alveum

devexitate & flexu omni imitabitur. Sic disputabat Grandius, cujus argumenta perpendens Joannes Baciallius homo mathematicarum rerum scientia excultus vix aliquid invenit, quod concederet. Nam neque alveus a summa cataracta usque ad originem fluminis, aut ad cataractam aliam superiorem attolli creditus ei est, neque ibi alveo veteri occurrere, neque declivitates easdem, quas ante habuerit, sibi componere; neque omnino ad altitudinem evehi tantam, quanta putabatur. Quæ ipse exposuit ad opinionem suam comprobendam, non multum ab iis aliena, quæ Eustachius Manfredius hac eadem de re rogatus sententiam ipsi Grandio objecit, legi possunt in parte I. voluminis II. Commentariorum Academiæ Bononiensis. Interrogatus Grandius a Francisco Ferronio de iis, quæ conducere putabat ad exsiccanda ipsius prædia posita in Valle Nebulæ tribus editis scriptis ostendit, quæ commoda ex derivatione turbidarum aquarum in eadem prædia sperari

da proponeret. Profecto si adversarii dignitati pepercisset Grandius, magis ipse servasset suam; meminisseque debebat viros bonos malle commemorare, se cum vincere possent pepercisse, quam cum parcere possent vicisse. Duravit isthæc concertatio ad annum usque MDCCXIV., quo tempore Marchettus diem obiit supremum, vacuumque fecit Grandio mathematicarum disciplinarum Cathedram, in qua, ut diximus, præcipua constitit caussa inimicitiarum. Subinvidere Marchettus Filius, aliique, sed frustra. Intelligebat enim Cosmus Magnus Dux neminem esse in Etruria, qui ex mathematica laude aspirare ad Grandium posset; quapropter e re sua fore putavit, si ejus opera uteretur non modo in docendi munere, sed etiam in omnibus iis rebus, quæ Mathematici prudentiam requirerent. Erat controversia inter nobiles quosdam Florentinos, num ad pistrinum faciendum in flumine Era construi posset genus illud cataractarum, quod nos dicimus *Pescaje*

enim omnes usu, diligentia, atque prudentia. Præterquamquod videbatur interdum Grandius nimium indulgere & concedere Geometriæ & calculis, qui quidem partes agere debent in re æquaria, sed minime primas. Etenim naturæ experimentis res universa præfertim subniti debet. At si fefellit nonnunquam Grandium Geometria sæpissime eundem direxit ad veritatem, ut mihi utrumque collaudandum esse videatur, quod res hydraulicas pertrahens suis erratis cautiores, & præclaris inventis prudentiores fecerit homines. Idem vero & de ipsa scientia, deque Italia, cujus illa est propria, præclare meritus est, cum auctor & adiutor fuisset Thomæ Bonaventurio ad perficiendum opus, quod inscribitur *Raccolta di Autori, che trattano del moto dell'acqua*. Ab Archimede initium faciendum ipse putavit; obtinuitque a Jo. Bottario politissimo sane scriptore, ut in Italicum converteret, quod ad nos pervenit ejusdem

dem opus de rebus iis, quæ aquæ insident. Contulit vero ipse plurimum laboris ad contexendum librum, qui valeret non solum ad augendam collectionem illam, sed etiam ad hydrometriad amplificationem. Sunt in eo nonnulla, quæ non semper cum experientia congruunt; quæque propterea ad calculos Geometriæ frustra revocaveris. Sunt vero alia multa, & subtiliter inventa, & eleganter firmeque probata, quibus sæpe cum laude Grandii usus est Eustachius Manfredius in illis suis doctissimis commentariis ad aureum Gulielminii opus de fluminibus dirigendis. Præ cæteris plurimi facere videtur locum tractatum uberissime de impetu aquæ, in aggeres ad cursum aquarum quomodocumque inclinatorum, quo in loco demonstrat Grandius vim, quam aqua in eisdem aggeres exercet, se habere ut aggeris longitudo, quadratum sinus inclinationis, nec non quadratum velocitatis aquarum. Multo ante a se meditata attulit Grandius ad

de-

rari potuissent, & quæ detrimenta non bene antea institutæ derivationes vicinis agris intulerint. Agros Pisanum, Grosse-tanum, aliaque loca sæpe jussu Principis invisit; sæpe etiam cœli salubritati, civiumque utilitati consuluit. De reducendo Rheno in Padum multum est, ac diu Romæ consultum, disputatumque acerrime Bononienses inter & Ferrarienses, cum eadem de caussa surrexissent quoque cum clamore Veneti, Mantuani, Mutinenses, Parmenses, cæterique Cisalpinæ Galliæ populi pene omnes. Harum disputationum caussa cum facile Grandius impetrasset a Cosmo, ut sibi ab Etruria, postulante præsertim summo Pontifice, abesse liceret, Romæ fuit toto ferme anno MDCCXVII. favitque plurimum & voce & scripto Bononiensibus. Neque id re incognita fecit. Antea enim cum Dominico Riviera Præsule amplissimo inviserat loca, unde averti, & per quæ deduci Rheni aquæ debuissent. Invisit iterum annis MDCCXIX. & MDCCXX. cum Præsule Ri-nuc-

definiendam velocitatem aquarum; & hanc subduplicatam esse altitudinum declaravit. Huic vero innixus principio confecit tabulam parabolicam, cujus ope velocitates, & quantitates aquæ e vase affluentis diversis altitudinibus respondentes inveniri possent. Arbitratur aquam prodire e vasis eadem velocitate, quam decidens corpus e suprema aquæ superficie in locum foraminis acquireret. Inæqualitas fundi & riparum ex ejus sententia parum aut nihil fluminum cursum retardat. Secutus exemplum Bernardini Zendrinii, & Ioannis Bernoullii transferre se posse putavit ad motum fluminum, quæ de virium compositione & resolutione tradiderunt Mechanici. Inclinatebat animus illius, ut arbitraretur fluminum fundum ad cycloidis formam excavari, quod hæc sit curva linea celerissimi descensus, quodque æqualibus prematur ubique momentis. Hæc & alia hujusmodi dum proferret Grandius, non dolere debebat, ut doluit interdum, si quispiam

piam ab eo dissenserit. Profecto in hoc rerum genere omnis cognitio multis est obstructa difficultatibus, eaque est in ipsis rebus obscuritas, ut non sine causa e doctissimis viris nonnulli, invenire se posse quod cuperent, diffisi sint; alii vero, sicuti Alembertius, omnia ea, quæ sciri queant, ad duo vel tria capita redigi debere putaverint. Sed id satis superque de hydrometricis Grandii scriptis: non enim omnia, quæ exaravit, enucleanda, & quæ gessit aut Principis jussu, aut aliorum invitatu commemoranda esse existimavi. Neque vero Bonaventurio tum primum auxilio fuit. Etenim magna in eum Grandii merita jam ante constiterant, cum ipse novam operum Galilei editionem perficiendam suscepisset. Præclarum consilium, atque omni quidem laude dignum, eo præsertim tempore, quo potentes religiosi viri in Etruria, ut & alibi, quasi noctem quamdam rebus Physicis indignissime offuderant. Suscepit Grandius curam cogitationemque dignam doctrinæ suæ,

suæ, ut, quæ inchoaverat Vivianius *De*
Resistentiis ad illustranda hac de re Gali-
 lei cogitata, ipse perficeret, & in or-
 dinem redigeret. Reddere voluisse vi-
 detur Viviano, quæ Apollonio & Ari-
 stæo ipse præstiterat. Versatus erat eo-
 dem in argumento, ut supra posuimus,
 antea Grandius, cum edito libro respon-
 disse graviter contra Marchetti accusa-
 tiones. Et quidem tum demonstravit,
 qua ratione infinita solida æqualis resi-
 stentiæ inveniri possent sive ex una, si-
 ve ex utraque parte in muro figerentur;
 sive ratio haberetur, sive non, eorum-
 dem ponderis; sive partes ejusdem soli-
 di, sive plura & diversa solida ejusdem
 nominis inter se compararentur; cujus
 rei omne artificium in accurata conside-
 ratione duarum figurarum, a quibus so-
 lida genita esse intelligere possumus, con-
 sistere videtur. Transtulit hæc omnia
 Grandius in novum opus, quod injuria
 fortasse dixeris supplementum Vivianeï,
 adeo sunt multa, quibus illud ornavit,
 quæ-

quæque attulit non solum ad illustranda, elegantissimisque demonstrationibus confirmanda, sed sæpe etiam ad illius cogitata divinanda. Neque est credibile, quam multa quoque ei venerint in mentem acuta atque subtilia, cum nonnulla, quæ Vivianius minus bene declaraverat, defendenda atque excusanda suscepit. In his excudendis noluit Grandius egredi fines, quos sibi Galileus & Vivianius constituerant, eaque propter in revocandis ad Geometriæ calculos solidorum corporum resistentiis nullam rationem habuit illorum texturæ, flexibilitatis, viriumque, quas corporum fibræ exercent, quamquam intelligeret ea omnia expendi & probari debere in tractatione artis atque usu. Nihil enim ex iis est, quod non ad opus faciendum, quasi ad scopum collineet. Dum hæc scribit, exulcerati animi prodit indicia: neque enim ita sibi imperavit, ut non aliquibus responderet sibi a Marchetto objectis, quamvis responsione indigna videri potuissent.

sent. Cætera suppeditata a Grandio, quæ comitantur operibus Galilei, non minorem laudem merentur. Spectant ea ad motum solidorum corporum in fluidis, & præsertim ad illustranda decreta Galilejana de accelerato motu cadentium corporum. Accurate definivit plana & scalas virium, velocitatum, temporum, & spatiorum, seu constans, seu varia sit gravitatis actio, sive per rectam, sive per curvam lineam corpora ipsa cadant; ostenditque mirum Galilejanarum legum usum vel in majoribus a centro distantis, in quibus locum habere possit gravitatis varietas. Inter multa præclara a Grandio hoc in loco demonstrata illa præstantissima merito judicantur, quæ ad celebre problema de linea *Brachystochrona* pertinent. Nemo ignorat Galileum putasse lineam celerrimi descensus circulum esse, quod erratum facile ii excusabunt, qui animadvertent, quæ sit rei difficultas, & quo in statu temporibus illis esset Geometria. Primi, qui palmam in hoc sta-

dio tulere, fuerunt Joannes & Jacobus Fratres Bernoullii, Newtonus, Leibniti-
us, & Hospitalius; sed nemo eorum
arbitratus est ad id, quod volebant, per-
veniri posse via veteribus Geometris usi-
tata. Hanc secutus est Grandius felicissi-
me; nec sane dubito, quin si exposita
ab ipso pervenissent ad manus Joannis
Bernoullii, idem dicturus fuisset, quod
accepta, quam Newtonus fecit, ejusdem
problematis solutione pronuntiavit, *se nos-
se Leonis unguem*. Vulgatus deinde liber
est de sectionibus conï anno MDCCXXII.
in eoque pressius & clarius a Grandio
tradita, quæ invenerat Apollonius. Mi-
rabitur fortasse aliquis hominem, qui lon-
ge plurimum in Geometricis rebus vale-
bat, descendisse ad elementa scientiæ tra-
denda. Sed ipsum non tam propria glo-
ria, quam publica utilitas delectabat.
Quamquam ex eo labore plurimum ce-
pit gloriæ. Etenim non solum celebrio-
res Italicæ scholæ, sed etiam exteræ
complures utilissime illo se uti posse ju-
di-

dicarunt, quod neminem parem haberet
 elegantia, & copia rerum cum brevitae
 conjuncta. Fit initium a relationibus,
 quæ sunt inter *ordinatas* ad axem ejusque
abscissas; hinc prodit theoria tangentium,
 a qua deinde progressio fit ad *ordinatas*
 ad Diametros quasvis. Porro *foci* deter-
 minantur cum proprietatibus inde penden-
 tibus, compluribus adjectis, quæ recen-
 tiores invenerunt. Quæ spectant assym-
 ptotos hyperbolarum plene cumulateque,
 & pro rei dignitate explicantur. Ubique
 vero, quæ generalia sunt & tribus se-
 ctionibus communia, unica propositione
 comprehenduntur, unica item demonstra-
 tione probantur. Sub finem libri dimen-
 siones variorum spatiorum ac solidorum,
 parabolicorum in primis, & hyperbolico-
 rum subjiciuntur, & plerumque per in-
 divisibilia, interdum etiam per spatia *dif-*
ferentialia, sed synthetice ubique demon-
 strantur. Commendationi libri magnus cu-
 mulus accessit, quod ex Italico in Hispa-
 nicum, & semel iterumque in Latinum

sermonem conversus sit; quodque addi-
tamenti & notis Christianus Hausenius,
& Octavianus Camettus, alter in Lipsien-
si, in Pisana Academia Matheſeos Pro-
fessor alter, ipsum adornarunt. Paulo
postquam hæc edidit Grandius, dono mi-
sit Regiæ Londinensi Academiæ Libellum,
cui nomen inditum *Florum Geometricorum
manipulus*. Lectissimi sane flores, quos
Geometriæ hortus a prima adolescentia
ab eo cultus, & semper auctus suppedi-
taverant. Horum nomine ipse signavit
figuras, curva linea quadam per aliquot
foliorum ambitum ab uno centro sese ex-
plicantium ducta, circumscriptas. Habet
vero pro numero foliorum flores *bifolios*,
trifolios, *tetrafolios*, *pentafolios*, *exafolios*,
quibus methodi gratia addit *unifolios*. Li-
neæ, quæ flores generant, *Rhodoneæ* ab
ipso appellantur. Hæ autem per termi-
nos incedunt infinitorum ramorum ab eo-
dem centro prodeuntium, nec non æqua-
lium sinubus angulorum in data aliqua
ratione respondentium angulis, quos ipsi
rami

rami cum recta datæ positionis comprehen-
 dunt. Constans illa angulorum ratio Rhodoneæ ipsius ratio propria appellatur. Simplex Rhodonea est, quæ unica perficitur circulatione, duplex quæ duplici, triplex quæ triplici, atque ita deinceps. Ejusmodi Rhodonearum proprietates præcipuas elegantissime enucleat Grandius, spatia & perimetros dimetitur, omnia XII. propositionibus complectens. Harum proprietatum ea maxime commemorabilis mihi videri solet, quod Rhodonea, quæ unica circulatione perficitur, dimidium sit ejus circuli, a quo circumscribitur; quæ vero binis, aut quæ ternis circulationibus gignitur, ea duorum triumve circulorum dimidium æquet, idemque proportionem de reliquis dicito. Ad hæc nonnullas earum partes, quin etiam integros flores exhibet, qui absolute quadrari possint. Erat hæc spinosa quædam tractatio atque aspera, quam tamen expeditam, explicatamque reddidit industria sua; calculis præsertim longissimis ad synthesein redactis,

qua in re mira ejus perspicuitas, elegancia, brevitatis fuit, & quasi bonum illius ingenii proprium, atque perpetuum. An vero natura cum flores atque arbores alit, succum iis alimentumque sufficiat ea lege, quæ ad Rhodoneas generandas maxime est necessaria, hujus rei peruestigationem physicis integram reliquit. Et tamen ita rem esse inclinabat animus ut crederet; eo quia facilis & prona sit ejusmodi curvarum ab circulari figura derivatio, ac verisimile sit nutrientem humorem in orbem diffundi. Hæc si stent, illud consequi videbat, plantarum figuram aliam esse in seminibus, aliam in ipsis plantis maturitatem consecutis. Etenim Rhodoneæ nondum evolutæ nil nisi circulos imitantur. Exceptus cum adprobatione, plausuque omnium liber animos Grandio addidit; quare altero libro alios flores complexus est, sive curvas alias, quas honoris causa dicavit Clæliæ Borromææ ingeniosæ juxta ac nobili femina; eamque ob rem *Clælias* appellavit;

qua-

quarum generatio a Rhodoneis superficie
 tenuis differt, quod illæ in curva, hæ ve-
 ro in plana describantur. Id vero ad de-
 tegendam illarum cum his convenientiam
 mirifice prodest, eo quod applicationi
 innitatur plani ad innumeras superficie-
 rum curvarum species; sicque geometri-
 ca illa apparet simplicitas, qua a planis
 ad solida gradus fit, & quæ maxime ad
 generales constituendas methodos conducit.
 Est autem Clæliarum genus unum, quod
 maxime consentit Velis a Vivianio qua-
 dratis, de quibus supra mentionem feci-
 mus; idque contingit cum constans angu-
 lorum ratio, qua determinantur sinus,
 per quorum extrema curva linea ducitur,
 est ratio æqualitatis. Adjecit operi corol-
 larium, quo nova traditur *mesolabii* con-
 struendi ratio ad geminas proportionales
 expeditissime inveniendas. Utraque pars
 operis in lucem edita an. MDCCXXVIII.
 postero deinde anno in Italicum e Lati-
 no conversa studio Thomæ Narducci Pat-
 ricii Lucensis, viri in omni geometriæ

parte præstantis, Lucæque recusa est. Accesserunt quædam ab Auctore ipso additamenta, ex quibus, aliisque indiciis intelligere possis, in his inventis valde sibi Grandium placuisse. Auxerant etiam iis dignitatem nobiles Angliæ Mathematici, qui Rhodoneas illas miris laudibus ornant, atque in *Transactiones Philosophicas* retulerant duobus continuis mensibus Quintili & Sextili an. MDCCXXIII. Neque tum primum decoratum est ab Academicis Londinensibus Grandii nomen. Ab eo enim tempore, quo ipse in Academiam fuit cooptatus, arbitratus est posse suo jure quodammodo sibi vindicare, ut quæcumque mitteret probarentur, & civitate donarentur. Multum valuit ad conciliandam hanc doctrinæ opinionem *Epistola Geometrica in systema sonorum Narcissi Archiepiscopi Armachani*, quam rogatu Laurentii Magalotti scripsit, quæque relata fuit in volumen *Transactionum* an. MDCCIX. Secundo & tertio auctiorem postea edidit Grandius, quod ea non mediocriter gloria-

riaretur. Et merito quidem, cum minime ignoraret illam maxime probasse Newtonum & Halleyum, ejusque commendatione præsertim factum esse, ut ipse in Academiam adscisceretur. Proposuerat Narcissus problemata quædam, quæ maxime idonea putavit ad acusticam provehendam, analogia ducta ab iis, quæ de propagationum reflexione & refractione lucis iis temporibus demonstrata fuerant. Ænigmata potius quam problemata dixisset. Obscure adeo proponebantur, ut ne inspecta quidem, quæ iis adjuncta erat figura, Auctoris mentem assequi te posse putares. Hanc divinare aggressus Grandius existimavit Narcissum in ea fuisse sententia, sonoras undas in hyperbolas sinuari concentricas, ita ut spatium omne, in quod diffunditur sonus, sit solidum hyperbolicum, cujus basis sit terrestris hemisphærii superficies, altitudo vero ipsius terræ diameter. Hac re posita investigavit, quas in curvas inflecti deberent radii phonici, ut omnes eodem tempore ad hyperbolici
hu-

hujus spatii fines appellerent; invenitque has esse alias hyperbolas, quibus undæ omnes sonoræ ad perpendicularum secentur. Neque hac investigatione contentus Grandius, quæsit etiam quâ proportionē aeris densitas in diversis a tellure distantis decresceret, si quidem radii phonici eidem ac radii lucidi refractionis legi obtemperantes in memoratas hyperbolas flecterentur; deinde, quæ foret lex refractionis, si dum radii phonici in easdem flectuntur lineas, aeris densitas eadem proportionē cum augescēte a tellure distantia decresceret. Ex his plura infert jucunda quidem & ingeniosa, minime vero ad usus phycos transferenda; nam ut ipse Grandius initio epistolæ animadvertit, luminis ac soni proprietates immane quantum inter se discrepant. Quæ adhuc retulimus Grandii Geometrica scripta talia quidem sunt, ut eum in magnorum Geometrarum numero collocent; si vero ea præsertim spectes, quæ ante annum MDCCX. exaravit (nam post id tempus visus est nonnihil
in

in suo cursu constisse) non dubitabis quidem cum nobilioribus, uno alterove excepto qui iis temporibus extitere, Geometris ipsum comparare. Quærebant ex ipso multi, insulse sane, & stulte, cur tantum laborem in Geometriam insumeret? His vero respondere solebat aut vulgato & noto Galilei dicto (14) aut explicatione earum rerum, quas ipse, alii-que, Geometria duce, ad Reipublicæ commoda procuranda contulerant. Sed etiam si nulla esset utilitas, addebat ille, ex Geometria, ipsa tamen propter se ipsam amari & excoli deberet. Quanti enim illud faciendum est, simplicem veritatem non longe, & obscure, sed prope aperte & palam intueri? Quam tutiori regula meriti possumus ingeniorum vim tum in investigandis rebus, tum in iudicandis? Quo maiore subsidio huiusmodi naturæ bonum acuere & alere? Nulla unquam ætas de laudibus Archimedis conticescet; Inventa Geometrica Newtoni & Cartesii omnium mortalium fama cele-

lebrabit, cum tamen oblivio inoscuraverit nomina multorum, qui artes non modo utilissimas, sed etiam necessarias casu magis quam prudentia ducti aut invenere, aut perfecere. Quamvis Grandius præclara adeo de Geometria judicia faceret, non tamen Geometræ personam tantummodo induit; nam & Theologi & antiquitatis investigatoris nomen sibi ipse merito arrogavit, & in suis libris inscripsit. Mirum vero quantum in his quoque studiis elaboraverit; & immensa sane collegerat ad annales Camaldulenses, & non pauca ad historiam Academiæ Pisanae, invitantibus moderatoribus, contexendam, Distrahabatur quoque ejus industria in minima quædam, quæ indigna fortasse viro Philosopho videbuntur; & miraberis certe Geometricarum rerum in Italia Principem investigasse diligentissime, quo pilei genere olim Monachi, ac præsertim Camaldulenses usi fuissent; quot & quales fuerint moderatores alicujus Cœnobii, & horum similia. Adversus Jacobum Laderchium

chium scriptorem vitæ S. Petri Damiani dialogum exaravit, in quo omnes facile agnoscunt quam illitteratum & insulsum opus illud sit, quantaque esset insolentia atque fastidium Grandii, cum in hujusmodi scripta incideret. Fingit sermonem esse inter duos Adolescentes Gallos, quod Gallos scriptores quosdam, & Dupinium præsertim, male habuerat Laderchius. Editis quatuor *Colloquiis*, quæ inscripserat, *Calculus*, *Ferula*, *Scutica*, & *Censura*, quintum addidit, cui nomen *Manubrium Scuticæ*, sed postremum hoc minime in lucem exiit: omnia quidem oculi potuissent, quod nec rem ipsam probo, adeo ubique acerbitas dominatur, & elegantiam desidero. Non majori in pretio, ut ego quidem arbitror, haberi debent *epistolæ apologeticæ*, aliaque scripta, quibus sub Vitalis Martii nomine latens Fidelem Soldanum Monachum Vallis Umbrosæ oppugnavit. His Grandius confirmavit, quæ de origine *Vallumbrosanorum*, ut ajunt, Monachorum tradiderat suis in Dissertationibus Camaldulensibus, & illud in primis,

mis, ex quo controversia nata est, S. Romualdum Magistrum fuisse S. Jo. Gualberti, & ante hunc *Umbrosa* in *Valle* habitasse. Habuit etiam Grandius, harum dissertationum causa, adversarios alios, & in his (reliquos enim haud commemorandos esse putamus) Apostolum Zenum. Editio hic scripto sane eruditissimo probavit Grandium xvii. annis citius notasse tempora, quibus Petrus Urseolus Venetorum Dux ad Principatum pervenit, & eo se abdicavit. Quæ cum starent, plura alia, quæ Grandius in signandis temporibus ortus obitusque, gestorumque quorundam S. Romualdi affirmaverat, corruere necesse erat. Quædam ad Urseolum pertinentia emendavit Grandius in eo, quem de ejus vita divulgavit libro an. MDCCXXXIII. rogatu Petri Garzonii Veneti Senatoris præstantissimi. Quod vero ad Romualdum spectabat visus sibi est posse in sua vetere permanere sententia. Aiebat enim Romualdum in vitam introiisse an. DCCCCXVII. & ab ea

excessisse an. MXXXVII. quæ decennio citius accidisse affirmabat Zenus. Ex multis, quas habuit Grandius, controversiis nulla profecto acrior & molestior fuit illa, quam ei Bernardus Tanuccius Iurisprudentiæ in Pisana Academia Magister intendit. Scripserat Grandius ad Iosephum Averanium Latinam Epistolam, in qua multa sane collegerat idonea ad convellendam Henrici Brenemanni, aliorumque opinionem, quæ oppleverat Italiam, Pandectarum Codicem, quem diu possidere Pisani, extitisse temporibus Iustiniani Cæsaris; hunc Jurisprudentiæ thesaurum ipsos reperisse Amalphi, dum hanc urbem an. MCXXXV. depopularentur, & in patriam adsportasse; ac demum eosdem Pandectarum jure non antea uti cœpisse, quam exeunte sæculo XIII. Porro certissimis antiquitatis monumentis probavit Grandius a Sæculo XII., & ante Amalphitanam vastationem Pandectarum juri Pisanos fuisse subjectos, & vel ante illa tempora Juris Justiniani cognitionem atque

que interpretationem nonnullis in Italiæ locis, ac Bononiæ præfertim in honore fuisse. Hujus vero rei principium se invenisse gloriabatur in iis, quæ Robertus e Monte Monacho Beccensis Cœnobii ad Chronicon Sigeberti Monachi Gemblacensis addidit. Hæc enim habet ad annum MXXXII. *Lanfrancus Papiensis, & Garnerius socius ejus, repertis apud Bononiam legibus Romanis Iustiniani Imperatoris, operam dederunt eas legere, & aliis exponere.* Non æque certa statuere se posse dixit Grandius de loco unde Pandectæ Pifas delatæ fuere. Conjiciebat tamen aut Bononia per Bulgarum, aut Constantinopoli per Jo. Burgundium utrosque Pifanos Jurisconsultos illas in Etruriam venisse, quam posteriorem conjecturam superiori prætulit Grandius, cum secundo epistolam suam typis commisisset. In hac quædam esse putavit Tanuccius in se acerbè dicta (nam antea facta erat offensuscula sive a Ζηλοτυπία, sive ab injuria aliqua, sive, quod probabilius est, a partium

tium studio nata) quæ ulcisci & persequi statuit. Multa in publicum proposuit ad attenuanda non modo adversarii argumenta, sed existimationem etiam & famam, quæ perpetua obrui oblivione merentur. Studuit & concitare Pisanos in Grandium, criminans hunc ingratum injustumque fuisse, quod ipsos Pandectarum inventionis gloria privare tentaverit. Paria paribus sic respondit Grandius, ut se quoque defensorem nimium litigiosum, concitumque ad rixam ostenderit. Cum vero in eo reprehensus fuisset, quod dixerit: *antiquiorem fortasse mentionem Pandectarum apud Petrum Blæensem occurrere, qui floruit an. MCLX., nec universum Digestorum opus, sed duntaxat ejus lacinias aut fragmenta innotuisse Ivoni Carnotensi & Gratiano*, nihil non egit ut objecta sibi ab adversario, respondens ad singula, dilueret. Eo factum est, ut iterum prodierit in publicum Tanuccius, qui etsi pugnacissime defendit sententiam suam, Pisanos inventores fuisse Pandectarum, ha-

rumque perfectam cognitionem habuisse Ivonem, Gratianum, aliosque illorum temporum scriptores, rem tamen ita egit, ut excusans æstum quemdam gloriæ & ætatis præteritam acerbitatem improbare videretur. Nihilo tamen minus edita a Tanuccio magis magisque incendunt Pisanos in Grandium, adeo ut ipse verens populi injurias & convicia aliquandiu domi se contineret. Hæc dolentes, qui Academiæ præerant, obtinuerunt a Magno Duce, ut ipse juberet finem aliquando scribendi fieri. Frænum aliquandiu momordit Grandius, mox impotentia elatus sub Bartoli Luccaberti nomine novum librum, Faventiæ dum esset, divulgavit, quem ad rejicienda omnia adversarii dicta, & ad sua confirmanda, plurimum valiturum sperabat. Is vero, ut Florentiam pervenit, magnos excitavit rumores, parumque abfuit, quin publice, cum flammis jam esset damnatus, confligaretur. Quamvis judicatum fuerit eruditius & elegantius, quam antea tum
Gran-

Grandium disputasse, & multa protulisse ad illustrandam historiam Jurisprudentiæ sane utilissima, nemo tamen approbavit, illum vulnera, quibus aliqua obducta esse cicatrix videbatur, refricasse. In eo etiam merito reprehensus est, quod ad conciliandam quibusdam dictis suis auctoritatem opusculum *de Interpolatione Gratiani*, quod tum ex sua officina exhibat, finxerit a Diomede Brava Patricio Tranenſi confectum fuisse, editumque Bononiæ an. MDCXCIV. Nihil severe pro rei indignitate respondit Tanuccius; plurimumque ii laudandi sunt, qui pacem inter hos viros honoratos & in Pisana Academia principes conciliarunt. Pacis conditio fuit, ut se abſtineret Grandius a confutando libro Jo. Baptistæ de Vico *de novæ scientiæ principiis*, cujus auctoritate abusus erat Tanuccius. Neque hoc solum fecit, sed nullum etiam responſum dedit Brenemannno, qui se, & Schwarzium in Academia Altorſiana Profeſſorem (plura enim ſibi cum hoc con-

veniebant) refellendos suscepit . Ad eas laudes , quas Grandius a multis , & præfertim a Ludovico Muratorio & Uberto Benvoliento accepit ob convictos vulgares errores de inventione Pandectarum , & ob bene declaratum tempus , quo valere & vigere cœpit in Italia Justinianeum Jus , addidit plures suas ; existimavitque posse eadem de se prædicare , quæ de Augusto effert Macrobius . *Soleo* , inquit ille , *in Augusto magis mirari quos pertulit jocos , quam ipse quos protulit ; quia major est patientiæ quam facundia laus ; maxime cum æquanimiter , aliaque etiam joci mordaciora pertulerit .* Cum iis , quas diximus , controversiis extincta esse arbitramur injusta Pisanorum odia in Grandium . Porro neminem facile reperiēs , qui æque ac Grandius de illorum urbe atque Academia bene meritus sit . Narravimus supra præclaris consiliis suis Pisani agri salubritati , utilitati-que illum prospexisse . Quidquid corrobabat pecuniæ , Pisani Cœnobii commodis de-

destinabat, quod per viginti omnino annos rexit, cuique Bibliothecam satis copiosam, & pecuniam ad eam quotannis augendam legavit. Egit cum Muratorio, ut plura antiquitatis monumenta ab se collecta, quæque Pisarum laudes mire illustrabant, ederentur. Illo consiliario & auctore Astronomica Specula Pisis ædificata est; illo doctore tamquam ad mercaturam Geometricarum artium quamplurimi ad Academiam veniebant; adeoque celebrabatur illius nomen, ut decus ac lumen ipsius Academiæ esse videretur. Hujus optimorumque studiorum causam egit adversus calumniantes Jesuitas, a quibus doctores ii, qui a minutis insulsisque scholasticorum disputationibus ad naturam contemplandam adolescentes traducebant, Catholicæ religionis hostes vocabantur. Hortari illi non cessabant proficiscentes ad Academiam, ut si quando inciderent in Anatomicos, Chemicos, & Physicos præsertim, a quibus in experimentis habendis opera consumeretur, a-

avertent oculos ne viderent Vanitatem. Multa etiam stulte & arroganter conscripserat ex illorum numero quidam cognomine Briga, ad rapiendos in invidiam Pisanos Doctores, cum Florentiæ *Philosophiam novo-antiquam* (sic enim inscribitur poema quoddam Thomæ Cevæ) in vulgus edidisset. Surrexit Grandius ad respondendum, & *Diacrisi* Latinis versibus conscripta Præfationis, & Poematis Auctores levitatis convicit. Ex quo intelligi potest pluris illi fuisse Academiæ, quam amici (jamdiu enim amicitia conjunctus erat cum Ceva) dignitatem. Cum natura impelleretur Grandius, ut prodesse vellet quamplurimis, in primisque docendo, rationibusque prudentiæ tradendis, non est credibile quantos labores hujus rei causa pertulerit. Extremo autem tempore volens etiam post mortem consulere Mathematicarum disciplinarum studiosis, illarum elementa perficienda, & vulganda suscepit. Itaque in librum, quem *de sectionibus con* edidisse diximus, plu-

ra utilissima addidit; neque ita multo
 post typis Mechanicam commisit, in qua
 pauca desideres, quæ ad sex antiquorum
 machinas, ad pendulorum motum, vires-
 que percussionis, & gravitatis pertinent.
 Nam Opticam & Algebram multo antea
 sic tractaverat, ut nihil absolutius & e-
 legantius iis temporibus fieri potuisse vi-
 deatur. Elementa item Euclidea in Ita-
 licum convertit; postea Institutiones Arith-
 meticas, & Geometricas ex se genuit;
 in quibus postremis laudabis præsertim
 ea, quæ spectant proportionem inter seg-
 menta rectarum duarum a punctis extremis
 laterum cujusvis anguli ductarum in late-
 ra opposita, atque inter eorundem oppo-
 sitorum segmenta laterum. Hac in re a-
 deo processit Grandius, ut Ptolemæum,
 Thionem, Reinaltum, cæterosque longe
 post se reliquerit. Iis vero, quibus ele-
 mentorum tractatio minus digna illius
 summa doctrina videbatur, respondere so-
 lebat; non segetibus solum, & vineis res
 rusticas lætas esse, sed pomariis etiam, &

hortis, tum pecudum pascu, & apum examinibus, tum florum omnium varietate. Efferebatur vero lætitia cum contemplaretur uberes suorum laborum & vigiliarum fructus in optimæ spei, quos instituebat, adolescentibus; tantumque aberat ab invidentiæ sensu, ut, si quis eorum longius processisset, ipse esse vellet ejusdem doctrinæ ingenique prædicator & testis. Sunt in hanc rem testimonia, quæ de Thoma Perellio ad Cælestinum Gallianum aliquando scripsit, quæque hic, ne fraudare velle hominem summum debita laude videamur, subjiciemus (15). De Josepho Vernaccinio Pisano narrabat, illum, dum adhuc esset ignarus earum rerum, quæ de proportionibus traduntur (non enim ultra iv. Euclidis librum progressus fuerat) septem & quadraginta variis modis Euclideam de hypotenusa propositionem per se demonstrare potuisse. Flevit Grandius vehementer de capssimi discipuli morte, quam Arni aquis merfus misere obivit, cum trium & viginti esset

annorum. At si ipse caros habuit discipulos suos, non minus ab iis dilectus est. Novi ego complures, qui, cum vivam illius benefactorum memoriam tenerent, hanc immortalem reddere studuerunt. Præter eos, quos nominavi, Grandii discipulos silentio minime prætereundi mihi videntur collega illius Claudius Fromondus, homo quidem magnæ doctrinæ, sed novitatis mirum in modum sectator, quem in Geometria domi tradenda interdum habuit diligentiae suæ vicarium, & Thomas Narduccius, qui, quidquid sciebat, unice se debere Grandio profitebatur. Inter hunc & Grandium plura sunt scripta, & communicata de physicis & mathematicis rebus, prodieruntque in lucem epistolæ, quas Grandius ad ipsum dedit de viribus, ut Leibnitius loquebatur, vivis æstimandis. Secutus Cartesium ostendit has vires augeri eadem proportionem cum massa & velocitate; adeo infirmavit præcipuum, factisque notum Hermanni, quicum sibi res erat, argumentum, ut hunc, si minus de
pri-

pristina sententia deduxit, ejus tamen argumenti levitatem fateri coegerit; dogmata Camusii de viribus elasticas laminas comprimantibus aliqua ex parte emendavit; ac demum falsum esse probavit argumentum, quod pro Cartesianis excogitaverat Lovillus, quodque Fontenellius in Parisiensis . Academiæ an. MDCCXXVIII. commentaria retulerat. Exquisita doctrina & singularis industria Grandii non solum discipulis suis, sed & omnibus iis, qui illas requirebant, profuere. Cujus rei plurima ex ejus epistolis proferrem testimonia, nisi vereretur fatigare lectores. Sic habeto: neminem a consiliis dandis, postulatisque faciendis districtiorem fuisse. Cum pro munere, quod illi sodales detulerant; invisere deberet omnia sodalitatæ cœnobia, studuit ubique optimarum disciplinarum amorem accendere; suoque exemplo potuit facile dormientes excitare, currentibusque stimulos addere. Utilia præsertim de studiorum ratione statuit Romæ, quo concessit an. MDCCXXXIV.

Hoc

Hoc tempore Pontificis jussu cognoscere debuit de Galli cujusdam Episcopi litteris, quibus contendebat, adversus Cæsariensis Concilii decreta fieri, si eo anno Pascha vii. Kal. Majas celebraretur, & plenilunium Paschale cadere in xv. Kal. ejusdem mensis. Scripto probavit Grandius minime novas esse hujusmodi expositiones; sed Ecclesiam tenuisse semper, atque servasse Nicenorum Patrum præscripta. Quod vero ad Plenilunium spectabat, hanc unice defensionem habuit, non videri illud incidere in xv. Kal. Majas, qui tum dies erat Saturni, sed in sequentem, quod circa mediam noctem contingeret. Qua in re fateri Grandius non dubitavit a perfectione abesse, quæ Gregorius XIII. sciverat ad corrigendum Calendarium; & quoties in hunc sermonem delaberetur, solitus erat dicere, maximas laudes deberi Aloysio Lylio, mediocres Christophoro Clavio, & nullum esse cyclum, qui omni vitio careret. Dum agit cum Pontifice Grandius

dius oblata est ei occasio declarandi maximas utilitates, quæ sperari potuissent, si ad exitum pervenissent consulta a se de derivanda ex Pado quadam portione aquæ, cujus ope Rhenus facile ad mare usque fluere posset. Sententiam Grandii una voce, & consensu approbarunt Bononienses; sed Romani iudices, cum quadriennio disputatum esset, repudiarunt. Dona habuit Grandius a Pontifice, singularesque honores ab omnibus iis, qui haud erant ignari, quid valeat sapientia. Cum satisfecisset *Visitatoris*, ut vocant, muneri, & repulsam a suis summæ dignitatis accepisset, Pisas remeavit, ubi si vitam otiosam sine labore & contentione (& quietem profecto defatigatus illius animus postulabat) traduxisset, minime fortasse in tanta, quanta perferre debuit, mala incidisset. Exeunte an. MDCCXXXVII. coepit vacillare memoria, idque malum brevi adeo crevit, ut ægre nomina eorum, quibuscum versabatur, meminisset. Nihilominus tamen minus a schola, a studiis,

&

& a scriptione noluit cessare, quæ cum præstare sine summa difficultate non posset, non erant sine dolore & miseratione spectantium. Hujus infirmitatis signa dedit in epistolis, præfationibus, & scholiis, quæ tum addidit suis Geometricis & Mechanicis Institutionibus, cæterisque in rebus, quæ Scriptoris, non Geometræ prudentiam (nam res ipsæ adhuc in memoria hærebant) requirerent. Quamquam intelligentium judicio pauca quædam sunt etiam in iisdem Mechanicis Institutionibus, in quibus Grandius errasse videtur. Cunctantem & prolatantem adhibere remedia ingens vis morbi adorta est, summaque debilitas consecuta exeunte an. MDCCXL. Stupor etiam paullo post ipsum oppressit, sic tamen ut intelligeret se miserrimum esse, & illam, quam tum vivebat, minime esse vitam. Hoc in statu cum sexdecim & amplius menses fuisset, mortem obivit iv. Non. Quint. an. MDCCXLII. Quoad sivere tenues reliquæ virium rem sacram facere, & publicis præ-

ca-

cationibus adesse voluit, quod religiosus
homo pio Dei cultu unice se recreari di-
ceret. Collegæ illius non solum luctu,
sed etiam pompa exequiarum, laudatio-
ne, & monumento mortuum honorarunt.
In monumento vero hoc legitur elogium.

D. GUIDONI GRANDIO CREMONENSI.
CAMALDUL. ORDINIS EXGENERALI.
ANNOS XX. MONASTERII HUIUS ABBATI.
IN PISANO LYCEO PRIMUM PHILOSOPHIÆ.
DEINDE MATHESIOS PROFESSORI CELEBERRIMO.
GEOMETRÆ NULLI SECUNDO.
EDITIS INGENII PRÆCLARIS MONIMENTIS CLARISSIMO.
THEOLOGO SUMMO. PONTIFICII ET CÆSAREI IURIS.
HISTORIÆ CUM SACRÆ, TUM PROPHANÆ.
PERITISSIMO.
QUOD TEMPLUM HOC PRETIOSA SUPBELLECTILE.
MONASTERIUM ÆDIFICIIS BIBLIOTHECA.
REDITIBUSQUE EIDEM ATTRIBUTIS LOCUPLETARIT.
D. AUGUSTINUS FORTUNIVS FORZONIUS-ACCOLTIUS.
MONACHUS.
EIDEM BIBLIOTHECÆ PRÆFECTUS.
VIRQ DE UNIVERSO ORDINE. DE LITTERARIA
REPÚBLICA.
DE SE OPTIME MERITO.
PERENNE GRATI ANIMI MONUMENTUM.
OBIIIT IV. NONAS IULII CIO DCCCXLII.
ÆTATIS SUÆ ANNO LXXII.

Nun-

Nunquam scribendi finem facerem, si omnia memoria digna de Grandio, quæ superesse videntur, declarare vellem. Ad ea tamen, quæ narravi, nonnulla addam, ne notior sit ejus in re litteraria labor, quam integritas consuetudoque vitæ. Homo, qui se invictum a labore præstitit, tentari quidem, sed minime vinci a voluptate potuit, adeo ut iis etiam delectationibus renuntiassè videretur, quæ ad vitæ commoditatem, jucunditatemque plurimum conducunt. Quare minime est mirandum si non multos habuerit amicos, quos casus magis, studiorumque similitudo, quam voluntas & judicium ei conciliavit. In beneficiorum memoria gratus & pius cognosci voluit, & ipse benefica voluntate movebatur erga homines præsertim litteris deditos. Ex his nominabo Jo. Lamium, qui Grandii commendatione & precibus hominis nobilissimi Pallavicini a Bibliotheca fuit. Libertatem vendi ut vellet, pronuntiandique judicii ut sentiret in primis amavit, quod nullo
 ef-

esset artificio simulationis eruditus. Miror vero non parem illis, qui sibi contradicerent, libertatem largiri consuevisse, præsertim cum novitate in iis, quæ ad historiam pertinent, ut in hac quoque re similis esset Newtoni & Leibnitii, delectaretur. Ab inferenda injuria alienus illatam fortiter propulsavit, solitus usurpare dictum illud Pythagoræ: *vas acetarium remove procul abs te*. Nullam artem adhibuit ad colligendas laudes: prædicari tamen de se & nominari plurimum gauderat, & interdum sua pleno ore laudabat. Quod vitium eo in loco, iisque temporibus, quibus nonnulli juniores Doctores de senioribus, prudentioribusque maledice, contumelioseque loquebantur, aliquid excusationis habet, prope ut concedendum, atque ignoscendum esse videatur. Et sane Grandio ampla laudum suarum materies poterant esse, quæ ediderat, mathematica scripta, summorum virorum de iis testimonia, quæ undique ab eo petebantur consilia, liberales

les invitationes Clementis XI. Sardiniae Regis, & Veneti Senatus, qui illius operam requirere, gratia & benevolentia Cosmi III. & Benedicti XIV., elogia nobilissimarum Academiarum, in quas cooptatus erat, flos juventutis ab eo institutæ, quæ narrans fiduciam se potius gestarum rerum & morum, quam arrogantiam præferre arbitrabatur. Studia, quæ sibi eximia & præclara videbantur, quæque ipse excoluerat, laudibus in cœlum efferebat, cætera aut contemnebat, aut parvi faciebat; ex quo offensionem sæpe excepit. Miraberis tamen hominem mathematicum, & moribus paullo asperiores & duriores amasse semper Musas. Profecto facilis & expeditus erat ad pangenda carmina (ex tempore etiam eum fuisse Italicos versus accepimus) & Latinas eclogas sæpe Romam ad Arcades collegas suos misit, & interdum etiam ipse in eorum cœtu tum Latina, tum Italica poemata recitavit. Istorum nonnulla sunt in manibus, & ea lauda-

K k ri,

ri, non timens hominum assentationem, ad decus & laudem suam magni interesse putabat. Nihil quidem in vita magno-
pere est expetendum nisi honestas & laus; sed gloriæ definiendi sunt modi, ab homine præsertim Philosopho, de cujus laudibus omnium est fama consentiens. Sed ita erat natura comparatus Grandius, ut non raro in minimis res suas poneret. Quapropter minime est mirandum si magna contentione a Clemente XI. petierit ut Abbas fieret, vehementerque doluerit, quod se honores petentem suffragiis suis Collegæ præterierint, quasi non repul-
sam, sed ignominiam, etiam calamita-
tem retulisset. Parce sobrieque & ad majorum disciplinam vixit. Corpore cras-
siori fuit, commoda statura, naso amplo, crine rubro, liberali facie, sed defor-
mitas apparebat in incessu, omnique cor-
poris motu. Prima specie bonum liben-
ter dixisses, magnum non item. Ejus si-
milem formam incisit Antonius Selvius in numismate, quod Antonius Franciscus

Gorius faciendum curavit. Talis fuit vir, cujus merita in litteras nec oblivione eorum, qui sunt, nec reticentia posterorum poterunt esse sepulta.

(1) P. 264. & 479. Hac de re sermonem habens ipse Grandius in Præfatione libri, qui inscribitur: *Quadratura Circuli & Hyperbolæ*, hæc ait, *Quid addam de Cl. Parentio qui an. 1705. generalem complanationem conica superficiei recta per comparisonem ad suam ichnographiam in proportionem lateris coni ad radium basis designavit; id quod ego jam an. 1698. inveneram, & 1699 inter Vivianea nostra in appendice de Fornicibus conicis edideram, ac demonstraveram, nescius idem sub aliis terminis in Actis Lipsiæ 1696. a D. Io. Bernoullio sine demonstratione indicatum fuisse?*

(2) Qui cum Grandio de principatu contendere potuisset Gabriel Manfredius ipsum appellat: *Italiae Analyseos Principem*. Epist. XII. Kal. Mart. an. MDCCIII. Primus certe Itatorum Grandius fuit, qui scriptis editis res analyticas tractavit.

(3) Hæc ad Grandium Leibnitius scripsit XII. Kal. Sext. an. 1705. Postremo ad profectum scientiæ pertinet, ut methodos per solutionem problematum exerceamus. Sic non ita pridem D. Io. Bernoullius proposuit hoc problema: dato (positione) arcu curvæ, invenire aliam curvam infinitis modis, cujus arcus aliquis a nobis assignandus arcui dato sit equalis, & ita ut, posito datam curvam esse Algebraicam, etiam quesita sit Algebraica; quod a me est solutum, diversa methodo ab ea, qua ipse est usus.

K k 2

(4) Ap-

(4. *Appendix II.*

(5) Ita ille: *Dico eam Infiniti vim agnoscentiam, ut etiam quod per se nullum est multiplicando in aliquid commutet, sicuti finitam magnitudinem dividendo in nullam degenerare cogit; unde per infinitam Dei Creatoris potentiam omnia ex nihilo facta, omniaque in nihilum redigi posse, neque adeo absurdum esse, quantitatem aliquam, ut ita dicam, creari per infinitam vel multiplicationem, vel additionem ipsius nihili, aut quodvis quantum infinita divisione, aut subductione in nihilum redigi* De quadr. circ. & hyperb. pag. 29. secund. edit.

(6) *Admissis variis infinite parvorum ordinibus concipere possumus omnia in semine contenta ex uno ad alium gradum subiunde promoveri; ut nempe dum ad sensibilem magnitudinem perveniunt, quæ erant in primo gradu infinite parvitatæ, succedant ad hunc primum gradum quæ erant in secundo, & ad secundum quæ erant in tertio, & sic deinceps. Quod valet etiam de plantulis, quæ in seminulis primo semine contentis latent cum suis infinitis adhuc minoribus seminulis continentibus plantulas alias infinitis minores, atque ita in infinitum.* In Prælod. Poet. ad lib. de Infinit.

(7) Notavit Leibnitius etsi possit dici — 1. & similes dicendi modos significant nihilo minora, non tamen dare rationes nisi imaginarias, quarum antecedens, aut consequens sit quantitas nihilo minor, seu rationem — 1. ad 1. vel 1. ad — 1. esse imaginariam. Quod inter alia ex eo probat, quia huic rationi vel simili nullus respondeat Logarithmus. Vide sis præ cæteris. Walmesleyum in commentariis Berolinensis Academiæ an. 1755. pag. 97. ex quo facile intelliges quid de hujusmodi ad infinitum pertinentibus controversiis judicari debeat.

(8) Hu-

(8) Hujus est inscriptio: *De motu corporum nonnulla.*

(9) *Data recta linea in dato punto inequaliter secta punctum invenire, ex quo ad terminos data linea, datumque in ea punctum ductis rectis lineis quadrata ductarum ad terminos superent quadratum ducta ad datum punctum spatio quodam dato (dummodo hoc majus sit duplo rectanguli sub segmentis data linea) simulque ut ipsa data linea minima esse probeatur omnium per datum illud punctum transeuntium, & rectis, a puncto quesito per ipsius data linea terminos productis, interceptarum,*

(10) Horum est inscriptio: *Galilei Lemma circa gravium momenta a Vitali Jordano instauratum.*

(11) *Cæsar Bisolostus Jordani vitam scripsit, quæ extrat in volum. III. delle Vite degli Arcadi Illustri.*

(12) *In Præfat. ad Dissert. de Coherentia corporum hæc ait: Denique celeb. Grandi re, atque nomine Grandis in libro italice conscripto, Risposta Apologetica dicto, adversus Cl. Marchettum Resistentias solidorum tractavit, illisque paucis propositionibus ex sublimi Geometria petitis mirifice amplificavit.*

(13) Prop. 14. & 20.

(14) *Ajebat enim: dalle dimostrazioni della Geometria, attenenti alle Misure, a' Pesi, ed a' Numeri, s' impara a misurare i Goffi, a pesar gl' Ignoranti, ed a numerare gl' uni, e gli altri.*

(15) Il suddetto Giovane (Perelli) è tutto innamorato dell'analisi moderna, e ne ha un maneggio mirabile, di maniera che scioglie i problemi più ardui di Fisico - Matematica da se, nè vi è cosa astrusa negli atti di Lipsia, nel Newton, nell' Ermanno, nel Bernoulli, o altri Autori, che egli solamente letta la proposta subito non ne

trovi la dimostrazione analitica in poche righe di calcolo, dimostrando e le leggi delle forze centrali per qualunque curva, e le curve, che soddisfanno a diverse leggi delle forze centrali, e le catenarie in qualunque supposizione di gravità variabile, e le velarie; e l'elastiche, e le traiettorie per mezzi di varia resistenza, e assai più facilmente, che non farci io, perchè non ha il capo distratto, come ho io, in altre cose.

OPERA EDITA

GEOMETRICA *Demonstratio Vivianeorum Problematum, quæ in exercitatione Geometrica etrusco idiomate anno 1692 cum sola determinatione prodierant, circa formationem, ac dimensionem cujusvis regularis Architectorum Fornicis; exactumque Tetragonismum infinitarum partium curvæ superficiei tum spherice novi admirandi Fornicis Veliformis Florentini, tum cylindricæ antiqui Scaphiformis Romani. Cum Latina omnium versione Italico textui adjuncta, variis notis & scholiis locupletata: addita etiam Appendice de Geometrica quadratura infinitarum partium curvæ superficiei Conicæ variorumque Fornicum ex iis compositorum, Auctore D. Guidone Grando &c. Regia Celsitudini M. E. D. Cosimi III. Florentia 1699. ex Typographia Jacobi de Guiduccis prope Conduatum in 4. Pluribus in libri locis quædam problemata proponuntur, quæ se probaturum promittit Grandius in opere, quod in manibus habebat de sectionibus sphericonicis, spherocylindricis, & sphericonoidicis: sed hoc nunquam absolvit.*

GEOMETRICA *Demonstratio Theorematum Hugenianorum circa Logisticam, seu Logarithmicam lineam, qua occasione plures Geometricæ methodi exhibentur circa Tangentes, Quadratu*

turas, *Centra gravitatis, solida &c. variarum curvarum, uti infinitarum Parabolarum, Hyperbolarum, Spiraliun &c. alæque Geometricæ veritates illustrantur. Addita Epistola Geometrica ad Patrem Thomam Cevam S. I. Auctore D. Guidone Grando &c. ad Serenissimum Ferdinandum III. Magnum Etruriæ Principem. Florentia 1701. Typis Regiæ Celsitudinis apud Petrum Antonium Brigonci in 4. Recusum Amstælodami fuit an. 1728. inter opera posthuma Hugēnii. In fine operis indicatur modus quadrandæ hyperbolæ per Tractoriam, cujus demonstrationem Polenius, calculo usus suo, postea invenit. V. ejus Epistolam ad Hermanaum de constructione Tractoriæ.*

QUADRATURA CIRCULI & Hyperbolæ per infinitas hyperbolas & parabolis, geometricè exhibita. Addita demonstratione dimensionis hyperbolæ per Tractoriam & de spatiorum vutiorum mensura, & calculo differentiali &c. Ad Serenissimum Principem Joannem Gastonem ab Etruria, Pisis 1703. apud Franciscum Bindi in 8.

SEIANI, & Rufini Dialogus de Laderchia-na Historia S. Petri Damiani. Parisiis 1705. apud Bartholomæum Didier. in 4.

DISSERTATIONES CAMALDULENSES, in quibus agitur. I. de Institutione Ordinis Camaldulensis. II. de Ætate S. P. Romualdi. III. de visione scalæ, & habitus mutatione præcepti. IV. De S. Petri Damiani, & Avellanitarum Instituto Camaldulensi. Obiter etiam multa Ecclesiastica, & profana Historia loca illustrantur, & corriguntur. Auctore D. Guidone Grando &c. ad Eminentissimum & Reverendissimum Principem Ferdinandum de Abdua S. R. E. Cardinalem &c. Luce 1707. Typis Marescandoli in 4. maj.

DISQUISITIO GEOMETRICA in systema sonorum D. Narcissi Archiepiscopi Armacani. Extat in commentariis Acad. Londinensis an. 1709. Edità iterum Neapoli fuit an. 1731. a Deramio, & tertio, in Vol. XXV. collectionis Calogerianæ Venet. 1742.

DE INFINITIS INFINITORUM, & infinite parvorum ordinibus Disquisitio Geometrica, in qua variis utriusque generis gradibus demonstratis tum methodi infinitesimalis fundamenta ostenduntur, tum precipue plusquam infinita spatia hyperbolica Vallisii adversus nuperimos eorumdem Impugnatores vindicantur. Autore &c. Pisis 1710. ex Typographia Francisci Bindi in 4.

QUADRATURA CIRCULI, & hyperbola per infinitas hyperbolas & parabolas quadrabiles Geometricè exhibita & demonstrata. Editio altera auctior, & accuratior, in qua præter alla multa, ad veterem appendicem de rectificatione curvarum, altera accessit de earundem & curvilinearum spatiorum transformatione infinitis modis expedienda. Autore &c. Pisis 1710 ex Typographia Francisci Bindi in 4.

CONSIDERAZIONI del P. D. Guidoni Grando, e del Sig. N. N. sopra la Scrittura del Sig. Luc' Antonio Porzio circa il moto de' gravi per il piano inclinato, dedicate al Sig. Luigi Anagnascoli da F. M. Roma 1710 in 12.

CL. V. D. GUIDONIS GRANDI Cameracensis Regiæ Celsitudinis M. D. Etruriæ Tholomæi, & Mathematici in Pisana Universitate Publ. Phil. Professoris, & Regiæ Societatis Sociæ, Epistola mathematica de momenti gravium in planis inclinatis, deque directione fulcra in Mechanicis attendenda. Ex Authographo iterum edidit, novis illustravit adnotationibus, & adversus Tambuccianam Epistolam opposuit.

portunis vindiciis munivit Marius de Caniga Auctoris discipulus. Lucca 1711. Typis Peregrini Frediani in 4. Latebat sub nomine Marii Cænigæ Josephus Vernaccinius.

ANTILUNARIO, in cui con dugento note Sacre, Astronomiche, e Varie, si scuoprono, e si emendano alcuni sbagli occorsi nel Lunario stampato in Lucca quest' anno 1711. sotto nome del Canonico Pier-Leonardo Ricci da Empoli, Opera di Niccolò Ripardieri Chierico della Pieve di Montopoli. Aggiuntavi nel fine una tavola corretta del levar del Sole, mezzo giorno e mezza notte, calcolata diligentemente all' elevazione di gradi 43. di Polo più comune per la Toscana. Al merito impareggiabile dell' Illustriſs. Sig. Antonio Magliabechi Bibliotecario dell' A. R. di Cosimo III. Granduca di Toscana, Dublino 1711. appresso Zaccaria Conzatti in 4.

EPISTOLA MARIi Canigæ Hieronymo Tambruccio. Scriptit hanc epistolam Grandius Aretii Id. Sext. 1711. in 4.

DIALOGHI del P. M. Grandi Camaldoleſe Teologo cc. circa la Controversia eccitataagli contro dal Sig. Dott. Alessandro Marchetti. In Lucca 1712. ad istanza di Francesco Gaddi libraro in Pisa in 4.

RISPOSTA APOLOGETICA del P. M. D. Guido Grandi Camaldoleſe, Teologo, e Matematico dell' A. R. di Toscana, e Professore Ordinario di Filosofia nello Studio di Pisa, all' opposizioni fattegli dal Sig. Dott. A. M. (Alessandro Marchetti) nella sua dotta Lettera diretta all' Eccellenza del Sig. B. T. (Bernardo Trevisano). Si difendono con tal' occasione il Galileo, ed il Viviani, e si illustrano molte dottrine circa la resistenza de' corpi duri, e circa la forza dell' infinito. In Lucca 1712. per Pellegrino Frediani in 4.

PRO-

PROSTASIS ad exceptiones Cl. Varignonii
Libro de infinitis infinitorum Ordinibus opposi-
tas circa magnitudinum plusquam infinitarum
Vallisii defeuptionem, & anguli contactus, cum
infinite paruo ad centrum osculantis circuli
constituto, comparatiuonem. Autore &c. Pisis
ex Typographia Francisci Bindi 1713 in 4.

SOLUZIONE di due Problemi Meccanici
proposti a' Matematici d'Italia. Extat in vol.
XV. del Giornale de' Letterati Venet. 1713. Solu-
tio, quam fecit Grandius, extat etiam in Actis
Lipsienfibus a. 1714.

R.FLESSIONI sopra la Controverfia verten-
te fra gli Illustriss. Sigg. Marchesi Riccardi, e
Niccolini circa l'alzamento d'una Pescaja nel
fiume Era. Pisa 1714. per Francesco Bindi
in fogl.

NUOVE CONSIDERAZIONI fatte dopo
l'accesso del mese di Giugno dell'anno 1714.
sopra la controverfia vertente fra gl' Illustrissi-
mi Signori Marchesi Riccardi, e Niccolini cir-
ca l'Erezione d'una Pescaja nell'Era ad uso
d'un Mulino. Agl' Illustrissimi Signori Giudici
della Causa. Firenze 1714. per Michele Nes-
senus ec in fogl.

LSAME della scrittura pubblicata dal Si-
gnor Dottor Giminiano Rondelli nella famosa
causa del Mulino dell'Era. All' Illustrissimo &c.
Marchese Francesco Riccardi Maggiordomo Mag-
giore, e Consigliere di Stato di S. A. R. In Fi-
renze 1715. per Michele Nessenus, e Antonio
Borghigiani in fogl.

RELAZIONE I. e II. circa il padule di
Fucecchio del P. M. Grandi Teologo, e Mate-
matico di S. A. R., e Professore pubblico di Ma-
tematica nell'Università di Pisa. All' Illustris-
simo Signor Marchese Francesco Ferroni. In
Lucca per Leonardo Venturini 1715. in fogl.

RE-

RELAZIONE delle operazioni fatte circa il Padule di Fucecchio ad istanza degli interessati ; e riflessioni circa le medesime del Reverendissimo P. Abate Grandi Teologo , e Matematico di S. A. R. ec. Agl' Illustrissimi Signori Giudici delegati sopra il medesimo padule . In Lucca per Leonardo Venturini 1715. in fogl.

INFORMAZIONE agli Uffiziali dell' Uffizio de' Fossi di Pisa circa una nuova terminazione proposta dell' Era .

MEMORIA che contiene le ragioni per l' unione del Reno di Bologna col fiume Pò tradotta dal Francese (del Signore Eustachio Manfredi) ed accresciuta di trenta note per rischiaramento della materia .

DUE SONETTI, e una canzone di Dubenò Erimanzio . Hoc nomine appellabatur Grandius in Arcadum Academia . Hæc vero carmina impressa fuerunt in vol. VII. carminum Arcadum, quæ collegit Marius Crescimbenius . Romæ 1717. Ipse Crescimbenius partem Latinæ eclogæ , quam fecerat Grandius , conjecit in vol. II. comment. della vulgar poesia .

LECTORUM Claustralium Camaldulensium auctoritate Reverendissimi Definitoris in designatis Monasteriis constitutorum jus ferendi suffragii in capitulis generalibus sui Ordinis exclusivè quoad publicos Professores secularium Universitatum sola Principum auctoritate deletos , Assertum & demonstratum per Tiberium Vedmannum I. C. adversus Dissertationem , quæ simile jus sibi deberi prætendit D. Iustus Venturinus Theologia Moralis in Florentino studio Professor . Ad Reverendissimos PP. Generalem & Visitatores Camaldulenses in fogl. Quamvis hoc scriptum non signetur anno , & loco impressionis , scimus tamen Pisis & an. 1718. illud impressum fuisse .

TRAT-

TRATTATO DELLE RESISTENZE, *principiato da Vincenzio Viviani per illustrare l'Opere del Galileo, ed ora compito, e riordinato colla giunta di quelle dimostrazioni, che vi mancavano, dal P. D. Guido Grandi Abate Camaldolese, Matematico di S. A. R. e dello Studio Pisano in 4. Extat inter opera Galilei, quæ edita fuerunt Florentiæ an. 1718.*

PROPOSIZIONI appartenenti al movimento de' corpi solidi nei mezzi fluidi. Ibidem extant.

NOTE al Trattato del Galileo del moto naturale accelerato del P. Abate D. Guido Grandi Matematico di S. A. R. e dello Studio Pisano. Ibidem extant.

EPISTOLA GEOMETRICA ad Franciscum Arisum pro Mariano contra P. Clavii censuras. Extat in Tom. II. Cremonæ liberatæ pag. 439.

VOTUM, sive sententia de Geometrica, non autem Arithmetica ratione in proposita facti specie attendenda &c. in Florentina pratense lectionis. Flor. 1721.

FLORUM Geometricorum manipulus R. S. exhibitus. Extat in ejusdem R. S. Londinensis Transactionibus an. 1723.

DEL MOVIMENTO DELL' ACQUE, Trattato Geometrico del P. Abate D. Guido Grandi ec. in 4. Hæc Grandii scripta ad rem aquarum pertinentia, quod non mediocriter ipsam scientiam illustrant, & augent, conjecta fuerunt in collectionem illam, quæ degli Scrittori dell' Acque edita est Florentiæ an. 1723. Legi etiam possunt in ea collectione, quæ prodit Parmæ an. 1766. vol. III.

NUOVI LEMMI appartenenti al Trattato d' Archimede de' solidi natanti. Extant in vol. I. della Raccolta degli Scrittori dell' Acque. Firenze 1723.

LET.

LETTERA geometrica al Signor Tommaso Narducci intorno alla maniera di assegnare la ragion de' tempi consumati dal mobile nello scorrere un piano declive, e nello scorrerne due. Extat in libro ejusdem Narducci, qui inscribitur: *Paragone de' Canali*. Lucca 1723. in 12.

Q. LUCII Alphi Diacrisis in secundam editionem Philosophiae novantiquae R. P. Thome Ceve cum notis Iani Valerii Panjii. Augustoduni 1724. sumptibus Piorum in 4. maj.

EPISTOLA de Pandectis ad Cl. V. Iosephum Averanium. Pisis 1726. in 4.

D. GUIDONIS GRANDII in Pisana Academia Matheos Professoris, & S. Michaelis in Burgo Abbatis Epistola de Pandectis ad V. Cl. Iosephum Averanium in eadem Accademia I. Interpretem celeberrimum; editio altera cum notis variis, & appendice veterum monumentorum ab Auctore locupletata. Florentiae 1727. Typis R. C. apud Tartini, & Francbium in 4.

ESAME del progetto del nuovo Molino proposto nell' Albereta dell' Anconella del Reverendissimo P. D. Guido Grandi ec. Per il venerabile Spedale di S. Maria Nuova, ed altri interessati nel piano di Ripoli. In Firenze 1727. per Pietro Matini in fogl.

SCRITTURA del Reverendissimo P. Abate D. Guido Grandi ec. diretta agl' Illustrissimi Signori Auditori di Rota della Serenissima Repubblica di Lucca sopra la controversia dell' Acque vertente tra la Mensa Arcivescovale di Lucca, e li Nobili Signori Buonvisi ed Orsetti da una parte, e il Nobile Signor Lelio Guinigi dall' altra. In Lucca 1728. per Leonardo Venturini in fogl.

FLORES GEOMETRICI ex Rhodonearum, & Claliorum Curvarum descriptione resultant.

tes, quos una cum novi expeditissimi Mesolabii Auctario Illustriss. atque Excellentiss. D. D. Glalia Grillo-Borromea Comitissa Clarissima & Doctissima in obsequii sui ac venerationis argumentum D. D. D. D. Guido Grandius Abbas S. Michaelis in Burgo Pisarum & in Pisana Academia Publ. Matheſeos Professor. Florentia 1728. Typis R. C. in 4.

D. GUIDONIS GRANDII Sac. Theologie Doct. Cremonensis Abbatis S. Michaelis in Burgo Pisarum, & in ejusdem Urbis Academia publ. Matheſeos Professoris Vindicie pro sua Epistola de Pandectis Florentia secundo edita cum notis &c. adversus inanes querelas, & oppugnationes Bernardi Tanucci I. V. D. Stienſis in eadem Academia Caesaris Juris Interpretis in ejus libello non ita pridem Luca impresso expositas. Pisis 1728. Typis Io. Dominici Carotti in 4.

DIOMEDIS BRAVA Patricii Tranensis Disquisitio Critica de interpolatione Gratiani. Bononia 1694. Apud Heredes Benaccii in 4.

I FIORI GEOMETRICI del P. Abate Grandi tradotti in Toscano aal Sig. Tommaso Narducci Patrizio Lucchese, coll' aggiunta d' alcune dimostrazioni dell' istesso Autore. Lucca 1729. presso Francesco Mareſcandoli a Pozzotorelli in 4.

NUOVA DISAMINA della Storia delle Pandette Pisane, e di chi prima le rammentasse; come ancora d' altre incidenti questioni collo scioglimento delle difficoltà opposte all' epistola de Pandectis, e alle Vindicie del Reverendissimo Padre Abate Guido Grandi, da Bernardo Tanucci Dottore da Stia. Opera di Bartolo Luccaberti divisa in quattro parti. In Faenza nella stampa dell' Archi 1730. in 4.

BREVE COMPENDIO della vita, morte, e miracoli di S. Pietro Orseolo Doge di Venezia,

zia, indi Monaco, ed Eremita Santissimo. In Venezia 1731. in 8.

RISPOSTA del P. D. Vitale Marzi da Faenza Monaco Camaldolse alle questioni vallombrosane del P. M. D. Fedele Sollani da Poppi Monaco Vallombrosano, al Reverendissimo P. D. Floriano Maria Amigoni Abate Generale dell'Ordine Camaldolse. In Faenza nella stampa dell'Archi 1732. in 4.

LETTERE APOLOGETICHE del P. D. Vitale Marzi da Faenza Monaco Camaldolse in difesa della sua risposta già data alle 22. Vallombrosane del P. M. D. Fedele Sollani Monaco Vallombrosano. In Faenza nella stampa dell'Archi 1733. in 4.

LETTERE del P. Abate Grandi al Sig. Tommaso Narducci Patrizio Lucchese circa la misura delle forze de' Corpi in moto. Exstat in libro Narducci, qui inscribitur della quantità del moto dell'acque, Lucca 1733. in 4.

DE FORMULIS Bon. Mem. Pie Mem., & similibus, ad Personas viventes aliquando applicatis, dissertatio. Exstat in vol. IX. Collect. Calogeriana Venet. 1733. Hac dissertatione probavit Grandius adversus Gianninum Bollandistam formulam illam Pie Memoriae, quam Tedaldus Episcopus Aetinus S. Remualdo tribuit, non certo indicare, tum sanctum illum mortem obiisse.

VITA del Glorioso Principe S. Pietro Orseolo Doge di Venezia, indi Monaco, ed Eremita SS. scritta da un Religioso Camaldolse, e consecrata al Serenissimo Carlo Ruzzini Doge di Venezia. Venezia 1733. per Giuseppe Bettinelli in 4.

LETTERA al Sig. Jacopo Bettazzi. Exstat in hujus opere, quod inscribitur: Epitome operis Paschalis. Flor. 1733.

OF-

1734.

DISCEPTATIO NEOPILEA in defensionem Decreti Capitularis Monachorum Camaldulensium circa mutationem coloris Pilei. Pisis au. 1735. ex Typographia Joannis Dominici Carotti in fogl.

SCRITTURA in risposta a' quesiti de' Signori Giudici della Controversia fra la Comunità di Sinalunga, e l'Illustrissima Religione di S. Stefano circa il rilasciamento d'alcune acque stagnanti. In Siena 1737. presso il Bonetti in fogl.

SECTIONUM CONICARUM Synopsis, ejus Auctor D. Guido Grandius Cremonensis &c. Napoli 1737. expensis Bernardini Gessari in 8.

EPISTOLA ad Angelum Mariam Quirinum, qua respondetur exceptioni, quam ipse Quirinus exposuit erga Euclideam demonstrationem lib. VII. Prop. XXI. Theo. XIX. Hanc Epistolam vulgavit Fortunatus a Brixia in libro, qui inscribitur: *Animadversiones in proposit. 21. lib. VII. Elem. Eucl. Brixia* 1738.

LETTERA al Sig. Senatore Pier Francesco Ricci sopra il beneficio d'una Specula Astronomica in una Università. Extat in vol. XX. Collect. Calcegerianæ. Venet. 1739.

EPISTOLA ad V. C. P. D. Virginium Valsecbium. De Origine agit Italicae linguae, & plura exhibet monumenta antiquitatis, quae probare videntur, quomodo illa ex Latina lingua hanc traxerit originem. Cum simile argumentum tractandum suscepisset Muratorius, & hac de re librum an. 1739. Mediolani edidisset, locum in eo dedit huic Grandii Epistolae.

ISTITUZIONI MECCANICHE. Trattato del P. Abate D. Guido Grandi ec. All'Illustrissimo, e Clarissimo Signor Senator Pier-Francesco

cesco Ricci Presidente dell' Illustrissima Sacra, e Militare Religione di S. Stefano, Auditore e Moderatore Vigilantissimo dello Studio Pisano. In Firenze nella Stamperia di S. A. R. 1739. in 8.

VITA S. Bononii Abbatis cum notis. Notæ ad Grandium pertinent, vita vero ad scriptorem quem floruisse seculo XI. ipse conjicit. Extat in volumine XX. Collect. Calogerianæ. Venet. 1740.

ELEMENTI GEOMETRICI piani, e solidi di Euclide posti brevemente in volgare dal P. Abate D. Guido Grandi Camaldolese, Professore di Matematica nell' Università di Pisa. In Firenze nella Stamperia di S. A. R. 1740. in 8.

ISTITUZIONI di Aritmetica pratica del P. Abate D. Guido Grandi Camaldolese ec. In Firenze nella Stamperia di S. A. R. 1740. in 8.

EPISTOLA GEOMETRICA ad P. D. Petrum Urseolum Ponte, Monachum Camaldulensem. Extat in vol. XXII. Collect. Calogerianæ.

ISTITUZIONI GEOMETRICHE del Reverendissimo P. Abate D. Guido Grandi ec. In Firenze nella Stamperia di S. A. R. 1741. in 8.

RAGGUAGLIO Istórico delle Badie Camaldolensi. Pisa in 12.

Scriptit Grandius ea, quæ extant in Vol. IV. *del Giornale de' Letterati d' Italia* de libro de *infinitis infinitorum ordinibus*; & quæ narrant controversias, quas cum Varignonio (Vol. VI.), & cum Marchetto (Vol. XV. & XVII.) idem habuit.

OPERA INEDITA.

In hoc contexendo Catalogo eum ipsum servabo ordinem, quem tenuit Ambrosius Soldanius, qui pro suo studio in Grandium, & in suam Camaldulensium Sodalitatem omnia, quæ habere po-

tuit, Grandii scripta collegit, & in XLIV volum. distribuit; quæ nunc ornant Pisanam Camaldulensium Bibliothecam.

Vol. I. *Diverse Scritture appartenenti alle Visite per l'Introduzione del Reno in Pò del 1716. 1719. 1720. 1721. e 1729.* Collegit Grandius accurateque descripsit non tam sua, quam scripta aliorum Mathematicorum, qui has res tractare debuerunt.

Vol. II. Eadem ferme, si argumentum spectes, in hoc volumine continentur quæ in superiori. Hæc omnia perfectam historiam suppeditant earum rerum, quæ tractatæ, & perfectæ sunt totis ferme sexdecim annis, quibus de ejusmodi controversiis consultus est Grandius. Extrema in parte Voluminis extant ejusdem Grandii Italicæ Institutiones Algebræ.

Vol. III. *Scritture, e Memorie sopra il bonificamento della Campagna Pisana.*

..... *sopra la Campagna di Grosseto.*

..... *sopra la Controversia tra i Sigg. Bonvisi, e Orsetti, e i Sigg. Guinigi.*

..... *sopra i danni tagionati dalle rotte del fiume Evola.*

..... *per le differenze vertenti fra le Comunità di Barga soggetta al Granduca di Toscana, e quella di Galliciano, e Fiaatone suddite della Repubblica di Lucca.* Diarium fecit Grandius earum rerum, quas gessit, & scripsit in hac controversia, de qua consultus etiam fuit Eustachius Manfredius. Varia ad Historiam Liburni pertinentia.

Vol. IV. Plura habet Volumen istud pertinentia ad flumen Era, quibus causam dedere controversiæ inter nobiles Familias Nicoliniam & Riccardiam. Scripta quædam Grandii hac de re semel iterumque, & tertio typis impressa fuere.

Relazione, e Vista sopra il Ponte del Fosso della Vicinaja.

... del-

..... della Gusciana, e del Territorio del Valdarno di sotto. Extant in hoc Volumine minora nonnulla, veluti: *Risposta al Quesito se il num. 3. possa dirsi tal parte di 5. qual è l' 8. di 13. ovvero di 14.: Parere in causa vertente tra la Religione di S. Stefano e 'l Monte di Pietà.*

Vol. V. Totum hoc Volumen contextitur ex iis rebus, quæ pertinent alla restituzione del fiume Pescia di Pescia nel suo letto antico; ai Lavori proposti nel Lago di Fucecchio; alla restituzione della Nievole nell' antico suo letto; de quibus rebus scripta a se quædam in vulgus edidit Grandius.

Vol. VI. Scritture, Memorie, e Lettere, e Visite per lo scolo dell' Acque stagnanti di Sinalunga. Extrema in parte hujus Voluminis extant, quæ Eustachius quoque Manfredius hac super re scripsit.

Vol. VII. Scritture circa il rimedio dovuto alla Corrosione della destra sponda dell' Arno dirimpetto a Barba Regina.

Lezione detta nell' Accademia della Crusca delle resistenze de' fluidi.

..... nell' Accademia Fiorentina, in cui si confuta la dottrina di Famiano Michelini, che il fluido ristretto in un vaso non graviti nelle parti laterali.

..... della cagione, perchè i corpi si riflettano urtando in qualche ostacolo.

Epistola altera Iosepho Averanio de Pandectis.

Riflessioni sopra gli Scritti d' Architettura di Bartolommeo Vanni.

De rationibus tum majoris, tum minoris inequalitatis, tum etiam equalitatis, dummodo inter finitarum magnitudinum terminos versentur.

De Cometa, qui apparuit anno 1723.

Marii de Cæniga Demonstratio discriminis inter fumosum paradoxum Magni Galilei de puncto equali circumferentia, & Corollarium Guidonis Grandi de eadem linea infinities posita, & infinities sultracta equivalente dimidio sui. Eadem Demonstratio in italicum sermonem translata, & aucta extat in Volumine XXXV.

Lettera sopra un'Eclisse Lunare del dì 13. Febbrajo 1729.

Vol. VIII. Dialogo secondo, terzo, e quarto con alcune lettere circa la controversia col Dottor Alessandro Marchetti.

Vol. IX. Præter ea, quæ edita sunt in ea quam habuit Grandius controversia cum Iordano & Tambuccio, continet volumen istud plures epistolas, quæ ad hanc ipsam controversiam pertinent.

Vol. X. Institutiones Physico-mechanica. Eadem Italica lingua conscripta. Non omnia quæ continentur in his manuscriptis Institutionibus locum habuere in libro, quem hac de re edidit Grandius. Et perfectius quidem opus esset, si plurima in eo omissa ex his institutionibus sumerentur ad illud ipsum augendum, atque ornandum.

Vol. XI. Haud commemoranda esse videntur Volumen istud, & quod sequitur,

Vol. XII. In quibus de Sectionibus Conicis agitur (has enim Grandius in lucem edidit) nisi multæ extarent in iis Epistolæ, & alia geometrica plura, quæ minime sunt edita, & quæ ad idem opus pertinent.

Vol. XIII. Praelectiones variae de Metheoris, aliae de Hydrostatica, & aliae demum de Operibus Archimedis, ejusque inventis.

Vol. XIV. Tractatus varii de rebus physicis.

Relazione sopra il nuovo letto preparato all'Ombone per deviarlo dalla sregolata sua, e dan-

nosa curvatura. Extant in fine plura ad Analysim pertinentia.

Vol. XV. *Prælectiones de rebus Physicis*.

Vol. XVI. Nil aliud continet, nisi figuras magna ex parte coloratas, quibus aut usus est, aut uti meditabatur Grandius, in rebus Geometricis præsertim tractandis.

Vol. XVII. *Statuta & Leges Academiae Pisanae, vulgo de' Rozzi*.

Quædam de recta Paschæ Indictione.

Dissertatio de B. Virginis Mariæ in Cælum Assumptione.

De Libris Sancto Dyonisio Arcop. attributis.

Commentaria in Vitam S. Romualdi a Petro Damiano conscriptam.

Vol. XVIII. XIX. XX. XXI. XXII. Omnia his Voluminibus contenta pertinent ad Historiam Familiæ Camaldulensium, ex iisque nonnulla sunt edita, ut *Dissertationes Camaldulenses*. *Disceptatio Neopileæ &c.*

Vol. XXIII. *Vita e Culto di S. Pietro Orseolo con altre Vite, e Memorie di Santi Camaldolesi*.

Vol. XXIV. *Scritture e Voti in varie Cause, e Trattati Teologici*.

Vol. XXV. XXVI. XXVII. XXVIII. XXIX. XXX. XXXI. Inscrībuntur hæc Volumina: *Exercitationes Geometricæ*. Non multa in iis Voluminibus sunt quæ singulatim commemoranda esse videantur: pleraque horum scripsit Grandius causa aut memoriæ iuvandæ, aut præparandæ materiæ ad Mathematica Opera conficienda. Extant etiam in his Voluminibus Epistolæ quædam ad Thomam Cevam, Laurentium Lorenzinium, & alios.

Vol. XXXII. *Institutiones Conicæ, Geometricæ, & Arithmetica*. Pauca hic habes, quæ non ediderit Grandius.

Vol.

Vol. XXXIII. *Algebra, five Analytica Elementa.*

Vol. XXXIV. *Riflessioni sopra il Discorso del Sig. Marchetti ultimamente pubblicato contro la Risposta Apologetica del P. Maestro Grandi.*

Terza parte della Risposta Apologetica del Padre Grandi alle opposizioni contenute nel Discorso pubblicato ultimamente dal Sig. Alessandro Marchetti. Extant in extrema parte Voluminis *Institutiones Physicae* inchoatae, sed non perfectae.

Vol. XXXV. *Præter edita scripta de Pandectis, aliisque rebus extant in hoc Volumine, quæ commemoranda videntur: Esperienza intorno al Calor della Luna, e Notizie dello Specchio Ustorio, che conservasi nella Galleria di Firenze.*

Vol. XXXVI. *Præter Colloquia adversus Laderchium jam edita, extat in hoc Volumine Colloquium quintum, quod inscribitur Manubrium Scuticæ.*

Vol. XXXVII. *Nobilissima Paterna ac Materne stirpis S. Romualdi Abbatis Disquisitio genealogica.* Continentur etiam in hoc Volumine: *Vita aliorum Sanctorum Camaldulensium.*

Vol. XXXVIII. *Miscellanea, sed non magni momenti, partim historica, partim mathematica.*

Vol. XXXIX. *Carmina, & Miscellanea.*

Vol. XL. *Dialogus inter Coccejum & Giasum de Quinti Lectani satyris.*

Vol. XLI. *Martyrologium Camaldulense.* Pars I. & II.

Vol. XLII. *Experimenta Physico-Mechanica excerpta ex libro Hauksbee.*

Vol. XLIII. *Historia Academiae Certantium.*

Vol. XLIV. *Della Musica piano teorica, e pratica.* Pertinet ad idem argumentum parvum aliud volumen.

Voluminibus sexdecim continentur *Epistola*
Clarorum Virorum ad Grandium, tribus vero
continentur ejusdem Grandii *Epistolæ*, quæ repe-
riri potuerunt. Multa quidem sunt, his omnibus
in Voluminibus publica luce digna, & ea præser-
tim, quæ inter Leibnitium, Lorenzinium, Manfre-
dios fratres, Hermannum, Narduccium, Canne-
tum, Cevam, & Grandium ipsum tractata sunt.

Optica. Extat apud Thomam Perellium.

Sunt qui narrant, Grandium convertisse e Si-
culo in Etruscum sermonem Poema quoddam
Philippi Parutæ, quod inscribitur *la Gelosia*, il-
ludque extare Ravennæ in Bibliotheca Camaldu-
lensium. Diligentissime conquistum minime re-
periri potuit; quare sit narrationi fides, Quæ
gesserit Grandius, ut haberemus copiosam epi-
stolarum Ambrosii Traversarii collectionem, &
quæ scripserit ad illius vitam explicandam sciri
possunt ex Præfatione Laurentii Mehus, qua
Florentinam earumdem epistolarum editionem or-
navit. Admonendi sunt Lectores, ne minima
quæque nos notasse putent in contexendo catalo-
go Grandii operum, quæ adhuc hominum luce
carent. Dabunt iidem Lectores veniam, ut hoc
loco exscribam tres inscriptiones, quarum una
extat Ravennæ in vestibulo Bibliothecæ Camal-
dulensium, altera Pisis in aditu Cœnobii eorum-
dem Camaldulensium, tertia demum in prædiolo,
quod belle Grandius ipse ædificavit in Colle
Lugani.

I.

D. O. M.

Guidoni Abb. Grandio Cremonensi in Pisano Lyceo Philosopho & Mathematico Geometria Principibus facile comparando aquis Tuscia dirigendis Praefecto Reg. Societatis Londinensis Socio omnigenae eruditionis cultori & scriptori Pontificibus Maximis Magnis Ducibus Etruria Litterariae Reipublicae probatissimo Abbates & Monachi Classenses ut optimus huius Cœnobii alumnus qui sapientia & religioni vixit posterorum memoria vivat & exemplo Ann. MDCCXLVII. P.C.


I I.

Guidoni Grandio Ordinis Camaldulensis omnium fere disciplinarum cultori præstantissimo Mathematicarum vero in Pisana Academia Professori longe celeberrimo huius Monasterii quod vetustate obseletum & male materiaturum honorifice & eleganter restauravit ac pene a fundamentis erexit Abbati vigilantissimo Monachi veluti parenti optimo in grati animi testimonium obsequentissimi posuerunt Nonis Maii MDCCXXIX.

I I I.

Reverendissimus D. Grandius Abbas Visitator Camaldulensis Mathem. Discipline in Pisana Academia Prof. amplissimus postquam Pisis ingenti sumptu Monasterii S. Michaelis ab ipso reformati decori & ornamento prospexit de Monachorum salute cogitans villam hanc salubri sub Cælo a fundamentis erexit cuius beneficii & liberalitatis eiusdem Monast. familia memor perenne hoc in grati animi significationem M.P.A.G. MDCCXL.

F I N I S.



MAG 2005570

ERRATA

CORRIGE

- p. 30. l. 14. bene se bene
 34. 7. ipsum supra supra ipsum
 54. 5. Antonio Antonino
 59. 22. Antonius Antoninus
 75. 11. quanti eorum quanti eorum quisque
 83. 4. CIOICLXXIX. CIOICXXXIX.
 88. 4. CIOICVI. CIOICCCVI.
 ibi 5. Angelo Michaeli Angelo, sic p. 114.
 93. 14. Bacconis Bocconii, & sic p. 114.
 95. 11. Pessulum Pessulanum, & sic p. 118.
 ibi 16. Bacchinii Bauhinii
 119. 10. pleuropneumonia peripneumoniam
 216. 24. ad orizontem ad horizontem fuisse;
 fuisse versa
 295. 1. idque deme
 297. in fin. MDCCLXII. MDCCLXXII.
 300. 18. infinitas parvitate infinite parvas quantitates
 322. 4. diamatis diadematis
 364. 13. difficilium aerem non difficilium modo, sed & largius emittant aerem
 emittere videamus
 ibi l. ult. Ramurii Reaumurii
 370. 7. certo quodam certum quoddam in vas
 in vase
 402. 17. tyronicii tyrocinii
 442. 14. puncta adde ordinatæ
 444. 2. æque adde inter se
 445. 11. 12. Borellio Borellium affirmantem
 affirmanti
 484. 10. suppeditaverant suppeditaverat
 491. 1. constisse constitisse
 507. 6. 11. plenilunium xiv. lunam paschalem
 Paschale
 523. 16. *Locus hic dandus est duobus librorum titulis, quorum alter est Del movimento dell' acque ec. alter Nuovi lemmi ec. qui typographi negligentia in sequentem paginam translati sunt. Cetera minora errata ipse per se Lector deprehendet & corriget.*





